

**ARISTOTELIS**  
**LIBER**  
**CATEGORIARUM,**  
**DE...**

---

Nicolò Cologno, Aristoteles





Ex Bibliotheca  
majori Coll. Rom.  
Societ. Jesu

49! 6.13.

~~49~~  
~~6~~  
~~13~~

14  
4  
E  
10

61















# ARISTOTELIS LIBER

Categoriarum, de Interpretatione,  
& prima pars primi lib. Priorum  
Analyticorum de conformandis  
Syllogismis,

*Versa in Latinum, & Scholijs illustrata per*  
NICOLAVM COLONIVM

Ad Adolescentes nouitios introducendos ad  
vniuersam doctrinam Analyticam, quæ qua-  
tuor libris Prioribus, & Posterioribus Ana-  
lyticis continetur.

*His adiunctus est Commentariolus de Methodo, &  
ratione docendi Aristotelis,*

*Utilissimus ad Arist. Scripta recte intelligenda.*



*Cum auctoritate Superiorum.*

BERGOMI, Typis Comini Venturæ.

cl b c I.



## Approbationes .

**Librum hunc pro mandato mihi munere ad noui Indicis Regulas examinaui . nihil habet , quia tuto pzelo commissus emitti in lucem possit.**

**Io. Baptista Tertius Canonicus Theologus.**

**Idem asserit Presb. Martinus Thominus Sacrae Theologiae Doct.**

**Io. Baptista Ep̃s Bergomi }  
Fr. Pius Lug. Inquisitor } Imprimatur.**



AMPLISSIMO VIRO  
AVGVSTINO  
VALERIO  
CARDINALI

ET EPISCOPO VERONÆ

Patrono optimo & doctissimo.



Vm. nonnulli per-  
necessarij mei acri-  
ter me vrgerent, vt  
nollē diutiùs apud  
me clausos tenere,  
sed paterer tandem exire, quos iam  
pri-

pridē lucubraui in Aristotelis scri-  
pta cōmentarios (nam quæ potest  
esse ingenij gloriola ex ijs labori-  
bus, eam haud tanti facio, vt non  
facile passurus fuerim eam totam  
interire) ne viderer amicos contem-  
nere, hoc Opusculum delegi, quod  
ad te mitterem iudicium exquirēs  
tuum, an eo perlecto existimes o-  
pinionem hanc meam de Metho-  
do & recta docendi ratione Aristo-  
telica veram esse, & necessariam  
ad doctrinam Aristotelis recte in-  
telligendam. mihi placeret si ad  
id iudicandum adhiberes etiā eos,  
qui istic docent ex doctissima, &  
sanctissima Societate Iesu, quam  
& tu magnificis, & ego admiror,  
nam si vestra tantorum virorum  
approbatione hæc sententia in lu-  
cem exeat, quam ego post multo-  
rum



rum annorum labores amplexus  
sum adductus, ut mihi videor,  
veris & euidentibus rationibus,  
lætabor meo me non fletisse iudi-  
cio, sed vestra comprobatione il-  
lorum utilitati consuluisse, qui scri-  
ptis Aristotelis delectantur.

Bergomo Idibus Iunij M D C I.

Amplitudini Tuæ

Seruus addictissimus

Nicolaus Colonius.

## Ad Lectorem.

**E**Xistimauimus Tyroni in ingressu ad doctrinam orationis syllogistica, quam tractauit Aristoteles, sicut tradita sunt Geometria, & Arithmetica, in abstracto uidelicet, nam considerat Geometria in corpore trinam tantum dimensionem animo perceptam sine ulla materia, satis esse si percipiat hunc tractandi modum, & rationem docendi: quæ ratio exposita oculis ipsis non tamen est animaduersa ab interpretibus. hac autem ratione tradidit Aristoteles scientias omnes de oratione, & de rebus, sicut ostendimus in Commentariolo de *Methodo*, & ratione docendi Aristotelica, quem edendum curauimus cum hac prima Tyronum exercitatione: qua instructi, robustiores reuertantur ad excutiendam diligentius cum Commentarijs nostris maioribus, & aliorum, si libuerit, libros omnes *Analyticos*. incredibile est hac docendi ratio recte percepta, quantum valeat ad intelligenda, & diiudicanda scripta omnia. vide & considera. non te pænitebit, ut arbitror, laboris.

# R. D. CHRISTOPHORI

Romanelli Bergomatis.

Δεῦθ' ἑλκωνιάδες Μοῦσαι δις ἀλγὰ Τίνα,  
Ἀγνὸν θεσπέσιον λείπετε ρυθρον ὄρου:  
Φοίβου ἀέθεντος κισσῶν τοῦ Νικίλευ μὲν ἀρίστον  
Τ' ἔμνετ' ἀθανάτῃ θέσπελον αἶνον ὦσι.  
Αὐτὲς γὰρ φιλέων μερὸ πᾶν βιοτρεμμονα φύλα  
Ἀξίον ἔρανίου γράφετο δέλτον ἔδους.  
Τῶν Ἀτιμισμῶν, τῶντε λόγων ἀσαφῶν μὲν ἀπηύρα  
Πᾶν τὸ σκότος Βίβλοις λαμπροτέροισι φάους.

Hæc eadem sic Latinitate donabat

IO. BAPTISTA ZONCA

Ciuis Bergomas.

Huc Eliconiades Musa, Iouis inclita proles,  
Diuini montis linquite sacra iuga:  
Et fidibus laudes Phæbo modulante canoris  
Aeternas tanti concelebrate Viri,  
Terrigenarum hominū voluit qui pulsus amore  
Diuina hunc dignum scribere laude librum.  
Hic penit' tenebras pbrasis obscure absiulit, atq;  
Omnia verba magis lucida Sole facit.

R. D. Christophori Romanelli

Carmen hendecasyll.

Quamuis dissimili stylo videtur  
His, quæ manibus virum teruntur,  
Quod COLONIVS hic opusculorum  
In linguam bene transfudit latinam:

Non tamen dubium, hocce quin volumen  
Omnibus cupientibus libellos  
Magni Aristotelis bene atq; ad unguem  
Apte intelligere accadat incundum,  
Et gratum magis, atque fructuosum,  
Quàm ante hac talia quotquot exierunt.  
Longi vis studi, & improbi laboris  
Huius Nonagenarij, additoq;  
Præsertim ingenio pereleganti  
Sic amplam patefecit hanc fenestram, ut  
Quæcunque abdita seculis & abinde  
Iam tot præteritis prius latebant,  
Cuncta hac nunc liceat videre aperte,  
Nempe sensa patris scientiarum.  
Quid miraris, amice Lector, istum  
Acri iudicio senem, & solerti  
Tam procul potuisse peruidere?  
Forsan me hac cecinisse tanti alumnus  
Doctores veneratione motum?  
Annos ecce Columbus ante paucos  
Audax nonne nouum retexit orbem,  
Quà ante ausit mare nec secare quisq;  
At cui non placet hic apertus orbis?  
Ergo haud ambigo, quin sit hoc volumen  
Pergratum, magis atque fructuosum,  
Quàm ante hac talia quotquot exierunt.

# INDEX RERVM NOTABILIVM.



- Abstractū. pag. 5  
 Accidens vox æquiuoca. 3  
 Accidens nulum dicitur proprie de substantia prædicari, sed in ipsa dicitur inhærere. 14  
 Actus prior potentia. 169. 170  
 Actus cum adiuncta potentia. 169. 170  
 Actus in quo potentia antecessit actum tempore est naturalis prior potentia. 169. 170  
 Affirmatio & negatio oppositæ quo differant ab alijs antithesibus. 75  
 Affectio. 39. 40. 56. 174  
 Affirmationis definitio. 134.  
 110  
 Affirmatio respondet compositioni. 99  
 Affirmationum & negationū varietas sylvarum multiplex. 135  
 Affirmationum. & negationū tertia & vltima Classis. 140  
 Affirmationes, & negationes se mutuo consequentes, & ipsarum cōditiones. 139. 142  
 Antiparastasis. 37  
 Antiphasis conditiones. 111. 119  
 120. 121.  
 Antiphasis pugnans contradic-  
 torie est omnium princeps 116. 117  
 Antiphasis vt sit vera. 134  
 antiphasis, quæ enuntiat rem contingentem de subiecto singulari in tempore futuro. 123. & 133  
 analyticæ doctrinæ utilitas. 181  
 ἀνάλωσις, quid significet. 181  
 antiphasis vera & propria doctrinæ vtuntur. 134  
 analyticorum inscriptio. 181.  
 & 182  
 asperum) (læue. 64  
 antithesis quatuor generibus distincta, genus late patens sicut Categoriz. 73. 74  
 antithesis maxima Affirmatio & negatio. 75  
 ἀπλως, idest simpliciter apud Aristotelem quomodo vsurpetur. 100  
 aulū Gellium non recte vertisse definitionem syllogismi. 191. 192  
 axioma. 21. 258. 260  
 Equiuocum & æquiuocatio. 3  
 Bonum tam late patet quam ipsum Ens. 87  
 Casus & fortunæ causæ naturales. 125. 131. 124  
 Categoriarum liber dirigitur ad

# INDEX

ad orationem enūtiatiuam libri seq.	21.73	uerſalis, & Affirmatiuæ uniuerſalis, & particularis in prædicato, quod ineſt, & nõ ineſt neceſſario.	195
Categoriæ apud ciceronẽ quid ſignificet.	2	Demonſtratio ab indeterminata vi propoſitionis.	224
Categoriæ decem ſumma genera.	2.10.94	Demonſtratio omnis fit vel recta via, vel obliqua.	239
Cauſa rei propria conuertitur cum ipſa re.	210.216	Dici de omni, & de nullo. ibi.	5
Categoriæ ſyllogiſmi.	251	Differentiæ gñis diuiſi prædicantur vniuoce de omnibus inferioribus a ſuo quæque latere.	8.9
Concretum.	5	Differentia non eſt in ſubiecto	pag.
Cogitata, & res, quæ nominibus, & verbis ſignificantur, ſunt apud omnes homines eadem.	97	Dici & non dici de ſubiecto.	6
Contingit verbum poſitum ad ſignificandum tertium rerum genus pertinens ad poteſtatem futuri euentus incerti.	193.195	Dialectica interrogatio.	147
Contingens duplex.	131	Dialectica doctrina.	ibid.
Circuli quadratum.	49	Diſiunctio eſt contrarijs apud	113
Contraria quæ plurimum inter ſe diſtant in eodem genere.	38.174	Diuiſio altera Quanti declarata.	33
Contraria mediata, & immediata.	75.76.77.81	Doctrina de his, quæ ſunt, & referuntur ad aliquid.	40
Conuerſio propoſitionum tertij generis rerum.	200.201	Durum)(Molle,	59
Conuerſio propoſitionis ſyllogiſticæ in triplici rerum genere.	193. cum plur. ſeq.	Enunciatio verbum. i. ſcire de ſcientia parta per demonſtrationem.	281
Corpus mathematicum.	30	Enunciatio. i. contingere, accipitur tribus modis.	199
Corpus phyſicum.	30	Ens homonymum, ideſt vox æquiua.	3
Definitio.	3.109	Eſſe in ſubiecto, & non eſſe.	6
Denominatiua.	4	Enſiſis.	26
Demonſtratio genus ſubiectũ ſcientiæ demonſtratiuæ, & Analyticæ doctrinæ.	181	Eſt, uſus huius verbi nulla habitatio ratione temporis.	108
Demonſtratua ſcientia libris quatuor Analyticis continetur.	182	Eſt tertium adiacens prædicationi.	136
Demonſtratio Negatiuæ uniuerſalis, & Affirmatiuæ uniuerſalis, & particularis in prædicato, quod ineſt, & nõ ineſt neceſſario.	195	Enunciatiua oratio diuiſa in Affirmationem, & negationem, tractatur in libro de Interpretatione.	2.98.108

Enun-

## INDEX

Enūtiatio simplex genus sub- iectum libri de interpreta- tione. 98. 109. 181	& seq.
Enuntiationis simplicis pro- prium ut sit vera aut falsa. 99. 107	Genera sunt prædicata essen- tialia specterū ipsi subie- ctorum. 8
Enuntiationis est duplex. 108.	Generis nomen Arist. usur- pat sæpe pro definitione. pag. 13
109. 110	Gnā, & spēs substantiarum primarum sunt opus men- tis, & mente percipiuntur sicut primæ substantiæ p- cipiuntur sensu. 23
Enuntiationis simplicis par- tes Affir. & Neg. 110	Genus subiectum institutæ methodi indicare oportet re ab Auctore. 74. 95
Enuntiationis compositæ syllo- gismus. 111. 181. 182	Genus subiectum diligendū optimo iudicio. 267
Entia quæ sunt in subiecto, idest accidentia. 5. 6	Genera subalterna. 8
Entium diuisio. 5	Genus subiectū in principiis præcognoscendis obtinet primum locum. 261
Enuntiationum species ex subiectorum varietate quæ sint & quot sint. 115. 116	Gnomo in mathematicis di- sciplinis quid signet. 91
Enuntiationes quas vocant modales. 158	Habitus. 56
Enuntiationis compositæ & Demonstrationis nexus du- plex. 182	Homonymorum definitio. 31
Enthymematis vis & exposi- tio. 251	Homo sensibus & mente per- cipit rerum cognitionem. pag. 2
Ethicorum librorum scopus. 269	Homonyma, vis huius uoca- buli explicata. 3
Ethica hac voce quid signifi- cetur. 272	Homonymiam a doctrinis & philosophia amotam esse oportere. 3. 94
Exemplum quo ordine con- stat. 248	Homonymia ab enūtiatione aberit, si in Antiphrasi subie- ctum & prædicatū vnum significent, non multa ex qui
Exemplum, idest habere vox ho- monyma & æquivoca. 93.	
Exemplum, quæstio de fato vetus, & difficillima. 123	
Fati necessitate ponentes ab-	

# I N D E X

quibus non conficiatur v.	Magnum	(paruum in Cate-	
num.	3	goria ad aliquid.	36
Hypothesis 258.	3.5.226.2	Metra poetarum carmina.	30
Hypothetici syllogismi & hy-		Methodus & recta ratio docē	
potheticę orationes.	227.	di vna tantum.	184
251		Methodi construēdę corpus	
Idea & vniuersale Platoni-		vnum pulcherrimū.	267.
cum.	15.16	281	
Ilias homeri vna oratio.	267	Modales enuntiationes.	155
Individuum vna res numero		Molle) (durum.	59
cadens sub sensum.	6	Motus species sex apud vete-	
Illatio a coniunctis prædica-		res ostenduntur esse octo.	
tis ad diuisa quando vera	91.92.		
quando falsa.	152.153	Multum) (paucum in Cate-	
Inductionis ordo syllogisti-		goria ad Aliquid.	36
cus & vis.	147	Multipliciter dici quid signi-	
Interpretum falsa & ridicula		ficet.	42
interpretatio & turpis ne-		Natura cōposita genus subie-	
gligentia.	14	ctum scientię, de Natura.	
Interpretatio est libri inscri-		281.284	
ptio a nomine Mercurij		Negationis definitio.	110
gręco.	98	Negatio disiunctioni respon-	
Infani.	62.63	det.	99
Iracundi.	62.63	Negatiua particularis nō con-	
Interuallum.	16	uertitur necessario.	194
Interpretatio & expositio lo-		Nexus syllogisticus primę fi-	
ci perdifficilis in primo E-		gurę talis est vt ferē sensu	
thicorum quę valde illu-		percipiatur.	209
strat disputationē de Me-		Notiata animi cogitata.	99
thodo.	264	Nominis definitio.	100.101.
Locus ad Quantum pertinet.	102		
30.33		Nomina & verba sunt cogi-	
Locus a nullo interprete in-		tationum animi notę.	97
tellectus.	14	Non homo non est nomen,	
Locus perdifficilis in primo		sed sit nomen infinitum.	
Ethicorum expōitus, qui	101.102.103		
valde illustrat disputatio-		Nominis casus, idest obli-	
nem de Methodo.	264	qui.	103
		Nu.	



# I N D E X

Numeri apud Pythagoreos.	rix.	21
221	Prædicari de subiecto.	6.7
Numerus in carmine & etiã	Prædicari vniuocæ.	13
apud oratores bonos.	50 Prædicata essentialia.	8
Numerus non percipitur sen	Prædicari de omni & nullo.	
fu.	33 184.191	
Numerat homo solus.	33 prædicatio synonyma & vni-	
Omnis quam vim habeat in	uoca a substantia & diffe-	
enuntiatione.	114.139 rentia.	20
Octo libri de principijs rerũ	prædicata quę insunt necessa-	
naturalium.	283.284 rio & non necessario.	77
Opinio quid sit.	55 <i>αἰνῶντα</i> animi cogitata.	99
Oppositorum genera qua-	pedes in carmine.	30
tuor.	73 possibile vox homonyma &	
Opposita relative quod diffe-	æquiuoca.	169.170
rant ab alijs.	73 potentia tantum & quæ nũn-	
Oppositio contrarie.	73 75 quam actu erit.	169.170
Oppositorum genus tertium	particularis negatiua quod	
77.78	conuertatur & non cõuer-	
Oppositorum genus quartũ.	tatur id accidit ex vi mate-	
84.85.86	rię vel necessarię vel con-	
Opponi contrarie.	115 tingentis.	204
Oppositio omnium maxi-	politice facultatis methodus	
nia.	85 libris Ethicis, & politicis	
Ordo syllogisticus.	184 continetur.	268.29
Oppositio ex singulari subie-	politicorum librorũ scopus.	
cto.	118 269	
Oppositionum quinque mo-	politica, hac voce quid signi-	
di.	116.117.118 ficetur.	23
Orationis definitio.	106 præcognitiones anteceden-	
Oratio & opinio quomodo	tes doctrinam tradendam.	
dici possunt suscipere con-	pag.	3
traria.	25.26 præcognoscendorum collo-	
Ordo subalternus.	8.9 catio & ordo.	268
Potentia ad vtraque opposi-	priuatio)(Habitus.	78
ta.	157 prius quot modis dicatur.	
Prædicatum.	21 87.88	
Prædicamenta gręce Catego	<i>πῆντα</i> subiectum.	112
	Priores	

# I N D E X

Priores, & posteriores libri	quibus nihil est contrariū,
Analytici. 182	fufcipit magis & minus.
Prima doctrina libri primi	pag. 36
Priorum Analyticorum	Quantitati nihil esse contra-
Γένεσις τῶν συλλογισμῶν vii. com	rium. 36
positio fyllogismorum .	Quanti diuifio duplex, vna
pag. 208	vetus, Aristotelis altera. 28
Problemata omnia demon-	Quantum, accidens primum
strari in prima figura. 213	quod oculis obijcit substā-
Proemij posteriorum analy-	tiam. 28
ticorum interpretatio, &	Quanti discreti partes, & de-
expositio. 255	finitio. 30
Proemij librorum de Natu-	Quanti altera diuifio Arist.
ra, interpretatio, & exposi-	declarata. 32. 293.
tio. 273	Quanta proprie sunt, quæ nu-
Propositio, q̄ græce ἀπόφασις,	merantur in diuisionibus
idest protensio. 185	quantitatis. 34
Propositionis definitio. 187	Referri, & esse ad aliquid.
Propositio vniuersalis parti-	pag. 40.
cularis indeterminata 130	Rarum) (densum. 64. 65
183.	Rerum genera tria. 2. 131.
Propositio demonstratiua &	193. & seq.
dialectica. 188	Rithmi, & numeri in carmi-
Propositio fyllogistica diuifa	ne. 30
in demonstratiuam & dia-	Rectum) (curuum. 64. 65
lecticam. 188. 190	Simul esse natura, quæ dicun-
Potentia rationalis, & irratio-	tur. 74. 89
nalis. 168	Singulare. 113. 115
Propositio nulla apposita cer-	Solidum. 33
ti temporis nota. 100	species vltima primum ab-
Qualitas. 57	stractum ab indiuiduis &
Qualitatis genus secundum	ob id notioribus. 18
& tertium. 59	sophistarum fallaciæ, & nu-
Qualitas passiuæ, & perpef-	gationes tolluntur. 152
sio. 60. 61	153.
Qualitatis maxime propriū. subiectum.	2
pag. 69	substantia maxime proprie,
Quantitas, & nihil eorum,	& prima. 11
	sub

# I N D E X

substantia indiuidua est ve- rum subiectum omnium. pag. 131	quatuor, & perfecti. pag. 218
substantię secundę sunt ue- ra prædicata rerum ipsiſ subiectarum. 12.13	sylogiſmū non poſſe confici ſine vniuerſali. 211.216 243.
ſubſtantię primę ſubiſciun- tur omnibus vel ad præ- dicandum, vel ad inhæren- dum. 15. & ſeq.	ſylogiſmi ſecundę figurę quatuor, & imperfecti, & quomodo ſiant perfecti. 217.227.243.
ſubſtantię primę ſi nō ſint, aliorum nihil prorsus ſue- rit. 13.15	ſylogiſmi tertię figurę ſex, & imperfecti, in qua nihil concluditur vniuerſale. pag. 228.236.243
ſubſtantię ſecundę cur me- ritō dicantur ſubſtantię. pag. 17.23	ſylogiſmi concludentes indi- rectē quinque. 237
ſubſtantia non eſt in ſubie- cto. 19.21	ſylogiſmus non fit ſine vni- uerſali & affirmatiua. 237
ſubſtantię nihil eſt contra- rium. 23	ſylogiſmi omnes poſſunt tra- duci ad vniuerſales primę figurę. 240
ſubſtantia non admittit, vt dicatur magis & minus. pag. 24	ſylogiſmi duo vniuerſales primę figurę omnibus vi, & dignitate antecellunt.. pag. 241
ſubſtantię maxime propriū. pag. 25	ſylogiſmus deducens ad im- poſſibile. 244.251
ſubſtantię primę intelligibi- les ſunt actus potentię ex pertes. 169. & ſeq.	ſylogiſmi categorici. 251
ſylogiſmus ſubiectum Ana- lyticorum priorum. 185	ſynonyma, viſ huius uocis. 4
& 205.	Topica doctrina dialectica- lyticorum priorum. 185 pag. 147
ſylogiſmus demonſtratiuus & dialecticus. 179	Tempus numeratum cum numero, & oratione, & eius rei cauſa. 33
ſylogiſmi definitio. 190	Temporis definitio. 33
& ſeq.	Terminus. 30.185.188.189
ſylogiſmus perfectus & im- perfectus. 191	ſiue definire. 98
ſylogiſmi primę figurę ſunt	ſiue definitiones. 98
	ſiue diuiſa in hypotheſin, &

# I N D E X

& <i>ἵστις</i> idest definitionem. pag. 1.258.260 Theses idest collocationes. 40 Verum & falsum in Affirma- tione vel Negatione.9.107 Verum & falsum in his, quæ componit aut disiungit ani- mus. 97 Verbi definitio. 104.105 Verbi casus, tempora quæ ca- dunt & inflectuntur a præ- senti. 104	Virtus quid sit. 56 Virtus, ab hoc nomine nullū est nomē deductum apud græcos nec apud Latinos. pag. 66 Vniuersalia. 15 Vnum numero specie gene- re. 23 Vniuersale. 113.115 Vniuersæ inesse. 114 Vnum vinculo & nexu. 267 <i>ὑποκείμενον</i> , idest prædicatum. pag. 112
--	---

# F I N I S



# ARISTOTELIS CATEGORIAE

PRINCIPIA PRÆCOGNOSCENDA

Ex quibus doctrina tradenda demonstratur.

*THESES IDEST DEFINITIONES*

*Indicantes quid Nomen significet sicut in  
disciplinis Mathematicis.*



Omonyma dicuntur,  
quæ nomine tantū cō-  
muni appellantur, sed  
per illud nomē eorum  
essentia, & natura di-  
uersa est. Sic homo, &  
figura picti animalis ap-  
pellantur animal. hoc

enim tantum nomine inter se conueniunt; sed  
allata per animal eorum definitio naturam  
eorum diuersam ostendit. nam si quis explicet,  
quid sit in utroque ipsorum essentia, ut ita di-  
cam, animalitatis, propriam in utroque essen-  
tiam animalitatis definiendo tradet.

A

SCHO.

Arist. Categ.  
**SCHOLIVM.**

**Aristotelis Categoriz.**

*Hac inscriptione significat Aristoteles id, quod tractandum suscepit. Cum autem hac tractatio, & hic liber Categoriarum, ut ipsemet indicat Aristoteles, dirigatur ad Orationem enuntiativam, de qua in sequenti libro de Interpretatione, & Oratio enuntiativa dividatur in Affirmationem, & Negationem, quas aut veras, aut falsas esse oportet, & quæ constant ex duobus, quorum alterum vocant Subiectum, alterum Prædicatum; operæpretium est cognoscere vim harum vocum & rationem. Categorema interpretatur Cicero id, quod de aliquo, vel de aliquibus dicitur. Schola vocant prædicatum, quod locum superiorem in Enuntiatione tenet, sicut vocant subiectum, quod inferiorem locum tenet, & res est subiecta prædicato. Omnes. n. res tribus gradibus distinguuntur, & alia in imo loco, alię in summo, alię in medio collocantur. quæ tenent imum locum, Subiecti locum semper tenent in Oratione enuntiativa: quæ collocantur in summo, Prædicati locum semper tenent: quæ sunt in medio, possunt locum tenere Prædicati, & subiecti. Quæ in summo locantur, in scholis, vocantur Prædicamenta, & Græce vocantur Categoria; & sunt decem summa rerum genera, ut videbimus, de quibus in hoc libro sic tractatur, quemadmodum postulat usus, & ratio conficiendę orationis enuntiativa, ad quam hic liber Categoriarum dirigitur.*

**Principia præcognoscenda.**

*Homo sensibus, & mente percipit rerum cognitionem. Sensus res sibi oblatas statim percipit. Mens non statim, sed re alia præcognita ducitur ad alterius rei cognitionem, veluti in hac oratione syllogistica.*

*Omne intelligens est animal.*

*Omnis homo est intelligens.*

*Omnis igitur homo est animal.*

**Duz**

qua prima enuntiationes sunt duo principia, ex quibus præcognitis gignitur altera cognitio conclusionis. Sic in omni methodo primo loco statuuntur principia, per quæ doctrina methodi susceptæ demonstratur. Sūt autem hæc principia, sicuti traditur in Posterioribus Analyticis, Definitiones, Hypotheses, Axiomata. nam definitio hunc etiam usum Demonstrationi præbet, ut sit principium Demonstrationis. Hypothesis est præposita cognitio rei, quæ propriè pertinet ad tradendam doctrinam, vel per se cognita facilis, vel quam supponit Doctor, cui credere oportet. Axioma est sententia communis, cuius notitiam nullo docente secum affert, qui dñscit, ut in disciplinis Mathematicis, si ab aequalibus aequalia demas, quæ remanent, sunt aequalia.

### Homonyma dicuntur.

Quæ Græce Aristoteles vocat Homonyma, in Scholis vocantur æquiuoca. Græca dictio est significantior. Significat enim ea, quæ simili tantum nomine communi vocari possunt; quamvis ipsa sint res diuersæ. hinc in Topicis explicans vim huius vocabuli, dicit Homonymon esse idem nomen impositum diuersis naturis. Cum igitur Definitiones explicent vim alicuius nominis, vel alicuius rei, hic indicatur vis huius vocis Homonymias, siue æquiuocationis. quæ Homonymia, siue æquiuocatio est affectio quædam earum vocum, quæ dicuntur de aliquibus, quas diximus vocari prædicata: nam tales voces dicuntur prædicari de aliquo vel æquiuoce, vel vniuoce: id quod hic significatur, & in sequenti definitione. ita æquiuoca vox est, Ens, nomen commune decem Categoriarum, & rerum etiam aliarum. Tale genus est etiam Accidens nomen commune nouem Categoriarum.

Synonyma dicuntur, quæ, quo nomine cōmuni appellantur, eo etiam nomine traditam essentia definitionem eandem habent. sic homo, & bos appellantur animal. vtrunque. n. nomine communi appellatur animal, & animalis essentia est eadem in vtroque nam si quis explicet, quid sit in vtroque animalitatis essentia, eandem in vtroque definiendo tradet.

### SCHOLIUM.

Synonyma dicuntur.

*Vis huius vocis est quasi dicas simul cum nomine; quo indicatur hac non solum nomen habere commune, sed etiam habere in eo nomine eandem definitionē. atq; hic discimus alteram affectionem, quam observare oportet in vocibus, quæ adhibentur ad conficiendam orationem enuntiativam: de qua in sequenti libro: ut videlicet sint voces synonyma vel uniuoce, ut vocant in Scholis, & uniuoce dicuntur, de quibus dicuntur, ut homo dicitur de singulis hominibus, & animal de subiectis omnibus animalibus.*

Denominatiua dicuntur, quæcunq. ab aliquo denominatione differentia nominis appellationem retinent. sic à grammatica grammaticus, & à fortitudine fortis denominata, à quo denominantur, differunt.

### SCHOLIUM.

Denominatiua dicuntur.

*Hæc est propria affectio Categoriarum, & predicatorum, quæ significant accidens. nam cum pronuntiamus accidens dici de aliqua substantia, adhibemus in oratione enuntiativa nomen deductum, & derivatum vel denomina*



*nominatum, non autem primum nomen, à quo fit denominatio. dicimus. n. Plato est philosophus, non Plato est philosophia. Oportebat igitur declarare, quam vim haberet vox denominata, & quo differret à voce, à qua denominatur. Hoc igitur vno differt, quod altera vox est prima, altera ab ipsa prima deriuata, & denominata eandem rem significans in aliquo subiecto inherentem: Scholę vocant concretum, & à quo fit denominatio, vocant abstractum.*

### HYPOTHESIS PRIMA.

Quæ loquimur, aut cōplicando voces loquimur, aut per se nec vllō cōplexu. loquimur cōplicando, vt si dicam, homo currit, homo vincit. loquimur non complicando, vt si hæc per se dicam lingua, homo, bos, currit, vincit.

### SCHOLIUM.

*Hæc diuisio bimembris, & quæ sequuntur hypotheses, principia scilicet peculiaria doctrinę tradendæ aperte indicant doctrinam tradendam dirigi ad orationem enuntiatiuam, de qua in sequenti libro: vt hic videlicet cognoscamus, quæ pertinent ad voces simplices, ex quibus conficiendæ sunt affirmationes, & negationes.*

#### Hypothesis secunda.

Entiū alia de subiecto quidē aliquo dicuntur, in subiecto vero nullo sunt: vt homo de subiecto quidē dicitur aliquo homine, ī subiecto vero nullo est: alia contrā sunt in subiecto & de nullo dicuntur subiecto: (esse autem in subiecto dico, qđ in aliquo non tanquā pars inherēs nō potest sine illo existere, in quo est) vt aliqua grāmatica in subiecto quidē est nēpe in aīa, de

subiecto vero nullo dicitur : & hoc album in subiecto quidem est nempe in corpore, omnis enim color in corpore inhæret, de subiecto vero nullo dicitur : alia & de subiecto dicuntur & in subiecto sunt, vt scientia in subiecto est nempe in anima, & de subiecto dicitur, vt de grammatica: alia neque in subiecto sunt, neque de subiecto aliquo dicuntur, vt aliquis homo aliquis equus. nullum. n. eiusmodi vel in subiecto est, vel de subiecto aliquo dicitur. atq; vniverse indiuidua, & quæ vna res est numero de nullo quidem subiecto dicuntur, sed nihil prohibet, quominus eorum aliqua sint in subiecto. sic. n. aliqua grammatica in ijs numeratur, quæ sunt in subiecto, de subiecto verò nullo dicitur.

## S C H O L I V M.

**Entium alia.**

*Dictum est antea de subiecto, & predicato, quibus constet oratio enuntiatiua. dictum est de tribus gradibus, quibus res vniverse distinguuntur. nunc hac hypothesis proponit nobis per diuisionem quadrimembrem præcognoscendum discrimen Categoriarum, & predicatorum. Ex ipsis enim alia sunt in subiecto, alia non sunt in subiecto: quibus verbis distinguitur substantia ab accidente, sicut illis verbis dici, de subiecto, & non dici de subiecto, distinguitur uniuersale, & commune multis ab indiuiduo, quod rem unam numero significat. pulchre vero accidens describitur per id, quod est, esse in subiecto, id est, per id quod per se non subsistat, nec inueniri possit*

possit, nisi cum eo, in quo inheret non tanquam pars: in  
 Entibus igitur hæc considerata sunt, ut cognoscas, va-  
 rietatem subiectorum, & prædicatorum in oratione  
 enuntiativa. Omnia declarat, ut solet, exemplis. non te-  
 mere autem ponit distributionem hanc, sed exornat  
 concinnitate, qua solent uti oratores quoque: sic enim  
 distribuit, ut verba verbis, & orationem orationi oppo-  
 nat, quin etiam aptissime clauduntur in medio ea, quæ  
 sunt in subiecto, id est accidentia. nam ea, quæ non sunt  
 in subiecto, videlicet substantia uniuersalis, & substan-  
 tia indiuidua intra se claudunt ea, quæ sunt in subiecto,  
 sunt autem accidentia particularia, & uniuersalia. &  
 ultimo loco ponitur substantia indiuidua, ut omnium  
 basis, & fundamentum, sicuti postea docebit. Græci  
 chiasmon uocant ordinem huius distributionis à littera,  
 x, quam efficiunt orationes oppositæ.

<sup>1</sup>  
 Dici de subiecto non es-  
 se in subiecto.

utrunque accidens

<sup>4</sup>  
 Non dici de subiecto  
 nec esse in subiecto.

<sup>3</sup>  
 Dici de subiecto, &  
 esse in subiecto.

cōclusum in medio.

<sup>2</sup>  
 Non dici de subiecto  
 & esse in subiecto.

## HYPOTHESIS TERTIA.

Quando alterum de altero prædicatur, ut  
 de re sibi subiecta, quotquot de prædicato di-  
 cuntur, totidem de subiecto dicuntur. ut homo  
 de aliquo homine prædicatur, animal autem

A 4 de

de homine, ergo etiam de aliquo homine animal prædicabitur. aliquis enim homo, & homo est, & animal.

### SCHOLIUM.

Quando alterum de altero prædicatur.

*Cum dicis homo est diues, non prædicatur diues de homine ut de re sibi subiecta. sic ergo intelligit prædicata, quæ pertinet ad essentiam subiecti, in quibus verum est, quæcunque similiter prædicantur de prædicato, prædicari etiam de subiecto prædicati, ut docet exemplo: quo exemplo significat genera. & species de his, quæ subiecta habent, sic prædicari, ut ponitur in hac tertio hypothesis, atque esse prædicata essentialia.*

Hypothesis quarta.

Diuerforum generum, & quæ non collocantur ordine subalterno, sunt genere diuersæ etiam differentię: ut animalis, & scientię: animalis enim differentię sunt pedibus incedens, bipes, volatile, aquatile, quarum nulla scientię est. non enim differt scientia ab alia scientia, quia sit bipes. At generum subalternorum nihil prohibet, quominus eedem sint differentię. superiora enim de generibus infra se collocatis prædicantur, quare quotquot erunt prædicati differentię, totidem erunt, & subiecti.


### SCHOLIUM.

Diuerforum generū. Ex hac quarta hypothesis discimus non solū genera, & species esse prædicata essentialia, & prædicari uniuoce de sibi subiectis, sed etiā differentias: & quod ponitur in superiore hypothesis verū esse etiā de differentijs generis ab vno latere ordine subalterno collocatis, exempli causa, in Categoria substantię.

Genus

Cum Scholijs.  
Genus summum.

9



*Singuli homines. indiuidua, & res vna numero.*

*Hypothesis quinta.*

Quæ loquimur non cōplicando, singula vel substantiã significant, vel Quantũ, uel Quale, uel Relatum ad aliquid, uel Alicubi, uel aliquo tempore, uel Situm esse, uel Habere se, uel Facere, uel Pati. Est autem substantia exempli causa, ut homo, equus: Quantum, ut bicubitale tricubitale: Quale, ut albũ, grammaticũ: Relatum ad aliquid, ut duplũ, dimidium, maius: Alicubi, ut in foro, in lycæo. Aliquo tẽpore, ut heri, superiore anno: Situm esse, ut iacet, sedet: Habere se, ut calceatũ esse, armatũ esse: Facere ut secare, urere: Pati ut secari, uri. Horũ, quæ diximus, unũquodq; ipsum per se cũ loquimur, nec aiendo, nec negãdo loquimur: sed horũ apta cōplicatione efficitur affirmatio, aut negatio. Omnis. n. affirmatio, aut negatio videtur vel vera, vel falsa esse. at quæ disiuncta nec cōplicãdo loquimur, corũ nihil verũ, aut falsum est, vt homo, albũ, uincit.

Quæ

*Loquimur*

## S C H O L I V M.

*Quæ loquimur non complicando. Ultima hypothe-  
 sis, in qua proponitur id, quod tractandum est in hoc li-  
 bro. Sunt enim decem Categoria. Itaque pulchro or-  
 dine cum in prima hypothesis posuisset diuisionem bi-  
 membrum eorum, quæ loquimur: nam aut pronuntia-  
 mus voces in oratione complicatas, aut extra oratio-  
 nem per se: posuit tres hypotheses, vnam de discrimi-  
 ne prædicatorum, & subiectorum, alteras duas cuius-  
 modi sunt prædicata essentialia: sunt autem genera, &  
 species, & differentie generum, quæ prædicantur de illis,  
 quæ contixerunt, & habent sibi subiecta: cum igitur hæ tres  
 hypotheses ad ea pertineant, quæ respiciunt voces in  
 oratione complicatas, nunc redit ad alterum membrum,  
 cum voces extra orationem pronuntiantur per se, qua-  
 rum significatio reducitur ad decem genera. quorum nu-  
 merus non probatur, sed supponitur ut res nota, & vete-  
 rum Philosophorum approbatione confirmata. & hæc  
 sunt principia necessario præcognoscenda ante doctri-  
 nam tradendam. Cum vero dicit harum simplicium vo-  
 cum apta complicatione effici vel affirmationem, vel ne-  
 gationem, satis indicat præsentem doctrinam dirigi ad  
 doctrinam affirmationum, & negationum, quæ in sequen-  
 ti libro tractatur.*

## DOCTRINA PROPOSITIVVM

decem generum, &amp; Categoriarum.

## CATEGORIA SVBSTANTIÆ.

Substantia porro, ea videlicet, quæ & maxime propriè, ac primo, & ante omnia, & potissimum substantia vocatur, est, quæ neque de subiecto aliquo dicitur, neq; in aliquo est subiecto: veluti aliquis homo, & aliquis equus. Substantiæ vero secundæ dicuntur, quibus in speciebus primæ nuncupatæ substantiæ continentur, tum hæc, tum harum specierum genera, sicut aliquis homo in specie quidem continetur nempe in homine. Genus autem eius speciei est animal. Secundæ igitur hæ vocantur substantiæ, veluti est homo, & animal.

## SCHOLIUM.

Substantia porro. *Vtitur secunda hypothesi ad demonstrandam hanc primam doctrinam.* Cum enim posuerit ex Entibus aliqua esse, quæ neque de subiecto dicantur, nec sint in subiecto, nunc docet talia entia vocari primas substantias, & esse ex omnibus potissimum, et maxime propriè substantias, & idem exemplum reponit, quod ibi posuerat, veluti aliquis homo, & aliquis equus: qua forma dicendi significantur singuli homines, & singuli equi, qui cadunt sub sensum.

Substantiæ vero secundæ. Non dicit, quod expectandum videbatur, quod positum est in eadem hypothesi, quæ dicuntur de subiecto, & non sunt in subiecto ut homo: sed

quo-

quoniā in tertia hypothesis declarauit quō aliquis homo esset, & homo, & animal, docet substantias secundas esse primarū substantiarū sibi subiectarū species, & genera.

Quibus in speciebus. Est atticissimus, quomodo loquuntur boni scriptores omnes græci, & latini. Exēplorum plena sunt omnia, vt illud Ciceronis, Quarū laudū gloriā adamaris, quibus artibus ha laudes comparantur, in his esse elaborandum.

Perpicuum autē ex his, quæ dicta sunt, est, quæ de subiecto dicuntur, eorum oportere, & nomen, & eius definitionē nominis prædicari de subiecto: veluti homo de subiecto quidē dicitur, nepe de aliquo homine: prædicatur scilicet tum nomen ipsum: aliquem. n. & certum hominē dices esse hominē: tum hominis definitio de aliquo homine prædicabitur: aliquis. n. homo, & homo est, & animal. Itaq; nomen, & nominis definitio de subiecto prædicabitur. At eorum, quæ sunt in subiecto, in plerisq; neq; nomē, neq; nominis definitio prædicatur de subiecto: in nōnullis vero nomē quidē nihil prohibet prædicari interdū de subiecto, nominis autē definitionem prorsus nefas est. vt album, quod est in subiecto corpore, prædicatur noīe de illo subiecto, cū subiectū illud albi nomine dicitur. albi vero definitio nunq̃ de illo corpore prædicabit. alia ergo oīa vel de subiectis primis substantijs dicuntur, vel in subiectis ipsis primis substantijs inherere. atq. hoc manifestū est ex singulis entium gñib<sup>9</sup> demonstratione deprōpta, vt aīal de hoīe prædicatur, ergo & de aliquo  
ho



hōie: nā si de nullo singulorū hominū, neq. dō  
hoīe specie vniuerse p̄dicabitur. Rursus albū  
in corpore inhaeret. ergo & in aliquo corpore:  
nā si nō heret in aliquo ex corporib⁹ indiuiduis  
& singularib⁹, neq. in corpore vniuerse acce-  
pto. Itaque alia oīa vel de subiectis ipsis primis  
substātijs dicuntur, uel in subiectis ipsis primis  
subiis inhaerēt. ergo si nō sint primę substātię,  
fieri nequit, vt aliorū quicquā prorsus existat.

## S C H O L I V M.

Ex his quę dicta sunt. Ex hac scilicet proxima superiore  
doctrina, nō solū ex tertia hypothesis. nā si recte dicis ali-  
quis homo est homo, & animal, dicis nō solū nomē homi-  
nis, sed definitionē hominis de subiecto aliquo hoīe di-  
ci. & notādū hic per animal, genus, significari totā ho-  
minis definitionē: quod saepe facit Aristoteles, qui in Topi-  
cis sic scripsit, Omnium, quę ponuntur in definitione, genus  
videri maxime naturā definiti significare. cōmunicare  
autē nomē, & definitionē cū re subiecta est, vt dicunt in  
Scholis, vniuoce de ipsa p̄dicari. sic discimus species, et  
genera debere vniuoce de rebus sibi subiectis p̄dicari.  
Itaq; in oratione enūtiatiua, Plato est homo, predicatū  
homo vniuoce predicatur de subiecto cōmunicans cū eo  
nomē, & definitionē. eodem modo predicatur genus de  
sibi subiectis speciebus. vt homo, & bos est animal.

At eorū quę sunt in subiecto. Sicuti verū subiectū est sub-  
stātia indiuidua, & prima, quę per se subsistit, nec eget  
alio, cui inhaereat, sic solę substantię secundæ ut modo di-  
ctū est, sunt vera, & propria ipsius predicata, quę vni-  
uoce de ipsa p̄dicantur; cetera, quorū natura est, ut sint  
& inhaereant in subiecto, vt possint aliquādo cōmuni-  
care nomen cum prima indiuidua substantia, de fontic-  
nem certe nullo pacto cōmunicare possunt.

nullum accidens proprie prædicati de substantia dicitur,  
 & cum dicis, Homo est iustus, dicis iustū esse, huic subie-  
 cto homini accidere, in quo inhereat. prædicari autē de  
 aliquo, & esse prædicatum alicuius proprie acceptū, est, si  
 cum subiecto cōicet nomen, & definitionem; at in hac  
 oratione, Homo est iustus, neutrum communicatur cum  
 subiecto: de definitione nullum dubium est, sed nec de  
 nomine: non enim hac oratione significas hominem ap-  
 pellari nomine iusti, sed hanc qualitatem habere in ho-  
 mine, & hominem præditum esse iustitia. verum Ari-  
 stoteles inquit aliquando fieri posse, ut aliqua ex his quæ  
 sunt in subiecto, communicent nomen cum substantia.  
 Hoc nulli, quod sciam, interpretes intellexerunt, qua ra-  
 tione fieri vere possit: id vero docet Aristoteles in pri-  
 mo Priorum Analyticorum, ubi tractat de parandis di-  
 uitijs syllogismorum; quo in loco rerum infima, quæ sen-  
 su percipiuntur docens in oratione nunquam tenere lo-  
 cum prædicati, sic scribendo subiicit, nisi per accidens;  
 dicimus enim interdum (& notandum uerbum interdū,  
 quod hic quoque ponitur) album illud Socratem esse,  
 & illud, quod aduenit esse Calliam. notat eiusmodi ora-  
 tiones etiam in Posterioribus Analyticis, & in Topicis,  
 atq; ut improprias rejici iubet. in his igitur orationibus,  
 ut Socrates est illud album, dicitur nomine albi acciden-  
 tis individui appellari hanc substantiam individuum, qui-  
 bus accidentibus individuus etiam uelgo hunc, & illum  
 hominem, aut equum, aut aliam substantiam cōpellare  
 solent. hoc igitur modo interdum indicat Aristoteles  
 Accidens individuum posse communicare nomen suum  
 substantiæ. Aliorum quæ affertur hic interpretatio de  
 abstractis, & concretis haud difficile est intelligi quam  
 sit non solum falsa, & abhorrens à doctrina Aristotelis;  
 verum etiam ridicula: nullam enim rationem habent ho-  
 rū verborum, videlicet in aliquibus, & interdum, quæ  
 hic ponuntur, quæ in re est turpis negligentia.

Alia

Alia ergo omnia. Ex proxima superiori duplici doctrina solas substantias secundas in munere prædicandi communicare nomen, & definitionem substantijs primis ( id enim nulli accidenti contingere posse, nisi in prædicationibus quibusdam improprijs, & in quibusdã accidentibus indiuiduis, quorum nomine substantia aliqua indiuidua interdum compellatur ) Ex hac inquam duplici doctrina de substantijs secundis, & de accidentibus colligitur, hæc tertia doctrina, reliqua omnia vel prædicari de primis substantijs, vel in ipsis inherere.

Atque hoc manifestum est ex singulis rerum generibus demonstratione deprompta. Præter substantias primas duo tantum sunt rerum genera, nempe secunda substantia, & Accidentia. Separatim in utrisq; demonstrat, quod proxime colligendo docuit. Et talis demonstratio vocatur inductio, quæ subijcit oculis id, quod docetur. Et eodẽ genere demonstrationis utitur in utroq. rerum genere. nam sicut genera in substantia non dicerentur de specie sibi subiecta, nisi dicerentur & de indiuiduis ipsi speciei subiectis, sic genera in accidentibus non haberent in secundis substantijs nisi etiam haberent in primis. ergo alia omnia vel prædicantur de primis, vel herent in primis substantijs, id quod propositum est demonstrare.

Ergo si non sint primæ substantia, fieri nequit, ut aliorum quicquam prorsus existat.

Si attente animaduertas, huc dirigitur omnis superior doctrina, ut intelligamus genera, & species, & quæ dicuntur vniuersalia, habere id quod sunt, à primis substantijs, quæ si tollantur, necessario intereunt reliqua omnia, videlicet substantia secunda, & accidentia. quæ doctrina ex aduerso repugnat doctrinæ Platonica de Ideis, & Vniuersali. quod enim tribuit Aristoteles primis substantijs ut ante omnia, & potissimum substantia, sint & maxime proprie, id tribuit Plato suis Ideis quæ.

quę idem sunt, quod genera, & species, & vniuersalia, non quidem abstracta mentis operc à materia, & apud mentem duntaxat sic consistentia, sed extramentem vere, & solide supra hæc omnia, & antehæc omnia, quæ cernimus in hac vniuersitate, ipsa existentia.

Ex secundis autē substantijs magis substantia species est quam genus: quippe quę magis est propinqua primæ substātię. nam si quis explicet primam aliquam substantiam, quidnam sit, notio-rem, & magis familiarem nobis explanationem afferat per speciem quam per genus: verbi causa, quid sit aliquis homo, notius erit, si dicat hominem esse, quàm si dicat esse animal. alterum.n. arctiore vinculo attingit aliquem hominem, alterum latiore: & arborem aliquam si quis explicet, quid sit, notius erit, si dicat arborem esse, quàm si plantam. Præterea quoniam primæ substantiæ aliis omnibus subiiciuntur, & alia omnia de ipsis prædicantur, vel in ipsis inhærent, ob id primæ omnium maxime dicuntur substantiæ. Sicut autem primæ substantiæ se habent ad alia, ita se habet species quoque ad genus: subiicitur enim species generi. nam genera de speciebus, non contrā de generibus species prædicantur. itaq. ex his quoq. species est magis substantia quam genus. ipsarum porro specierum quæcunque non sunt genera, nulla magis est sustātia, quā sit quæpiam alia. non enim familiarius, & arctius quicquid affert, quod dicit aliquē hoīem esse hominem,

nem,

nem, quam qui dicit aliquem bouem esse bouem. sic est in primis quoque substantijs: nulla est magis substantia, quam quæpiam alia. non enim aliquis homo magis est substantia quam aliquis bos. Meritò igitur post primas substantias harum species, & genera sola ex omnibus secundæ substantiæ vocantur: sola enim ex omnibus, quæ de aliquo prædicantur, primam significant substantiam. nam si quis explicet quidnam sit aliquis homo, familiarius quidem, & notius explicet per speciem, quam per genus, nempe si hominem esse, quàm si dicat esse animal: sed ex alijs quicquid afferet, afferet, quod valde alienum sit à significanda substantia: ut si dicat aliquem hominem albū esse vel currere vel aliud quidlibet eiusmodi. Itaq; iure hæc sola ex alijs vocantur substantiæ. Atq; etiam quoniam primæ substantiæ alijs omnibus subiiciuntur, & alia omnia de ipsis prædicantur, vel in ipsis inhereant maxime propriæ substantiæ dicuntur. sicut autem se habent primæ substantiæ ad alia omnia ita se habent genera, & species primarū substantiarum ad reliqua omnia: de his. n. reliqua omnia prædicantur. nam aliquem hominem dices esse grammaticum, ergo simili ratione & hominem, & animal dices esse grāmaticum. eadem ratione in alijs quoque.

## SCHOLIVM.

Ex secundis autem substantijs.

Propositum est Aristoteli docere genera, & species primarum substantiarum iure vocari secundas substantias, quas primas nomine, & definitione representant, cum accidentia, quæ sunt reliqua in rebus, neutrum communicent cum substantijs, nisi interdum per accidens, nomen, ut antea dictum est. Ex hac autem disputatione discimus naturam speciei, quæ sit primum uniuersale abstractum ab indiuiduis, quæ species habet supra se genus, cui subijcitur. Est igitur species in gradu maxime propinquo primis substantijs, quæ cum sint maxime substantia, sequitur speciem esse magis substantiam quam genus, quod est in gradu altiore, & remotiore à primis. Et ob id etiam nobis est notior species, quia ferè sensu percipitur, ut ipsa indiuidua.

Præterea quoniam primæ substantiæ.

Hac eadem ratione similitudinis ex subiectione utitur etiam infra ad ostendendum species, & genera primarum, id est secundas substantias fungi munere subiecti, de quo prædicentur accidentia, id est cui inhæreant.

Ipsarum porro specierum quæcunque non sunt genera.

Species, quæ sunt etiam genera, sunt, quæ antea vidimus vocari subalterna, & sunt media genera, quæ subijciuntur superioribus generibus, & prædicantur de inferioribus.

Nulla est magis substantia.

Comparatio, in qua adhibetur, magis, respicit gradus superiores, & inferiores, non illa, quæ sunt in eodem gradu collocata, quæ paria sunt, quod pertinet ad naturam ipsam vel speciei, vel indiuidui.

Merito igitur.

Huc spectabat superior disputatio. cum dicit, sola significant, intellige nomine, & definitione. accidentia

re-

*vero, quę sunt reliqua in rebus, nullo modo primas substantias significant. nam hæ orationes, Plato est Philosophus, Plato docet, significant huic substantiæ acciderē, ut sit Philosophus, ut doceat. hætenus natura primarum, & secundarum substantiarum demonstrata est, quod pertinet ad id, quod requiritur in vocibus simplicibus pro conficienda oratione enuntiativa, quæ constat subiecto, & prædicato. & quæ docentur in hoc libro, omnia spectant usum conficiendę orationis enuntiativę.*

Communiter porro omnis habet substantia, ut ne sit in subiecto. prima enim nec in subiecto est, nec de subiecto aliquo dicitur. de secundis substantijs, perspicuum est etiam sic nullam esse in subiecto. Homo enim de subiecto quidem dicitur aliquo homine, nequaquā est in subiecto: nō. n. in aliquo hoīe homo species est. similiter, & animal de subiecto quidem dicitur aliquo homine, nequaquam est animal in aliquo homine. Insuper eorum, quę sunt in subiecto, nomen nihil prohibet prædicari aliquando de subiecto, definitionem nefas est. at secundarum substantiarum, & definitio prædicatur de subiecto, & nomen. nam de aliquo homine, & hominis, & animalis similiter definitionem prædicabis. Itaque nulla utique fuerit in subiecto substantia; Nō est autem hoc substantiæ proprium, sed etiam differentia in ijs numeratur, quę non sunt in subiecto. siquidem pedibus ambulans, & bipes de subiecto dicitur de aliquo homine, nec est in subiecto. bipes enim non est in homine, nec pedibus

ambulans. & differentię definitio prædicatur de quocumque dicitur differentia; vt si pedibus ambulans dicitur de homine etiam huius differentię definitio de homine prædicabitur. est enim homo animal pedibus ambulans. non perturbet autem nos, quod substantiarum partes sint in subiectis ipsis totis: nequis forte credat ob id nos cogi eas partes asserere non esse substantias. non enim sic dicebantur aliqua esse in subiecto, quæ tanquam partes in aliquo inexistrent. Habent etiam hoc proprie substantię, & differentię, vt omnis ab ipsis prædicatio, de inferioribus sit synonyma. & vniuoca. prædicantur enim aut de indiuiduis, aut de speciebus, sub quibus sunt indiuidua. nam à prima substantia nulla existit prædicatio, quippe quæ de nullo dicitur subiecto. Ex secundis, autem substantijs species quidem de indiuiduo prædicatur, genus vero & de specie, & de indiuiduo: similiter, & differentię & de speciebus, & de indiuiduis prædicantur: & definitionem accipiunt primę substantię specierum, & generum, & species sui generis definitionem: quotquot enim de prædicato dicuntur, totidem & de subiecto dicentur. simili modo differentiarum etiam definitionem accipiunt tum species tum indiuidua. at synonyma esse posita sunt, quorum, & nomen commu-

---

ne,



ne, & definitio eadem. quare omnis à substantijs, & differentijs prædicatio synonyma est, & uniuoca.

## SCHOLIUM.

*Doctrina horum generū sic ferè progreditur, ut postquam ea tradidit quæ pertinent ad cognoscendā naturā propositæ Categoriæ pro ea consideratione quæm dirigi diximus ad consueuendam orationem enuntiatiuam, etiā ostendat quo potissimum proprio distinguatur à cæteris Categorijs. Hæc prima proprietas, non esse in subiecto, manifesta est ex superiori doctrina. hoc enim proprio, & altero, quod sequitur de prædicatione uniuoca distinguitur substantia ab Accidentibus, illo omnium substantia, altero substantiæ secundæ. quam utranque doctrinam perspicuā ex superioribus sic nunc repetit, ut subiiciat doctrinam differentiæ, quæm vidimus in quarta hypotthesi numerari cum prædicatis essentijs subiecti significationibus, sicut significant species, & genera.*

Prima enim.

*Affertur posita definitio in principijs præcognoscendis pro re demonstranda.*

Non enim in aliquo homine homo species est.

*Nec homo nec animal in aliquo homine est quomodo album, & similia, quæ dicta sunt esse in subiecto. sed sunt prædicata essentialia representantia singulorum hominum naturam. itaque dicuntur prædicari de ipsis non esse in ipsis.*

Sed etiam differentia in his numeratur.

*Doctrina hæc tota de substantia, quæ nulla sit in subiecto, sic repetita est, ut doceret differentiam aliud esse ab accidentibus quæ nec nomen nec definitionē cōmunicant cū subiecto, nā differentia utrunque communicat, sicut*



*dictum est de secundis substantijs, & adhibetur in definitione ad perficiendam naturam subiecti. itaque oportuit ponere etiam illam hypothefin de predicatione differentiarum similiter ut specierum, & generum subalter norum: ut inde hac demonstraretur doctrina de predicatione uniuoca à specie genere, & differentia de inferioribus ipsis subiectis. itaque ubi hic doctrinam habemus de genere, specie, & differentia, nec aliunde necesse est eam petere, quin etiam, & quantum sit satis doctrina de proprio, & accidente, non difficile est hinc baurire. Item potest quisque oculis ipsis cernere, quomodo theses, et hypotheses posita in principijs ad doctrinam, quæ traditur, demonstrandam adhibeantur.*

Omnis plane substantia videtur significare hoc aliquid subsistens, quod sub sensum cadat, ac per primas quidem substantias sine ulla dubitatione verum est significari hoc aliquid. indiuiduum enim, & una res numero per ipsas significatur. in secundis vero substantijs, quando aliquis protulerit hominem, aut animal, videtur quidem ipsa figura effandi similiter hoc aliquid significare, non tamen verum est, sed potius tale quid significat. siquidem homo, aut animal non est vnum subiectum, sicut prima substantia, sed de multis homo dicitur, & animal. non tamen simpliciter tale quid hæc significant, sicut album, quod nihil aliud significat nisi talem quandam qualitatem. species autem, & genus talem quandam complexum, & comprehensionem in substantia circumscribit, & talem quandam substantiam significat.

qui

qui cōplexus, & circumscriptio amplior fit in genere quàm in specie. qui enim dicit animal, plura comprehendit, quàm qui dicit hominem.

### SCHOLIVM.

*Secundæ substantiæ ut homo, & animal sunt talis quedam substantia, quæ suo complexu primas cōtinent, & sunt opus mentis, & mente percipiuntur, sicut primæ percipiuntur sensu, & cadunt sub sensum. sunt enim τὸ ἄνθρωπον idest hoc aliquid, quod monstrari digito potest, cum sit una res numero, id quod differt ab eo, quod est unum aut specie, aut genere.*

Habent etiam hoc propriæ substantiæ; nihil ipsis esse contrarium. ac primæ quidem substantiæ, ut alicui homini, aut alicui animali quidnam fuerit contrarium? quandoquidem nihil est contrarium ne homini quidem, aut animali. verum non est hoc proprium substantiæ tantum: sed in alijs multis est hæc proprietas, veluti in quanto, mensuræ bicubitali, aut tricubitali nihil est contrarium, aut numero, quo decem comprehenduntur, aut alijs id genus: nisi quis obijciat multum paucum contrarium esse, aut magnum parvo: sed quantis, quæ mensuram terminatam significant, nihil est contrarium.

### SCHOLIVM.

Ac primæ quidem.

*Argumentum à minore, quomodo fuerit contrarietas in primis, quæ maxime sunt substantiæ, si non est in secundis?*

Mensuræ bicubitali affect exemplum in utroque genere quantitatis.

Nisi quis obliuiat.

*Hæc obiectio fusius alio loco tractabitur.*

Nec etiam videtur substantia id admittere ut dicatur magis aut minus substantia: quod sic intelligi volo, non quod substantia collata cum alia substantia non sit magis, & minus substantia, id enim esse iam ostensum est: sed quod cuiusque substantiæ essentia non dicitur magis & minus, veluti si homo capiatur pro hac ipsa essentia, non erit magis & minus homo, neque ipse se ipso neque alius homine alio. non enim est alius homine alio magis homo: sicut album est aliud alio magis, & minus album, & pulchrum alio magis, & minus pulchrum. & cum seipso collatum magis, & minus dicitur: ut corpus quod album est magis album nunc dicitur quam antea, & quod calidum est magis, & & minus calidum dicitur, at substantia nequaquam magis aut minus dicitur. nec .n. homo magis nunc homo dicitur quam antea. nec aliud quicquam quod sit substantia: quare non adinittit substantia, ut magis aut minus substantia dicatur.

### SCHOLIUM.

*Vbi non est contrarietas, ibi locum non habent magis & minus: ut in substantia, & in quantis de quibus antea: quorum natura neque intenditur neque remittitur, sed eadem semper manet. quinque semper sunt quinque*  
*neq*

*Nec aliquando magis aliquando minus . sic est de homi-  
ne, & de qualibet substantia, semper manet idipsum  
quod est,*

Verum maxime proprium videtur esse sub-  
stantie vt eadem, & vna numero suscipiat cō-  
traria: cuiusmodi rem in nullo alio rerum ge-  
nere, quod non sit substantia potest quis affer-  
re, vt una res numero suscipiat contraria: exē-  
pli causa color hic unus, & idem numero non  
dicitur albus, & niger, nec eadem actio, & vna  
numero praua, & recta. sic, & in alijs quæ sint.  
quæ non sunt substantia. Substantia uero una,  
& eadem numero suscipit contraria. veluti ali-  
quis homo vnus, & idem modo albus modo  
niger fit, & calidus, & frigidus, & prauus, & bo-  
nus. Atque eiusmodi varietas in nullo alio re-  
rum genere uidetur: nisi forte quis obiiciat  
atque asserat orationem, & opinionem suscipe-  
re contraria. eadem enim oratio, & uera, &  
falsa uidetur esse, ut si uera sit oratio aliquē se-  
dere, eo surgente, & erecto eadē hæc erit ora-  
tio falsa. sic est etiā de opinione, nā si quis uerō  
opinetur aliquem sedere, eo surgente, & ere-  
cto falso opinabitur eandem de illo opinionem  
habens. Quod si quis id de oratione quoque, et  
opinione concedendū putet, at modo certe su-  
scipiendi cōtraria differūt, nā substantiæ ipsæ mu-  
tate contraria suscipiūt. frigidū. n. ex calido ef-  
fectū mutatum est, & nigrum ex albo, & quod

bonum est ex prauo . similiter , & in alijs vna-  
 quęque singillatim substantia ipsa mutata sus-  
 cipit cōtraria . at oratio & opinio ipsa quidem  
 permanent omnis prorsus expertia motus . re  
 uero, quę subest ipsis, mutata, contraria in ipsis  
 contingunt. oratio enim permanet eadem, Ali-  
 quem sedere . re autem mutata, fit mo. o ve-  
 ra, modo falsa, sic est, & de opinione . Quare  
 hoc certe modo fuerit proprium substantię, vt  
 ipsa cum sui mutatione contraria suscipiat .  
 verum si quis , & hæc admittat orationem , &  
 opinionem suscipere contraria, id minime ve-  
 rum est . nam oratio, & opinio non ipsa quic-  
 quam suscipiendo, contraria suscipere dicun-  
 tur, sed quod in alia quapiam re sit effecta mu-  
 ratio . quod enim res vera sit, aut falsa, quę su-  
 biecta est orationi, ob id oratio vera, vel falsa  
 dicitur, non quoniam ipsa suscipiat contraria.  
 prorsus enim a nullo impellitur , & mouetur  
 oratio, aut opinio. quare nullo modo fuerint ap-  
 tæ ad suscipienda contraria, cum nullus motus  
 in ipsis gignatur . at substantia, quod ipsa con-  
 traria suscipiat , ob id suscipere dicitur contra-  
 ria : morbum enim, & sanitatem suscipit, & al-  
 borem, & nigrorem , & alia eiusmodi . itaque  
 contraria suscipere dicitur . fuerit igitur pro-  
 prium substantię, vt eadem , & vna numero  
 cum sui mutatione contraria suscipiat . Ac de  
 substantia hæc sint satis .

SCHO.

## S C H O L I V M .

Hoc est vere proprium, quo hac Categoria distinguitur à ceteris omnibus categorijs : & est proprium primæ substantiæ, quæ verissime, & maxime proprie dicitur substantia, de qua secundæ substantiæ vniuocè prædicantur, & à qua accipiunt secundæ, ut etiam ipsæ suscipiant contraria permanentes eadem vnitatē, vel specificā, vel genericā.

Opinio est, quod animo intus sentimus, ac veluti sententia, & intima locutio.

Quod si quis id de oratione quoque, & opinione concedendum putet.

Duplex est ratio refellendi, quod obijcitur, vna cum ostendimus, quod obijcitur, nihil, ei obesse, quod nos dicimus, quæ græcè vocatur Antiparastasis, altera cum negamus id, quod obijcitur, verum esse, quàm Enstasin vocant. vtrā vtrius priore loco, nihil refert. nunc priore loco ponitur Antiparastasis.

Verum si quis, & hæc admittat.

Nunc in refellendo vitur Enstasi, & negat verum esse, quod obijcitur. non enim rectè dicitur ea suscipere contraria, quæ non sentiunt affectiones, & motus contrarios.

## S V M M A D O C T R I N A E T R A D I T A E

De hac Categoria substantiæ.

Verum subiectum omnium esse primam substantiam, qua sublata reliquorum nihil esse possit.

Secundas substantias id est species, & genera primarum vere dici prædicari de subiecto, cum quo videlicet communicant nomen, & definitionem, id quod facit, & differentia. Itaque species, genera, & differentias vocant prædicata essentialia, quæ vniuocè prædicantur de inferioribus sibi subiectis.

Accidentia cum sine subiecto, in quo hæreant consistere

*fieri nequeant rectius dicuntur herere in subiecto quā  
predicari de subiecto de quo inmutabiliter dicuntur.*

### De Quanto .

Quantum sic diuiditur , ut aliud quantum sit discretum, aliud continuum. item sic diuiditur, ut alia quanta ex iis constent partibus, quę ita locum habent in ipsis totis, ut se mutuo contingant, alia non constent ex iis partibus ita locum habentibus. Discretum quantum est numerus, & oratio; continuum autem Linea, superficies, corpus, insuper locus, & tempus. nullus enim communis terminus est, quo numeri partes copulentur : veluti quinque si sint pars ad decem pertinens, nullus communis terminus est, quo copulentur quinque, & quinque, quę semper discreta manent. sic tria: & septem nullo communi termino copulantur, ac plane in numero nullum capere terminū potes, quo partes ipsius copulentur, quę semper discreta manent. Itaque numerus ad quanta discreta pertinet; similiter, & oratio. nam orationem ad quantum pertinere ex illo manifestū est, quod orationem metiamur syllaba breui, & longa. loquor autem de oratione, quam uoce pronuntiamus, huius orationis partes nullo communi termino copulantur. non. n. est communis terminus quo syllabę inter se copulentur, sed quęlibet syllaba ipsa per se discreta est.

SCHO.



## SCHOLIUM.

*Quam in principijs enumeravit categoriam secundo loco, eius nunc doctrinam secundo loco tradere aggreditur. est autem Quantum accidens primum quod oculis obijcit substantiam. & quoniam accidens in subiecto notius est quam si per se in abstracto, ut vocant, consideretur, ideo de quanto disputat non de quantitate, & quanti, quod sub sensum cadit nec eget definitione naturam satis est explicare diuisione, ut cognoscamus quot sint rerum genera, que numerantur in quantis. hoc enim necessarium est ad conficiendam orationem ad quam dirigitur categoriarum doctrina. affert autem duplicem diuisionem alteram veterem, alteram, ut putamus, nouam, & inuentam ab ipso Aristotele.*

*Quæta locum habent in ipsis totis, ut se mutuo contingant.*

*Quod est grace ἐξαι βέβαιον ipso interprete Aristotele est locum habere, & in loco situm esse, ut monstrari digito possit, & talia quanta sunt comprehensibilia sensu, ut linea, & omnis magnitudo, sic in Analyticis dicit etiam ipsa puncta esse βέβαια, et monadem esse ἀόρατον id est rem quam non possit subijci oculis.*

## Discretum quantum.

*Duo numerantur in quantis discretis numerus, & oratio. quinque in quantis continuis, quorum tria tractat Geometria nobilissima scientia, cuius subiectum est magnitudo abstracta à materia, cuius species sunt linea, superficies, corpus, in quo tria tantum dimensio consideratur, & hoc est corpus mathematicum.*

*maticum pertinet ad Quantum: nam corpus physicum est substantia. sic numerus est subiectum Arithmetices alterius principis scientia inter mathematicas. Orationem ad quantum pertinere ipsa pronuntiatio recta barbarissimum fugiens demonstrat. & poeta ex hac orationis considerata mensura tot pedes, tot rithmos, & numeros, tot metra inuenere ad aurium voluptatem pro rerum ipsarum dignitate, & varietate, ut hæc sit poetices hominum res, & vitam imitantis pars non contemnenda. Locus porro, & tempus numerantur cum quantis continuis, sed quodammodo per se, quoniam sunt res non ita notæ, de quibus tractat Philosophus physicus. aliorum trium discipulus cognitionem habebat exercitatus in disciplinis mathematicis.*

Nullus enim communis terminus est, quo numeri partes copulantur.

**¶** Quantum discretum sic definitur in disciplinis mathematicis, videlicet id esse, cuius partes nullo communis termino copulantur. utitur igitur hac definitione, tanquam re nota discipulis accedentibus ad hanc doctrinam.

At linea est quantum continuum. licet .n. punctum accipere communem terminum, quo partes lineæ copulantur, & superficiem accipere lineam. nam planæ figuræ partes communi aliquo termino copulantur. similiter in corpore quoque accipere communem terminum potes lineam, aut superficiem, qua partes corporis copulantur. Tempus etiam, & locus cum continuis numerantur. instans enim tempus, quod, nunc, vocabulo significatur, coniungit præteritum tempus cum futuro. Locus item est

est in quantis continuis . nam corporis partes aliquo continentur loco, quæ corporis partes aliquo termino communi copulantur . ergo, & loci partes, quæ continent singulas corporis partes, eodem termino communi copulantur, quo partes corporis inter se coniunguntur . Itaque quantum continuum est locus, quoniam uno communi termino eius partes copulantur.

## S C H O L I U M.

*Sicut in demonstrandis quantis discretis usus est definitione Quanti discreti, sic nunc quanta continua demonstrat per definitionem continui. ubique scetur linea, partes communi puncto copulantur. nam linea terminatur punctis, sic superficies terminatur lineis, quibus partes superficiiei copulantur, & corpus habet extrema superficiiei, quibus terminatur. hæc nota erant pueris exercitatis in Mathematicis : qui didicerant in linea longitudinem tantum considerare, in superficie latitudinem tantum, in corpore trinam tantum dimensionem sine ulla materia.*

Tempus etiam, & locus :

*Eodem modo demonstrat hæc duo esse in quantis continuis per definitionem continui. videtur enim tempus diuidi in præteritum, & futurum, quæ tanquam puncto nunc, termino copulentur. locus sine corpore intelligi non potest. corpus enim omne est in loco, & locus id extremum dicitur, quod corpus ambit, ita coniunctum cum extremo corpore, ut loci, & corporis partes eadem continuatione coniungantur, & eodem communi termino copulentur.*

*Præ-*

Præterea sic diuisum est **Quantum**, vt alia  
 quanta ex his consistant partibus, quæ ita locum  
 habent in ipsis totis, vt se mutuo contingant,  
 alia ex his non consistant partibus ita locum  
 habentibus: sic partes quidem lineæ locum  
 habent inter se coniunctæ. vnaquæque enim  
 pars sita est in loco, vt possis notare, & osten-  
 dere vbi sita sit vnaquæque in plana figura, &  
 ad quam partem reliquarum adiungatur. sic &  
 partes planæ figuræ locum habent aliquem.  
 similiter enim ostendi potest, vbi vnaquæque  
 sita est, & quæ partes cum quibus coherent. sic  
 se res habet etiam de partibus solidi, & loci.  
 At in numero minime possit aliquis ostendere  
 partes eius inter se coniunctas locum aliquem  
 habere, aut alicubi sitas esse, aut quæ inter se  
 partes copulantur, nec item in partibus tempo-  
 ris. nulla enim temporis pars aliquando con-  
 sistit quod verò non consistit, id quomodo lo-  
 cum habeat aliquem ordinem potius aliquem  
 dixeris id habere: quoniam temporis pars alia  
 prior sit alia posterior. & similis ratio est etiã  
 in numero, quod prius numeretur vnum quam  
 duo, & duo quam tria. Atque ita ordinem quen-  
 dam habeant, locum, vbi sita sint non admo-  
 dum sane comprehendas. sic est, & oratio. nul-  
 la enim partium ipsius consistit, sed & iam pro-  
 lata est nec potest ostendi. quare nullus earum  
 locus

locus fuerit: quandoquidem fluunt, nec consistunt. Alia igitur Quanta ex ijs partibus constant, quorum locus ostendi potest, alia ex huiusmodi non constant partibus.

## S C H O L I V M.

*Declaratio alterius diuisionis, quam putamus esse nouam, & inuentam ab Aristotele, qui ut in phisicis doctrinam de tempore subtilius, quam veteres philosophi exposuit, & attulit definitionem nouam, dicens, Tempus motionis numerum esse secundum prius, & posterius, sic nunc præter veterem, & usitatam diuisionem, per quam ponitur tempus cum continuis, attulit alteram diuisionem, per quam tempus numeratur cum quantis discretis. nisi. n. id fecisset, non recte sumpsisset in definitione temporis numerum pro genere ex coordinatione contraria.*

*In ipsis totis.*

*Ad id idem, Totis, ad declarandam vim illius verbi, in ipsis, ut se mutuo contingant. sic expono, quod est Græce πᾶσι ἀλλήλα, pertinet. n. ad coniunctionem part. ū, ut ipse declarat, sicut exponit habere thesim, habere locum & situm esse in loco, quod est sub affectum oculorum cadere, & posse monstrari digito, ubi sit.*

*De partibus solidi, & loci.*

*Locus non intelligitur sine solido, id est corpore, quod ambit.*

*At in numero.*

*Numerus nec cadit sub sensum, nec percipitur sensu, sed animo. ob id & solus homo numerat.*

*Nec item in partibus temporis.*

*Tempus fluit semper, nec unquam consistit, & qd dicitur*

C

nunc

nunc, si quis velit ostendere, iam fluxerit, & definitio Aristotelis mirabiliter indicat temporis naturam, quæ sicut numerus, est res intelligibilis non sensibilis. Sic est & oratio.

Oratio quoque, dum pronuntiatur, fluit, immo volat, inquit poeta, irrevocabile verbum. habent igitur partes numerus, & oratio non solum aperte discretas, sed quæ ut in loco sitæ monstrari non possint. numerus enim non cadit sub sensum, & oratio pronuntiata fluit, tempus autem perpetuo fluit, nec vlllo momento consistit.

Alia igitur quanta ex ijs partibus constant.

Videtur velle innuere hac repetitione, & hanc divisionem non inepte quantorum naturam indicare.

Proprie vero quanta dicuntur hæc, quæ enumerata sunt, alia omnia per accidens. ad hæc enim respicientes & alia quanta dicimus, veluti multum albū dicimus, quod superficies multa sit alba, & actio longa est, quod multo tempore perfecta sit, sic est, & motio multa. non enim per se horum vnumquodq. dicitur quantum, ut si quis definire velit quanta sit actio, tempore definiet, puta annuam, aut aliter hoc modo prorsus definiens. album item si definiat, superficie definiet. quanta enim superficies fuerit, album quoque tantum esse dixerit. Quare quæ dicta sunt, sola proprie appellantur quanta: aliorum nihil ipsum per se, sed duntaxat per accidens.

### SCHOLIUM.

Hæc proprie pertinent ad hanc secundam Categoriā

&

& proprie Quanta sunt, quorum naturam indicavit,  
& distinxit per superiores geminas huius generis diu-  
siones: quarum altera vtuntur scholę, altera est accom-  
modatior doctrina Aristotelica de tempore.

Quanto præterea nihil est contrarium: nam  
quæ naturam præferunt finitam, & certam, his  
quantis peripicuum est nihil esse contrarium,  
veluti mensuræ bicubitali, & tricubitali, aut su-  
perficie, aut alicui eius generis. nullum enim  
hæc habent contrarium. nisi quis forte asserat  
multum paucum esse contrarium, aut magnum  
paruum. verum horum nullum est Quantum,  
sed in ijs hæc ponenda, quæ referuntur ad ali-  
quid, nihil enim ipsum per se magnum di-  
citur aut paruum, sed collatum cum alio. sic  
Mons paruum dicitur, Milium vero magnum,  
quoniam illis maiora vel minora sint, quæ sunt  
eiusdem generis. fit igitur cum alio compara-  
tio, quoniam si per se paruum aut magnum  
diceretur, Mons non diceretur vnquam par-  
uus, aut Milium magnum. Rursus in pago mul-  
tos esse homines, dicimus. Athenis vero pau-  
cos, tametsi multo plures sint, & in domo mul-  
tos esse, in Theatro paucos, tametsi multo plu-  
res sint illis. insuper bicubitale, & tricubitale,  
& quælibet eius generis id significant, quod  
quantum est, id quod non significat magnum  
aut paruum, sed magis quod refertur ad ali-  
C 2 quid

quid. id. n. quod significat magnum, aut parvū, spectatur in relatione ad aliud. itaq; manifestū est ipsa in his esse, quæ referuntur ad aliquid.

### SCHOLIUM.

Quanto præterea nihil est contrarium.

*Hoc tetigit in superiore Categoria, tetigit & questionem de magno & parvo, multo & paucio, quam hic sufficiens, & accuratius dissolvit.*

Verum horum nullum est quantum.

*In hac disputatione primo loco ponitur Enstasis, & negatur verum esse, quod obijcitur, hæc esse Quanta, cum nec sint, nec significant quid terminatum, & finitum, quod possit accipi per se, sed aliud spectent, cum quo sit comparatio. itaque ipsorum natura, & significatio refertur ad aliud, sine quo intelligi non potest. arguit autem separatim a natura, quam dicit cerni in relatione, sine qua intelligi non potest, tum separatim a significatione, quæ similiter posita est in eo, ut conferatur cum alio, id quod dicitur magnum vel parvum, multum vel paucum.*

Præterea siue q̄s cuiusmodi ponat esse quanta, siue non ponat, nullum in ipsis est alteri Primum. quod. n. ipsum per se accipi non pōt, sed ad aliud refertur, quomodo ei statueretur quicquam contrarium? deinde si sint Magnū & Parvum contraria, continget, ut idem simul contraria suscipiat, atq; ut eadem sibi ipsis sint Præia. nam contingit ut idem simul sit magnū & parvum, nēpe cum hoc collatum, ut sit parvum: cum alio, ut sit magnum. itaq; idē eodē

tpc



re magnum & paruum esse contingit, & sic  
 tria suscipere, cum nihil uideatur simul tria  
 suscipere. Nam in substantia, quæ apta facta  
 uidetur ad suscipienda tria, nemo simul ægro  
 tat, & ualet, neque simul albus & niger est: sic  
 in cæteris nihil prorsus simul contraria suscipit.  
 cōtingit etiam, ut eadem sibi ipsis sint contraria.  
 nam si est magnum paruo contrarium, & idem  
 simul est magnum & paruum, idem etiā sibi  
 ipsi fuerit contrarium, sed hoc ex his, quæ fieri  
 nequeūt, ut idem sit sibi ipsi contrarium. non est  
 ergo magnū paruo trium, neq. multū pauco.  
 Quare tametsi q̄s hæc neget referri ad aliqd,  
 sed asserat esse Quanta, nullū habebunt triū.

## S C H O L I U M.

Præterea si quis eiusmodi ponat esse quanta.  
 Hac est altera refellendi ratio, quam diximus vocari  
 Antiparastasin, cū demonstramus, quod obijcitur, doctri  
 næ nihil obesse nostræ. demonstrat igitur hæc non esse  
 contraria. & ratio demonstrandi est aptissima docenti,  
 cui facile discipuli assentiuntur: quæ sape uiūtur etiā  
 doctrinæ Mathematicæ. vocant scholæ demonstrationē  
 obliquā deducentē ad impossibile, & quod fieri nequit.  
 nam si paruo sit magnum contrarium, & multū pauco,  
 ostendit absurda duo sequi, alterum ut idem simul susci  
 piat contraria, alterum ut idem sibi ipsi sit contrarium.  
 Quod enim ipsum per se accipi non potest.  
 Antequam ostēdat quæ sequuntur absurda, p̄mittit hanc  
 rationem apertam de natura contrariorum, sicut est bo  
 num & malum, quæ per se accepta considerantur. hæc  
 uero de quibus est disputatio, non possunt per se accipi.

Maxime vero ex his, quæ quanta sunt, contrariaria existere videntur in loco, nam locum superne, quod cælum vocant, loco inferne contrarium posuerunt regionem, quæ medium obtinet, id est terram locum inferne appellantes: propterea quod longissimum sit Medij interuallum ad Mundi extrema. videntur autem & aliorum contrariorum definitionem ab his accepisse: siquidem quæ plurimum inter se distant in eodem genere, ea definiunt esse contraria. Sed quod quantum est, non videtur id admittere, ut dicatur magis aut minus quantum, ueluti quod est bicubitale, alio bicubitali non dicitur magis aut minus bicubitale, sic in numero tria non sunt magis numerus, quam quinque, nec quinque magis quam tria: nec tempus alio tempore magis tempus dicitur. nec ullum prorsus eorum, quæ dicta sunt quanta, magis aut minus quantum dicitur. Itaque etiã Quantum non admittit, ut dicatur magis, aut minus quantum. Verum maxime proprium est Quanti, ut æquale dicatur, et inæquale. nam unumquodque eorum, quæ in quantis numerata sunt, æquale, & inæquale dicitur, ut corpus æquale, & inæquale dicitur, & numerus, & tempus æquale, & inæquale dicitur. sic est de aliis singulis, ut unumquodque dicatur æquale, & inæquale, id quod de nullo reliquorum omnium  
quæ

quæ non sunt quanta, non magnopere uideretur  
 asseri posse, ut sit, quod æquale, & inæquale di-  
 catur, veluti affectio æqualis, & inæqualis  
 haud magnopere dicitur, sed magis similis, &  
 dissimilis. sic album æquale, & inæquale non  
 admodum, sed simile & dissimile. Quare maxi-  
 me proprium est Quanti, ut æquale, & inæqua-  
 le dicatur.

## S C H O L I V M.

**Maxime vero.**

*Hac de re etiam infra ubi de motu circa finem. sic res  
 posita est à ueteribus. nec hic est locus subtilius hæc  
 discutiendi. satis est indicasse ex ueterum sententia sic  
 uideri. de contrarijs suo loco dicetur. quæ autem non  
 sunt contraria, ea non ferè admittunt, ut dicantur magis  
 & minus, sicut antea dictum est de substantia.*

**Verum maxime proprium est Quanti.**

*Hoc enim proprio distinguitur à cateris categorijs.  
 nam cum mēsurā una sit res potissimū, quæ distinguun-  
 tur quanta, ex ipsa mensura fit, ut quanta sint, & dican-  
 tur æqualia, & inæqualia.*

**Affectio.**

*Hæc pertinet ad Qualitatem. motibus autem varijs  
 afficitur animus, & quamuis dicamus aliam motionem  
 esse alia grauiorem, & maioris ponderis, non tamen so-  
 lemus dicere esse æqualem, uel inæqualem alijs motioni,  
 sed uel similem uel dissimilem: quod proprium est, ut ni-  
 debimus, eorum, quæ sunt Qualia.*

## DE HIS QUÆ SUNT

Ad aliquid .

Ad aliquid esse eiusmodi nomina dicuntur, quæ id quod sunt, dicuntur esse aliorum, vel quomodocunq. aliter cum alio comparari, ut maius, id quod est, alio maius esse dicitur, cum aliquo maius dicatur, & duplum, id quod est, alicuius duplum dicitur. alicuius n. duplum dicitur, similiter & eiusmodi alia. sunt autem hæc quoque. eorum quæ sunt ad aliquid, nempe habitus, affectio, sensus, scientia, collocatio, quæ omnia id quod sunt, aliorum esse dicuntur. habitus. n. alicuius habitus esse dicitur, & alia similiter. Ad aliquid igitur esse eiusmodi nomina dicuntur, quæ id quod sunt, dicuntur esse aliorum, vel quomodocunq. aliter cum alio comparari, veluti Mons magnus dicitur cum alio collatus monte. ob collationem. n. cum aliquo magnus dicitur Mons. & simile alicui simile dicitur. & alia eiusmodi ad aliquid esse dicuntur. Sunt autem & accubatio, & statio, & sessio collocationes quedam. collocationes autem ex his sunt, quæ sunt ad aliquid: a quibus denominantur accumbere, stare, sedere. nam hæc non sunt theses, id est, collocationes, sed denotatione ab illis thesibus dñr.

## S C H O L I V M.

De his, quæ sunt ad aliquid. Ratio docendi immutat interdum ordinem nature, quo ordine supra in enumerandis his decem generibus Qualitas posita fuit tertio loco.

nunc

nunc ante Qualitatem, doctrinā tradit eorū, quę referuntur ad aliquid. quoniam supra multa disputata sunt, quę pertinent ad nominum relativorum naturam: ut non videatur recte differri posse eorum tractatio.

Ad aliquid esse eiusmodi nomina dicuntur.

Hac fuit vetus, & usitata noīum ad aliquid definitio, id qđ animadvertere licet ex illo potissimū Plat. loco, qui est in convivio, ubi sic scriptum est, Quid? Frater, id quod est, est ne frater alicuius? sic. n. definebantur Relativa. ut, id quod sunt, essent aliorum. id quod sunt, gręce iisdē notantur verbis apud Plat. qbus hic apud Arist. quorum verborum sententia eadē est, ac si dicas, quorū noīum natura, & essentia ea est. ut nihil aliud sit esse Relativum, & esse ad aliquid, nisi esse aliorum. hęc definitio ostendet in fine Arist. in quo peccet, & aliā afferret ad quē locū ita deducit disputationē, ut qsq; possit intelligere ipsum intuitū facere, ut improbet, quod vsus doctorum horū cōprobauerat, non. n. id, qđ facere potuisset, incipit a reprehendendo definitione, sed eam explicando ostendit, quę cadere videntur sub hanc definitionem, donec ad id postremo perveniat, quod ferri minime possit de quibusdam substantijs.

Ut maius, id quod est. In Relativis, ut videbimus, talis proprie requiritur habiudo mutua, ut alterum sine altero intelligi nō possit. maius & duplum, quibus primo loco definitionem convenire ostendit, sunt eiusmodi.

Sunt autem hęc quoque. Hac quę secundo loco dicit cadere sub hanc definitionē, pertinent etiam ad qualitātē, & possunt p se capi, & intelligi, qđ quędam etiā habiudo intus pōt considerari, sed de his cōmod. alio loco. Collocatio. Diximus supra habere thesin esse habere locum, & in loco si nō esse. itaq; thesim sum interpretatus collocationem, ad quā paullo post dicit pertinere accu-

ba-

*bationem, stationem, sessionem, unde denominatur accubare, stare, sedere, quæ ad situm esse, Categoriam pertinent. Sunt igitur per hanc definitionē etiam Thesis, idest collocatio, & eorum species ad aliquid.*

*Vel quomocunque aliter.*

*Sive relatio habitudinis per alium casum, quam per genitium efficeretur.*

Quæ porro ad aliquid sunt, habent etiam contraria, ueluti virtus est contraria uitiolitati. Et horum utrumque est ad aliquid, & scientia est contraria ignorantie. verum nō omnia, quæ sunt ad aliquid, habent contraria. nam duplo nihil est cōtrarium, neque triplo, nec alijs eius modi. sic & uidentur admittere relatiua, ut dicantur magis, & minus; nam simile & dissimile dicitur magis, & minus, & æquale, & inæquale magis & minus. & hæc in his sūt, quæ sunt ad aliquid. Siquidem simile dicitur alicui simile, & dissimile alicui dissimile, & inæquale alicui inæquale. Sed sic nou dicitur in omnibus, quæ sunt ad aliquid. duplum. n. non dicitur magis & minus duplum, nec ullum eorum, quæ sunt huius generis.

### S C H O L I U M.

*Multiplex noīum sylua, quæ cadit sub hanc definitionē, cum sint tam multa noīa non eiusdem nature, facit, ut ipsorū alia habeant contraria, & dicātur magis, & minus talia; alia non habeant contraria, nec admittant magis, & minus.*

*Siquidem simile dicitur alicui simile.*

*Afferretur pro ratione cur hæc sint relatiua, partem per-*  
*Ar-*

*stremam definitionis, Vel quomodo curque aliter, cum oppositum ad quod nomen refertur per alium casum quam per genitiuum effertur.*

Omnia q̄ sunt ad aliquid ad oppositum dicuntur, quod cum ipsis mutuo regressu conuertitur. sic seruus Domini seruus & dominus serui Dñs dicitur, & duplum dimidij duplum, & dimidium dupli dimidium, & maius minore maius, & minus maiore minus. Similiter & in aliis nisi quod interdum locutio alium casum postulabit. veluti scientia q̄ dicitur rei scibilis scientia. scibile autem dicitur scientia scibile. & sensus dicitur rei sensilis sensus, at sensile dicitur sensu sensile. Verum enimvero non videbitur interdum fieri regressus, nisi ad quod propriè oppositum refertur, id ipsum assignetur, sed erret qui oppositum affert. veluti si afferatur ala esse alitis. non. n. cōuertitur vt ales sit ales ala. non. n. proprie primum allatum est dicendo Ala est Alitis. quoniam non quatenus Ales est, eatenus ala est alitis, sed quatenus alati est. sunt. n. & aliorum multorum alē, q̄ non sunt alites. quare si propriè oppositum afferatur, fit mutuus regressus, vt si dicatur ala est alati ala, & alatum est alatum ala.

### S C H O L I V M

Omnia, quæ sunt ad aliquid.

*Hæc reciprocatio cōuersionis est propria relationi omnium oppositorum. hic autem incipit rti exemplo, quod*

quod est substantia, & hic docet facile errari posse in assignando opposito relative, ut in Ala si dicatur esse alius, non fit recursus reciprocus, quoniam ales non est primum, & proprium oppositum relativum ala, sed alai. & perget uti his exemplis, quae sunt partes secundarum substantiarum, quas ostendet cadere etiam ipsas sub hanc traditam à veteribus Relativorum definitionem. quod quidem alia genera accidentium cadent sub hac definitionem tolerabiliter ferri potest, sed de substantia, quae nullam habet cum accidente coniunctionem, minime ferendum videtur. verum hac de re postea: interim hoc tantum notandum est, nempe Arist. artificium, dum illuc rem deducit, ubi ostendit in quo peccet haec definitio.

Interdum verò etiam fortasse necesse sit fingere nomen novum, si non existat nomen, ad quod proprie fiat relatio, veluti si clavus esse nauigii afferatur, non erit allatum nomen, ad quod proprie referatur clavus. non. n. propterea nauigium est, quia clavus sit ipsius, cum sint & nauigia sine clauo. ob id non fit in his reciprocus recursus. *ne* hoc propriè dicit nauigium esse clavi, vel clauo nauigium, sed fortasse magis proprius recursus fuerit, si quis dixerit clauum esse clauati clauum, aut quomodocunq; aliter. nomen. n. non est impositum, ac conuersionis quidem fit reciprocatio, si proprium sit allatum. clauatum. n. clauo clauatum est. similiter & in alijs, ut caput magis propriè afferatur esse capitati caput, quàm esse animalis caput. non. n. quod animal sit, propterea caput habet, cum animalia multa caput



put nō habeant. ita verò facillime fortasse quis accipiat & fingat, quib⁹ nō sunt imposita noīa, si a primis, ad quæ faciendus est recursus, formetur opposita relatiue, vt in his, q̄ antedicta sunt ab ala alatum, a clauo clauatum. oīa igitur, quę sunt ad aliquid, si ad proprium oppositum dicuntur, inter ipsa fit quersionis reciprocatio.

## S C H O L I V M.

Quibus hicutitur exēplis, sunt partes secundarū substātiarum, & ipsa necessitas fingendi noua noīa, & rō causa, quā mōstrat nouandi noīa, innuunt aliquid subesse in hac doctrina, qđ rectum non sit. nam hę difficultates oēs cessabūt, cū peccato hui⁹ definitionis indicato. afferetur altera melior definitio. sic verò interim disputat, quasi in hac doctrina nihil insit vitij ob reuerētia erga viros doctos, et quoniā doctrinā iā receptā inuitus improbat. Nā si quodlibet aliud afferat, nō id, ad qđ relatiue dī, non fit recursus quersionis. ac plane dico, neq. inter quę nulla est p̄trouersia, mutuū fieri recursum, quorū & noīa sunt in vsu, in his vllā fore reciproā quersionē, si aliquid, qđ noīa mini relatiue accidat, afferat, & nō id, cui opponit relatiue: exēpli causa, si seruus nō dñi seru⁹ esse dicat, sed hoīs, vel aīalis ambulātis duob⁹ pedib⁹, aut alteri⁹ id gen⁹ nulla fit reci. p̄ca quersionis. nefas. n. est dicere homo est sui homo: qm̄ non pprie dictū est su⁹ est hoīs su⁹. Qđ si abla-  
allā  
tū sit id cui pprie relatiue opponit, alijs oīb⁹ sublati, q̄ ipsi accidunt, & eo solo relicto, ad qđ pprie dicat, pprie semp ad id dicet, vt su⁹ si ad

do.

dominum dicatur, sublati aliis omnibus, quæ-  
cunque accidunt ei naturæ, quæ noīe Domini  
significatur, ut quod ambulet duobus pedib<sup>9</sup>,  
quod sit aptus ad percipiendam scientiam, q<sup>uod</sup>  
sit homo, & eo solò relicto, quod sit dominus,  
seruus semper ad ipsum relatus dicitur. ser-  
uus. n. domini seruus dicitur. quod si nomen  
sit allatum, nō propriè ad ipsum relatū, sub-  
lati aliis, eoq. solo relicto, quod non propriè  
ad ipsum refertur, non dicitur ad ipsum. sit n.  
allatum, ut seruus sit hominis seruus, & ala sit  
alitis ala, & auferatur ab homine, ut domi-  
nus sit, non amplius dicitur seruus domini ser-  
uus. si. n. dominus non sit, nec seruus est. Simi-  
liter de Alite, auferatur, ut ne amplius sit ala-  
tum, nec ala erit amplius eorum, q̄ referuntur  
ad aliquid. nisi. n. existat alatum, non erit ala  
alicuius. itaque oportet id afferre, ad quod p-  
prie refertur: ac si nomen sit in vſu, nulla est  
in afferendo difficultas: si non sit, fortasse ne-  
cesse fuerit nouum fingere nomen. ac si ita  
afferantur nomina, manifestum est fore sem-  
per conuersionem reciprocam inter opposita  
relatiua.

### SCHOLIUM.

Nam si quodlibet aliud afferatur.

*Prima cautio est, ne erretur in primo nomine affe-  
rēdo. si enim hic erratum sit, non fiet recursus: deinde sē  
non*

non adest nomen vsitatum, quod sepe contingere necesse est in partibus secundarum substantiarum, quarum hic exempla ponuntur, oportet formare nomen deductum à primo, ut ab ala alatum, a clauo clauatum, à capite capitatum. Est autem per diligen- in his explicandis cautionibus, ut intelligamus quam sit alienus ab aliorum doctrina reprehendenda, si aliquo pacto ferri possit.

Vt quod ambulet duobus pedibus, quod sit aptus ad percipiendam scientiam, quod sit homo.

Hæc efferuntur eo casu, & eo modo, quo solet Aristoteles significare formam & naturam rei, ut sicut in Domino nihil aliud significatur, nisi natura relationis ad aliud, sic per has differentias, seu propria, & per hominem significet res perficientes naturam hominis, quæ formæ substantiales plurimum distant à forma accidentali, quæ significatur per Dominum. cuius Domini has formas substantiales vocat accidentia. quicquid. n. attribuitur Domino, præter id, quo eius natura continetur, recte dicitur ipsi accidere.

Videntur autem quæ ad aliquid sunt, simul esse natura: atque hoc in plerisque verum est. simul. n. est & duplum & dimidium: & si dimidium sit, est & duplum. & si dominus sit, seruus est: & si seruus sit, dominus est; ad hunc modum sunt & alia. & simul se inuicem hæc perimunt. nam si non sit duplum, non erit dimidium, & dimidium si non sit, non erit duplum. sic est de aliis eiusmodi. Sed non de omnibus, quæ sunt ad aliquid, esse id verum videtur, ut sint simul natura. Scibile. n. videri potest prius esse

else, & tempore antecedere scientiam. nam  
ferè ex rebus, quæ tempore antecedunt, scien-  
tias haurimus, atque in paucis, vel potius in  
nullo, quis viderit simul cum re scibili scien-  
tiam ortam esse.

### SCHOLIUM.

Simul esse natura.

*Videbimus infra loco suo quid sit simul esse natura,  
quæ hic usurpatur significatio, est aperta, cum ex  
duobus (relative enim opposita oportet esse duo) neu-  
trum tempore anteceßit alterum. sic est pater, & fi-  
lius. sic est dominus, & servus, duplum & dimidium.  
sic supra relative opponi ostendis Alam, & Alatum,  
clauum & clauatum, caput & capitatum, quod se inui-  
cem statuerent, & perimerent. & sicut reciproca con-  
uersio comprehendit omnia relative opposita, sic ferè  
etiam simul esse natura. Fallit tamen, sicut ostendit in  
quibusdam, sicut est scientia, & scibile. res enim, qua-  
rum est scientia, antecedunt tempore scientias.*

Atque in paucis, vel potius in nullo quis viderit simul cū  
re scibili scientiam ortam esse.

*Interpretantur hæc verba de Artibus, & effectis ab  
Arte, quæ simul extitisse oportet. sed illa verba in pau-  
cis, & quod sequitur, vel potius in nullo, prorsus repu-  
diant hanc interpretationem. Artes. n. & artificio con-  
fecta, quæ sunt inuenta hominum, non sunt paucæ; & il-  
lud, in nullo, quomodo potest accommodari huic inter-  
pretationi? quid? cum sit instituta disputatio de scien-  
tia, & scibili, qui possunt hæc verba, quæ sunt confirma-  
tio antecedentis sententiæ, intelligi de effectis ab arte,  
a quibus res, quæ natura constant, plurimum differunt?  
itaque est animaduertienda consuetudo, & prudentia  
Arist.*

*Arist. in docendo, & disputando. sunt. n. ipsi familiaria  
verba, videtur, ut plurimum, fere. quæ ornant modestiã  
peripateticam. & nunc igitur sic locutus est, Nam fere  
ex rebus, dicit, fere, quoniam non est hic locus hac sub-  
tilius disputandi, & loquitur cum Auditore, qui non at-  
tigit scientias de rebus. &, viderit, verbum pertinet  
ad sensum, si quis ergo percurrat oculo ipsas scientias,  
viderit in paucis, vel potius in nullo simul cum re scien-  
tiam ortam esse.*

Præterea scibile quidem peremptum simul  
perimit & scientiam, at scientia non simul pe-  
rimit scibile. nam si non sit scibile, non erit  
scientia, & nullius prorsus erit scientia. si verò  
scientia non sit, nihil prohibet quin scibile sit:  
sicut & circuli quadratio, si modo res est sci-  
bilis, eius scientia nondum est inuenta, res ta-  
men est scibilis. Insuper animali quidem pe-  
rempto non erit scientia, multæ tamen res sci-  
biles supererunt. sic se res habet etiam de sen-  
su. nam res sensibilis prius esse q̃ sensus videtur.  
siquidem sensibile peremptum simul perimit  
sensem. sensus non simul perimit res sensibiles.  
corpus. n. circumplectitur sensus, qui sunt in  
corpore. & re sensili perempta perimitur, &  
corpus, quod numeratur in rebus sensilibus.  
qd̃ si non sit corpus, perimitur, & sensus: quare  
simul perimit res sensibilis sensum. sensus nō  
simul perimit rem sensilem. animali. n. perem-  
pto sensus quidem perimitur, res sensibilis non  
perimitur, sed adhuc erit corpus sensile, veluti

D

ca.

calidum, dulce, amarum, & alia omnia quæcunque sensu percipi possunt. Insuper sensus cum eo, quod aptum natū est vti sensibus, gignitur. nam simul cum animali gignitur sensus. res autem sensibilis est antequā animal sit, aut sensus. ignis. n. & aqua, & eiusmodi, ex quibus animal constat, sunt antequam omnino sit animal, aut sensus. quare ante sensum videri potest res sensibilis esse.

## S C H O L I V M.

Preterea scibile quidem peremptum.

*Et hac ratio aperte probat rem scibilem, & scientiam non esse simul natura, cum possit esse alterum sine altero. nam si non sit scientia, nihil tamen vetat quin sint multa scibilia.*

Circuli quadratio.

*Exemplum notum discipulis exercitatis in disciplinis mathematicis. multi autem conati erant circulum quadrare afferendo eius rei demonstrationes, vt Hippocrates, Brisson, Antipho, quorum mentionem facit Aristoteles: sed nemo id demonstratione solida effecerat.*

Sic se res habet etiam de sensu.

*Sensus & res sensibilis similiter atque scientia & res scibilis demonstrantur, eodem modo non esse simul natura, sed rem sensibilem esse ante sensum. atque hæc disputatio confirmat etiam superiorem demonstrationem de scibili & scientia, quæ ortum habet a sensibus, qui si non sint, nulla erit scientia.*

Verum illud affert dubitationem, vtrū nulla substantia dicatur esse eorum, quæ sunt ad aliquid, sicut ratio videtur postulare, an id contingat in quibusdam secundis substantijs. nam  
in

in primis substantijs verum est, nec ipsam totā, nec eorum partes dici ad aliquid referri. aliquis. n. homo non dicitur alicuius aliquis homo, nec aliquis bos alicuius aliquis bos. sic est de partibus. aliqua. n. manus non dicitur alicuius aliqua manus, sed alicuius manus. & aliquod caput non dicitur alicuius aliquod caput, sed alicuius caput. eodē modo etiam est in secundis substantiis, nempe in plerisque, ut homo alicuius homo non dicitur, nec bos alicuius bos, nec lignum alicuius lignum, sed alicuius res & possessio dicitur. atq. hæc talia perspicuum est non esse ad aliquid, sed de aliquibus secundis substantiis res habet dubitationē. nam caput dicitur alicuius caput, & manus alicuius dicitur manus, & sic est de singulis, quæ sunt eiusmodi. quare videri possunt hæc esse ad aliquid.

## S C H O L I V M.

*Ultimo loco ut solet, & ratio docēdi postulare videtur, proposuit dubitationē, an sub hanc definitionem cadat aliqua substantia. & declarat in primis substantijs nec tota, nec partes ad hanc definitionē pertinere: in secundis substantijs ipsa tota, id est species & genera, ut homo, bos animal, lignum excludi ab hac definitione, sed dubium videri de partibus ipsarum. manus, pes, caput, id quod sunt & per se non aliena ope, sunt aliorum.*

*Sicut ratio videtur postulare:*

*Non. n. videtur ferendum, ut aliqua substantia sit sub aliquo accidēte, sicut videtur ferri posse, ut aliquod accidens sit sub varijs generibus accidentium.*

D 2

sed

*Sed alicuius manus.*

*Sic verò non est alicuius per se, sed per speciem.*

*Et sic de singulis, quæ sunt eiusmodi.*

*Sunt autem partes secundarum substantiarum.*

Si igitur, id quod satis est, habet hæc definitio nominum, quæ sunt ad aliquid, aut res est admodum difficilis, aut nullo pacto licet ostendere nullam substantiam dici esse ad aliquid. sin minime habet quod satis est, & ad aliquid ea sunt, quorum essentia idem hoc est, quod referri ad aliquid, fortasse dici poterit aliquid aduersus hæc. Prior definitio consequenter quidem accommodatur omnibus, quæ sunt ad aliquid: non tamen idem est ipsis esse ad aliquid, id quod sunt ipsa, aliorum dici.

## SCHOLIUM.

*Si igitur.*

*Tandem non dubitari posse, sed perdifficile esse dicit, vel potius fieri non posse, ut nulla substantia sit ad aliquid, si nullum sit peccatum, & nihil desit in hac definitione.*

*Sin minime habet quod satis est.*

*Quod si deest aliquid huic definitioni, & conceditur nobis, ut tentemus aliquid melius afferre, sic dicemus, Ad aliquid ea sunt, quorum natura idem hoc ipsum est, ac referri ad aliquid. Ad aliquid, est illud quod definitur, in quibus duobus verbis significatur natura, quæ per se capi non potest: & vox, aliquid, oppositum certum indicat, ad quod respicit. Verba definitionis, quorum natura idem hoc ipsum est, significant, ut ita dicam, identitatem definitionis, & definiti, nam si proprie, & expresse*



*preſſe interpreteris quid ſignificet hoc verbum, ad aliquid, ſignificat idem quod referri ad aliquid.*

*Prior definitio* *Indicat in quo peccet definitio vetus. verum quidem eſt, quæ ſunt ad aliquid eſſe aliquorum, ſed non conuertitur, quæ ſint aliquorum, omnia ſint ad aliquid. ita latius patet definitio, quàm definitum, nec proprie explicat quid nomen ſignificet.*

Ex his porro manifeſtum eſt, ſiquis definite & certo nouerit quippiam eſſe ad aliquid, illud quoque cogniturum definite ad quod dicitur. atque hoc, & ex his ipsis clarum eſt: ſiquis. *n*on nouit hoc aliquid eſſe eorum, quæ ſunt ad aliquid; (eſt autem eſſe ad aliquid idem quod referri ad aliquid) illud quoque nouerit oportet, ad quod refertur. *n*am ſi non nouit omnino ad quod hoc refertur, nec ſi referatur ad aliquid, nouerit. & ea res etiam fit perſpicua, ſi nomina ad aliquid applicentur ad certam quampiam rem: vt hanc aliquam rem ſi quis certo nouit eſſe duplam, & cuius rei dupla ſit, certo & definite nouit. *n*am ſi nullius certæ & definite rei duplam eſſe nouit, *n*eſi *nec* dupla quidem ſit is plane nouit. eodem modo ſi nouit hanc rem aliquam eſſe meliorem, definite ſtatim nouerit, oportet etiam qua re ſit melior. *nec* indiftincte eam rem nouerit eſſe deteriore meliorem: talis. *n*. notitia ſuſpicio quædam eſt, *n*ō ſcientia. non. *n*. fuerit hæc exacta & certa notitia, rem aliquam eſſe deterio-

re meliorem. nam fieri potest, vt nihil sit, illa deterius. Quare perspicuum est, quod quis definite nouit eorum esse, quæ sunt ad aliquid, ei cognitum esse definite oportere illud etiam ad quod dicitur. at vero caput, & manus, & eius generis singula, quæ sunt substantiæ, id quidē quod sunt definite, licet cognoscere, illud vero cognoscere ad quod dicuntur minime necesse est. cuius. n. sit hoc caput, & cuius sit hæc manus non licet cognoscere definite. itaq; hæc minime fuerint eorū, quæ sunt ad aliquid. quod si non sunt hæc ad aliquid, verum vtriq; fuerit nullam esse substantiā eorum, quæ sunt ad aliquid. sed est difficile fortasse de ijs etiam asseueranter affirmare, qui non crebra commentatione rem expenderit. de singulis tamen dubitasse non est inutile.

### SCHOLIUM.

Ex his porro manifestum.

*Ex his nempe, quæ sunt in hac a nobis allata definitione ipsam antea exposuimus, & diximus proprium eorum, quæ sunt ad aliquid esse habitudinem, & relationē ad aliquid, qd notū esse oportet, & definite notū esse oportet. dictio. n. aliqd inuit oppositū certū, et definitū. hoc modo fit, vt relatiū nō possit cognosci sine cognitione alteri oppositi relatiui. & hac est vera pprietas, quæ distinguit hanc Categoriam à ceteris Categorijs, Atque hoc, & ex ipsis clarum est.*

*Prima ratio huius perspicuitatis sumpta à definitione, quam affert pro comprobanda eare.*

Et

Et ea res etiam fit perspicua.

*Ratio altera ad rem eandem comprobendam. cum duplo accipe, verbi gratia, duplam aliquod tempus, duplam aliquam pecuniam, si nosti pecuniam hanc esse duplam, simul nosti etiam cuius alterius dimidiata pecunie sit dupla.*

Talis enim notitia suspicio quædam est, non scientia.

*Hypolepsis apud Latinos est suspicio, & opinio, quæ est infirma quædam notitia, & qua potest esse falsa. Per scientiam autem significatur certa notitia, & qua non potest esse falsa.*

Quare perspicuum est.

*Ex allatis rationibus infert more suo propositæ doctrinæ conclusionem.*

At vero caput, & manus.

*Per hanc ergo definitionem, cuius vis exposita est, excluduntur partes secundarum substantiarum, ut ne sint ad aliquid, quemadmodum erant per alteram veterum definitionem. Supra verò ostensum est, nec primas, nec secundas substantias fuisse ad aliquid, nec etiam per illam superiorem definitionem.*

Non licet cognoscere definire.

*Si liceret cognoscere definite cuius sint caput, & manus, fierent partes primarum substantiarum, quas supra ostendit, cur non sint ad aliquid.*

Sed est difficile fortasse.

*Hoc quoque pertinet ad verecundiam, & reverentiam virorum doctorum, aduersus quos disputare haud leuiter moueri oportet.*

## DE QVALI ET QVALITATE.

Qualitatem dico, per quam tales aliqui dicuntur. Qualitas aut late patet, & res plures complectitur. itaq. species vna Qualitatis vocetur *Habitus*, & *Affectio*. differt habitus ab affectione, quoniam habitus est qualitas diuturnior, & firmitior: cuiusmodi sunt scientiæ, & virtutes. si quidem scientia videtur esse qualitas firmiter inhærens, & longo tempore perseverans, si quis vel mediocri tpe scientiam perceperit, nisi vi morbi, aut alius cuiuspiam calamitatis eiusmodi magna sit effecta mutatio. talis est & virtus, veluti Iustitia, & temperantia, & vnumquodq. talium videtur nec moueri, nec mutari facile posse. affectiones verò dicuntur, quæ facile moueri, & citò mutari possunt, sicut caliditas, & refrigeratio, & morbus, & sanitas, & alia eiusmodi. ab his. n. inuritur homini affectio quædam, qui homo facile mutatur ex calido frigidus factus, & ex bona valetudine incidens in morbum. & in alijs similiter. nisi aliqua etiam affectio eiusmodi temporis longinquitate iam sit, quasi effecta naturalis, & immobilis, aut quæ prorsus difficillime possit mutari. quam iam aliquis fortasse habitum appellauerit. ac profectò manifestum est solere habitus dici, quæ diuturniora sunt, nec facile mutari possunt. nam qui in scientiis nō magnopere aliquid tenent, & ab eo dimoueri

ta-

facilè possunt, eos non dicunt esse præditos, habitu, tametsi affectione quadam sint imbuti, siue deterius, siue melius in aliqua scientia, doctrina sint, ut ita dicam, aspersi. differt igitur habitus ab affectione, quod hæc sit res facilè mobilis, ille sit diuturnior, & qui difficilior mutari possit. Sunt autem habitus etiam affectiones, sed affectiones non sunt habitus necessariò. qui. n. est præditus habitu, etiam affectus esse dicitur ea re, cuius habitum tenet, nō contra, qui affectione rei sunt imbuti, etiam eius rei habitum tenent.

## S C H O L I V M

Qualitatem dico, per quam tales aliqui dicuntur.

*Verbum, Dico, in licat hanc definitionem accommodatam susceptæ tractationi ipsius Aristotelis esse, qui etiā propter hanc doctrinam posuit in principijs præcognoscendis definitionem Denominatiuorum. est ergo Qualitas, a qua denominamur tales, ut a grāmatica, grammaticus, a fortitudine fortis.*

Qualitas autem latè patet.

*Multipliciter dici, quod respondet ad verbum verbis græcis, usurpatur ferè ab Arist. ad indicandam homonymiam alicuius dictionis, quo sensu hic nō accipitur. sed Aristotelis hoc modo significare voluit hanc Categoriā secari in multas species, & rerum multarum copiam completi.*

Vocetur habitus, & affectio.

*Orditur ab his, quæ accidunt Animis, & quibus afficitur animus. existimamus autem hanc generum, quæ ad Qualitatem pertinent, distributionem Aristotelis esse & nouam doctrinam, & verbum, dicatur, indicat Aristot-*

*Arotelem his nominibus consignasse hanc primam speciem, non quod ipse fuerit inuentor, & auctor horum nominum, quæ interpretamur per habitum, & affectionem: Sed quod ipse primus sic uocauerit hanc speciem. vim autem, & discrimen horum nominum ipse tradit, vult enim habitum esse qualitatem penitus inbarentem, & infixam in animo, cuiusmodi sunt virtutes, & scientiæ, quibus animus ornatur, & perficitur. quæ si non ita inbæreant in animo, sed ipsis sit leuiter aspersus, & imbutus, talis aspersio non vocatur habitus, sed affectio. Siquis vel mediocri tempore scientiam perceperit. Sic sunt perspicaciora ingenia, quæ celerius percipiunt rerum cognitionem. non est ita de habitu virtutis, qui non perficitur, nisi longi temporis usu, & exercitatione.*

*Sicut caliditas, & refrigeratio.*

*Rerum, quæ pertinent ad corpus, exemplis utitur, ut notioribus. innuit tamen hæc vocabula, Habitus, & affectionis, quæ propria sunt animi, posse transferri ad qualitates etiam corporis, & morbum diuturnum, in naturam affecti corporis conuersum habitum appellari posse.*

*Solere habitus dici.*

*Hanc vim, & discrimen inter habitum, & affectionem comprobatur ex usu etiam loquentium,*

*Alterum genus Qualitatis est, per quod alios viribus, ad dimicandum pugnis, alios velocitate ad cursum valere dicimus, aut esse maxime firma valetudine, aut valetudinarios, atque vniuersæ quæcunque sic dicuntur ex firma vel infirma, & imbecilla corporis naturali constitutione. non enim ex suscepta affectione eorum vnumquodque dicitur, sed ex vi a natura corpori inge-*

*ni.*

nita, vt aliquid hoīes agere facile possint, vel tolerate & nihil pati, quō qui ita nati sunt, vt viribus ad dimicandum pugnis valeant, aut velocitate ad cursum, nō quod ab exercitatione sic affecti sint, sed a natura vim ingentē habeant ad aliquid facile agendū. & esse firma valetudine aliqui dicuntur, propterea quod eam vim habeāt a natura, vt nihil facile patiātur ab ijs, ob quæ alij in morbos incidunt: Valetudinarii vero dicuntur ob ingentem imbecillitatem patiendi, & tolerandi quæcūque nocere possunt. similē his vim habent & durum & molle nam durū dicitur, quod eam a natura vim habeat, ut non facile secari possit. molle uero qđ imbecille natura factū sit ad resistendū, ut ne secet.

## S C H O L I V M.

Alterum genus qualitatis est per quod.

*Non est hoc genus consignatū noīe proprio, vt superius per habitum & affectionē: sed per nomina denominata a qualitate, quæ caret noīe. nam pyctici, palæstrici, dromici, non accipiuntur in hoc genere pro illis, qui a magistro exercitati sunt ad dimicanē cēstibus, ad luctandū, ad currendū, sed pro his, qui apti facti sunt a natura ab ipso ortu ex naturali corporis constitutione ad hęc ob-eunda. talis aut vis ingenta corpori ad aliquid agendū facile, vel imbecillitas ad patiendū, vel non tolerandū aliquid nomen non habēt. noīa tamen græca illa usurpantur etiam in hac significatione, quæ ad vim, vel imbecillitatē ingentē corpori, & ad interius temperamentū pertinent: quibus nominibus non habemus quæ respondeant latina nomina, nisi forte nomen valetudinarij.*

Non

Non. n. ex suscepta affectione.

*Suscepta videlicet per exercitationem. nam denominantur tunc vnumquodq. a sua scientia, vt pythici a pythica, dromici a dromica scientia.*

*Similem his vim habent & durum, & molle.*

corpore

*Sicut significauit in superiori genere habitum, & affectionem, quæ propria sunt animi, posse etiam transferri ad corpus, sic nunc hæc duo, quæ sunt in anima, ostendit posse numerari in hoc genere.*

Tertium Qualitatis genus sunt Qualitates passiuæ, & perpassiones, cuiusmodi sunt dulcedo, & amaritudo, & austeritas, & oïa his cognata, tum etiam caliditas, & frigiditas, & albedo, & nigredo. atq. has quidem esse qualitates manifestum est. nam quæ suscipiunt eas qualitates, talia per ipsas dicuntur. vt mel per susceptam dulcedinē dicitur dulce, & per alborem susceptum corpus album dicitur. sic & de alijs. dicuntur aut qualitates passiuæ, nō quia quæ ipsas susceperē, sint aliquid passa. neq. n. mel quod aliquid passum sit, dulce dicitur. nec aliud vllum ex iis. ac perinde, vt hæc etiam caliditas, & frigiditas passiuæ qualitates dicuntur, non quoniam quæ ipsas susceperē, sint aliquid passa, sed quod vnaquæq. dictarum qualitatum, in sensibus commotionis sit effectrix, propterea passiuæ qualitates dicuntur. nam dulcedo motionem quandam in gustatu ingenerat, & caliditas in tactu. sic & aliq. verum albedo, & nigredo, & alii colores nō eadē ratione, qua



qua iam dictæ qualitates, dicuntur passivæ qualitates, sed quoniam ipsæ ab aliqua cōmotione gignuntur. ac gigni quidem multas colorum mutationes ex motione, & perturbatione manifestum est. sic. n. effectus est in aliquo ex pudore rubor, & ex metu pallor. sic in singulis eiusmodi. itaq. si quis etiam a natura perturbationem aliquā eiusmodi sit passus ex cōtingentibus causis naturalibus, par est hūc habere similem perturbationi colorem, nempe ut naturaliter vel palleat, vel rubeo, vel fusco sit colore. nam quæ nūc ex rubore affectio in corpore extitit, in naturalis quoq. temperamenti constitutione eadem extiterit affectio, ut naturaliter similis etiam in corpore gigneretur color. in his igitur, quæ naturaliter contingunt, quæcunq. profecta sunt a motionibus non facile mutabilibus, & permanentibus, passivæ qualitates dicuntur. in naturali n. constitutione siue palliditas, siue nigredo sit, qualitas dicitur nimirum, per quam tales dicimur; siue propter diuturnum morbum, aut æstus feruorē eadem qualitates contingant, nec facile abscedant, & vitam comitentur, hæ quoque passivæ qualitates dicuntur, per quas similiter tales dicimur. sed quæ fiunt ab his, quæ faciliè dissoluntur, & celeriter abscedunt *scilicet* i. motus quidā, siue perpeffiones dicuntur: non dicuntur qualitates: quoniam per has perpeffiones non dici-

dicimur tales. qui. n. erubuit ob pudorem non dicitur rubicundus, nec qui expalluit ob metū dicitur pallidus, sed potius dicitur aliquid passus esse. quare quæ sunt eiusmodi, uocentur perpeſsiones & cōmōtiones quædam, qualitates minime dicuntur. His similes etiam in animo passiue qualitates, & perpeſsiones dicuntur: quæcunque uidelicet a motionibus non facile mutabilibus extiterunt, hæ dicuntur qualitates passiue, ut insania ab alienans a recto statu mentis: & iracundia ingenita, & alia eiusmodi. nam tales dicuntur per ipsas, nempe infani & iracundi. similiter & quæcunq. aliæ ab alienationes a recto mētis statu non naturales quæ per difficile curari possint. & per accidēs a causis aliquibus aliis motionū profectæ prorsus immutabiles qualitates dicuntur istę quoque, quando & per has tales dicuntur. quæcunque uero sunt ab his, quæ facile & celeriter discedunt, perpeſsiones dicuntur. ueluti si quis dolore commotus fiat iracundior. non. n. natura iracundus dicitur, qui tali motu iracundior factus est, sed poti⁹ dicitur aliquid passus esse. quare motus eiusmodi animi dicuntur perpeſsiones quædam, non qualitates.

### SCHOLIUM.

Tertium qualitatis genus.

*Hoc tertium genus continet, & comprehendit ea, quæ pertinent ad sensus. itaque & nomen generis sunt qualita-*

*litates passiva, & perpeſſiones, & diſtinguuntur hac nomina inter ſe, ſicut in primo genere nomen habitus, & nomen affectionis. qualitates dicuntur, quę ſunt permanentes, a quibus tales denominantur, in quibus inſunt. perpeſſio eſt motio levis, & mutabilis, a qua nulla fit denominatio.*

*Dicuntur autem qualitates paſſivę.*

*In quatuor ſenſibus, tactu, guſtatu, odoratu, & auditu perpeſſio, & motio à qualitatibus inſigitur ſenſibus, quos veluti mordent, & percutiunt. colores, qui cadunt in cernendi ſenſum, nullum talem motum inurūt oculo, ſed contra ipſi colores gignuntur ab aliqua motione, & perpeſſione. Itaque diuerſa ratio eſt, cur qualitates, quę pertinent ad oculum, dicantur paſſivę ab illa ratione, ob quam dicuntur paſſivę alię qualitates, quę pertinent ad alios quatuor ſenſus.*

*Ac gigni quidem multas colorum mutationes,*

*Exemplis notis, & quę ſub ſenſum cadunt, inſert ex ſimilibus cauſis alicuius perpeſſionis in temperamento naturalis conſtitutionis corporis fieri, ut alia corpora natura palleant, alia ſint rubicunda, alia ſint fuſco colore.*

*His ſimiles etiam in animo.*

*Vitia, & virtutes animi nobiſcum congenitę, per quę alię naturamites dicuntur, alię iracundi, alię furentes, pertinent ad hoc tertium genus qualitatis. Nam uſu vel recto, vel prauo acquiſita pertinent ad primum genus. ſic in primo genere tranſtulit habitum etiam ad corpus. in ſecundo, molle, & durum adiunxit illis, quę erant propria eius generis.*

*Quartū genus qualitatis eſt figuraq. & extrema circūplectens quamq. rem forma. cum his*  
con-

coniungantur, etiam rectitudo, & curvitas, & si quid est aliud his simile. nam per horum vnumquodque tale aliquid dicitur. siquidem Triangulus, & Quadrangulus tale quid dicuntur, & rectum & curuum, & per formā vnumquodq. tale dicitur. Rarum aut, & densum, & asperum, & læue possent quidem videri tale aliquid significare. Sed videntur eiusmodi aliena esse a diuisione, quæ de qualitate allata est. nam collocationem quandam partium potius videntur significare. Densum. n. dicitur, quoniam partes constrictæ se mutuo contingunt. Rarum, quoniam interuallis partes inter se distant. Læue, quoniam partes positu directe extendantur. Asperum dicitur, quoniam alia pars eminens extat, alia subsidens depressa est.

### SCHOLIUM.

*Pulcherrimo tradidit ordine hanc doctrinam generū, quibus continentur omnes qualitates, ab intimo animo exorsus, in quo genere est habitus, & affectio, secundo loco exposuit, quæ pertinebant ad interiorem corporis constitutionem, in qua firmitas, & imbecillitas corpori congenita regebat, & distinguebat secundum genus ab alijs. Tertio loco exposuit, quæ magis eminebant in corpore, nempe quæ pertinebant ad quinque sensus. Quarto loco id, quod proxime accedit ad quantitatem, & in promptu est, & in ipsa superficie. Est aut forma, & figura cuiusq. rei varijs circumducta lineamentis. Rectitudo, & curvitas. Hac accidunt lineis, & figuris.*

**Alic.**

*Aliena esse a diuisione.*

*Si in nullam cadunt diuisionem Qualitatis, sunt reuera aliena a qualitate, nec ullo modo possunt vocari qualitates.*

*Nam collocationem quandam partium.*

*Supra theses & collocationes posuit in categoria ad aliquid, & denominata a thesibus in categoria, situm esse, vt stare, sedere. sic erunt hac rarum, densum, asperum, lane.*

Possset quidem fortasse videri & alius aliquis esse Qualitatis modus, sed qui maxime dicuntur eiusmodi propemodum sunt. Sunt igitur Qualitates, quæ antea dictæ sunt: Qualia vero, quæ ab ipsis denominatione deducuntur, vel quomocunque aliter ab ipsis profecta. ac in plerisque sanè & propè in omnib<sup>9</sup> fit denominatio, vt ab albedine albus, & a Grammatica grāmaticus. & a iustitia iustus. sic & in alijs. in nonnullis autē, qm̄ qualitati nomina non sunt imposita, nō licet denominatione ab ipsis qualia deducere, veluti qui græce dromicus, aut pycticus dicitur, quoniam ex ui naturaliter ab ipso ortu corpori insita alter ad cursum velocitate valeat, robore alter valeat ad dimicandū pugnīs, neuter a nulla quæ nomen habeat, qualitate denominatur. illi. n. ui corpori congenitæ nomen non est impositum, a qua ui naturali tales dicantur: sicut imposita sunt nomina scientiis, per quas apud magistros exercitati pyctici, & palæstrici appellantur. pyctica. n. scientia

E

VO-

vocatur & palæstrica, a quibus his imbuti sciētijs, tales denominantur. interdum & qualitas nomen habet; nec quale ab ipsa denominatur, sicut a virtute, quæ græce dicitur *ἰσχυρῆς*, qui virtute præditus est, dicitur *σπουδαίως*. hoc.n. nomen ad virtutem pertinet, nec ab ipsa deducitur, sed non in multis eiusmodi res contingit. dicuntur igitur qualia, quæ denominantur a dictis qualitatibus, aut quomodocunque aliter ad ipsa pertinent.

### SCHOLIUM.

Possset quidem fortasse.

*Qualitates omnes ordine pulcherrimo, ut dictum est, comprehenduntur his quatuor generibus. quod verò nunc dicit, spectat ad modestiam docentis.*

*Vel quomodocunque aliter.*

*Non omnia Qualia habent qualitatem, a qua deducto nomine denominentur. nam in secundo genere qualitatis Qualia non denominantur à qualitatibus, quæ carent nomine. sed proficiſcuntur significatione ab ea vi, vel imbecillitate, quæ est insita corpori naturaliter ab ipso ortu. Græcis est nomen ipsis Qualibus. apud Latinos nec ipsa Qualia proprium nomen habent, sed explicantur periphrasi, naturaliter valere velocitate, vel robore ad hoc, vel illud, vel naturaliter imbecillum esse ad hoc agendum, vel illud facile, aut patiendum.*

Interdum & qualitas nomen habet.

*Sicut apud Græcos non est nomen dedi Etum à virtute, quo significetur, qui virtute præditus est, sic nec apud Latinos.*

*Dicuntur igitur qualia.*

*More suo infert cōclusionē eius, quod docere proposuit.*

Exi.

Existunt autem & contraria in hac categoria quæ ad Quale pertinet, est. n. iustitiæ contrariū iniustitia. & albori nigror. sic & alia. eodē modo & qualia a qualitatibus deducta. sic est & iniustum iusto, & albū nigro ꝑrium: quod tñ in omnibus non procedit. nam rubeum et pallidū tametsi qualia sunt, nullum habent cōtrarium. Insuper & hoc, si ꝑtriorum alterum sit quale & alterum esse quale. quod manifestum fit per currenti in demonstrando singula alia rerum genera: veluti si sit iustitia contrarium iniustitiæ, & iustitia pertineat ad categoriam, Quale, ad eandem ergo pertinet & iniustitia. nulla. n. reliquarum categoriarum sese accommodat iniustitiæ, nec Quantum, nec Relatum ad Aliquid, nec Alicubi, nec vlla prorsus alia categoria præter Quale. sit est in alijs contrarijs, quæ pertinent ad quale.

## S C H O L I V M.

Existunt autem.

*In hac categoria maxime locum habent contraria. substantie. n. ut vidimus nihil est contrarium nec Quanto, nec fere in Relatis ad aliquid si sequamur definitionem Aristotelis.*

Insuper & hoc.

*Hoc quoque tanquam proprium in hac categoria numerari potest. si constet ex duobus contrarijs alterum esse quale etiam alterum quale esse oportere. infra ubi de contrarijs agetur, videbimus quo præcipue fundamento id nitatur.*

E 2

Quod

Quod manifestum sit percurrenti.

*Hac est demonstratio per inductionem, de qua dictum est supra, quæ fit singulis rerum generibus propositis percurrentis, quæ certo numero cum constet, sunt tanq̃ res sensibus subiectæ. percurrere reliqua nouem categoriarũ genera, intelliges iniustitiã ad nullam earũ pertinere.*

Habent & hoc Qualia, vt dicantur magis & minus talia. album. n. magis & minus album aliud alio dicitur. & iustũ magis & minus aliud alio dicitur. & hæc ipsa intensionem suscipiunt, ut quod est albũ, fieri possit magis album. quod tamen non in omnibus, quæ sunt Qualia, contingit: sed in plerisque. nam iustitia an dicatur magis & minus iustitia posset aliquis dubitare, & de aliis similiter affectionibus. ( nam de iis nonnulli ambigunt : qui dicunt iustitiã iustitia haud magnopere dici magis & minus, nec sanitatẽ sanitare, habere tamen alium alio minus sanitatem dicunt, & iustitiam alium alio magis, similiter & grammaticam, & alias affectiones: atque omnino deducta ab ipsis qualia absque dubitatione magis & minus talia dicuntur. alius. n. alio dicitur scientia grammatices magis instructus, & inagis robusta valetudine, & magis iustus, & sic in aliis ) triangulus autem & quadrangulus non videtur dici debere magis & minus triangulus, aut quadrangulus, nec ulla aliarum figurarum. nam quæ cadunt sub definitionẽ trianguli, aut circuli, oĩa & quæ sunt triaguli, aut circuli: quæ verò nõ cadunt



dunt figure sub eandem definitionem, nec cū  
 ipsis usurpari pōt magis & minus. non n. qua-  
 drangulus magis circulus est illo quadrangulo  
 qui est altera parte longior. neutrum n. cadit  
 sub circuli definitionē, atque vniuerse, nisi quæ  
 inter se collata dicuntur esse magis & minus  
 talia, cadunt vtraque sub eius definitionem,  
 de quo est disputatio, non dicentur aliud alio  
 esse magis talia. non omnia igitur Qualia susci-  
 piunt magis & minus. Sed nihil horum, quæ  
 dicta sunt, est ipsius proprium Qualitatis, verū  
 aliqua esse similia, vel dissimilia in solis dicun-  
 tur qualitatibus. aliud enim alii simile est per  
 nullum aliud categoriarum genus, quàm per  
 quale. Quare proprium Qualitatis fuerit per  
 ipsam dici aliquid esse simile, aut dissimile.

## S C H O L I V M.

Habent & hoc qualia.

*Nam aliqua dici magis. & minus talia propriè locum  
 habet in contrarijs, quæ plurima sunt in hac Categoria.  
 Nam iustitia.*

*Hæc verba, vsque ad illum locum, Triangulus autem  
 sunt intercipienda quasi per parenthesis. sic autem  
 hæc sententia pendet à proxima superiore, dixi Qua-  
 lia suscipere magis & minus, & in eā, ac remitti, quia  
 de qualitatibus dubitatur. nam aliqui asserunt iustitiā,  
 & alios habitus per se acceptos non dici magis & mi-  
 nus tales, sed eos, qui præditi sunt illis habitibus, dici  
 magis & minus habere illos habitus, & affectiones, si-  
 ue pertineant ad mores, siue ad cognitionem, siue etiā  
 pertineant ad corpus, vt sanitas.*

**Triangulus autem.**

*Hoc respondet ultimis verbis, quæ posita sunt ante parenthesim, quod tamen non in omnibus, quæ sunt qualia contingit, sed in plerisque, non potest dici Triangulus magis Triangulus alio triangulo, & ratio est quia cadunt sub eandem definitionem. sunt ergo eiusdem naturæ. nec alius esse potest magis talis quàm alius, quod si comparatio spectet aliam figuram cum qua non sint idem definitione, nec sic inter hæc usurpabitur magis & minus, ut patet exemplo.*

**Aliud. n. alij simile.**

*Res est per se nota. & dictum est autem de hoc proprio in fine categoria, quæ Quantum vocatur.*

Ceterum nō oportet perturbari, ne quis nos dicere possit, qui proposuimus tractare de Qualitate, multa eorum, quæ sunt ad aliquid in hoc genere adnumerasse. habitus enim & affectiones eorum esse diximus, quæ sunt ad aliquid: quippe quod omnium fere qualitarum genera ad aliquid esse dicantur; quæ vero singula sub generibus continentur, eorum nullum est ad aliquid. nam scientia, quæ genus est, hoc ipsum quod est alius esse dicitur, alicuius. n. scientia dicitur: ipsarum vero singularum scientiarum nulla hoc ipsum quod est alius dicitur, veluti Grammatica non dicitur alicuius grammatica, nec Musica alicuius musica, nisi forte per genus etiam hæ dicantur esse ad aliquid: sic grammatica dicitur alicuius scientia non alicuius grammatica, & Musica alicuius scientia

tia

tiā non alicuius musica. Quare singulæ scientiæ non sunt ad aliquid, a quibus nos denominamur tales : quas & tenemus; & nos docti & scientes dicimur, quod aliquas ex singulis doctrinis teneamus. itaque ipsæ etiam qualitates fuerint nimirum singulæ scientiæ, per quas scilicet etiam tales dicimur; atque hæ non sunt ad aliquid. præterea si contingat idem esse & quale & ad aliquid nihil absurdi est in utrisque ipsum numerari generibus.

## S C H O L I V M.

Ceterum non oportet perturbari.

*Solet reijcere in finem si quid sit quæstionis & dubitationis. Dubitationem de substantia mouit tunc suo tempore. iam. n. exposita erat doctrina illius categoriæ: & soluit ut ratio postulabat, ostendendo peccatum definitiones eorum, quæ sunt ad aliud, & albata noua definitione. nunc de his qualitatibus, quæ posite sunt in illa categoria ad aliquid aliter responderet, atque ita responderet ut innuat si ferri potuisset, ut substantia diceretur ad aliquod genus accidentis pertinere, quemadmodum ferri potest. idem accidens ad diuersa genera accidentis pertinere, se nihil dicturum fuisse aduersus illam definitionem.* *allura*

Quæ vero singula sub generibus continentur.

*Similiratione exclusit antea primas substantias ab illa definitione ad aliquid, & secundas etiam substantias, & remansit dubitatio de solis partibus*

*secundarum substantiarum . nunc dicit genera ferme  
qualitatum cadere sub illam definitionem ad aliquid,  
non singulas sciētias, & virtutes , à quibus proprie de-  
nominamur tales.*

*Præterea si contingat.*

*Ratio altera ferri posse idem accidens diuersis ratio-  
nibus numerari, in diuersis accidentis generibus.*

### De reliquis sex Categoriis .

In his etiam, quæ pertinent ad Categorias  
**Facere, & Pati,** sunt contraria, & in iisdem vltur  
patur magis & minus. Sunt. n. contraria cale-  
facere, & frigefacere, & calefieri, & frigefieri,  
& lætari, & tristari . habent igitur hæ Catego-  
riæ contraria: quibus & adiungere licet magis  
& minus . aliquid enim calefacere pōt magis  
& minus, & calefieri, & dolere, aut tristari ma-  
gis & minus . suscipiunt igitur hæ Categorię  
magis, & minus . ac de his tot dicta sunt satis.  
Dictum est autem, & de Categoria situm esse  
in Categoria ad aliquid . diximus. n. in hac Ca-  
tegoria contineri ea, quæ denominātur a The-  
sibus. de reliquis Categorijs, quæ sunt Aliquo  
tempore, & Alicubi , & Habere se , propterea  
quod res sunt per se clare , nihil aliud de ipsis  
dicitur, quàm quæ initio dicta sunt, nempe Ha-  
bere se significare, calceatum esse , armatum  
esse, Alicubi, vt in Lycæo, in Foro, & alia, quæ  
de Categoria, Aliquo tpe dicta sunt . De pro-  
positis igitur gñibus sint satis quæ dicta sunt.

Scho-

## S C H O L I V M.

*Quæ breuiter, & pauca dicuntur de his sex Categorijs, satis sunt pro tractatione suscepta, quæ dirigitur, vt dictum est, ad orationem enuntiatiuam. nam subtilior & accuratior disputatio terminos proposita tractationis transgrederetur: sicut transgrediuntur, qui fusius super his philosophantur.*

## De Oppositis.

De oppositis autem dicendū est quot modis aliqua inter se solita sint opponi. dicitur. n. aliud alij opponi quatuor modis, vel relatiue, vel contrarie, vel sicut priuatio, & habitus, vel sicut affirmatio, & negatio. opponuntur autē in his singulis, exempli gratia, relatiue duplū diuidio, contrarie malum bono, sicut priuatio & habitus. cæcitas & visus, sicut affirmatio & negatio, sedet non sedet. Opposita porro relatiue id quod sunt, oppositorum dicuntur esse; vel quomodocunq. aliter ad ipsa referri opposita: veluti id quod est duplū dimidii, hoc ipsū quod est, alterius duplum dicitur. est. n. duplū alicuius. & sciētia scibili opponitur, vt ea, quæ sunt ad aliquid, ac dicitur quidem sciētia hoc ipsum quod est scibilis rei scientia. & scibile hoc ipsum quod est, ad scientiam, quod habet oppositum, refertur. scibile. n. aliquo scibili dicitur, nempe scientia. Quare opposita relatiue id quod sunt oppositorum, vel quomodocunq. aliter ad opposita vicissim dicuntur. quæ vicissitudo

etudo recursus non est in oppositis contrarie, ut id quod sunt, dicantur vicissim alterius, sed dicuntur esse contraria inter se. non. n. bonū mali dicitur bonum, sed bono contrarium, nec album nigri album, sed ei contrarium. quare differunt inter se hæ duæ Antitheses.

## SCHOLIUM.

*Post tractationem decem Categoriarum, quam tractationem modo monuit sibi fuisse propositum, ut mirari quis satis non possit eos, qui longa semper disputatione, querunt in singulis libris Aristotelis, quidnam illud sit, quod tractandum suscepit, cum ipse in singulis libris id aperte profiteatur, sed post hanc susceptam tractationem, cui dicit hætenus satisfactum esse, quid hæc sunt, quæ adiungit, & quomodo coherent cum superioribus?*

*Vidimus antea in quibusdam Categorijs inueniri nomina contraria, & quæ suscipiunt intensiorem, & remissionem, dicunturq. magis & minus talia. Vidimus etiam esse quædam nomina, quæ dicantur esse simul natura, hæc verò sunt wæð, id est affectiones, quæ accidunt nominibus: & potest videri methodus superior desiderare, ut hæ affectiones clarius explicentur, & propterea hanc appendicem adiunctam esse. Sed cum his alia quoque explicantur. itaq. dicendum videtur post affectiones illas primarias cognoscendas in predicatis & subiectis, ex quibus constat oratio enuntiatiua, nempe post homonymiam, synonymiam, & paronymiam esse alias quoq. affectiones, quas secundo loco oporteat cognitas habere: inter quas est Antithesis genus multa complectens. sunt. n. ut docet, opposita quatuor modis. ut rectè coniungere videatur hoc genus cum supe-*

*rioribus, cum ipsum quoq. late pateat. & cum Antitheseos præcipua, & maxima pars sit Affirmatio, & negatio inter se opposita, de quibus tractatur in seq. lib. non videtur carere artificio, quod in fine huius lib. quasi præmonstret nescio quid cognitionis eius rei, quam tractaturus est post hunc librum.*

*Opposita porro relative.*

*Ex quatuor modis Antitheseos, & oppositorum primo loco exponit naturam oppositorum relative, qua oppositio est alijs imbecillior, nec reijcit definitionem veterem, qua hoc loco satisfacit, & satis distinguit hanc oppositionem a cæteris tribus. alibi, ut in Topicis viitur sua definitione, cum scilicet res ita postulat.*

Quæcunque autem contraria sunt eiusmodi, ut in quibus subiectis naturaliter fiunt, aut de quibus subiectis prædicantur necesse sit alterum ex contrarijs inesse, aut prædicando re <sup>de</sup> subiecta, inter ipsa nullum interijcitur mediũ: quorum autem contrariorum non necesse est alterum inesse, vel prædicari de re subiecta, inter illa omnino aliquod medium interijcitur: veluti ægrotatio, & sanitas naturaliter fiunt in corpore animalis, & est necesse horum contrariorum nempe, vel ægrotationem, vel sanitatem inesse in corpore animalis. & par, & impar de numero prædicantur, & horum contrariorum alterum nempe, aut par, aut impar necesse in numero inesse. & nullum est medium inter hæc, nempe nec inter ægrotationem & sanitatem, nec inter par & impar. Quorum verò contrariorum necessariò alterum  
non

hæc

non inest in re subiecta, inter illa est aliquod medium: veluti nigrum & album naturaliter fiunt in corpore, nec est necesse alterū ipforū inesse in corpore. non.n.omne corpus aut album, aut nigrum est, & improbum, & probum, quæ prædicantur de hoīe, & aliis multis, non inest necessario alterum ipforū illis, de quib⁹ prædicantur. non.n.omnia proba, aut improba sunt & inter hæc est medium aliquod, vt inter album & nigrum, fuscum & pallidum, & quot quot sunt alii colores medii. sed inter probū, & improbum, seu bonum & malum, medium est, quod neq. bonum est, neq. malum. atque aliqua contraria mediata habent media, quibus sunt imposita nomina, vt inter album & nigrum sunt fuscum & pallidum, & alii colores. in aliquibus non est facile nomen asserre medium, sed negando vtrunq. contrarium significatur, quod interiacet medium. vt quod neq. bonum est, neq. malum, & quod neq. iustum est, neque iniustum.

## S C H O L I V M.

*Vidimus substantiam esse, veluti campum, in quo fiunt & gignuntur omnia contraria, & decercent se vicissim pellere. Sed sunt etiam contraria, quæ non gignuntur in re subiecta, sed de ipsa prædicantur, vt par & impar de numero prædicantur. Siue igitur gignantur naturaliter in re subiecta, siue tantummodo prædicentur de re subiecta, docet genus contrariorum duplex esse, alterū*

vt



ut vocant *mediatum*, alterum *immediatum*, & exemplis omnia declarat, ut solet. ex hac autē doctrina ostenditur esse duplex genus *prædicatorum*, alterum quod *insit necessario*, alterum quod non *ineſt necessario* in re subiecta.

Et *probum*, & *improbum*.

*Vocabula græca* significant id, quod *cōiunctum* est cum *virtute*, & eius *contrarium*, quod est in *vitio*. Sicut *virtus* autem non solum ad homines pertinet, sed de alijs etiam rebus dicitur, sic *probus*, & *improbus*, *bonus* & *malus* non solum homo dicitur, sed alia res multæ, & apud *græcos*, & apud *latinos*. Atque hæc doctrina contrariorum breuiter secundo loco exposita est pro ratione susceptæ methodi. hic. n. satis est cognoscere, quæ prædicata ex his contrarijs insint rei subiectæ *necessario*, & quæ non insint *necessario*.

*Priuatio* porro, & *habitus* de eodē aliquo subiecto dicuntur: veluti *visus*, & *cæcitas* de oculo. atq. vniuerſe, in quo naturaliter *habitus* fit, de hoc ipsorum utrunq. dicitur. Sed tunc vnūquodq. illorum, quæ naturaliter *habitu* suscipiunt, *priuatum* esse dicimus *habitu*, cū in quo subiecto natura *inesse* solet, & quando *inesse* solet minime *insit*. edentulum n. dicimus non id quod *dentes* non habet, & *cæcum* non id, quod *visum* non habet, sed quod non habet, quando naturaliter habere solet. nonnulla. n. in ortu. neq. *uisum*, neq. *dentes* habent, quæ nec edentula, nec cæca dicuntur. *Priuatum* autem esse, & habere *habitu* non est idem qđ *priuatio*, & *habitus*. *habitus*. n. est *visus*, *priuatio*.

tio cecitas . at habere uisum non est uisus, nec cæcum esse est cæcitas. siquidem priuatio quædam cecitas est, cæcum autem esse, est priuatum esse, non est cæcitas . præterea, si sit cæcitas idem quod cæcum esse , utrumq. de eodẽ subiecto prædicaretur . verum cæcus quidem dicitur homo. minime dicitur cæcitas homo. hæc tamen priuatum esse, & habere habitum opponi uidentur, sicut priuatio & habitus. modus. n. antitheseos est idẽ . nam sicut uisui cæcitas opponitur, sic cæcum esse ei quod est uisum habere. Sed neque res affirmationi subiecta, & negationi est affirmatio & negatio . nã affirmatio est oratio, quæ ait, Negatio est oratio, quæ negat . quæ uerò subiecta res est affirmationi, aut negationi minime illa quidẽ oratio est, sed res . ac res ipsæ subiectæ ita dicuntur inter se opponi, sicut affirmatio, & negatio. in his. n. oppositionis modus est idem . & sicut affirmatio ex aduerso negationi opponitur, ut sedet ei quod est non sedet , sic & quæ subiecta est utrique res inter se opponitur, ut aliquẽ sedere, & aliquem non sedere.

### S C H O L I V M.

Priuatio porro, & habitus est de eodẽ aliquo subiecto.  
*Tertium genus oppositionis maius superioribus duob<sup>9</sup>,  
 quamuis autem tantopere diffideant inter se priuatio,  
 & habitus, versantur tamen in eodem subiecto id quod*  
 ma-

*maxime pertinet ad significandam naturam huius oppositionis.*

*Sed tunc.*

*Conditio animaduertenda in hac oppositione, & vobis ad eam pertinentibus.*

*Privatum autem esse, & habere habitum non est idem. Vidimus in principiis differre, quæ denominantur, & deducuntur ab aliquo ab his, a quibus denominantur. alterum. n. est nomen primum accidens per se aliquod significans, ut iustitia, ut privatio, deductum autem illud idem accidens significat, coniunctum cum subiecto, ut iustum, cæcum, surdum, quæ subiectum connotant. Declarat hanc doctrinam exemplo affirmationis, & negationis, quæ non idem sunt, quod res ipsis subiectæ, quod etiam demonstratum est in disputatione de oratione in Categoria Quanti.*

*Quod verò Privatio & habitus non sic opponantur, sicut opposita relative perspicuum est. non. n. privatio & habitus id quod est oppositi dicitur. quandoquidem visus non est cæcitas visus, nec ullo alio modo ad illud relatū dicitur. Similiter nec cæcitas diceretur cæcitas visus, sed privatio quidem visus cæcitas dicitur. cæcitas autem visus non dicitur, nec visus cæcitatis. Insuper quæ sunt ad aliquid reciproco regressu conuertuntur cum opposito. itaque & cæcitas si esset eorum, quæ sunt ad aliquid, & illud cum ipsa conuerteretur, id quod ipsa dicitur. sed non conuertitur. non enim dicitur visus cæcitatis visus.*

Scho-

*Distinguit hanc tertiam oppositionem ab oppositione relatiua, breuiter. (est. n. res perspicua) tum ex definitione Relatiuorum, tum ex eo proprie, quod Relatiua reciproca conuersione mutuo recurrant, quod minime potest accommodari huic tertię oppositioni.*

Neque sicut contraria opponuntur, quę dicuntur opponi, sicut priuatio & habitus, id quod ex his manifestum est. quorum. n. contrariorum nihil est medium, necesse est, quibus in subiectis naturaliter solent fieri, aut de quibus prædicari, alterum ipsorum illis subiectis semper inesse: horum. n. contrariorum nihil erat mediū, quorum alterum erat necesse in subiecto contraria suscipiente inesse, veluti dictum fuit de zgoratione & sanitate, de impari & pari. quorum autem contrariorum erat aliquod medium, nunquam erat necesse alterum rei subiectę omni inesse. non n. omne quod colorem suscipit necesse est aut album aut nigrū esse: nec calidum, aut frigidum quicquid hæc suscipit. quando nihil prohibet pro his aliquod mediū inesse. Præterea & horum erat aliquod mediū, quorum alterum non erat necesse subiecto suscipienti inesse, excepto si quibus natura vnum inest, ut igni caliditas, & niui albedo. in his. n. alterum definite necessariò inest, non utrumlibet contingat. non. n. potest ignis frigidus esse, aut nix nigra. quare non est necesse rei subiectę omni inesse alterę ipsorum, solis illis

ex-

exceptis quibus vnum naturaliter & definite inest non utrumlibet contingat. at in priuatione & habitu neutrum eorum, quæ dicta sunt, verum est. non.n.est necesse alterum ipsorum semper in.suscipiente inesse. quod.n.naturaliter nondum solet visum habere nec cæcum dicitur nec videns. non erunt igitur hæc in eius modi contrarijs quorum nihil est medium, sed nec in illis quorum aliquod est medium. nam in priuatione & habitu aliquando necesse est ut omni.suscipienti inlit alterum ipsorum. quando .n.iam naturaliter solet habere visum, tunc vel cæcus, vel habere visum dicitur, & ex his non alterum definite, sed vtrumlibet contingat. non est .n. necesse vt vel cæcus sit definite vel videns, sed vtrumlibet cōtingat. in contrarijs vero, quorum est aliquod medium nunquā erat necesse omni alterum inesse, sed aliquibus atque his vnum definite, non utrumlibet contingeret. Quare manifestū est quæ opponuntur sicut priuatio & habitus neutro modo opponi, sicut duplex genus contrariorum.

## S C H O L I V M.

Neque sicut contraria opponuntur.

*Contraria immediata, in quibus naturaliter fiunt, aut de quibus prædicantur, vt vidimus, in his subiectis alterum ipsorum inest necessario, quæ verò necessario insunt, semper insunt. hoc verbum semper antea nō fuit expressum, nunc exprimitur, quo verbo clara apparet*

¶

di-

*distinctio eorum, quæ opponuntur sicut habitus, & priuatio a contrariis immediatis, sicut item fit clara distinctio a contrariis mediatis per verbum, omni, expressum in eorum definitione. clara sunt omnia & verbis, & exemplis, ut longiore non egeant expositione.*

Ad hæc, in re, quæ suscipit contraria, fieri potest, ut alterum contrarium in alterum uicissim mutetur, nisi natura unicum alicui rei contrarium insit, uelut igni caliditas. nam & quod sanum est ægrotare, & quod est album fieri nigrum potest, & quod frigidum est, calidum fieri: atque ex probò improbum aliquem fieri, & ex improbo probum fieri possibile est. improbus enim traductus ad meliores uiuendi rationes, & rectioris disciplinæ monita, tametsi paruulam progressionem faciat ad meliora, siquam tamen uel minimam progressionem semel fecerit, perspicuum est fore, ut uel perfecte mutetur, uel certe admodum longe prodeat in uirtute adipiscenda. nam paratior semper fit & expeditior, quantulumcunque ab initio progressum fuerit, ut consentaneum sit illum semper in eo studio maiores habiturum progressus. quod si semper fiat, id illum tandem ad habitum contrarium traducet, nisi temporis breuitate conatus hic fuerit interceptus. At uero in priuatione, & habitu hæc mutationis uicissitudo minime fieri potest. nam ab habitu in priuationem fit mutatio, a priuatione

ratione uero ad habitum reuerti prorsus nefas est, neque enim cæcus aliquis effectus iterum aspexit lucem, nec caluitium iterum crines genuit, nec edentulo nati sunt iterum dentes.

## SCHOLIUM.

*In hoc explicando discrimine inter opposita contraria & opposita sicut habitus & priuatio, animaduertenda est illa difficultas, quam Aristoteles ostendit in mutatione prauis habitus in rectum & bonum habitum, non enim frustra quasi laborat in ea re demonstranda. nam sic uoluit monere adolescentes, ut caueant prauè agere & uiuere, cum prauitas usu confirmata rix ullo postea labore conuelli, & immutari possit.*

*Nisi temporis breuitate.*

*Vt habitus bonus confirmetur, res indiget longi temporis exercitatione & usu longo in recte agendo sicut in librorum Ethicorum disputatione docet.*

Quæcunque uero sicut Affirmatio, & negatio opponuntur, clarum est ea nullo trium superiorum modo inter se opponi. in hoc enim quarto modo necesse est alteram tantum partem oppositam esse ueram, alteram esse falsam. id quod minime necesse est, aut in contrarijs, aut in his, quæ sunt ad aliquid, aut in habitu, & priuatione. Sanitas enim, & ægrotatio contraria sunt, & neutrum ipsorum

uerum, aut falsum est. sic est de duplo & dimidio relatiue oppositis, neutrum ipsorum uerū aut falsum est. sic est in his, quæ opponuntur, sicut priuatio, & habitus, ueluti uisus, & cæcitas. atq. uniuersæ, quæ disiuncta nec complicando loquimur, eorum nihil uerum aut falsū est, & quæ dicta sunt omnia separatim, & minime complicata dicuntur. sed enim maxime uideri posset id contingere, si pronuntientur complicando orationes ex contrariis. hæc. n. oratio, Socrates sanus est, contraria est huic orationi Socrates ægrotat. verum nec in his necesse est semper alterum uerū, alterum falsum esse. Socrate n. uiuente alterum uerū est, alterum falsum: si mortuus sit, utraque falsa sunt, siquidem nec ipsum sanū esse, nec ægrotare uerum est, si omnino non sit. in priuatione uero & habitu si plane non sit, neutrum uerum si uero sit, nō semper alterum uerum, alterum falsum est. nam Socratem uidere opponitur huic orationi Socratem cæcum esse, sicut priuatio, & habitus, & si sit, nō est necesse alterum esse uerum, alterum falsum, quando .n. nondum naturaliter uidere potest, utraque sunt falsa, si uero prorsus Socrates non sit, etiā sic utraque falsa, & ipsum uidere, & ipsum cæcū esse. at in Affirmatione, & negatione semper siue sit, siue non sit, alterum falsum erit, alterum uerum. ægrotare. n. Socratem, & non  
ægro-



ægrotare, si sit, manifestum est alterum uerū, alterum esse falsum, & si nō sit, siuuliter. nam ipsum ægrotare, si non sit, falsum est, nō ægro-  
rare autem uerum. quare in orationibus solū  
sic oppositis, ut affirmatio, & negatio propriū  
est, ut altera pars semper sit uera, uel falsa.

## S C H O L I V M.

*Sicut Relatiuorum oppositio est leuissima, & contra-  
riorum magna, & in habitu, & priuatione maior, sic  
maxima omnium oppositio est affirmationis, & nega-  
tionis, præcipue, ut uidebimus in sequenti libro, oppo-  
sitarum contradictorie.*

Atque vniuerse, quæ disiuncta nec complicando.

*Hæc ratio posita supra est cum principijs præcogno-  
scendis in postremo.*

Sed enim maxime uideri posset.

*Ponit exempla erationum ex contrarijs immediatis,  
& ex appositis, sicut habitus, & priuatio, ut ex ea in-  
telligamus, quanta sit vis in affirmatione, & negatione,  
sic oppositis, sicut opponuntur, Socrates ægrotat, &  
Socrates non ægrotat. ratio, & doctrina huius opposi-  
tionis explanabitur in sequenti libro. nunc satis est hoc  
simpliciter præcognoscere, oportere in tali oppositio-  
ne semper alteram partem esse ueram, alteram esse  
falsam.*

Contrarium autem Bono quidem malum  
est necessario: quod manifestum fit rerum sin-  
gularum exemplis inducendis: ueluti sanitati  
ægrotatio, & iustitiæ iniustitia, & fortitudini  
timiditas. & sic in aliis: Malo uero interdum  
bonum est contrarium, interdum malum.

sic  
ei

siñ. quod parū est, quod in malo ponitur, contrarium est, quod nimium est, quod similiter malum est, & mediocritas vtriq. contraria est, quæ ad bonū pertinet: sed in paucis id aliquis animaduertat. ac in plerisq; malo semper bonum esse prius. Contrariorū præterea nō necesse est si alterum existat, & reliquū existere. nam si omnes sani sint, sanitas quidē erit, ægrotatio non erit. similiter si omnia sint alba, erit albedo, non erit nigredo. insuper, sic Socratem bene valere & Socratem ægrotare, sicut inter se contraria, nec possunt simul vtraque esse in eodem, fieri non potest vt si alterum ex contrariis sit, reliquum etiam sit. si enim sit Socratem bene valere, non erit Socratem ægrotare. perspicuum etiam est contraria in his, quæ sunt idem vel specie, vel genere, solere contingere. ægrotatio enim & sanitas in corpore animalis solent fieri, albedo vero & nigredo simpliciter in corpore, iustitia & iniustitia in hominis anima. Est autem necesse omnia contraria, vel in eodem genere esse, vel in contrariis generibus, vel ipsa esse genera. album enim & nigrum sunt in eodem genere. color enim ipsorum genus est: iustitia vero & iniustitia sunt in contrariis generibus, alterius enim virtus genus est, alterius vitiositas: bonum autem & malum non sunt in genere, sed ipsa existunt aliorum genera.

SCH O.

## S C H O L I V M.

*Præter ea, quæ iam tradita sunt de natura cōtrariorum hæc adiunguntur obseruanda in contrarijs cognitu necessaria his qui accedunt ad percipiendam doctrinam orationis enunciatiuæ, & ad doctrinam Analyticam, & Topicam.*

*Ei enim quod parum est.*

*Hac de re in Ethicis. ubi docet uirtutem esse mediocritatem sitam inter duo extrema uitia: unde illud poeta.*

*Virtus est medium viciarum utrinque reductum.*

*Contrariorum præterea.*

*Hoc in oppositis relatiue requiritur, in oppositis contrarie non est necesse.*

*Quæ sunt idem, vel specie, vel genere.*

*Omnia animalia sunt idem genere, & similiter omnia corpora sunt idem genere: omnes autem homines sunt idem specie.*

*Bonum autem, & malum.*

*Sunt genera, quæ latissime patent. nam alibi dicit Aristoteles bonum reperiri in omnibus predicamentis, & tam late patere, quam ipsum Ens quod dicitur de omnibus predicamentis.*

Præter aliud alio quatuor modis dicitur: primo quidem ac maxime proprie de his, quæ alia tempore antecedunt: ex quo antiquius aliud alio, & vetustius dicitur, quod enim plus temporis sit, ob id antiquius, & vetustius dicitur, secundo quod si ponatur ex alio cōsequi ut sit, aliud vicissim ex eo posito non cōsequitur necessario ut sit: exēpli causa vnū duob. prius est

F

+

i n.

si. n. duo sint , statim consequitur, ut sit unum. si uero unum sit , ut duo sint , non est necesse. itaque ab uno vicissim non fit recursus, ut si unum ponatur esse, consequatur reliquum esse. prius autem videtur id esse, à quo non fit recursus, ut eo posito, cōsequatur aliud esse. Tertius modus est, cum aliquid prius ordine dicitur, sicut in scientiis , & orationibus . in scientiis. n. demonstratiuis est, quod prius, & posterius est ordine . elementa. n. sunt priora figuris : & in grammatica litterarum elementa sunt priora syllabis . atq. in orationibus similiter oratorū proœmium ordine antecedit narrationem. Insuper præter dictos modos, quod melius est, & maioris prætii pri<sup>9</sup> natura dicit<sup>r</sup>. sic solent multi, quos pluris faciunt & plus diligunt, illos dicere priores esse apud se . atque 'is quidē modus omnium ferè maxime alienus est ab usu doctrinarum. Qui quidem igitur dicuntur modi in usu uatio uocis huius, tot ferè sunt . Videri autem possit, & præter dictos modos alius esse Prioris modus. In iis. n. quæ conuertuntur, ut si unum sit, alterum quoque esse oporteat, quod est alteri caussa aliquo modo ut sit , id meritò prius natura dici debet. quod uero sint aliqua eiusmodi manifestum est. hominem. n. esse cōuertitur hoc modo cum oratione de hoc ipso uera . si. n. uera est hæc res, Homo est, oratio, qua pronuntiamus, Hominem esse, uera est, &  
con-

conuertitur, vt si uera sit hæc oratio, Homo est, uera etiam sit res, Hominem esse. sed oratio uera nequaquam causa est, quamobrem res sit uera. at res uera uidetur aliquo modo causa, cur sit oratio uera. quòd. n. res uera sit, aut falsa, quæ orationi subiecta est, ob id oratio uera, vel falsa dicitur. quare quinque modis aliud alio prius dici potest.

## S C H O L I V M.

*Sunt hæc quoque passionēs, & affectiones quædam rerū, & vocū esse prius, aut simul tempore, sicut oppositiones, de quibus antea. Tres primi modi possunt pertinere ad doctrinas. Quartus est proprius poetarum, qui libenter utuntur metaphoris. Quintum modum putamus adiectum esse ab Aristotele.*

*In scientijs. n. demonstratiuis.*

*Intelligit mathematicas disciplinas.*

*Prius, acceptum pro eo, quod sit antiquius, carius, & magis cordi etiam apud Latinos usurpatur.*

Simul esse aliqua dicuntur simpliciter, & maxime proprie, quorum generatio, & ortus est in eodem tempore, quod eorum neutrum sit prius, aut posterius altero. atq. hæc dicuntur simul tempore. natura verò simul, inter quæ est illa conuersio, vt si alterum sit, consequatur etiam alterum esse, sed neutrum neutri sit causa, vt sit. veluti in duplo, & dimidio, quæ conuertuntur, & si duplum sit, dimidium est, si dimidium sit, duplum est, & neutrum neutri causa est, ut sit. Et quæ ab eodem gñe manant  
di-

diuisæ ex aduerso differentiæ dicuntur simul natura: & diuidi ex aduerso inter se dicuntur, quæ sunt eiusdem sectionis, vt voluere, vt id quod per terrâ graditur, & aquatile: hæc enim inter se ex aduerso diuisa sunt ab eodem genere manantia. Animal. n. in hæc diuiditur nēpe in id quod voluere est, quod per terram graditur, quod aquatile est. & horum nullum prius, aut posterius est aliis, sed simul esse natura hæc videntur. atque horum vnumquodque diuidi rursus potest in species nēpe voluere & quod per terram graditur, & volatile. erunt igitur & illæ species simul natura, quæ per eandem sectionem manant ab eodem genere. semper vero genera speciebus priora sunt. nō. n. inter speciem & genus est illa conuersio, vt vicissim si alterum sit consequatur & alterum esse. nam si aquatile sit animal est, si animal sit non est necesse aquatile esse. simul igitur natura dicuntur inter quæ mutua sit conuersio, vt si alterum sit, consequatur & alterum esse, & neutrum neutri sit causa, ut alterum sit, & quæ ab eodē genere ex aduerso inter se diuisa fluunt. simpliciter autem illa simul esse dicuntur quæ genita sunt eodem tempore.

#### SCHOLIVM.

*Qui hic ponitur primus modus respondet primo Prioris modo, secundus respondet, secundo & quinto modo Prioris.*

Motus

Motus autem sunt species sex, Generatio  
 Corruptio, Augmentum, Diminutio, ἀλλοίωσις,  
 & mutatio secundum locum. atque alios qui-  
 dem motus diuersos esse inter se perspicuum  
 est. non enim generatio est corruptio, nec augmē-  
 tum diminutio, nec secundum locum mutatio.  
 & alii similiter. sed in eo motu qui dicitur ἀλ-  
 λοίωσις, in quo est immutatio alicuius qualitatis,  
 dubitat, sit ne fortasse necesse quod immutatur,  
 secundum aliquam aliarum motionum immutari. id  
 autem uerum non est. nam ferè secundum omnes ani-  
 mi motiones, & perturbationes, aut certe ple-  
 rasque contingit nos immutari nulla ceterarum  
 motionum seipsam cōicante. non enim augeri neces-  
 se est quod animi perturbatione cōmouetur, neque  
 diminui, & in aliis similiter. erit igitur ἀλλοίωσις  
 ab aliis speciebus motus diuersa. si enim eadē esset  
 cum illis, oporteret quod immutatur statim, uel au-  
 geri uel minui aut aliarum motionum aliquam sequi.  
 sed non est necesse. similiter & quod augetur, aut  
 immutatur per aliam motionem, oporteret pari  
 ἀλλοίωσις. sed quod augētur, quæ nihil tale patiun-  
 tur. nam Gnomon circūpositus Quadrangulo au-  
 get quidem sed non immutat Quadrati figuram. sic  
 & in aliis eiusmodi. Quare species motus sunt  
 inter se diuersæ. Est autem simpliciter Motui con-  
 trariū Quies. singulæ uero species habent sua  
 singulæ cōtraria. Generationi corruptio est cō-  
 traria, Augmento imminutio, Mutationi secū-  
 dum

dum locum Quies secundum locum, cui tamen mutationi opponi maxime uidetur in primum locū mutatio. ut loco inferne contrarius est locus superne, & loco superne locus inferne. Sed reliquæ traditæ supra motioni haud facile est asserere quidnam sit contrarium. videtur autem nihil esse ipsi contrarium, nisi quis & hic opponat Quietem secundum qualitatem Mutationi in contrariam qualitatem, sicut Mutationi secundum locum Quietem secundum locum, aut in contrarium locum mutationem. est. n. ἀλλοίωσις mutatio secundum qualitatem. itaque motioni secundum qualitatem opponitur quies secundum qualitatem, aut mutatio in contrariam qualitatem, sicut album fieri, nigrum fieri. fit. n. res alia, in contrarias qualitates facta mutatione.


## S C H O L I U M.

Motus sicut oppositio, de qua supra, est genus multa complexens, & passim hoc nomen motus cum his, quæ ad ipsum pertinent, sit obuiam, & in Analyticis, & Topicis. cum autem sex tantum species motus ferrentur, more suo quasi aliud agens nihil reprehendendo cogit nos fateri esse octo species motus.

ἀλλοίωσις est nomen inuentum ad significandas mutationes omnes in qualitate, siue ad corpus, siue ad animum, pertineant, vocant alterationem. hanc posuerunt tanquam unicam speciem in qualitate, cui nihil videretur esse contrarium. Mutationem secundum locum fecerant ipsam quoque speciem solam, quamuis facilius esset hic inuenire contrarium.

Gno.





*Gnomon est quadratum cum duabus expletionibus : qui gnomon circumpositus alteri Quadrato auget nō immutat quadrati figuram.*

*Est autem simpliciter Motui contrarium Quies.*

*Hac ratione viam aperit ad inueniendas contrarias species motus, etiam in Qualitate, & Loco, sicut sunt in Substantia, & Quantitate. In libris tamen de motu docet generationem, & corruptionem ad motum non proprie pertinere, sed hoc non erat tempus huius tangenda subtilitatis.*

*De vi & multiplici significatione verbi  $\epsilon^{\chi\epsilon\iota\upsilon}$ , idest Habere, quod numeratum est in decem Categoriis.*

*$\epsilon^{\chi\epsilon\iota\upsilon}$ , idest habere pluribus modis dicitur. aut enim, ut est habere, & tenere habitum, & instructionem alicuius cognitionis, vel habere & imbutum esse alia aliqua qualitate. dicim⁹ enim habere scientiam aliquam, & virtutem :*

*aut*

aut vt habere aliquid, quod ad quantum pertineat: velut quam quis habet magnitudinem: dicitur enim habere tricubitalem magnitudinem aut quadricubitalem: aut sicut quæ habentur e rea corpus. vt habere pallium vel tunicam: in aliqua parte corporis, vt in manu annulum, vel tanquam partem ut habere manum, uel pedem: aut sicut in uase, ut Medimnus habet triticum, uel amphora uinum: uinum enim habere dicitur amphora & medimnus triticum, atque hæc omnia sicut in uase, aut sicut rem, quæ possidetur, uti domum uel agrum habere dicimur. item dicitur etiam uir habere uxorem, & uxor uirum: qui tamen modus a propria natura huius uerbi maxime alienus, & disunctus uidetur, nihil. n. aliud habenda uxore significamus, quam uiri & uxoris in eadem domo uitæ societatem. fortasse uero alij quoque modi in usu huius uerbi uideri possunt, sed qui usurpari soleant, omnes ferè numerati sunt.

## S C H O L I V M.

*Ex decem Categoris Ε'χσις, quod significat habere se, veluti calceatum esse, armatum esse, pertinet ad multa. & eiusmodi voces solet Aristoteles diligenter explicare, & indicare eorum homonymiam, quam a vocibus quæ usurpantur in doctrinis, & in philosophia amantem esse oportet, id de hac voce non potuit alibi commodius indicari, quàm hoc loco, & in fine libri, ut finis respondeat principio. exorsus enim est hunc librum ab indi-*  
canda


canda homonymia. accommodatur igitur hæc vox ad multa rerum genera sicut hic indicatur. apud Latinos usus verbi habere tam multiplex est, ut vix explicari possit, sed Aristoteles vocum significationes decem rerum generibus comprehendit. ubi ab his disceditur quibus propria licet varie significationes continetur, ibi dicit vocem migrare ad aliena. i. ad metaphoram, & tropos.

Summa brevis huius methodi.

Genus subiectum in inscriptione indicatur, Decem Categoria, idest decem genera rerum quibus comprehenduntur vocum simplicium significationes. ut vi cognita cuiusq; vocis postea discamus conficere orationem enunciatiuam. Vox Categoria significat id quod est commune multis, & dicitur siue predicatur de aliquibus. predicatum autem principem locum tenet in oratione enunciatiua, in qua pars altera quam verbum coniungit aut disiungit a predicato, vocatur subiectum. hæc igitur doctrina est de cognoscenda natura predicatorum & subiectorum. quod in his precipue obseruandum, idest an sint homonyma an synonyma an paronyma, & denominatiua. nam hæ sunt affectiones, quæ accidunt predicatis. quæ si sint homonyma communicant nomen tantum cum subiecto, si synonyma, communicant nomen & definitionem, si denominatiua, sunt Accidentia quæ nec nomen nec definitionem communicant cum substantia, quæ est proprium & verum subiectum omnium. de qua substantia vere predicantur, quæ vocantur secundæ substantiæ idest species, & genera primarum substantiarum cum specie & genere coniungitur. & differentia, quæ tria dicuntur predicari vniuersæ de sibi subiectis. sunt autem in vnaquaque Categoria sua indiuia & species, & genera & differentię, de quibus idem traditum censetur, sicut est traditum in Categoria substantiæ. pertinent ad cognoscendam na-

*suram*


turam vocum simplicium, & quæ traduntur secundo loco, an sint in aliquo ex tribus modis oppositorum, an in aliqua ex octo speciebus motus, an sint simul tempore vel natura, an priora tempore vel natura. quod verò pertinet ad quartam speciem oppositorum aptissime factum videtur, ut in postrema parte huius methodi mentio fieret, & præcognitio quedam eius rei, quæ traditur in sequenti methodo. Exponuntur igitur in hoc libro decem Categoriae, quatenus, & quantum postulat ratio conficienda orationis Enuntiatiuæ, & ipsa doctrina illud potissimum spectat, quod pertinet ad munus prædicationis: cuius rei præcognitio necessario requirebatur ante tradendam in sequenti libro doctrinam simplicis Enuntiationis, quæ diuiditur in Affirmationem, & negationem.



# ARISTOTELIS<sup>97</sup>

## DE INTERPRETATIONE.

### Prooemium proponens principia præcognoscenda.

 R I M V M oportet definire quid nomen, & quid uerbum: deinde quid est negatio & affirmatio, & enunciatio & oratio. sunt porro quæ loquimur intimarum animi cogitationum notæ, sicut scripta, sunt eorum, quæ loquimur, notæ. ac quemadmodum nec litteræ apud omnes sunt eadem, ita nec quæ loquimur. quorum tamē ea, quæ loquimur notæ primo sunt, eadem sunt apud omnes intimæ cogitationes animi; & quarum rerum cogitationes sunt simulachra, eadem sunt res apud omnes. De his igitur, quæ animo concipimus, & cogitamus, quæ *παθήματα* uocantur, & *νοήματα* dictum est ubi de Anima disputatur. sunt enim hæc alius tractationis. Cæterum sicut intus in animo est interdum cogitatum, quod nec uerum nec falsum dicere possumus, & interdum cui oportet horum alterum inesse: sic est in illis, quæ loquimur. uerū enim & falsum existit in iis, quæ componit & disiungit animus, itaque nomina

G ipsa

ipsa per se, & uerba sunt similia cogitationi, quæ nihil componit & disiungit, ut homo, aut album, quandiu nihil adiunctum habeant, nõdum quicquam uerum aut falsum loquuntur. eius rei est id argumento. Tragelaphus enim significat quidem aliquid, sed nondum uerum quid uel falsum, nisi uerbum esse, aut, non esse, adiunctum fuerit, uel simpliciter, uel cum tempore.

## SCHOLIUM.

*Mercurius vocatur a grecis Hermes, quem fecerunt nuntium, & interpretem Deorum, sic hic liber inscribitur de interpretatione, quia subiectum genus huius libri est Enuntiatio, quæ diuiditur in affirmationem, & negationem, quæ sunt primæ orationes, quæ nuntiant & interpretantur animi cogitata de vero & falso.*

*Ad doctrinam categoriarum excepit auditorem rudem & nouum sine proæmio, ut sit in disciplinis mathematicis, in quibus versatus erat, nunc instructum doctrina precedentis libri proæmio præmonet, quæ præcognoscere oporteat ante doctrinam tradendam. Primum oportet definire.*

*Definitur genus subiectum idest Enuntiatio, quæ est talis quedam oratio. definitur Assertio & Negatio in quas diuiditur Enuntiatio. definitur Nomen & uerbum partes scilicet, quibus constat simplex Enuntiatio. quæ uero in superiori libro, ut subiecta, & predicata, quæ loquimur, omnia considerata sunt, nunc certa nomenclatura consignantur, & vocantur nomina, & uerba. Aristoteles interpretor definire, unde & Thesis vocantur etiam definitiones, ut uidebimus in posterioribus*

An a-

*Analyticis. ponuntur ergo etiam hic, & sic semper in omni methodo, principia præcognoscenda ante doctrinam tradendam, & sic necesse est facere. Omnis enim doctrina est ex præcognitis.*

*Quid nomen & quid verbum.*

*Primo loco ponuntur simplicia ordine natura, & sic postulat ratio docendi, & nomen est dignius verbo, quia verbum tantum ad accidens pertinet.*

*Deinde quid est negatio.*

*Separat a simplicibus hæc, quæ componuntur ex ipsis, & est progressus a minus vniuersalibus ad magis vniuersalia. anteponitur negatio affirmationi, quam affirmatio dignitate antecellit, vt docetur in posterioribus *Analyticis*, fortasse quia minus remota est a cognitione sensus, quam affirmatio, vt hæc enumeratio a minus remotis a sensu ad magis remota progrediatur.*

*Sunt porro quæ loquimur.*

*Res per se notæ: non omnes vti iisdem rerum vocabulis, nec eadem scriptura. & res, quarum nomina & verba sunt notæ, easdem esse apud omnes, similiter & animi cogitata de rebus, quæ tanquam rerum simulachra quadam animus concipit, eadem esse apud omnes. hæc autem in hoc præmio quasi substernuntur ad proponendas sex, quæ sequuntur, definitiones.*

*Quæ παθηµατα uocantur & νοηµατα.*

*Sic vocantur, & hic & in tertio de Anima motus animi, quos vox & lingua interpres effert. qui motus, & quæ cogitata quomodo fiant in prima, & secunda operatione animi non est huius tractationis: satis est hic scire Animi cogitatum aliud simplex esse, cui respondent nomina & verba: aliud esse quo animus aliqua componit aut disiungit, cui respondet Affirmatio & negatio, quibus verum aut falsum loquimur.*

G a Eius

Eius rei est id argumento.

*Argumentum a signo, quo res ferè sub sensum adducitur. & est a maiore ad minus. si nec falsum nec verum significat nomen factum ex coniunctione, tanto minus nomen simplex sine verbo prolatum.*

*Vel simpliciter vel cum tempore.*

*Interpretor simpliciter sine tempore. nam vocabulum καλός apud Aristotelem cum habet oppositum, cum quo comparatur, eius contrarium significat. & in prioribus Analyticis docet Aristoteles syllogismorum propositiones tales oportere esse nulla apposita certi temporis nota, verbi causa, nunc, vel hoc tali tempore, sed simpliciter. videbimus infra verbum, est, in ijs propositionibus proprie fungi munere connectendi prædicatum cum subiecto, nulla habita ratione temporis, quod con- significat.*

Nomen est vox ad significandum accommodata ex hominum consensu, sine tempore, cuius nulla pars ab integro nomine diuulsa est ad significandum apta. nam in nomine Calippus hippos nihil ipsum per se significat, ut in hac oratione καλὸς ἵππος, idest pulcher equus. non tamen sicut in simplicibus nominibus, ita se habet in significando etiam in nominibus ex coniunctione factis. in illis nequaquam pars est ad significandum apta, in his vero, quæ ex coagmentatione duplicantur, postulat compositio ut pars significet, non tamen auulsa ab ipsa coagmentatione, ut in nomine Epæstroceles, nihil celes significat ab integro auulsum, & per se acceptum. Ex hominum consensu, positum



fitum est in definitione, quoniam nullum nomen est a natura, sed est alicuius rei nota, cum illud vsus genuerit. nam significant sanè soni etiam, qui litteris effingi non possunt, vt ferarum, quorum nullum est nomen. Non homo, non est nomen: nec tamen apud docentes est quomodo vocari eiusmodi oporteat. neque enim oratio, neque negatio est. sed vocetur nomen infinitum, quoniam similiter hæc effandi forma existit in omni genere nominū, & quæ sunt in rerum natura, & quæ finguntur, & non sunt. Philonis vero vel Philoni, & eiusmodi non sunt nomina, sed casus nominis: Definitio quidem ipsius nominis in ceteris eos etiam casus similiter complectitur, sed non sunt nomina, quoniam coniuncta cum verbo, est, aut cum fuit, aut, erit, neque veram, neque falsam orationem efficiunt, id quod nomen semper facit, vt si dicas, Philonis est, aut non est, nondum enim talis oratio verum, aut falsum aliquid enuntiat.

## S C H O L I V M.

Nomen est vox.

*Quæ loquimur voce, & lingua continentur. ponit autem & interpretatur definitionem. ab his autem, quæ posita sunt in præmio, constituit hanc definitionem, & alias, quæ sequuntur. Vox accommodata ad significandum, sunt enim quæ loquimur animi cogitationum notæ: quæ nomina quoniam non sunt eadem apud omnes positi-*

tum est in definitione ex communi consensu eorum, qui utuntur eadem lingua. sunt enim nomina & verba hominum inuenta.

Epactroceles nomen grecum factum ex coniunctione duorum nominum, quae singula genus quoddam navigij significant. in hoc nomine pars celes tametsi est nomen integrum abscissa ab hoc toto, & per se capta nihil significat. eiusmodi nomina habent quidem partes in ipsa coniunctione aliquid significantes, quae extra coniunctionem nihil significant.

Non homo non est nomen.

Fiunt, ut videbimus, ex huiusmodi vocibus affirmationes, & negationes, & alij subiecti, alia praedicati locum obtinent. non sunt, inquit Aristoteles, nomina. quomodo vero debeant vocari, ut distinguantur a nomine, nondum a quoquam traditum erat. itaque ut aliqua nota distinguantur, inquit, talis vox, vocetur nomen infinitum. Quoniam similiter hac effandi forma existit in omni genere nominum, & quae sunt in rerum natura &, quae finguntur, & non sunt.

## SCHOLIUM.

Ratio cur putet eiusmodi voces non homo, non animal, non iustus, non pulcher, recte vocari posse nomina infinita, quoniam talis forma in infinitum patet, & ad omne genus nominum applicari potest, & quae non solum substantiam, & quae accidens significant, suntque in rerum natura, sed etiam quae segmenta sunt hominum. & non sunt, ut est chimera, & alia multa. no-

men

men autem proprie est, quod certe alicui rei significanda attributum est. & cum hac effandi forma cum apposita negatione nullum respuat nomen, infinita sunt eius generis nomina. quæ tamen singula nomina cum unumquid significant, vel subiectum, vel prædicatum, id quod aperte loco suo dicet Aristoteles, recte adhibentur ad conficiendas ex ipsis affirmationes, & negationes. in hanc sententiam interpretatus sum verba Aristotelis, nam verba græca, sic ad verbum translata, quoniam similiter in quolibet est, & quod est, & quod non est, si ita exponantur, ut hæc voces significent res infinitas non modo, quæ sint, sed etiam, quæ non sint, nullus esse poterit ipsarum usus in oratione enuntiatiua, a qua reijciuntur voces æquiuocæ, & expresse talis expositio repugnat doctrinæ Aristotelis de his vocibus: qui dicit, Unum enim significat nomen infinitum. non iustum enim idem est, quod iniustum, in quo est priuatio oppositi, & nihil aliud: sic non homo est quasi in homo, non animal quasi in animal, & nihil aliud significant, quam ipsam unam priuationem oppositi.

Philonis vero.

Quem rectum uocant grammatici Aristoteles uocat nomen: uocat & κλίσιν, id est, unde fit inflexio. quos illi obliquos, hic uocat casus nominis: qui cadunt, & inflectuntur ab ipso. differunt a nomine quoniam ex casu tantum, & uerbo non efficitur oratio significans uerum uel falsum, ut efficitur ex nomine tantum, & uerbo.

Verbum est, quod præterea significat tempus, cuius pars ab integro diuulsa verbo nihil significat, & est semper eorum nota, quæ de alio dicuntur. dico quod præterea & amplius, quam nomen significat etiam tempus, ut valetudo quidem nomen est, valet autem verbum. nam amplius, quam valetudo significat nunc eam existere. & est semper eorum, quæ de alio dicuntur nota, id est eorum quæ de subiecto, vel potius in subiecto sunt. At, non valet, & non laborat, non esse verbum dico: quamquam ijs etiam vocibus uerbi definitio conueniat. nam præter ea, de quibus conuenit verbo cum nomine, tempus significat, & sunt eorum nota, quæ de aliquo dicuntur. sed quo a uerbo discrimine differant, id discrimen non habet nomen. verum esto infinitum uerbum, quoniam similiter hæc effandi forma existit in omni rerum genere, & quæ sunt, & quæ non sunt: similiter autem, & ualebit & ualebat non verbum, sed casus uerbi dico. differunt a uerbo, quoniam uerbum consignificat præsens tempus, illa quod circum præsens statuitur. ipsa igitur per seipsa uerba si loquamur, & nomina sunt & aliquid significant. nam qui uerbum loquitur, mente minime suspensa loquitur, & qui audiuit acquiescit. uerum sic necdum ait aut negat. neque enim ipsum esse aut non esse rei, & subiecti est nota. ne si locutus quidem ~~crimus~~  
sic

fic ipsum ens nudum & per se. ipsum enim nihil est, & nullius rei nota. sed uerbum, est, uin-  
culi etiam & nexus cuiusdam nota est: quem  
nexum absq. his, quæ adjacent & necit, haud  
pote est intelligere.

## S C H O L I V M.

*Verbum differt a nomine his duobus, quod signifi-  
cat etiam tempus, & est eorum nota, quæ dicuntur de  
subiecto vel potius sunt in subiecto. significat enim ac-  
cidēs, quod didicimus in superiori libro magis proprie  
dici esse in subiecto, quàm prædicari de subiecto.*

*At, non ualeat, & non laborat.*

*Sic quidem pronuntiata nullum præbent usum oratio-  
ni, sed præbent si dicās non ualere, non laborare eodem  
modo, quo non homo non iustum usurpantur in affir-  
mando, & negando, ut in illis orationibus Possibile est  
non esse, vel non ualere, cuius negatio est Non possibile  
est non esse, vel non ualere, de quibus orationibus uide-  
bimus loco suo. itaque eiusmodi uerba infinita sunt tan-  
quam nomina infinita in ijs orationibus. & prepterea  
eadem doctrina, & sententia hic repetitur, quæ posita  
fuit in nomine.*

*Sed casus uerbi.*

*Eadem ratione sicut casus nominis. cadunt enim a præ-  
sentē reliqua tempora, sicut obliqui a recto.*

*Nam qui uerbum loquitur.*

*Si uerbum nihil significaret, eo prelato & auditō mens  
dicentis, & audientis non flaret & acquiesceret. nam  
mens assecuta ex aliqua recognitionem acquiescit,  
nec suspensa amplius querit. nam cognitio est quid-  
dam simile quiescenti in anima, ut est in libris de  
anima.*

**Verum**

Verum sic necdum ait aut negat.

*Est & non est pro affirmat, & negat. verbum solum non significat affirmationem, & negationem, & cum dicis, Est, nihil affirmas, cum dicis, non est; nihil negas. esse enim & non esse non sunt nota subiecti, sine quo subiecto non est affirmatio, aut negatio. quin Ens ipsum, a quo denominatur, Est, solum & per se rem nullam significat, & nihil est.*

*Sed verbum, est, vinculi etiam & nexus cuiusdam nota est.*

*Id munus verbi, est, perspicitur in orationibus necessarijs demonstratiuis, in quibus arte constringit predicatum, cum subiecto, sine ulla designatione temporis.*

Oratio est vox significans, cuius partium aliqua per se accepta significans est, ut nomen & verbum, sed non ut affirmatio. veluti homo significat quidem aliquid, sed nec ait, nec negat. erit autem affirmatio, uel negatio siquid adiectum fuerit, non tamen hominis syllaba una, nec enim in dictione *uis*, id est, *mus*, *us*, quicquam significat. sed uox nunc tantum est. in factis autem ex coniunctione est, quod significet, sed non diuulsam ab integro, ut dictum est antea: est quidem omnis oratio significans, non ut naturale instrumentum sed ut dictum est, ex hominum consensu. Enuntiatiua uero non omnis est oratio, sed ea, in qua inest, ut uerum aut falsum enuntiet, quod in omnibus non inest: ut deprecatio est quidem oratio, sed nec uera nec falsa. Quamobrem alia facessant

ora-

orationum genera, quarum tractatio Rhetorices, uel Poetices magis propria est. Oratio enuntiatiua præsentis est contemplationis.

## SCHOLIUM.

*In principio in enumerandis quatuor principijs post nomen, & verbum modo magis apto nostra cognationi progressus est a minus vniuersalibus: nunc ratio docendi postulat, ut prius definiat genus, quam speciem. generi subiectam. nam Enuntiatio est orationis species. definit igitur primo loco orationem, quæ cum constet ex nomine, & verbo est ipsa quoque vox, & locutio significans ex hominum consensu, ut nomen, & verbum.*

*In græco est lusus verbi, ut phasis non ut cataphasis, quasi si diceretur, ut locutio non ut elocutio. sed cataphasis significat, quam nos vocamus affirmationem, quod apud nos non significat elocutio. itaque trasiluli, ut nomen, & verbum, ex quibus constat affirmatio.*

**Non ut naturale instrumentum.**

*Sicut antea dixit nullum esse nomen a natura, sic nunc dicit orationem non esse instrumentum naturale. constat quidem voce, quæ est instrumentum nature, sed nomina, & verba, quæ voce loquimur, sunt hominum inuenta.*

**Enuntiatiua vero non omnis est oratio.**

*Orationum species multe sunt apud oratores, & poetas, a quibus omnibus distinguitur Enuntiatio, cui hoc proprium tribuitur, ut sit, aut vera, aut falsa.*

Oratio

Oratio Enunciatiua præsens, est contemplatiua.

*Solet Aristoteles semper indicare quid tractandum suscepit, ut mirum videri possit cur interpretes ferè querant, & Doctores litigent de genere subiecto proposita Methodi, & doctrina.*

Est autem una oratio Enunciatiua prima Affirmatio deinde negatio: reliquæ omnes orationes enunciatiuæ sunt una oratio uinculo & nexu. atque oportet omnem orationem enunciatiuam existere ex uerbo, uel ex casu uerbi. etenim hominis definitio uidelicet, animal ambulans duobus pedibus, nisi adiectum sit, **Est**, uel, **Fuit**, uel **Erit**, non propterea est oratio enunciatiua, quoniam hæc nominum series unum quid est, non plura. non enim quia continenti, & uno quasi spiritu coniuncto, scilicet fuerint pronuntiata, hæc definitio erit una oratio. uerum cur una sit causam, querere aliena est ab hoc tempore tractatio. est autem una oratio enunciatiua, uel quæ unum significat, uel quæ nexu est una: multæ uero orationes sunt, quæ non unum, sed multa significant, uel quæ legitimo nexu carent.

## SCHOLIUM.

Est autem.

*Enunciationis genera ita diuidit, ut ab una parte statuat affirmationem, & negationem, ab altera reliquas omnes, quas vocat ipsas quoque orationem unam uinculo*



culo & nexu. infra explicabit quomodo, & affirmatio, & negatio sint una oratio. Vnum enim quod requiritur in orationibus enuntiatiuis est duplex, ut dicet.

Prima affirmatio deinde negatio.

Hic anteposit affirmatiōem negationi. antecellit enim dignitate, ut docet in posterioribus Analyticis. sunt autem affirmatio, & negatio primæ interpretes cogitationum animi, de quibus in hoc libro; in Analyticis tractentur reliqua genera, quæ sunt una oratio nexu. Atque oportet.

Nequis forte putet multa nomina, quæ vnum sint, & unum efficiant, esse orationem enuntiatiuam, monet sine verbo, vel casu verbi effici non posse orationem enuntiatiuam.

Etenim hominis definitio.

Si definitio multis iunctis nominibus constans, ex quibus efficitur vnum, quoad verbum desit, non est oratio enuntiatiua, multo minus alia sic iuncta nomina erunt oratio sine verbo.

Non enim quia continenti & uno quasi spiritu.

Hoc obiter inferitur, ut moneat non esse expectandum, ut hic afferat causam cur definitio sit una oratio. hoc enim pertinet ad primam philosophiam.

Vel quæ vnum significat.

Ad significationem ergo pertinet, quod requiritur in affirmatione & negatione, vnum. & hoc declarabitur in sequenti doctrina, & reijcientur equiuoca, & quæ plura significant ab oratione enuntiatiua. in altero genere vnum pertinet ad compositionem, & nexum plurium orationum, de quo nexu in sequentibus libris Analyticis, quæ carent hoc legitimo nexu, opponuntur coniunctis hoc nexu, quæ orationes disiunctæ sunt inutiles ad conformandum syllogismum. sed hæc de re in sequentibus libris Analyticis.

Nomen

Nomen igitur aut uerbum, pars significans esto tātum affirmationis, uel negationis. quandoquidem nemo potest nomine tantum, uel uerbo sic loqui, ut enuntiet, siue interroganti respondeat, siue non respondeat, sed arbitrato suo disputet. Ex his autem nempe ex nomine, & uerbo una existit Enuntiatio, quę simplex dicitur, idest quę aliquid de aliquo, aut aliquid ab aliquo diuidendo enuntiat: altera existit enuntiatio ex his simplicibus enunciationibus iam composita quędam oratio.

Enuntiatio uero simplex est uox significans, quę uel ait uel negat in aliquo ex temporibus diuisis.

Affirmatio est enuntiatio alicuius de aliquo.

Negatio est enuntiatio alicuius ab aliquo.

## SCHOLIUM.

*Separata enuntiatione ab omnibus alijs orationibus, quibus utuntur Poeta, & oratores, cum optant, cum alludunt, cum orant, cum obiurgant, & in eiusmodi versantur orationibus, uult ostendere duplicem esse Enuntiationem nempe simplicem, & compositam: simplicem, quam definit, indicat illam esse, quę est subiectum genus huius methodi, & habet subiectas affirmationem, & negationem, quę constant ex nomine, & uerbo, quas simul definit: sunt enim ex his, quę proposuit præcognoscēda: Enuntiationem alterā compositam a sim-*

*a simplici diuidit, est autem composita ex simplicibus orationibus, sicut sunt syllogismi, & omnia genera syllogismorum, & argumentorum, de quibus in Analyticis.*

*Sive interroganti respondeat.*

*Veritas queritur tum mutua disputatione, ubi alter interrogat alter respondet, tum docendo quod faciunt ferè qui scribunt. itaque alibi sic expressit hanc sententiam. Neque scribentes, neque interrogantes: interrogans pendet ab arbitrio respondentis: scribens suo arbitratu docet. hi igitur quæ loquuntur, aut affirmando, aut negando loquuntur: cui non satisfacit nomen tantum, aut verbum tantum. atque hætenus, quæ in hac methodo præcognoscere oportet ante doctrinam tradendam.*

### Doctrina propositi generis.

Quoniam licet, & quod inest enuntiare ceu non inest, & quod non inest ceu inest, & quod inest ceu inest, & quod non inest ceu non inest, atque id in alijs etiam temporibus a præfenti, omne plane possibile est, & quod quis affirmauit negare, & quod negauit affirmare, itaque perspicuum est omni affirmationi oppositam esse negationem, & omni negationi affirmationem, & vocetur hæc oppositio Antiphrasis nempe affirmatio, & negatio ex a uerso, oppositæ. dico autem Antiphrasim eiusdem prædicati de eodem subiecto, ac non æquiuoce, & quæcunque alia præscripsimus aduersus sophisticas turbas.

SCHO.

## SCHOLIUM.

Quod in superiore libro breuiter attigit, ut locus ille postulabat, affirmationis & negationis oppositarum semper alteram partem esse veram, alteram falsam, id nunc & copiose, & diligenter demonstratur: atque hec est precipua doctrina huius libri, & que propius, & magis intime attingit naturam enuntiationis simplicis, que est genus subiectum huius methodi. Primum igitur imponit nomen huic oppositioni. vocetur, inquit Amphasis talis oppositio, & docet unde gignatur, & indicat quibus conditionibus circumscribatur. Deinde indicabit quot sint eius species, quid proprium singularum, ut intelligatur quanam sit illa oppositio cui proprie conueniat id nomen Antiphasis, & que precise semper habeat alteram partem veram alteram falsam, cuius usus proprie adhibetur inscientijs, & demonstrationibus.

Quoniam licet.

Siquis attente animaduertat docendi consuetudinem in hoc Philosopho, videbit ipsum sere positis principijs precognoscendis, hoc verbo ἐπεὶ, id est quoniam, ordiri tractandam doctrinam. sic etiam solet transire ab una ad aliam subtexendam doctrinam. & que sic assumuntur sententię, aut sunt per se notę, aut ex antecedentibus.

Et quod inest.

ὡς ἐστίν, id est, id quod inest apud Aristotelem est predicatum, quod uel affirmatur de subiecto, vel negatur, & paulo post appellat subiectum πρὸς ᾧ, falsum igitur contingit duobus modis, vel cum mens componit non componenda, cui respondet affirmatio falsa, que dicit inesse quod non inest, ut homo est lapis, vel cum mens disiungit non disiungenda, cui respondet negatio falsa,

ut

*ut homo non est animal. sic uerum contingit duobus contrarijs modis, cum mens uel componit componenda, cui respondet affirmatio uera, ut homo est animal, uel cum disiungit disiungenda, cui respondet negatio uera, ut homo non est lapis.*

*Omne plane possibile est.*

*Cum hæc doctrina de uero, & falso ita se habeat, sequitur fieri posse, ut negari possit, quod affirmatum est, & affirmari, quod alius negarit, ex quo gignitur oppositio negationis, & affirmationis.*

*Et vocetur hæc oppositio Antiphasis.*

*Est ergo quarta species oppositorum ab Aristotele consignata hoc nomine. Cicero uidetur appellare Antiphasim disiunctionem e contrarijs, & ea uocare contraria, cū altera negat, altera pars ait. gignitur autem hæc contrarietas ex prædicato, quod dicitur inesse, & non inesse.*

*Dico autem Antiphasim.*

*De his conditionibus loco suo copiose dicitur. in primis autem, ut uidebimus, fugienda uocum homonymia, ut oratio unum significet.*

*Et quæcunque alia.*

*Hæc docentur post tractationem topicam, ubi de sophisticis Elenchis.*

Quoniam rursus, quæ in enuntiatione subiecti locum tenent alia sunt Vniuersalia, alia singularia, (dico Vniuersale, quod ea natura, præditum est, ut de pluribus prædicetur, singulare uero, quod non est ea præditum natura ut homo quidem est ex vniuersalibus, Callias uero ex singularibus,) & enuntiare necesse est aliquid inesse, vel non inesse interdum alicui.

H

cx

-x

ex subiectis vniuersalibus, interdum alicui ex subiectis singularibus: si quis vniuerse enuntiet aliquid inesse, aut non inesse in subiecto vniuersali, erunt contrariæ enūtiationes. dico autem in subiecto vniuersali enuntiare vniuerse, hoc modo, Omnis homo albus est. Nullus homo albus est. quando vero in aliquo ex subiectis vniuersalibus enuntiet non vniuerse, non erūt hæ contrariæ enuntiationes: nihil tamen prohibet, quin ea, quæ per eiusmodi orationes significantur, possint esse interdum contraria. dico autem non vniuerse enuntiare in aliquo ex subiectis vniuersalibus, hoc modo, Est albus homo, Non est albus Homo. qui enim sic enuntiauit, homine, quod est subiectum vniuersale, vsus est, non vniuerse. hæc enim vox, Omnis, non significat id, quod subiectum vniuersale, sed ipsum subiectum accipi vniuerse. in prædicato vero sic vniuerse ipsam de subiecto si prædicetur, talis enuntiatio abhorret ab omni veritate. nulla enim affirmatio vera erit, in qua prædicatum vniuersale vniuerse prædicetur, veluti Est omnis homo omne animal.

### SCHOLIUM.

*Sicut modo affirmationes, & negationes oppositas signi indicauit ex prædicato, quod dicatur inesse, vel non inesse, sic nunc ex varietate subiectorum existere varias species Enūtiationum oppositarum addiscemus, ac primam speciem docet esse ex contrarijs enuntia-*  
*tions-*

tionibus, transit ad aliam, ad indicandas nimirum species omnes enuntiationum. & contra illos, qui putant Aristotelem de industria affectasse obscuritatem, sit hoc quod semper facit, ut vim verborum declaret, quibus utitur, ex quo etiam intelligitur, & verba esse nova ad hunc usum translata, & doctrinam, quæ traditur, esse ipsius Aristotelis. & quæ antea sunt appellata genera, & species, & individua, nunc vocantur vniuersalia, & singularia.

Et enuntiare necesse est.

Et primum, & hoc alterum assumptum sunt tum per se notatum ex antecedenti doctrina.

Si quis vniuerse enuntiet.

Hæc est doctrina, quam subiicit post assumpta, quæ sit prima species ex subiecto vniuersali. & vocat contrarias enuntiationes, quando cum subiecto vniuersali coniungitur omnis, & nullus, quæ sunt voces contrariæ significantes illud subiectum vniuerse pertinere, aut non pertinere ad predicatum, & exemplis subiicit oculis doctrinam suam.

### Enuntiationes contrariæ.

Omnis homo albus est.)(Nullus homo albus est.

Quando vero in aliquo.

Hæc est species altera Enuntiationum, quas indeterminatas vocant.

Est albus homo.)(Non est albus homo.

Non est in his contrarietas orationis, sicut in superioribus, in quibus sunt omnis, & nullus, quæ sunt contraria. sententia tamen eiusmodi orationibus subiecta poterunt esse contrariæ, ut si dicatur Homo est animal, Homo non est animal, quod perinde valet ac si dicatur. Omnis homo est animal.

Nullus homo est animal.

In prædicato vero.

*Sic monet etiam in Prioribus Analyticis talem prædicationem, & esse ab usu alienam, & id enuntiare, quod esse nequeat.*

Opponi porro Affirmationem negationi dico contradictorie, eam, quæ subiectum vniuersale vniuerse enuntiat, illi quæ non vniuerse, hoc scilicet modo.

Omnis homo albus est. )( Non omnis homo albus est.

Nullus homo albus est. )( Aliquis homo albus est.

Opponi autem contrarie Affirmationem vniuerse enuntiatam, & negationem similiter vniuerse enuntiatam hoc modo.

Omnis homo iustus est. )( Nullus homo iustus est.

Itaque has nefas est in eodem subiecto simul veras esse quas vero his opposuimus, possunt illæ aliquando in eodem simul esse veræ videlicet.

Non omnis homo albus est, & Aliquis homo albus est.

Quæcunque igitur contradictorie pugnantes ex vniuersali subiecto vniuerse enuntiato constant, in his est necesse alteram veram esse aut falsam, & quæcunq; ex singulari subiecto constant, ut est Socrates albus, non est Socrates albus. quæcunque vero constant ex subiecto vniuersali,



uersali, quod uniuerse non enuntiatur, in his  
 nō semper altera vera altera falsa. simul enim  
 verum est dicere Est homo albus, & non est  
 homo albus: & Est homo pulcher & Non est  
 homo pulcher. si enim turpis, etiam non pul-  
 cher. & si fuit aliquid, nec dum est. Sed videri  
 posset hoc derepente obiectum animo absur-  
 dum esse, quoniam hæc enuntiatio non est ho-  
 mo albus, videatur simul significare idē, quod  
 nullus est homo albus. verum neque idem si-  
 gnificat, neque simul necessario.

## SCHOLIUM.

Opponi porro.

*Tertia species, quæ est omnium maxima & princeps,  
 & proprie vocatur Antiphrasis, quam & dicit oppo-  
 ni ἀντιφάσεις, id est, contradictorie: in qua pugnat affir-  
 matio negationi alio modo, quam in contrarijs. illic  
 enim erant omnis, & nullus contrarie pugnantes, hic ex  
 aduerso contradicunt Omnis Non omnis, Aliquis &  
 Nullus, & quod uniuerse dictum est, enuntiatur in  
 contradictoria non uniuerse. itaque in hac tantum spe-  
 cie semper altera pars contradictionis est aut vera,  
 aut falsa.*

Itaque has nefas est.

*Contraria enim simul esse in eodem subiecto nō possunt:  
 idem enim non potest simul esse album, & nigrum.*

Quas vero his opposuimus.

*Innuit illas, Non omnis homo albus, Aliquis homo al-  
 bus, quas nostri vocant subcontrarias.*

H 3 Quæ.

Quęcunque igitur contradictorie pugnantes.

Hic vocat Antiquiores orationes, sic pugnantes, id est, contradictorie, ut ego exposui, cuius contradictionis vim indicat, ut habeat alteram partem veram alteram falsam, id quod tribuit etiam affirmationibus, & negationibus ex subiecto singulari, ut Est Socrates albus, Non est Socrates albus, quę est quinta species Enuntiationum oppositarum.

Si enim turpis.

Aęque vera est, non de hoc homine, sed de homine vniuersali, homo pulcher est, & homo turpis est: ergo & hac quę idem significat, Homo non est pulcher.

Et si fit aliquid, necdum est.

Et hac vtraque eęque vera est Homo pulcher est, & Homo fit pulcher: quod vero fit, nondum est. ergo & hac vera Homo non est pulcher. itaque verum est de his, quas vocant indeterminatas aliquando vtraque veras esse posse, ut cum his predicatis mutabilibus.

Verum neque idem significat, neque simul necessario.

Breuis solutio proposita dubitationis, & solutio pendet a voce, necessario: quod enim est necessario, semper sic est. uidimus autem supra posse quidem in ijs, quę sic enuntiantur, non vniuerse talem subesse sententiam, quę possit etiam enuntiari vniuerse per omne, & nullum ut in his, homo est animal, homo non est animal. ergo non semper, sic est, ut in predicatis mutabilibus.

Manifestum autem est, & negationē unam esse debere unius affirmationis. oportet enim, ut idem prædicatum neget negatio, quod affirmavit affirmatio, & ab eodem aliquo disiun-

iun-

iunctum subiecto, uel ex singularibus, uel ex  
 uniuersalibus uniuerse enuntiatio, aut non uni  
 uerse, hoc modo uidelicet, est Socrates albus  
 Non est Socrates albus. quod si aliud aliquod  
 prædicatum negatio seiungat ab eodem sub  
 iecto, aut ab alio subiecto, idem prædicatum,  
 non erit ea negatio illi affirmationi opposita,  
 sed enuntiatio diuersa. eodem opponuntur mo  
 do Omnis homo est albus, Non omnis homo  
 est albus, & Aliquis homo est albus, Nullus ho  
 mo est albus, & Est homo albus, Non est ho  
 mo albus. Vnam igitur affirmationem uni op  
 poni negationi contradictorie dictum est, &  
 quæ sint hæc, & quæ opponuntur contrarie alias  
 esse, & quæ sint, dictum est, & nō omnem An  
 tiphasim id habere, ut sit uera aut falsa, & cur  
 & quando pars altera, sit uera, uel falsa.

## S C H O L I V M.

*Quod tetigit in principijs præcognoscendis de Enun  
 tiatione una, & quod postea inuenta Antiphasi in ini  
 tiotradenda doctrina, similiter breuiter posuit in con  
 ditionibus Antiphasis, id nunc loco scilicet suo doc  
 cet quomodo oporteat unam negationem uni opponi  
 affirmationi.*

*Oportet enim.*

*Primum in quo positum, ut Antiphasis una sit, est, ut in  
 affirmatione, & negatione sit idem prædicatum, &  
 idem subiectum. nam si uel prædicatum, uel subiectum*

*mutetur, non modo non erunt opposita, sed erunt diuersa genera enuntiationum.*

*Vnam igitur affirmationem.*

*Cum vult transire ad aliam doctrinam solet repetere, quæ docuit.*

*Et non omnem Antiphasim id habere.*

*Accipit Antiphasim pro genere, quod continet quinque modos prædictos oppositionum.*

*Et cur & quando pars altera sit vera, vel falsa.*

*Intelligit Antiphasim contradictorie oppositam, & alteram ex subiecto singulari. in his, si altera pars sit vera, necesse est alteram partem esse falsam, id est, si sit falsa, alteram esse veram.*

### Quinque modi oppositionum.

Contrarie.

*Omnis homo est albus. Nullus homo albus.*



Subcontrarie.

*Aliquis homo albus. Non omnis homo albus.*

*Ex subiecto singulari.*

*Socrates est albus.*

*Socrates non est albus.*

Indeterminata.

*Homo est albus.*

*Homo non est albus.*

*In oppositis contradictorie, & ex subiecto singulari altera pars vera altera falsa.*

*Vna uero est affirmatio, & negatio, quæ unum de uno significat, siue subiectum uniuersale*

uerſale enuntietur uniuerſe, ſiue non, ut omnis homo albus eſt, Non omnis homo albus eſt: eſt homo albus, non eſt homo albus: Nul-  
lus homo albus, Aliquis homo albus, ſi album  
vnum ſignificat: quòd ſi nomen vnum im-  
poſitum ſit rebus duabus, ex quibus non conſla-  
tur unum, non erit una affirmatio, neque ne-  
gatio, ut ſiquis veſtis nomen imponat equo &  
homine, hæc enuntiatio, Eſt veſtis alba, non  
eſt una affirmatio, nec ex ea fit vna negatio. ni-  
hil. n. hoc differt ac ſi dicatur, Eſt homo equus  
albus, & hoc perinde eſt, ac ſi dicatur Eſt ho-  
mo albus, & eſt equus albus: ſi igitur hæ mul-  
ta ſignificant, & ſunt multa, clarum eſt pri-  
mam quoque, uel multa, uel nihil ſignificare.  
non enim eſt aliquis homo equus. quare nec  
in ijs enuntiationibus oppoſitis neceſſe eſt  
Antiphaſim ex altera parte ueram eſſe ex al-  
tera falſam.

## S C H O L I V M.

*Supra declarauit verba illa Dico autem Antiphaſim eiusdem ſubieſti de eodem prædicato, nunc declarat, quod ſequebatur, ac non equiuoce. oportet enim abſit a prædicatis, & ſubieſtis omnis homonymia. nam vnam eſſe orationem enuntiativam expoſuit in principijs præcognoscendis, quæ vnum ſignificaret. hic igitur hoc vnum quod requiritur, ut Antiphaſi, ſic exemplo explicat, ut nihil eſſe poſſit explicatius.*

*Ex quibus non conſtat vnum.*

*Docebit infra ex quibus multis conſtat vnum.*

In

In his igitur, quæ sunt, & quæ fuerunt esse  
necesse Affirmationem, vel Negationem esse  
veram, aut falsam. atque in Enuntiationibus  
ex subiecto vniuersali vniuerse enuntiatio sem-  
per necesse est Antiphasim ex altera parte ve-  
ram esse ex altera falsam esse, & in illis, quæ cō-  
stant ex subiecto singulari, sicut dictum est. in  
illis vero, quæ ex subiecto uniuersali non uni-  
uerse dicuntur, id minime est necesse. ac de his  
quoq. dictum est. Ceterum in his, quæ ex sub-  
iecto singulari cōstant in tempore futuro non  
similiter se res habet.

### SCHOLIUM.

In his igitur, quæ sunt.

*Quæ nunc sunt, habent adiunctam necessitatem, vt ita  
sint, sicut sunt. & multo magis, quæ fuerunt cum non  
possint non fuisse. in duobus igitur his temporibus An-  
tiphasis, in qua negatio opponitur affirmationi contra-  
dictorie, & quæ est ex subiecto singulari, in his duobus  
temporibus aperte præfert, quam habeat partem ve-  
ram, & quam falsam: vt si dicas Socrates viuit, Socra-  
tes non viuit, & Socrates fuit, Socrates non fuit.*

Semp̄ necesse est.

*In oppositis contradictorie, id semper est necesse. hoc  
verbum, semper, non repetit in illis, quæ constant ex  
subiecto singulari, sed dicit, sicut dictum est. Erat au-  
tem subiecturus id quod expectabatur post illud, a quo  
incepit repetitionem superioris doctrinæ in tēpore præ-  
senti & præterito, quomodo se haberet hæc doctrina in  
tempore futuro.*

Sic igitur subiicit.

*Ceterum in his, quæ ex subiecto singulari constant in*

*sem-*

*tempore futuro non similiter se res habet.*

*In hac, inquit, Antiphasi Hic homo cras morietur, Hic homo cras non morietur, non ita se res habet, ut sicut in presenti, & præterito distincte cognoscatur, quæ pars sit vera & quæ falsa. cuiusmodi vero sit hoc discrimen, non potest recte intelligi, nisi simul refellatur eorum opinio, qui uolebant omnia esse, & fieri necessario. Est quidem hæc questio de Fato vetus, & difficillima, quæ de natura rerum tollit accidens, & id quod potest in utrâlibet partem euenire, sed Aristoteles eam tractat accommodate pro ratione auditorum, & huius temporis. sic igitur aggreditur hanc disputationem.*

Nam si omnis affirmatio, aut negatio, uel uera, uel falsa est, omnem etiam rem esse, aut non esse necesse est. quare si unus dicit aliquid fore, alter idem hoc negabit fore, perspicuum est oportere alterum ex ipsis uerum dicere, si omnis affirmatio, aut negatio uera, uel falsa: utraque enim simul non erunt in eiusmodi. si. n. uerum est dicere aliquam rem fore albā aut non fore albā, necesse est ea res sit alba, aut non sit alba, ac si sit alba, aut non sit alba, uerum fuit affirmare, aut negare & cui res nō respondet ea falsa oratio, & quæ est falsa oratio, ei res non respondet. quare necesse est semper affirmationem, aut negationem ueram esse, uel falsam. nihil ergo, aut est, aut fit, cuius causa sit fortuna: nihil est qđ æquè possit uel esse, uel nō esse. nec res aliqua erit, aut nō erit, sed erunt omnia ex necessitate, nec quicquam

cuc-

Et cui res non responder.

*Vtroque modo conuertit argumentum ab ipsa re ad orationem, tum ab oratione ad rem. sic ex hoc quasi lusu conuersionis argumentorum concludit probationem assumpti ex necessitate, quæ est in omnibus, quæ sunt & fiunt. itaque sequitur.*

Nihil ergo, aut est, aut fit.

*Ex hac ratione sequitur nihil esse in rerum natura fortuitum, nullam esse fortunam, nihil accidere casu, nihil eque esse posse, & non esse, sed omnia regi fati necessitate. quæ omnia postea dicet absurda, & ab omni sensu abhorrentia.*

Nec res aliqua erit, aut non erit.

*Sic enim loquimur de rebus, quæ pertinent ad incertos euentus, quod tollitur, si omnia sint, & fiant necessario, ex necessitate, quæ statuatur in omni Antiphasi cuiusque temporis.*

Insuper si res hæc nunc est alba, verum fuit dicere prius, quam esset alba, eam futuram esse albam. quare semper verum fuit dicere omnia quæcunque fiunt, ea esse aut fore: quod si semper verum fuit dicere, ea esse aut fore, non poterant non esse, aut non fore: quod vero non potest non fore, fieri nequit, ut ne futurum sit: at quod fieri nequit, ut ne futurum sit, id necessario futurum est. omnia ergo, quæ futura sunt, necessario sunt futura: nihil ergo pertinet ad incertos euentus, ut & possit esse, & non esse, nec fortuna erit ullius rei causa. quod enim fortuito fit nullam habet necessitatem. sed nec illud dici potest neutrum fore verum: hoc uidelicet



delicet modo, hæc res neque erit neque non erit: nam sic primo affirmationi falsæ opponitur negatio non uera, & negationi falsæ affirmatio non uera: Et præterea, si uerum fuit dicere hanc rem futuram esse albam simul, & magnam, oportet utraque simul esse, ac si dicatur id fore cras, id erit cras: quod si neque erit, neque non erit, nec sic fuerit euentus vllarum rerum incertus, ut æque possint esse, & non esse: uerbi causa si quis dixerit cras fore Naumachiam, oporteret enim neque illam esse neque non esse.

## S C H O L I V M.

Insuper si res hæc nunc est alba.

*Alterum argumentum, quo utebantur, qui contendebant esse omnia, & fieri ex necessitate. nam ab ea necessitate, quæ est adiuncta rei, quando res est, arguebant omnia simpliciter, quæ sunt & fiunt, esse, & fieri necessario. sic enim connectabant argumentum de hac re, quæ nunc est alba, semper uerum fuit dicere, hæc res erit alba, ergo de omnibus quacunque fiunt, semper fuit uerum dicere, ea fore. argumentum ab hoc tali antecedente, quod est cum hac conditione, inferens consequens simpliciter sine vlla adiuncta conditione, de qua fallacia dicet in fine.*

Quod si semper uerum fuit dicere.

*Per connexionem Enuntiationum, quæ idem valent ut postea suo loco uidebimus, ostendit necessitatem esse in hac enuntiatione.*

Semper uerum fuit dicere id futurum esse.

Non

Non possibile ergo erat quin hoc futurum esset.

Si non possibile ergo impossibile quin esset.

Ergo Necessarium erat hoc fore.

*Sic ergo etiam hoc argumento colligebant esse, & fieri omnia necessario.*

*Sed nec illud dici poterit neutrum fore.*

*Adiuuat rationem tollentium e natura casum, & fortunam, sicut fecit in primo argumento de Antiphasi. Nec hic dici poterit, neque erit neque non erit. nam primo interiret Antiphasis, deinde, nec sic statueretur incertus rerum aliquarum euentus, aut casus, aut fortuna.*

Hæc sunt absurda, & eiusmodi alia, quæ eueniunt ex hac sic uniuersè posita sententiâ, Omnis Affirmationis, & negationis oppositarum: siue Antiphasis constet ex subiecto uniuersali uniuersè enuntiato, siue constet ex subiecto singulari, alteram distinctè partem esse ueram alteram falsam, & nihil esse in his, quæ fiunt, quod pertineat ad incertos euentus, sed omnia esse, & fieri ex necessitate. itaque nec opus esset consultare, nec aliquid agendum suscipere, quasi si id fecerimus, illud futurum sit, si non fecerimus, non sit futurum. nihil enim prohibet vnum aliquè affirmare ad decies mille annos hoc futurum, alterum negare id futurum. quare fuerit necessario, quod alter ex ipsis tunc uere enuntiauerit, quamquam nihil refert

refert vtrum aliqui elocuti sint Antiphasin, an non elocuti; perspicuum enim est ita se res habere, tamen si hic non affirmet quippiam, alter neget. non enim ex affirmando, aut negando erit, aut non erit res, neque ad decies mille annos magis, quam ad quantumcunque temporis spatium. quare si in quolibet temporis spatio, ita se res habuit, vt alter verum diceret, hoc necesse fuit, ut esset. & quidlibet eorum quæ fiunt, eiusmodi fuit, ut ex necessitate fieret. quod enim uere dixit aliquis futurum esse, fieri non poterat, quin esset, & quod fuit semper fuit verum dicere ipsum futurum esse.

### SCHOLIUM.

Hæc sunt absurda.

*Abhorrent enim a communi sensu. sunt enim in natura casus quoque & fortuna causæ naturales. hæc vero necessitas pendet ab illo vniuersali enuntiato, a quo cæpit initium hæc disputatio.*

*Itaque nec opus esset consultare.*

*Ergo frustra datum esset homini iudicium, & cōsiliū, nulli motus animorum essent voluntarij, liberi arbitrij potestas nulla. quibus ex rebus sequitur omnis vitæ perturbatio.*

*Nihil enim prohibet vnum aliquem affirmare.*

*Irridet hanc opinionem, si hæc necessitas sit in omni Antiphasi, quod frustra laborandum in agendo, quasi ex agendo aliquid expectetur, cum possit vnus affirmare idem futurum ad decies mille annos, & alter idem negare, sitque necessitas in Antiphasi id fore, quod fuerit verum, vel affirmare, vel negare.*

Quan.

Quaquam nihil refert.

*Veritas rerum, ut dictum est, in superiore libro, non pendet ab oratione, sed contra veritas orationis pendet a veritate rei. ex quo etiam intelligi potest, quam imbecillo fundamento nitatur horum disputatio. Aristoteles tamen ita hoc dicit quasi disputans pro tuenda hac sententia, & declaranda. itaque & illud corrigit dictum Ad decies mille annos. & tandem concludit assumptam disputationem ab illa sententia vniuersali, quæ vult omnia regi necessitate Fati: a qua rerum necessitate vim assumat orationis necessitas.*

Si hæc igitur esse. non possunt: (videmus enim res agendas, & quæ sibi proponunt homines fore, initium habere, & a consultando, & ab agendo aliquid: atq. in his, quæ non semper agunt, nec semper sunt, esse illud, quod æque potest esse, & non esse, in quibus vtrumq. potest euenire, ut & res sit, & non sit, atq. adeo ut aliquid fiat, & non fiat, & multa nos aperte scimus eiusmodi esse, verbi causa hæc uestis secari potest, & non secabitur, sed prius attrita interibit, quæ pariter etiam potest non secari, non enim poterat illa, prius quam secaretur, attrita interire, nisi potuisset, non secari: sic est in alijs quæcunque fiunt cum simili adiuncta potentia, vel agendi, uel patiendi: si hæc igitur esse non possunt, manifestum est non omnia esse, aut fieri ex necessitate, sed alia euenire utram in partem contigerit, in quibus nihilo magis affirmatio, quam negatio uera, aut falsa.

I

fuerit:

Verbi causa hæc vestis secari potest.

Potentia dupliciter accipitur, & agendi aliquid, & patiendi id quod nos expressimus.

Si hæc igitur.

Assumptum repetendum curavimus, ut melius consequens doctrina intelligeretur. hæc autem est doctrina non esse unum tantum rerum genus, sed triplex. Alia enim res semper sunt, & necessario, alia qua videtur contingunt nihil habentes firmitatis, in quibus sunt fortuita, & qua casu fiunt. de hoc contingente nulla est questio, nulla scientia: Alia res sunt contingentes, ut plurimum, de quibus multe artes sunt. sunt enim scientiæ, & Artes de his, quæ semper sunt, & quæ sunt, & fiunt, ut plurimum.

In quibus nihilo magis: affirmatio.

De hoc contingente nulla questio est.

Alia in quibus altera pars.

Appellant contingens ut plurimum, de quo in sequentibus libris Analyticis.

Rem porro existentem esse quando est, & rem non existentem non esse quando non est, utrumque verum est necessario. non tamen ex hoc sequitur omnem rem existentem esse necessario, & non existentem non esse necessario. non enim idem est si dicas omnem rem existentem esse necessario quia nunc est, & si ita simpliciter enunties omnis res existens est necessario. sic est & de re non existente. Et in Antiphrasi eadem ratio est, Esse aut non esse totum coniuncte, & verum est, & necessarium; & fore, aut non fore: non tamen

diuidendo **Antiphasim**, ut dicas alteram distincte partem esse necessario, hoc scilicet modo. Necesse est Naumachiam cras fore, aut non fore: non tamen hoc modo Necesse est Naumachiam cras fore, neque distincte negando Necesse est Naumachiam non fore, illam fore, aut non fore necessarium est **Antiphasi** coniuncte enuntiata. Quapropter quoniam orationis ueritas similiter se habet, sicut rerum ueritas, clarum est, quæcumque res sunt eiusmodi, ut id, quod fortuito eueniat, & cōtraria suscipiāt, in his oportere **Antiphasim** similiter se habere, id quod accidit in his, quæ non semper sunt, aut non semper non sunt. in his enim est necesse alteram partem **Antiphasis** ueram esse, aut falsam, non tamen hanc distincte uel illam, sed qđ ferat incertus euentus. & magis quidem alteram esse uerā, non tamē iam certe ueram esse, aut falsam. itaque minime necesse est omnis affirmationis, & negationis oppositarum alteram distincte partem esse ueram alteram falsam. non enim sicut in his, quæ sunt, ita se res habet etiam in his, quæ non sunt, sed possunt esse, & non esse, quorum ueritas, ita se habet, quemadmodum dictū est.

### S C H O L I V M.

*Indicat secundi argumenti fallaciam, quæ ab antecedente assumpto cum tali cōditione infert consequens simpliciter, idest, sine ulla conditione.*

**Et**

Et in Antiphasi eadem ratio est.

Simili ratione ostendit moderari oportere veritatem primi argumenti de Antiphasi. verum enim & necessarium esse si dicitur coniuncte, videlicet, aut esse aliquid, aut non esse, aut fore, aut non fore: non esse verum in omni Antiphasi, si distincte dicatur altera pars vera, vel falsa, quod volebant, qui omnia concludebant sub fati necessitate.

Quapropter quoniam orationis veritas.

Conclusio proposita questionis, cum res alie, ut dictum est, sint necessarie, de his non est questio, alie sint fortuita alie contingentes, ut plurimum sic potius quam contrario modo, ut hominem canescere in senectute in utroque genere contingentis in subiecto singulari in tempore futuro utraque pars Antiphasis coniuncta, non distincte affirmatio, aut negatio vera. in contingentibus, ut plurimum alterum quidem magis verum, potest tamen & contrarium euenire.

Itaque minime necesse est.

Falsum igitur est illud assumptum, a quo sumpsit initium hac disputatio, nec vniuersum verum est in omni Antiphasi alteram distincte partem veram esse alteram falsam, sed non similiter, id est, non distincte, sed coniuncte vera est tota Antiphasis in ea, quae constat ex singulari subiecto in tempore futuro in illis rebus, quae pertinent ad utrumque genus contingentis, quae res oriuntur, & intereunt, nec aut semper sunt, aut semper non sunt, ut cras pluet, aut non pluet coniuncte dictum verum est, & necessarium: unum enim tantum ex his duobus futurum est, sed non distincte hoc, vel illud, verum utcumque eueniet: sic in altero genere contingentis, Hic homo canescet in senectute, Hic homo non canescet utrumque verum coniuncte enuntiatum, non distincte, quamquam

*magis verum est canescet, quam non canescet, potest tamen & hoc euenire.*

*Hactenus igitur tradita est prima doctrina de Antiphasi, cuius sunt quinque modi. est enim Antiphrasis ex subiecto vniuersali, vel ex oppositis contrarie, vel ex oppositis contradictorie, vel ex oppositis subcontrarie, vel ex oppositis indeterminate, & quartus modus est ex subiecto singulari. ex his opposita contradictorie, & quę constat Antiphrasis ex singulari subiecto in tempore preterito, & presenti proprium hoc habent, vt distincte pars altera Antiphrasis sit vera, altera falsa, in futuro non similiter, sed indistincte, vt dictum est. Relinquitur ergo, vt sola oppositio contradictoria habeat semper hoc proprium, vt precise distinguat verum a falso. & hac est vera, & propria Antiphrasis, qua doctrina vtuntur, ex qua sunt illa duo Axiomata docentibus familiarissima, oportet aut affirmare, aut negare, & idem non potest simul affirmari, & negari.*

*Verum quoniam affirmatio est, quę significat enuntiari aliquid de aliquo: hoc uero nomen est, uel illud cui non est impositum nomen, & vnum oportet esse, & de uno id, quod in affirmatione positum est, & quid sit nomen quid sit illud, cui non est impositum nomen, dictum est antea, Non homo enim nomen non uoco, sed infinitum nomen: nam unum significat nomen infinitum: sicut non ualet uerbum non dico, sed infinitum uerbum: cum hæc ita sint, erit profecto omnis affirmatio, & negatio, uel ex nomine, & uerbo, uel ex infinito nomine, & uerbo. nam sine uerbo nulla est affirmatio,*



tio, neque negatio. est enim, uel fuit, uel erit, uel fit, uel alia eiusmodi uerba sunt, quibus conuenit posita definitio. nam præter eam rem, cuius sunt nota, significant etiam tempus. itaque prima erit affirmatio, & negatio, Est homo Non est homo: deinde, Est nō homo, Non est non homo. Tum rursus, Est omnis homo, Non est omnis homo: Est omnis non homo, Non est omnis non homo, & in alijs temporibus extra præsens est eadem ratio.

## S C H O L I V M.

*Quinque modi Antiphasis, de quibus supra, oriuntur ex varietate subiectorum, quæ uel uniuersalia sunt, uel singularia. Nunc docet syluam multiplicem affirmationum, & negationum ex nomine, & ex infinito nomine. nulla hic habetur ratio subiecti singularis, quia pertinet ad sensum, & hic non queritur proprium Antiphasis in vero, & falso distinguendo, sed queritur tantum uarietas affirmationum, quibus sue respondent negationes. sunt autem nomina infinita, quæ in enuntiatione seruiunt, & pro subiecto, & pro prædicato. hinc ingens uarietas, & multitudo affirmationum existit, quibus singulis, simul docet, quæ opponatur negatio.*

*Verum quoniam affirmatio.*

*Sic transit ad nouam doctrinam, & quæ assumuntur, sunt nota ex positis principijs, & ex antecedente doctrina.*

*Nam unum significat.*

*Si oportet, ut positum est in principijs, & declaratum est in superiore tradita doctrina, non esse homonyma, quæ ponuntur in Antiphasi subiecta, & prædicata, ex-*

*eluderentur penitus ab oratione enuntiatiua nominum infinita, nisi significarent unum.*

*Cum hæc ita sint.*

*Hoc addidi rependo per Epamalepsin sententiam, quæ longa intercurrit.*

*Nam sine verbo.*

*Et hoc antea positum est.*

*Itaque prima erit affirmatio.*

*In hac indicanda multitudine affirmationum, & negationum incipit a simplicioribus, quæ constant ex subiecto tantum, & verbo, & antepone, ut par est in hoc ordine, quæ sunt ex nomine his, quæ sunt ex infinito nomine. hæc vero prima classis continet duodecim affirmationes, & totidem negationes.*

Sed quando, Est, tertium adiacet prædicato, tunc duæ dicuntur oppositiones. sic autem dico, Est iustus homo, hic dico, est, tertium adnecti cum prædicato, nomen seu verbum in affirmatione. itaque ob id quatuor erunt hæc enuntiata, quorum duo sibi mutuo respondentia, ut affirmatio, & negatio oppositæ in ordine aiendi, & negandi, se habebunt, ut priuationes: altera duo non; sic autem dico, Est, coniungendum esse, vel cum iusto, vel cum non iusto, sic & eius negatio. quatuor igitur erunt, id quod indicabit subiecta descriptio, Est iustus homo, eius negatio, Non est iustus homo: Est non iustus homo, eius negatio, Nō est non iustus homo. Est enim, & Non est hoc in loco adiunctum erit iusto, & non iusto prædicatis.

atque

atque hæc quemadmodum in Analyticis dictum est, sic constituta sunt in ordine aiendi, & negandi. similiter se res habebit si etiam affirmatio conficiatur ex subiecto nomine vniuersali vniuerse enuntiato, hoc modo, Omnis est homo iustus. huius negatio, Non omnis est homo iustus: Omnis est homo non iustus, huius negatio, Non omnis est homo non iustus, hoc differt, inter has, & superiores, quòd quæ sunt per diametrum non similiter veras esse contingat, aliquando vero contingat.

## SCHOLIUM.

*Altera classis affirmationum, & negationum est ex subiecto quidem nomine tantum, sed ex prædicato, & nomine, & infinito nomine: inter quas enuntiationes potest esse coniunctio quedam, ut postea docebit, & hic obiter innuit.*

**ER**, tertium adiacet prædicato.

*In enuntiationibus ex prædicato, & subiecto, Est, adhaeret prædicato, cuius opera prædicatum, vel affirmatur, vel negatur de subiecto. quod vero vocat, Est, seu nomen seu verbum, cum in enuntiatione significat cum tempore, ut homo est iustus, uocatur verbum, cum nulum designat tempus, ut homo est animal, fit quasi nomen ubi, ut dictum est antea, conuectit prædicatum cum subiecto.*

*Se habebunt ut priuationes.*

*Circa finem primi libri Priorum Analyticorum vocat priuationes ueluti sunt iniustum, & inaequale, ad quorum similitudinem in ordine aiendi, & negandi docet*

*statim*

statui debere hac, quæ vocat nomina infinita, nō iustum, non æquale. hic igitur, quæ habent prædicatum ex nomine infinito, sic ordinanda sunt, sicut priuationes in consocienda affirmatione, & negatione, & rem subiicit oculis subiecta descriptione.

Hoc differt.

Quia dixit similiter se res habebit. similitudo quidem est, quod pertinet ad ordinem aiendi, & negandi differunt, quia non similiter simul veræ sunt, quæ per diametrum sibi mutuo respondent.

Est iustus homo. )( Non est iustus homo.



Est non iustus homo. )( Non est non iustus homo.

Est iustus homo, & Non est non iustus homo sunt simul veræ, & reliquæ duæ similiter se mutuo consequuntur. non sic est, in his alteris quatuor.

Omnis est homo iustus. Nō oīs est homo nō iustus.

Per dia-  -metrum.

Oīs est homo nō iustus. Nō oīs est homo nō iustus.

Quæ sita sunt per diametrum, altera est vniuersalis altera particularis inter quas, vt videbimus infra non potest esse mutua consequentia. non enim quia sit vera Non omnis est homo non iustus, sequitur veræ esse Omnis est homo iustus. quod interdum cōtingere possit has etiam esse simul veras, id fiet vi prædicatorum, vt si hic pro iustus, & non iustus reponas animal, & non animal. id sicut antea loco non dissimili suboscure tangit, quia hic agitur proprie de natura orationis, non de natura rerum. obiter autem innuere voluit hoc nescio,

*scio, quid de mutua consequentia affirmationum, & negationum de qua paulo post dicetur. Atque in hac altera classe indicantur similiter altera duodecim affirmationes cum suis negationibus.*

Atque hæ quidem geminæ oppositiones, sic sibi mutuo respondent in ordine aiendi, & negandi: Duæ vero aliæ existunt, quæ habent non homo, ut vnũ quoddam subiectum appositũ hoc modo, Est iustus non homo, Non est iustus nõ homo, Est non iustus non homo, Non est non iustus non homo: at plures his non sunt oppositiones, & hæ ab illis superioribus seiunctæ ipsæ per se erunt vtpote, quæ subiecto vtuntur hoc, quod est non homo, quæ vero Enuntiationes, non, est, sed aliud requirunt verbum, vt in verbis valere, & ambulare, in his idem efficit sic positum verbum, ac si adhibitus esset ipsum, est, vt Valet omnis homo Non valet omnis homo: Valet omnis non homo, Non valet omnis non homo. non enim dicendum est non omnis homo, sed ipsum, non, adiungendum est huic voci homo, Nam vox, omnis, non significat subiectum vniuersale, sed ipsum subiectum vniuersale enuntiari, quod ex hoc perspicuum est: Valet homo Non valet homo: Valet non homo Non valet non homo. hæc enim enuntiata ab illis differunt, quia non dicta sunt vniuersale. quare omnis, aut Nullus adiuncta sub-

subiectis vniuersalibus nihil aliud significant, quam subiecta efferri vniuerse in affirmatione, & negatione. alia igitur eadem agglutinare oportet cum subiecto.

## SCHOLIUM.

*Tertia classis, & ultima affirmationum, & negationum ex subiecto infinito cum predicato nomine, & infinito nomine, nec prater has tres datur alia varietas, nec possunt esse bis plures numero oppositiones. sunt autem triginta sex, uidelicet duodecim in vnaquaq; classe cum uerbo est, fuit, & erit.*

*Vt vnum quoddam subiectum.*

*Et hic locus clare dicit nomina infinita rem unam significare. siue igitur adhibeantur pro subiecto, ut substantia, siue pro predicato, ut accidentia cum apposita negatione, unum significant, ut dictum est. aliter nullus esset eorum usus in oratione enuntiativa, est autem horum usus, ut uidemus, in hac doctrina Aristotelis.*

*Seiunctæ.*

*Propter diuersum subiectum nullam habent inter se coniunctionem, sicut habent, quæ constant predicato finito, & infinito cum eodem subiecto.*

*Quæ vero enuntiationes.*

*Mutato uerbo idem seruatnr ordo affirmationum, & negationum.*

*Alia igitur.*

*Intellige prædicata, uel nomina, uel infinita nomina.*

*Eadem.*

*Videlicet, quæ sunt in enuntiatis non uniuersæ etiam in his, quæ habent omnis, uel nullus agglutinare oportet, id quod facit proprie uerbum adiacens predicato. est igitur idem ordo in omnibus aiendi, & negandi.*

**Sed**

Sed quoniam contraria negatio est huic affirmationi, Omne est animal iustum, Nullum est animal iustum, has quidem clarum est nunquam esse posse simul veras, nec simul in eodem subiecto, quæ vero his opponuntur, fuerint aliquando simul veræ, videlicet non omne est animal iustum, & est aliquod animal iustum: ac se mutuo consequuntur hæ quoque Omnis est homo non iustus, Nullus est homo iustus, & est non omnis homo non iustus, & illi opposita, Est aliquis homo iustus. oportet enim dari hanc particularem. manifestum autem in his quoque quæ habent subiectum singulare, si verum sit illud quod negat, qui interrogatus est, verum etiam esse idem affirmare: hoc modo, Est ne Socrates sapiens? non; Socrates ergo est, non sapiens: in vniuersalibus non est uera, quæ similiter dicatur, sed vera est negatio, ut omnis ne homo sapiens? non: omnis ergo homo non sapiens, hoc enim falsum est, sed illa vera Non omnis ergo homo sapiens, quæ contradictorie opposita est, cum illa altera sit contraria.

## S C H O L I V M.

*Transit cum hac repetitione doctrinæ iam traditæ ad nouam doctrinam, in qua docet nouam affectionem, quæ accidit affirmationibus, & negationibus, quæ idem ualent, & se mutuo consequentibus, quam rem supra attigit, ubi permanente eodem subiecto mutabatur prædi-*

*catum*

catur ex nomine in infinitum nomen. ex hac autem doctrina Aristotelica de affirmationibus, & negationibus idem valentibus colligitur, has in his conditiones requiri, mutationem predicati ex nomine in infinitum nomen, permanente eodem subiecto, & eadem quantitate. vocant quantitatem, ut si altera sit vniuersalis, vel particularis, vel indeterminata, eodem modo sit etiam altera.

Affirmationes, & negationes se mutuo consequentes.

Omnis est homo non iustus. Non oīs est homo nō iustus.  
 Nullus est homo iustus. Aliquis est homo iustus.  
 Nullus est homo non iustus. Aliquis est homo nō iustus.  
 Omnis est homo iustus. Non omnis est homo iustus.

Oportet enim dari hanc particularem.

Nisi enim des Est aliquis homo iustus idem valere, quod Non omnis est homo non iustus, cogeris dare ipsius contradictoriam, oportet enim aut affirmare, aut negare, quo axioma omnes docentes vtuntur.

Manifestum autem in his quoque.

Hac comparatione a subiecto singulari ad vniuersale voluit docere id, quod modo dixi in his affirmationibus & negationibus oportere, quam vocant quantitatem eandem esse. idem enim valent hæ, Socrates non est sapiens, & Socrates est non sapiens, quoniam utraque est singularis, non valent hæ Non omnis homo est sapiens, & Omnis homo est non sapiens, quoniam altera est particularis, altera vniuersalis.

Cum



Cum illa altera sit contraria.

*Vocat contrariam hanc. Omnis homo est non sapiens illi interrogationi, Omnis ne homo est sapiens, quia idem ualet, quod Nullus homo est sapiens.*

Nomina uero & uerba infinita, ceu sunt Nō homo, & Non iustus, id est subiecta, & prædicata infinita possent uideri negationes affirmationibus oppositæ sine nomine, & uerbo, sed non sunt. semper enim oportet negationem ueram esse, aut falsam. qui uero dixit, Non homo, nihilo magis, quam qui dixit, Homo, quin etiam minus id, quod uerum est, quā id, quod falsum dixit, nisi aliquid adiunxerit. congruit autem cum nulla illarum, neque idem significat, Est omnis non homo iustus, nec quæ huic contradictorie opponitur, Non est omnis non homo iustus, sed est omnis non iustus non homo idem significat, quod Nullus est iustus non homo.

## S C H O L I V M.

*Ita ueluti monens, quod pertinet ad prædicata, & subiecta infinita transit ad illas, quæ cum alio subiecto ceu est non homo idem ualent. dictum est autem oportere idem esse subiectum, & eandem quantitatem: mutatur prædicatum ex finito in infinitum non en, & quod affirmatum est, negatur. erunt igitur etiam hæc idem significantes.*

*Est*

*Est omnis non homo non iustus.*

*Nullus est iustus non homo.*

*Nullus est non homo non iustus.*

*Omnis est non homo iustus.*

*Non est omnis non homo non iustus.*

*Est aliquis non homo iustus.*

*Aliquis est non homo non iustus.*

*Non omnis est non homo iustus.*

*Appellat uerba infinita, quæ tenent locum prædicati.*

*Quin etiam minus.*

*Si conferas nomen cum nomine infinito est quasi si compares Ens, non enti.*

In alium porro locum traicte nomina, & verba idem significant, ceu Est albus homo, Est homo albus. nisi enim ita sit eiusdem prædicati de eodem subiecto plures erunt negationes: demonstratam est autem vnius affirmationis vniam esse negationem. nam huius, Est albus homo negatio, Non est albus homo: huius autem, Est homo albus, si non sit eadem cum illa, Est albus homo, erit negatio, vel non est, nõ homo albus, vel non est homo albus. sed altera nempe, Nõ est nõ homo albus, est illius negatio Est non homo albus: altera vero huius affirmationis est albus homo: itaque dux negationes erunt vnius affirmationis. Quod igitur traicte nomine, & uerbo vna fiat affirmatio, & negatio, manifestum est.

SCH O.

## S C H O L I V M.

*Vidimus quomodo mutato prædicato contingat, ut  
duæ orationes altera aiens, altera negans, idem signifi-  
cent: in subiecto vero sic mutato idem non contingere.  
apte sequitur alia doctrina, quid non efficiat, & quid  
efficiat, ut orationes sint multa, & non sint multa, &  
vnum multa significant, & vnum plura significet. ac  
primo, quod lenius est ostendit traiectionem, vel verbi,  
vel subiecti, vel prædicati non efficere varias, vel af-  
firmationes, vel negationes.*

**Demonstratum est autem.**

*Nisi autem ita esset, periret, & nulla esset Antiphrasis,  
ex qua est illud celeberrimum axioma: oportet, aut af-  
firmare, aut negare.*

**Sed altera nempe non est non homo albus.**

*Non est non homo albus, & non est homo albus diffe-  
runt subiecto tantum, idem habent prædicatum Albus,  
cum illa, quæ habet subiectum non homo habeat suam  
affirmationem, ut antea docuit, altera pertinebit ad il-  
lam, in qua est subiectum homo, sicut est in hac Est albus  
homo. erunt igitur huius duæ affirmationes dato illo  
falso, non idem esse dicere Est albus homo, & est ho-  
mo albus.*

**Vnum autem prædicatum de multis sub-  
iectis, vel multa prædicta de vno subiecto af-  
firmare, & negare, nisi vna quæpiam res  
sit, quæ ex multis illis significetur, non  
est affirmatio una neque negatio. atque  
unum dico non si multis nomen unum sit  
impositum, ex quibus unum non confici-  
tur, & existat: verbi causa homo fortassis**

**K est,**

est, & animal & bipes, & mansuetum, ex quibus vnum fit: at ex albo, & homine, & ambulare non existit vnum. quo circa neq; si vnum aliquod prædicatum affirmarit quis de his, nō vna fuerit affirmatio, sed vox quidem vna, affirmationes uero multæ: neque si hæc de vno subiecto, sed similiter fuerint multæ. si igitur Dialectica interrogatio postulat responsum vnius propositionis, seu partis alterutrius propositæ Antiphasis, & propositio est vnius Antiphasis pars, ad hæc non fuerit responsio vna, quia nec interrogatio sit vna, etiam si vera sit. quibus de rebus dictum est in Topicis; simul autem & perspicuum est, si quis interroget, quid hoc vel illud sit, eam interrogationem nō esse dialecticam. oportet enim datum esse Respondenti, ut eligat vtram malit partem Antiphasis. atque debet, qui interrogat, distincte interrogare, vtrumne homo est hoc, an non est hoc.

## SCHOLIUM.

*Multa subiecta, & multa prædicata aperte præferunt multitudinem enuntiationum.*

Nisi vna quæpiam res sit.

*Hoc quomodo esse possit indicat exemplo. illa enim, quæ adhibentur in definitione alicuius, ut in definitione hominis, vnum significant, cum explicant rei vnius naturam, qua de re dictum est antea. itaque talia mul-*

*ta,*

*ta, vel prædicata, vel subiecta erunt una enuntiatio, non multe.*

**Non si multis nomen vnum sit impositum.**

*Sicut supra dixit si homo, & equus vestis nomine significarentur.*

**Homo fortassis.**

*Dicit fortassis, quia non hic est locus querendi, quæ proprie & vere constituent definitionem hominis, sed quæ hic dicuntur, afferuntur exempli causa.*

**Si igitur Dialectica interrogatio.**

*Et liber categoriarum, & hic liber pertinent, ut dictum est, ad doctrinam Analyticam, a qua Doctrina Topica doctrina sumit sua principia. itaque in his omnibus libris ponuntur etiam, quæ præcognoscere oportet ante methodum Topicam, in qua Dialectica facultas exponitur. & hic igitur monet has enuntiationes, quæ non sunt una oratio, reiiciendas esse a disputantibus: qui sumunt ab illis, qui Thesim aliquam defendunt, propositiones, quibus aduersus Thesim propositam utantur. qui disputat, interrogat, quam interrogationem oportet esse unam, quomodo in his libris docetur, ut scilicet vnum significet, & non multa. quæ res latius postea traditur in octauo Topicorum, & contra sophistas in Elenchis. Interrogatio vero dialectica continet totam Antiphasim hoc modo Dasne, Voluptatem esse bonum, an non esse bonum, ut optio sit respondenti utram velit concedere, affirmationem an negationem. ex hac doctrina sequitur & hoc petere definitionem alicuius rei, non esse interrogationem dialecticam, nam interrogando, quid hoc vel illud sit nulla datur optio respondentis, sicut postulat interrogatio dialectica. hac de re quoque in Topicis.*

K a

Quo.

Quoniam autem ex multis, quæ de vno aliquo prædicantur subiecto separatim, alia simul posita, & coniuncta si prædicantur vt vnum efficiant omnia prædicatum, alia non, quodnam est eius rei discrimen? de homine enim verum est dicere, & separatim animal, & separatim bipes, & hæc ipsa coniuncta, vt vnum: & item verum est dicere hominem de homine separatim, & album separatim, & hæc coniuncte vt vnum. at non, si verum sit dicere aliquem hominem sutorem separatim, & bonum separatim, verum est coniuncte quoque sutorem bonum ipsum dicere: nam si quoniam vtrumque separatim verum est dicere, oportet eadem simul coniuncta vere dici de eodem subiecto, multa contingent absurda. nam de homine, & homo vere dicitur & album, ergo & vtrūque simul coniunctum. rursus si album, etiam hæc tria simul, quare homo erit homo albus albus, & hæc licet in infinitum adiungere. & rursus si verum sit separatim aliquem dicere, esse musicum, esse album, esse ambulantiem, & hæc eadem sæpius complicata in infinitum. insuper si Socrates est Socrates, & est homo, ergo simul Socrates est Socrates homo. & si homo est homo, & bipes, ergo homo est homo bipes. Quod igitur, si quis simpliciter & nihil distinguendo dixerit a diuisis prædicatis, quæ vere de aliquo dicuntur, inferri posse eadem complicata quoque

que in vnum de eodem dici multa contingant,  
absurda manifestum est: itaque quid super  
hoc statuendum sit, nunc dicamus.

## SCHOLIUM.

Proponit quid quari consequenter debeat, & est  
doctrina aduersus fallacias sophistarum, de quibus po-  
stea fusius in elenchis. vidimus, quæ multa videntur ta-  
lia esse posse, vt ex illis esse possit vna oratio; atque  
etiam talia esse posse, ex quibus vnum esse nequeat: id  
nunc aliquo discrimine distinguendum est. proponit au-  
tem rem querendam in multis predicatis, quæ separa-  
tim de vno subiecto singula dicantur vere, & simul  
coniuncta, & quæ non: & dum exemplis, vt solet, rem  
declarat, simul indicat absurda, quæ possunt contingere,  
si detur vniuerse, quacunqueve singula vere de aliquo  
separatim dicantur, ea dici etiam coniuncte.

De homine enim.

In hoc exemplo est veritas, & diuisim & coniuncte.

Et item verum est.

In hoc exemplo est nugatio sophistica.

At non si verum sit dicere.

In hoc exemplo est veritas, quod vere diuisim dicatur  
non sequi, vt etiam coniuncte.

Nam de homine.

Sunt exempla nugationum sophisticarum ad deci-  
piendum.

Homo est homo

Homo est homo albus albus.

Et ex multis diuersis predicatis.

K 3

Aliquis

Aliquis homo est homo est musicus est ambulans, & eadem sepius repetendo, & complicando, Socrates est Socrates.

Et similiter est homo bipes.

*Post exposita oculis hæc exempla tradit Doctrinam, quæ etiam excludit has nugationes sophisticas.*

Quæ de alio prædicantur, & quorum videlicet naturæ tributum est, ut de alio prædicentur, quæcunque dicuntur per accidens, siue de eodem subiecto, siue accidens alterum de altero accidente, ex his non erit vnum, veluti homo albus est, & musicus. non sunt autem unum album, & musicum cum vtræque sint accidentia: neque si musicum dicatur vere de albo, non tamen album musicum erit unum quid. per accidens enim dicitur album de musico. quare non erit album musicum res aliqua una. ob eandem rationem neque sutor bonus coniuncte, sed animal bipes, quia neutrum de homine dicitur per accidens. præterea, nec prædicata, quæ in altero inexistunt cum illo complicanda sunt. itaque nec album sæpius, nec homo est homo animal, aut bipes. inexistit enim in homine, & bipes, & animal.

## SCHOLIUM.

Et quorum videlicet naturæ.

*Adiecit hæc uerba quasi interpretando, quod dixit, ut offenderet nugationem illam Socrates est Socrates, singula-*



*gularia enim exclusa sunt a prædicatione, quæ illis tantum tributa est, quæ multis sunt communia.*

*Siue de eodem subiecto.*

*Vt album, & musæum dicuntur de homine.*

*Siue accidens alterum.*

*Vt album dicitur de musico.*

*Neque sutor bonus coniuncte.*

*Vsus est antea hoc exemplo aliquis homo est sutor, & idem est bonus, non sequitur coniuncte, ergo sutor bonus. sunt enim accidentia, & præterea bonus separatim de aliquo significat virum bonum. at cum dicis, sutor bonus pertinet ad præstantiam artis.*

*Præterea nec prædicata, quæ in altero inexistunt.*

*Hoc ad tollendam alteram nugationem Homo est homo albus, homo est homo animal, est homo bipes. sic sunt & sepius repetita. cum dicis est homo animal, homo inexistit in animali, sic repetita in existunt in illis, quæ repetuntur. Est ergo hæc doctrina, quæ diuissim multa de uno subiecto uere prædicantur, si non per accidens prædicantur, sed sunt prædicata essentialia, eadem & coniuncte tanquam unum prædicatum de ipso dicuntur. Cætera pertinent ad reijciendas nugationes sophistarum.*

Verum autem est affirmare cum aliquo adiecto prædicato, & diuissim sine illo, uerbi gratia, quem dixeris hominem talem, esse hominem, aut quem dixeris hominem album talē, esse hominem album: non semper tamen, sed quando inerit quidem in adiecto prædicato, quod ex aduerso, & contradictorie repugnet illi, cui adhæret, non uera, sed falsa erit illatio a coniunctis ad diuisa, ut mortuum hominem dicere esse hominem. quando uerò ea repu-

gnantia non inerit, uera erit illatio. uel potius cum sic ex aduerso pugnant, semper est illatio falsa, quando autem non sic pugnant, non semper uera est illatio: ueluti si dicatur Homerus est aliquid uerbi causa poeta: inferrine poterit ergo est an non? hic enim vox, est, prædicatur de Homero per accidens: quia cum dicitur Homerus est poeta: non per se prædicatur, est, de Homero. itaque quibuscunque in prædicationibus repugnantia non est, si definitiones pro nominibus dicantur, & ipsa prædicata per se non per accidens de subiecto dicuntur, in his uerum erit dicere cum adiecto, & sine adiecto. Non ens autem quoniam sit opinabile, non propterea uere infertur ergo est. opinio enim de non ente est, quod non sit, non, quod sit.

## SCHOLIUM.

Conati sumus planius explicare orationem, & phrasin Aristotelis ubi potest uideri obscurior his, qui minus diligenter uersati sunt in obseruanda eius phrasi. uocat autem aliquem & aliquid, & de aliquo id, quod in enuntiatione adijcitur prædicato, itaque sum interpretatus cum aliquo adiecto prædicato, & quod est grace *ἁπλως*, id est simpliciter, significat sine illo adiecto. & sententiam huius doctrinæ sic interpretati sumus, quando uera fiat illatio a coniunctis prædicatis ad diuisa, & quando non fiat,

Verbi

Verbi gratia quem dixeris hominem talem, esse hominem.

*Exemplo declarat id, quod dixit, ut si dixeris Hic est homo philosophus, ergo est homo.*

Aut quem dixeris hominem album talem.

*Alterum exemplum, ut si dixeris Hic est homo albus philosophus, ergo est homo albus.*

Ut mortuum hominem dicere esse hominem.

*Sophistica illatio Hic est homo mortuus, ergo est homo, mortuus predicatum adiectum homini aperte repugnat ei, cui adiectum est.*

Vel potius.

*Corrigit quod precepit. non enim satis, est si absit repugnantia, fieri ueram illationem a coniunctis ad diuisa, sed oportet adiungere, quod aperte infra precipitur, si ipsa predicata non dicantur de subiecto per accidens.*

Non per se predicatur, est, de Homero.

*In hac enim oratione, Homerus est poeta, dicis homerum esse poetam, non dicis homerum esse.*

Si definitiones pro nominibus dicantur.

*Ut si pro homine dicas præditum uita, & pro mortuo dicas carentem uita, repugnantiam apertam uideris.*

Non ens autem quoniam sit opinabile.

*Hac quoque est illatio sophistica Non ens est opinabile, ergo est. qui autem dicit Non ens esse opinabile, dicit aliquam opinionem esse de non ente. at opinio de non ente, inquit Aristoteles, est, quod non sit, non autem quod sit. potes etiam dicere id, quod in exemplo de Homero, hic, Est, per accidens de non ente predicari. atque hic satis est attigisse, quæ latius explicantur in Elenchis. quæ uero hic disputantur, referuntur omnia ad doctrinam Enūtiationis, quam oportet esse unam aut re ipsa, ut unum sit predicatum de uno subiecto, & absit ab ipsis homonymia, & equiuocatio, ut unum non multa significat.*

quo-

quomodo autem, & multæ orationes possint idem significare, & multa voces rem unam significare docuit in quibus obiter & hæc, quæ contra fallacias sophisticas.

Quomodo consequens doctrina coniungatur cum superiori.

Doctrina hætenus tradita videtur manare a duobus capitibus. nam vera Antiphrasis, cuius originem primo loco tradidit, cum ex quinque generibus affirmationum & negationum oppositarum, una sit, quæ semper verum a falso distinguat, quæ etiam est administra demonstrationis, hæc inquam doctrina de Antiphrasi manat a genere subiecto huius libri, quod est, Enuntiatio. Est enim Antiphrasis veluti anima Enuntiationis, quæ a cæteris orationibus distinguitur hoc uno, quoniam in vero & falso versatur. Altera doctrinæ pars manat a Nominine, de quo positum fuit alia esse proprie nomina rebus videlicet certis imposita, alia quæ nota negationis consignarentur, quæ etiam vocavit nomina infinita, quoniam hæc priuationis nota posset adhiberi omni generi nominum, siue significarent ens, siue non ens. & quoniam infinitum nomen est ipsum quoque unum, vel subiectum, vel prædicatum unum significans, secundo loco docere voluit syluam variarum enuntiationum ex nomine, & ex infinito nomine, & ostendere, quæ cuique affirmationi responderet negatio, & ex hac mixtura nominis, & infiniti nominis, quæ affirmationes, & negationes idem significarent, & se mutuo consequerentur: cum qua doctrina coniunxit hæc monita postrema contra sophisticas fallacias. sequitur nunc tertia doctrina, quæ manat a verbo, sicut secunda a nomine. nam in superioribus enuntiationibus semper, Est, &, non Est, fecit affirmationes, & negationes, nunc docet esse quasdam voces

quas

*quas nostri vocant modos, & enuntiationes vocam modales, in quibus Modi vicem subeunt verbi, Est, facientes ipsi affirmationes, & negationes. sunt autem hi modi enuntiandi possibile esse, contingens esse, Impossibile esse, Necessarium esse: item verum esse, Falsum esse, probabile esse, consentaneum, consequens, & eiusmodi. in his ergo docet quomodo fiant affirmationes, & negationes, & quæ in his quoque sint affirmationes, & negationes idem significantes: qua de re nescio, quid antea dictum est.*

His explicatis uidendum est, quomodo se habeant negationes illæ inter se, & affirmationes, quæ sunt eius, quod Possibile est esse, & non possibile, & contingens, & non contingens, & de impossibili, & necessario. habet enim earum nonnullas dubitationes. Nam si Enuntiationes illæ pugnant inter se cōtradictorie, quæ ordinem aiendi, & negandi nanciscuntur per uerbum, est, & non est, ueluti huius affirmationis, est homo, negatio est, nō est homo, non autem est non homo: & est albus homo negatio Non est albus homo, non autem est non albus homo. si enim de omni, aut affirmare, aut negare oportet, uerum erit dicere Lignum esse non album hominem: ac si ita est, ubicunque, est, non adhibetur, ut idem faciat, quod pro uerbo, est, dicitur, ut homo ambulat, huius negatio non erit ambulat non homo, sed non ambulat homo. nihil enim interest utrum dicas hominem ambulare, an hominem ambulantem

lantem esse: si ergo ita se res habet in omnibus cuiusque generis enuntiationibus, etiam eius quod est, Possibile esse, negatio erit, Possibile non esse, non hæc, Non possibile esse.

## SCHOLIUM.

*Proponit dubitando, quid nunc consequenter queratur, cuiusmodi sint negationes illarum affirmationū, in quibus adhibetur Possibile, Contingens, Impossibile, Necessarium.*

*Nam si enuntiationes illæ.*

*Oritur hæc dubitatio ex superiori doctrina, in qua docuit per verbum, Est, & non est, semper effici affirmationes, & negationes siue subiecta, & prædicata sint nomina, siue nomina infinita. & utitur iisdem exemplis, quibus supra. est autem periodus longa, & procurrat usque ad finem, si ergo ita se res habet in omnibus.*

*Si enim de omni aut affirmare, aut negare oportet.*

*Hoc est Axioma ortum ab ea vi, quæ est in vera Antiphrasi, cuius altera pars vera semper, altera semper falsa. si ergo non ordinetur negatio per verbum, non est, huius affirmationis, Lignum est albus homo, erit negatio, Lignum est non albus homo, & hæc erit vera, cum affirmatio sit falsa.*

*Si ergo ita se res habet in omnibus.*

*Hucusque, ut dixi, suspensa procurrat sententia si inquam, ita se res habet in omni genere enuntiationum sequetur, ut huius etiam Affirmationis Possibile est esse, negatio sit, Possibile est non esse, non autem Non possibile est esse. querendum igitur est, an ita sit.*

Sed

Sed uidetur idem esse, & non esse possibile esse. nam omne quod possibile est secari, aut ambulare etiam non secari, & non ambulare possibile est: & ratio est, quoniam quod tali potestate præditum est, non semper agit, itaque poterit & non agere: quod enim potest ambulare, & non ambulare potest, & quod potest cerni, etiam non cerni potest. verum fieri nequit, ut veræ sint de eodem subiecto affirmationes, & negationes oppositæ: non ergo huius affirmationis, Possibile est esse negatio est Possibile est non esse. contigit enim aut idem affirmari, & negari simul de eodem subiecto, aut hic esse & non esse ad affirmandum, & negandum non recte adhiberi. quod si illud esse nequit, hoc postremum eligere oportet. est ergo huius affirmationis Possibile est esse negatio Non possibile est esse, non autem Possibile est non esse.

## S C H O L I U M.

Sed videtur.

*Vox Possibile proprie videtur adhiberi in his, quæ eque possunt esse, & non esse, & hac potestas ad utraque opposita duplex est vel patiendo, ut de veste, quæ potest secari & non secari, vel agendo ut de homine, qui potest ambulare, & non ambulare. de his vero, quæ uel non semper agunt, vel non semper non agunt, aut non sunt, dictum est antea, ubi de triplici rerum genere nempe de necessario, ide contingente, ut plurimum, & æque possibili ad utraque opposita.*

Verum

Verum fieri nequit.

*Hec doctrina supra exposita est Antiphasim non posse esse simul veram.*

Non ergo.

*Non ergo verum est, quod antea dicebatur. quia si negatio eius, quod Possibile est esse, esset Possibile est non esse, iam de eodem subiecto simul, & affirmaretur, & negaretur. non ergo ut supra disputabatur ad omne genus Enuntiationum recte adhibetur esse, & non esse ad affirmandum, & negandum. & negatio, quæ respondet proprie, & vere huic affirmationi Possibile est esse, hæc est, Non possibile est esse.*

Eadem ratio est de hac affirmatione Contingens esse, cuius negatio Non contingens esse, & in alijs eodem modo videlicet in Impossibili, & Necessario. sicut enim in illis superioribus enuntiationibus Esse & Non esse munus tenent agglutinandi, & alia posita in enuntiatione sunt res subiectæ ei muneri, nempe ab altera parte album ab altera parte homo: sic hoc loco Esse quidem, & non esse locum rei subiectæ tenent, at possibile est, & contingere, munus agglutinandi tenent, & distinguunt, sicut illic esse, & non esse, verum & falsum, sic hæ enuntiationes per possibile esse, & non possibile esse. atque huius affirmationis Possibile est non esse negatio est non hæc Non possibile esse, sed non Possibile non esse, & huius affirmationis Possibile esse negatio est non hæc, Possibile non esse, sed Non possibile esse.

SCHO.



## S C H O L I V M.

*Demonstrata veritate propositionis Possibile non esse nullo modo esse negationem illius affirmationis Possibile est esse: clare ostendit hos quæ vocant modos Possibile, Contingens, impossibile, Necessarium subire vicem verbi, est, & per ipsa effici affirmationes, & negationes oppositas. itaque Possibile non esse affirmationem esse cuius negatio sit Non possibile non esse.*

*Munus tenent agglutinandi.*

*Cur ita transiulerim verbum græcum latius reddidi rationem in commentarijs meis, nostra. certe translatio tam clara est, ut nullam præferat obscuritatem.*

Itaque & se mutuo consequi uideri possunt Possibile esse, & Possibile nō esse. eadem enim res esse potest, & non esse. non enim per Antiphasim sunt opposita Possibile esse, & Possibile non esse. sed Possibile esse & Non possibile esse, quæ nunquam uere possunt enuntiari de eodem subiecto, cum sint opposita per Antiphasim. sic nec, Possibile nō esse & Non possibile non esse de eodē simul subiecto unquam possunt uere enuntiari. Et huius similiter affirmationis Necessarium est esse negatio est non hæc Necessarium non esse, sed hæc Non Necessarium est esse, & hæc opponuntur per Antiphasim Necessarium non esse Non necessarium non esse: sic huic Impossibile esse non opponitur Impossibile non esse, sed hæc Non impossibile esse: ergo & hæc opponuntur Impossibile non esse Non impossibile nō esse:

atque

atque uniuerse sicut dictum est, esse & non esse in his enuntiationibus tenent locum rerum subiectarum, cum quibus sic adiunguntur hæc uoces efficientes affirmationem, & negationem, ut credere oporteat has esse Antiphases oppositas Possibile Non possibile: Contingens non Contingens: Impossibile Non impossibile: Necessarium Non necessarium: Verum Non verum.

### SCHOLIUM.

Itaque & se mutuo consequi.

*Repetet hoc verbum infra cum aggredietur tradere doctrinam hanc, quæ nam sint ex his modalibus, ut vocant, quæ se mutuo consequantur. postquam enim aperte docuerit, quæ cuique affirmationi opponatur negatio, recte adiungitur & hæc doctrina, sicut factum est etiam supra, quæ nam videantur idem significare, & se mutuo consequi.*

Verum non Verum.

*Doctrinam quidem de his quatuor tradit tantum Possibile, contingens, Impossibile, Necessarium, quæ complectuntur omne genus rerum: sed sunt & alie voces, quæ cadunt sub eandem doctrinam Verum, falsum, verisimile, Probabile, consentaneum, & similia.*

Et qui ex his Enuntiationes se mutuo consequentes sic ordinant, non uidentur nulla inducti ratione. Nam hanc nempe Possibile esse consequitur hæc contingens esse, & hæc cum illa conuertitur: quas consequuntur etiam hæ

duæ

duç Nō impossibile esse est Nō necessariū esse.

Has uero nempe Possibile non esse, & contingens non esse consequuntur Non impossibile non esse, & non necessarium non esse: has autem nempe Non Possibile esse, & nō contingens esse consequuntur Necessarium non esse, & impossibile esse: has uero non Possibile non esse, & non contingens non esse consequuntur Necessarium non esse, & Impossibile non esse. sed consideremus, quod dictum est sic harum enuntiationum ordine descripto.

### Ordo receptus in Scholis.

Possibile esse	Non possibile esse
Contingens esse	Non cōtingens esse
Non impossibile esse	Impossibile esse
Non necessariū esse	Necessariū non esse

Possibile non esse	Nō possibile nō esse
Contingens non esse	Nō cōtingēs nō esse
Nō impossibile nō esse	Impossibile non esse
Nō necessariū nō esse	Necessarium nō esse

### SCHOLIUM.

Non videntur nulla inducti ratione.  
*Sic verecunde semper indicat, vbi sit peccatum a ueteribus, & nunc in his coordinandis, quae idem valent, & se mutuo consequuntur. exponit igitur quas fecerint*

L

coor-

*coordinationes: tum illas sicut fit in disciplinis mathematicis, subiicit oculis quatuor separatim descriptis ordinibus, ut uideamus, & consideremus quanam de Impossibili & necessario consequuntur affirmationes, & negationes Possibilis, & contingentis: ut non solum animo, sed oculis ipsis cernamus, quæ si per hac doctrinam considerabit Aristoteles. sic enim hanc rem persequitur.*

Impossibile igitur, & non impossibile consequuntur contingens & possibile, & non contingens, & non possibile contradictorie quidem, sed ratione commutata. nam negatio impossibilis nempe Non impossibile esse consequitur Possibile esse: negationem autem affirmatio consequitur: nam post Non possibile esse sequitur Impossibile esse, quæ est affirmatio, cuius negatio est non impossibile esse. nunc videndum quomodo se habeat Necessarium. perspicuum enim est non eo modo se habere. sed è contrario, & diuerso modo sequuntur: quæ uero opponuntur contradictorie in alium locum distractæ sunt. non enim negatio huius affirmationis Necessarium non esse, hæc est Non necessarium esse: contingit enim utraque vere dici de eodem subiecto. quod enim necessarium est non esse, non est necessarium esse. Causa uero quamobrem necessarium eo modo non consequatur, quo cæteræ, est quoniam ut idem ualeant impossibile, & nec-

cessa-

ecessarium contrario modo allata sunt. quod enim impossibile est esse, hoc necessarium est, non ut sit, sed ut non sit. quod uero impossibile non esse, hoc necesse est esse. quare si illa similiter consequuntur possibile, & non possibile, hæc contrario modo consequuntur. Siquidem & necessarium, & impossibile non significant idem: sed, ut dictum est diuersa ratione.

## SCHOLIUM.

*Subiecta oculis quatuor coordinationum descriptione, in quibus ordines ducunt Possibile, & contingēs: primo considerat quomodo consequantur, quæ idem valeant affirmationes, & negationes Impossibilis, quæ tertio loco sunt collocata: est autem affirmatio post negationem Possibilis, & contingentis, negatio uero post affirmationem ipsarum. consequuntur ergo commutata ratione, quia non est affirmatio post affirmationem, & negatio post negationem, sed locis commutatis.*

Nunc videndum quomodo se habeat necessarium.

*Postea considerat, quæ quarto loco sunt collocatæ enuntiationes Necessary. non enim sicut in Impossibili affirmatio est opposita e regione suæ negationis, sed longe distracta est in alium locum. sic in nulla coordinatione sibi mutuo respondent, affirmationes, & negationes Necessary.*

Causa vero quamobrem.

*Non enim ut initio dixit, qui sic ordinarunt, nulla sunt induciti ratione, sed aliquam secuti sunt rationem.*

L   a   ita

ita verecunde, ut solet, accedet ad reprehendendam doctrinam iam receptam.

Quoniam, ut idem valeant.

*posita*  
Necessarium esse non potuit poni post impossibile esse, quia non idem valent, sed eius loco positum est Necessarium non esse, quod idem valet, illa vero Necessarium esse ~~posse~~ est post impossibile non esse, quia idem valent. sic oportuit distrahere affirmationes necessarii, nec ob id respondent suis negationibus. existimarunt autem ipsas negationes iam suis locis collocatas. hic vero peccatum esse demonstrabit.

An fieri nequit, ut hoc modo collocentur Antiphases Necessarii? nam quod necesse est esse Possibile est esse, quod nisi das, consequetur eius negatio Non possibile est esse: oportet enim aut affirmare, aut negare: quare si detur negatio, post non Possibile esse sequitur impossibile esse, ergo impossibile est esse, quod necesse est esse, in quo est evidens absurditas. sed post Possibile esse sequitur Non impossibile esse, & post hoc non necessarium esse, itaque evenit, ut quod est necessarium, non sit necessarium, quod est absurdum. verum neque Necessarium esse sequi potest post possibile, neque necessarium non esse. Possibili enim contingit, & esse, & non esse. at utralibet vera fuerit ex his enuntiationibus necessariis, non erunt illa vera. sunt enim simul utraque cum possibili, & esse, & non esse, si vero necessarium est esse, aut non esse excluditur illa

illa potestas ad utraque opposita, quæ est cum Possibili. relinquatur ergo hanc nempe Non necessarium non esse consequi illam, quæ est Possibile esse. Hæc enim vera est etiam post illam Necessarium est esse. & hæc est Antiphasis illi affirmationi opposita, quæ consequitur non possibile esse, postquam, est Impossibile esse & Necessarium non esse, cuius negatio est Non necessarium non esse. consequuntur ergo contradictorie istæ quoque, & hoc modo ponentibus has coordinationes, nihil accidit absurdum.

### Ordo receptus emendatus.

Possibile esse	Non possibile esse
Contingens esse	Non contingens esse
Non impossibile esse	Impossibile esse
Nō necessariū nō esse	Necessariū non esse

Possibile non esse	Nō possibile nō esse
Contingens non esse	Nō cōtingēs nō esse
Nō impossibile nō esse	Impossibile non esse
Non necessarium esse	Necessarium esse

### SCHOLIUM.

An fieri nequit.

Hæc demonstratio per axioma oportet, aut affirmare, aut negare est certissima, per quam sequitur, quod est de se nescias, ut sit impossibile, quod necesse est esse.

L ; Sed

Sed post Possibile est esse.

Cum igitur post Necessarium esse sequi oporteat Possibile esse, ostendit ex ordine vsitato, & recepto sequi alterum dictu absurdissimum, ut quod est necessarium non sit necessarium. ergo hac negatio Non necessarium esse, alieno loco est ordixata, & eijcienda est.

Verum neque necessarium esse.

Ostendit neutram ex affirmationibus Necessarij posse traduci in hunc locum, cum utraque repudiet societatem Possibilis, cui coniuncta est potestas ad utraque opposita.

Relinquitur ergo.

Locus Topicus a partium enumeratione, cum sint quatuor enuntiationes Necessarij, & tres ab hoc loco sint exclusæ, relinquitur ut in hunc locum sit traducenda negatio illa Non necessarium non esse: quæ etiam vera est post Necessarium esse. sic ergo nihil sequitur absurdi, & suæ negationes singulis affirmationibus necessarij opponuntur, sicut fit in cæteris. atque ita demonstravit ubi peccatum sit a veteribus, & emendauit erratum.

Sed dubitare aliquis possit an post Necessarium esse sequatur Possibile esse, nam nisi hæc sequatur, sequetur ex aduerso opposita negatio Non possibile esse, ac si quis hanc neget esse negationem, necesse est dicat illam esse videlicet Possibile non esse, quæ ambæ falsæ sunt coniunctæ cum Necessario. Verum occurrit illud rursus idem possibile esse secari, & non secari, & esse & non esse. quare quod necessarium est esse, continget non esse, quod prorsus falsum



falsum est de necessario. Perspicuum porro est non omne, quod possibile est uel esse uel ambulare potestate prædictum esse ad utraque opposita: sed existunt in quibus id verum non est: primo quidem in his, quæ non prædita ratione aliquid possunt: sicut ignis potentia prædictus est calefaciendi, & ea potentia rationis est expers: Nam potentia, quæ sunt in naturis ratione utentibus, et plura possunt & opposita: quæ uero ratione non utuntur, non omnes. sed, ut dictum est, ignis non potest calefacere, & non calefacere, nec quæcunque alia semper agunt. verumtamen etiam in irrationabilibus sunt, quæ simul possunt opposita suscipere. verum id propterea nunc dictum sit, ut intelligatur non omnem potentiam utraque suscipere opposita. ne in illis quidem, quæ eodem genere continentur.

## S C H O L I V M.

*Proponit questionem, quæ nascitur ex illa demonstratione deducente ad id, quod esse nequit, quæ usus est cum ostendit oportere post Necessarium. esse sequi Possibile esse. repetita ergo demonstratione illa, & insuper etiam corroborata tamen subiicit inconueniens, quod ex eo sequitur, quod Possibile extendetur ad opposita, quæ potestas ad utraq. nullam habere societatem potest cum Necessario.*

Perspicuum porro est.

*Proposita dubitatione aggreditur ad eam dissolvendam ac primo docet non omne, quod potest aliquid agere,*

*aut suscipere posse etiam hoc non agere, aut non suscipere, sicut ignis ex potentijs irrationabilibus potest calefacere, non potest oppositum nempe non calefacere. Nam Potentiæ, quæ sunt in naturis ratione utentibus. Homo qui ratione, & libera voluntate præditus plura, & contraria potest agere, & non agere, ambulare non ambulare, sedere non sedere, & eiusmodi plurima. in homine enim potissimum locum habet hæc potestas ad utraque opposita. In potentijs irrationabilibus etiam sunt, in quibus est potestas ad utraque opposita, sicut de ueste quæ potest scindi, & non scindi. intelligit autem potentiam, ut antea dictum est, tam agendo, quam patiendi.*

*Verum hoc propterea nunc dictum sit.*

*Non est hoc tempus disputandi de rerum naturis, sed hæc nunc dicta sunt exempli causa, ut ostenderemus, quod proposuimus non omne, quod potest aliquid agere, aut suscipere, idem posse non agere, & non suscipere.*

*Quæ eodem genere.*

*Ut in genere irrationabilium, ignis.*

**Verum quædam potentiæ habent homonymiam adiunctam, & sunt æquivocæ, nam Possibile non uno modo dicitur, & aliud dicitur possibile, quia verum est, quippe quod actu sit. sic dicimus Possibile est hunc ambulare, quoniam ambulat. atque omnino Possibile aliquid esse, quoniam id iam actu est, quod dicitur esse possibile. aliud dicitur Possibile, quod habet potestatem aliquid agendi, ut possibile ambulare, quoniam possit ambulare. atq; hæc**

**po-**

potentia in rebus solis mutabilibus existit, illa uero etiam in rebus immutabilibus. & uerum est dicere vtrumque de possibili ambulare, uel esse, nimirum ut significet tum id, quod iam ambulat, & est actu, tum id quod nondum est, sed potest esse, sic igitur uniuerse acceptum Possibile haud uerum est dicere de necessario, sed alterum duntaxat quod actu est. Quare quoniam posito particulari, sequitur id esse, quod est uniuersale, post id quod est ex necessitate sequetur, quod possibile est esse, non omne tamen. atque est iam fortasse initium a Necessario, & non necessario omnium similiter affirmationum, & negationum, & alias enuntiationes post necessarium, & nō necessarium consequentes cōsiderare oportet. Perspicuum quidem est ex his, quæ dicta sunt, quod est ex necessitate, id actu esse. quare si priora sunt, quæ sempiterna sunt, etiam actus potentia prior est: & aliquæ quidem res sunt actus potentia expertes, sicut primæ, & intelligibiles substantiæ: aliquæ autem res sunt actus cum adiuncta potentia: in his actus est natura prior potentia, sed potentia antecessit actum tempore. Sunt etiam, quæ nunquam actu erunt, sed potentia tantum sunt.

## S C H O L I V M.

*Pergit dissoluere propositam dubitationem, & uerum possibile docet adhiberi in oratione dupliciter. &*

*pro*

pro eo quod est actu, & pro eo quod non est actu, sed potest esse. itaque propter homonymiam, & equiuocationem in significando si vniuerse accipiat, non congruit cum necessario. sed tantum congruit cum significat actu solum. ergo cum consequitur necessarium in hac tantum significatione accipiendum est.

Atque hæc potentia.

Res sunt duorum generum nempe vel mutabiles, in quo genere sunt he res inferiores elementares, vel immutabiles, in quo genere sunt celestia, & intelligibilia.

Quare quoniam posito particulari.

Didicimus in libro categoriarum si sit prima substantia, quæ est particularis, sequi esse, & secundam, quæ est vniuersalis; vult autem ex hoc assumpto rectius fortasse fore si pro possibili, & non Possibili Necessarium, & non necessarium ducant ordines harum enuntiationum, quas modales vocant idem ualentes. dicit fortasse propter modestiam ne videatur etiam in hoc veteres reprehendere.

Perspicuum quidem est.

Quando necessario incidit in hanc mentionem Actus, & potentie, obiter & breuiter tangit rerum naturam, quæ sunt vel actu simpliciter vel actu cum adiuncta potentia, vel etiam sunt potentia tantum nunquam exitum in actum, sicut est sectio continui in infinitum quæ de re in philosophia. Actus pertinet ad perfectionem: Potentia ad imperfectionem, quæ antecedit tempore in his, quæ aliquando non fuerunt.

Vtrum autem contraria est Affirmatio Negationi an Affirmatio Affirmationi, & oratio orationi, quæ sic enuntiatur Omnis homo iustus huic negationi Nullus homo iustus, an  
omnis

omnis homo iustus huic Affirmationi Omnis  
 homo iniustus: exempli gratia Est Callias ius-  
 tus Non est Callias iustus: Callias iniustus est:  
 Vtra inquam ex his contraria est? Nam si quæ  
 loquimur, congruunt cum his, quæ mens cogi-  
 tat, & apud mentem talis opinio est tali opinio-  
 ni cōtraria, sicut hic significatur Omnis homo  
 iustus: omnis homo iniustus, oportet repugnan-  
 tiam eodem modo se habere in his, quæ loqui-  
 mur per affirmationes: quod si apud mentem  
 opinioni non est contraria opinio cōtrarij, nec  
 affirmatio affirmationi erit contraria, sed quæ  
 dicta est negatio. quare videndum est, quæ opi-  
 nio falsa uerę opinioni sit contraria, utrum ne-  
 gationis, an quę opinatur prædicatum contra-  
 rium esse: quod sic declaro, est una opinio ve-  
 ra de bono quod sit bonum, alia quod non sit  
 bonum, falsa: item altera quod sit malum: vtra  
 horum est contraria veræ, ac si oportet vnā  
 esse, vtra contraria est & ex aduerso prorsus  
 repugnat?

### SCHOLIUM.

Hæc questio ultimo loco exposita, sicut ratio docen-  
 di & methodus postulat, robur ipsum Antiphrasis in  
 vero, & falso distinguendo magis confirmat. cum enim  
 orationes ex prædicatis contrarijs maximam vim  
 habeant, nam & contraria definiuntur, quæ pluri-  
 mum inter se distāt, opportune factum videtur, vt cum  
 his affirmationibus ex prædicatis contrarijs comparan-  
 do Antiphrasim ad quā referuntur omnia, quæ tractātur

metho-  
 dus

in hac methodo, magis etiam intelligeremus in vero, & falso distinguendo maximam, & precipuam vim habere ipsam Antiphasim, quæ est omnium oppositio-  
num maxima.

Quæ sic enuntiatur Omnis homo est iustus.

Huic affirmationi Omnis homo est iustus utra ex his aduersatur, & contraria est Nullus homo iustus an Omnis homo iniustus? non dicit magis est contraria, quoniam, ut infra dicitur, unum vni contrarium. queritur ergo hoc unum contrarium, quod vni aduersatur, utrum in oratione sit negatio affirmationi opposita, quæ appellatur Antiphasis, an affirmatio ex contrario predicato.

Exempli gratia Est Callias iustus.

Non sine ratione subijcit hoc exemplum ex subiecto singulari. hac enim oppositio affirmationis, & negationis, ut vidimus in vero, & falso diuidendo eandem vim habet, quam oppositio contradictoria.

Nam si quæ loquimur.

Verum & falsum sunt opus mentis, quæ id facit componendo, & diuidendo, quod representatur per affirmationem, & negationem. mittit ergo nos ad mentem, ut videamus in illa intima locutione mentis, quæ vocatur opinio utra opinio falsa opponatur vera.

Quod sic declaro.

In hoc exemplo discutiet veritatem questionis. Vnum vni debere esse contrarium demonstratur in philosophia, hic assumitur, ut notum.

Ea re posse arbitrari contrarias opiniones definiri, quod sint rerum contrariarum, falsum est. boni enim quod sit bonum, & mali, quod sit malum opinio fortasse vna, & eadē est. vera certe est, siue plures siue una sit. at hæc res sunt

con-

contrarie uerum contrarias statuimus opinio-  
nes, non quod sint rerum contrariarum, sed  
magis, quod contrarie & ex aduerso pugnent.  
Si igitur boni opinio est, quod sit bonum, alia  
quod non sit bonum: est autem, & aliud quod  
neque bono inest neque in esse potest; aliarum  
quidem opinionum nullam ponere oportet,  
quęcunque uel inesse, quod non inest opinan-  
tur, uel non inesse quod inest: harum enim  
utrumque genus est infinitum, & quę inesse,  
quod non inest, & quę non inesse, quod inest,  
opinantur: sed illę ponendę sunt, in quibus est  
Apate. hę uero sunt ex quibus sunt, & rerum  
generationes, quę cum sint ex eo, quod oppo-  
nitur per negationem, sic sunt & apatę.

## S C H O L I V M.

*Antequam accedat ad dissoluendam propositam  
dubitationem, monet, quomodo hic accipi oporteat opi-  
niones contrarias. sunt enim contraria, quarum senten-  
tię contrarie, & ex aduerso pugnant, non quę res con-  
trarias continent, sicut exemplo docet.*

*Est autem, & aliud.*

*Didicimus initio huius doctrinę uerum, & falsum re-  
ferri ad quatuor capita, uerũ cum id dicitur esse, quod  
est, & non esse quod non est, falsum cum esse quod non  
est, & non esse quod est: sic nunc duo genera opinionum  
falsarum hoc modo significat, quę putant inesse subie-  
cto quod non inest, & non inesse quod inest; quas iubet  
rejci, quia sunt infinita. sic enim uni essent infinita con-  
traria: ut opinari bonum esse malum esse inutile esse  
tur-*

turpe & mille eiusmodi, & opinari bonum non esse pulchrum non esse incundum non esse expetendum, & mille eiusmodi. hæc igitur sunt reijciendæ.

Sed illæ ponendæ sunt in quibus est Apate.

Posui verbum græcum quoniam vno verbo latino exprimi non potest græcum Apate. est autem Apate falsum oppositum vero, sicut non ens Enti, id est oppositum contradiçtorie, quo opinamur aliquid non esse id ipsum quod est, ut bonum non esse bonum, & hæc opinatio vna tantum est, & certissima, & tale verum, & falsum opposita sunt in Antiphasi. est igitur Apate falsum oppositum vero in Antiphasi. Rerum generationes, ut traditur in principijs rerum physicarum, sunt ex eo, quod non erat, ut Musicum ex non musico sic dicimus quicque gigni ex eo, quod non est.

Si igitur Bonum & bonum est, & non malum est, atque alterum per se inest bono, alterum per accidens: accidit enim bono ut ne sit res mala: ac magis de vnoquoque subiecto uera, quæ per se etiam magis falsa erit, quæ per se quandoquidem sic est de uera quoque. Est igitur, quæ opinatur Bonum non esse bonum negatio falsa eius, quæ per se opinatur bonum esse bonum: altera quæ opinatur bonum esse malum ad aliam opinionem pertinet, quæ est per accidens. quare magis erit falsa negationis quam contrarij prædicati opinio. maxime uero falsus est in unoquoque rerum genere, qui opinionem uero contrariam habet, sunt enim contraria, quæ in eodem genere maxime inter se discrepant, si igitur ex his altera dicenda est

con-



contraria, & magis est contraria negationis opinio, hæc manifeste fuerit contraria: atque opinio, quod bonum sit malum est cum hac negatione coniuncta: nam qui opinatur bonum esse malum, eundem fortasse necesse est opinari bonum non esse bonum.

## S C H O L I V M.

*Alia ratione confirmatur superius argumentum id falsum, quod præcipue repugnat vero, esse in Antiphasi, & quod pertinet ad propositam questionem anteponendam esse negationem affirmationi ex prædicato contrario.*

Atque alterum per se inest bono.

*Est res notissima in philosophia, quod per se inest longe anteferri illi, quod inest per accidens. in hoc igitur est vis huius ratiocinationis.*

Ad aliam opinionem pertinet.

*Respicit enim negationem, quæ dicit Bonum non esse malum, quæ etiam est una ex illis, quæ supra ob infinitatem talium enuntiationum reiecta est. verum hoc etiam habet, ut collata cum illa Bonum est bonum, sit per accidens.*

Sicigitur altera ex his dicenda est contraria.

*Cum enim unum uni sit contrarium, illa querenda una, quæ vere aduersetur opinioni vera.*

Eundem fortasse.

*Fortasse more suo modestiæ causa: quis enim neget si quis opinetur aliquam rem esse malam, eundem oportere opinari rem eandem non esse bonam?*

Præterea si quod præcipitur in aliis quoque similiter se oportet habere, hac etiam ratione uideri possumus recte dixisse de Antiphasi

aut

aut enim vbique in distinguendo vero, & falso valet Antiphrasis, aut nusquam. in quibus autem non sunt contraria, in his illa opinio falsa, quæ ueræ per Antiphrasim aduersatur, ut quæ hominem non esse hominem putat. si sic igitur, ubi non adsunt contraria, sic & in aliis, quæ per Antiphrasim aduersabuntur veræ opinioni.

### SCHOLIUM.

*Scientiæ sunt de Vniuersalibus, & ex uniuersalibus, & quæ recte præcipit Methodus in unoquoque genere, uniuerse præcipit. hic quæritur quæ sit illa una opinio falsa, quæ aduersatur ueræ. quot sunt Categoria, quæ non habent contraria? in his nihil ualet præceptum de prædicato contrario. at uis Antiphrasis eadem in omnibus. ergo aut nusquam, aut in omnibus præceptum de Antiphrasi in uero, & falso distinguendo. & hæc ergo ratio non uideri debet parui ponderis ad confirmandam doctrinam primo loco demonstratam.*

Insuper eadem ratio est inter has duas.

ambæ veræ { Bonum est bonum  
Non bonum non est bonum  
Et inter has.

ambæ falsæ { Bonum non est bonum  
Non bonum est bonum.

Quæritur secundæ dicenti Non bonū non esse bonum, quæ nam contraria aduersetur. non enim quæ dicit Non bonum est malum, quæ potest esse simul uera. cum uera veræ contraria nunquam sit. aliqua enim res non bona est

est mala. itaque contingit ambas simul esse uera. neque item illa, quæ dicit Non bonum non est malum. nam & has contingit simul esse in eodem subiecto. relinquitur ergo ut illi Non bonum non est bonum sit hæc contraria posita quarto loco Non bonum est bonum: hæc enim est falsa quare etiam quæ opinatur Bonum non esse bonum est illi contraria Bonum est bonum.

## S C H O L I U M.

*In primis duabus ueris prima est affirmatio ex subiecto nomine, secunda negatio ex subiecto nomine infinito. In secundis duabus falsis eodem ordine prima ex subiecto nomine, negatio secunda ex subiecto nomine infinito affirmatio. ostendit negationi uera nullam opponi ex prædicato contrario, quia cū ipsa possunt esse simul ueræ: ita relinquitur, ut sola affirmatio ipsius, quæ est quarto loco & falsa est, ipsi opponatur. sic colligit affirmationi ueræ opponi negationem, quæ est tertio loco. hæc ratiocinatio uidetur ualde similis illi, quæ est in Arithmetica positis quatuor numeris analogis ex quibus sequitur, ut eadem ratio sit etiam inter primum, & tertium & inter secundum & quartum. sic uarijs modis ostenditur opinioni ueræ propositæ Bonum est bonum unicam opponi negationem.*

Perpicuum autem est si pro illa Ponum est bonum Vniuersalem affirmationem ponamus, quod nihil intererit. Vniuersali enim uniuersalis negatio aduersabitur. ut menti opinanti Omne bonum est bonum aduersatur Nullum bonum est bonum. & opinio de bono, quod sit

Mbonum

bonum, si bonum apud mentem uniuerse accipiatur idem ualeat, ac si mens opinetur quicquid utique sit bonum, esse bonum, quod idem est ac si dicas omne bonum esse bonum, idem est, & de non bono. Quare si apud mentem ita se habet opinio, & quas loquimur affirmationes, & negationes eorum notæ sunt, quæ mens cogitat, clarum est etiam affirmationi contrariam esse negationem de eodem subiecto uniuerse. ueluti huic affirmationi omne bonum est bonum, uel omnis homo est bonus aduersatur nullum bonum est bonum, & nullus homo est bonus: contradictorie uero Non omne bonum & Non omnis homo. Perspicuum etiā est neque Antiphasim ueram ueræ contrariam esse non posse, neque opinionem. sunt enim contrariæ, quæ per Antiphasim repugnant: in quibus contingeret eundem uera dicere de eisdem subiectis, sed fieri non potest, ut simul insint contraria in eodem subiecto.

## S C H O L I V M.

Perspicuum autem est.

*Exempla proposita ad discutendam quæstionem de negatione opposita, & prædicato contrario perinde accipienda sunt, ac si proposita fuissent uniuersaliter. uis autem Antiphasis cernitur proprie in uniuersalibus ex quibus, & de quibus sunt scientiæ.*

Quare si apud mentem.

*Conclusio si apud mentem ita sunt opiniones contrariæ, sic oportet esse etiam in oratione. Antiphasis autem uocatur illa opinionum repugnantium ex aduerso contrarietas.*

rietas. afferuntur exempla de omni & nullo, quæ nunquam possunt esse simul vera, ut didicimus: & de omni & non omni, quæ est oppositio contradictoria semper diuidens falsum a vero.

Perpicuum etiam est veram veræ contrariam esse non posse, neque opinionem, neque Antiphasim.

Vsus est hac sententia paullo ante pro ratione. nunc docet quomodo sit intelligenda: sunt. n. accipienda contrariæ enuntiationes, quæ repugnant contradictorie. In his dicere verā veræ esse contrariā esset dicere quod esse nō potest, contraria esse simul posse in eodē subiecto. illa ergo affirmationes, & negationes oppositæ Homo est albus Homo non est albus, aliquis homo est pulcher, aliquis nō est pulcher, sunt reijciendæ, a quibus abest vera contrarietas, & repugnātia. in sola ergo Antiphasi, quæ enuntiat uniuersæ existit opinionum, & orationum contrarietas a falso verum distinguens, atq. ita quæ incepit doctrina ab Antiphasi, terminat in Antiphasim cuius causa tractatur omnia ferè, quæ disputatur in hac methodo.

#### Summa huius doctrinæ.

Genus subiectū est Enuntiatio simplex, quæ diuiditur in Affirmationem, & negationem: hæc vero constant ex nomine & verbo. ex his facile est intelligere, quæ fuerint necessario ponenda in præcognoscendis. Cum vero in superiore libro inter opposita Affirmatio, & Negatio hac re præcipue sint commendatæ, quod semper diuidant falsum a vero, & altera ex ipsis sit vera altera falsa, hæc nunc doctrina loco suo. scilicet diligēter exponitur, ac primo nomen imponit huic oppositioni. vocetur, inquit, affirmatio negationi opposita Antiphasis, ad quæ omnia ferè, quæ in hac methodo tractantur, referuntur. eius. n. ortum primo, & cuiusmodi sit vna. s. Antiphasis, quæ vniuocè prædicatum unum de vno subiecto affirmet & neget, deinde eius species quinque, ex subiecto

M 2 fin.

singulari vnam, quatuor ex subiecto vniuersali explicat, & vim singularum: Atque vt cognoscamus vnam precipue ex ipsis quinque esse Antiphasim cuius altera precise pars semper sit vera altera falsa, necessario coactus est ostendere cuiusmodi esset Antiphasis ex singulari subiecto in tempore futuro cum predicato contingenti, vt Socrates viuet aut non viuet cras. est. n. tota simul vera, partibus separatim non potest tribui, vt altera sit vera altera falsa. & quoniam disputandum fuit contra illos, qui omnia fato & ex necessitate fieri, & esse volebant accommodate rationibus, quae intelligatur ab auditore huius methodi tractat hanc quaest. onem, & docet esse triplex rerum genus Necessarium Contingens, vt plurimum & aequae contingens, in utramq; partem. Indicata vera, & unica Antiphasi ostendit syluam Antiphaseon ex nomine, & ex nomine infinito, & quae affirmationes, & negationes ex eiusmodi diuersis predicatis idem valeant, & se mutuo consequantur, & cum hac doctrina, docet ex quibus multis unum efficitur, vt idem significet vna enuntiatio ex ipsis multis simul & ex singulis diuisim. ex quo contra sophistas monet quando recte fiat illatio a diuisis ad coniuncta, & a coniunctis ad diuisa. Tercio loco exposita sunt Antiphases quas vocant modales de possibili contingenti, Impossibili, & necessario, in quibus negatio, non, addita modo gignit negationem: esse vero, & non esse sunt in his enuntiationibus veluti res subiectae. proponit etiam quatuor coordinationes earum modalium, quae idem valent sicut eas ordinauerant veteres, & errorem illorum emendat. Vltimo loco quaestione proposita varijs rationibus ostendit in unica vera Antiphasi esse maximam oppositionem, & contrarietatem.




# ARISTOTELIS

## ANALYTICORVM

### PRIORVM.

## Liber Primus.



*N* prima Philosophia his fere  
verbis significat maximam ho-  
rum librorum utilitatem, ubi  
monet, qui ignoret Analytica  
nullius disputationis de rerum  
ueritate esse idoneum audito-  
rem. non ergo recte ad scientias  
perdiscendas accedimus, sine

hac doctrina Analytica. huius doctrina inscriptio quā-  
uim habeat non est inutile considerare. *Αναλκτικὴ* apud  
græcos est resolvere. respicit ergo aliquid quod compo-  
situm est. in superiore libro cuius subiectum est enuntia-  
tio simplex, vidimus esse & aliam enuntiationem com-  
positam ex affirmationibus, & negationibus, ad quam  
monuimus dirigi tractationem superioris libri. sunt  
enim liber Categoriarum, & liber de interpretatione  
principia præcognoscenda ante hanc Analyticam do-  
ctrinam, cuius subiectum genus est Demonstratio signi-

**M 3** *ficata*

ficata per Enuntiationem compositum. cuius Demonstrationis nexus duplex est exterior & interior; hic tractatur in posterioribus duobus libris Analyticis, ille in his prioribus. de hoc duplici vinculo dicetur suo loco. nunc satis sit scire Analytica priora tractare, quæ pertinent ad nexum exteriorem, posteriora Analytica tractare, quæ pertinent ad nexum interiorem Demonstrationis. indicauit in principijs superioris libri Enuntiationem compositam esse vnam orationem nexu, & vinculo. hoc nunc vinculum demonstrabitur, in quo potissimum essentia doctrinæ Analytica posita est, quo & quali scilicet duplici vinculo constet hæc oratio composita, quæ vocatur Demonstratio. videtur igitur hæc inscriptio innuere aliquid, quod pertinent quasi ad dissoluendum hoc vinculum huius Enuntiationis composita, quæ vocatur demonstratio. & reuera in docendo quomodo componatur hæc oratio, ita quod docet subiecit oculis, ut quisque cernat ipsas resolutas partes, & ipsius vinculi vim in astringendis partibus, ut nihil eo vinculo fortius esse possit. & sic hæc inscriptio videri potest significare rationem certissimam, & euidentissimam docendi, quæ pertinent ad doctrinam Demonstrationis. cuius doctrina est Aristoteles ipse inuentor, & auctor.

## PROOEMIUM IN CUIVS PRIMA

parte indicat genus subiectum, & quo nomine vocari debeat scientia, quæ ipsum tractat.

Primò dicendum qua de re, & cuius scientiæ est ea de re consideratio. est enim de Demonstratione, & id genus tractat scientia demonstratiua.

SCHO-



## S C H O L I V M.

Qua de re.

Quod est græce  $\pi\epsilon\pi\iota$   $\tau\iota$  semper significat rem subiectam, in qua versatur disputatio, & quæ res suscipitur tractanda. diximus id fere solere Aristotelem indicare, sicut fecit in superiore libro cum dixit Oratio Enuntiatiua presentis est contemplationis. verum id. multo magis hic erat indicandum, quoniam huius methodi inuentor, & auctor est Aristoteles, atq. tum subiectum tum scientia sunt res noua.

Et cuius scientiæ.

Sicut in Proæmio primi libri Ethicorum postquam indicauit, quæ res subiecta susciperetur tractanda, subiicit etiam videndum cuius esset scientia, seu facultatis eam rem tractare: sic hoc loco verbum græcum  $\kappa\alpha\iota\tau\iota$  vos nihil aliud potest innuere, nisi cuius scientia: quod etiam confirmat id quod sequitur huic respondens verbo, & est scientia demonstratiua.

Est enim de Demonstratione.

In græco repetitur dictio  $\pi\epsilon\pi\iota$ , quæ absque ulla dubitatione pertinet ad indicandum subiectum. & qui summis viribus conantur alio contorquere sententiam horum verborum, vt nec rem subiectam nec scientiam, quæ rem eam tractet, significant, frustra id conantur sicut fusius in nostris commentarijs demonstrauimus.

Et id genus tractat scientia Demonstratiua.

Quæ nam vero alia scientia tractet de Demonstratione? non Dialectica, quæ est facultas communis, vt in posterioribus Analyticis, & in Topicis aperte dicitur. cuius subiectum est  $\tau\omicron$   $\alpha\omicron\lambda\omicron\sigma\omicron\rho\omicron$ , idest id quod opinione nititur, sicut subiectum demonstrationis sunt quæ  $\epsilon\pi\iota\sigma\tau\eta\tau\iota$   $\nu\omicron\omicron\tau\alpha$  — tur, quoniam ad scientiam pertinent, quæ sunt necessaria,

M 4 nec

*nec possunt aliter se habere, cum illa quę pertinent ad opinionem sint contingentia, & mutabilia. Iure ergo Demonstratio, & materies Demonstrationis pertinet ad scientiam Demonstratiuam.*

Deinde statuendum, quid sit Propositio, & quid terminus, & quid Syllogismus, & cuiusmodi sit perfectus Syllogismus, & cuiusmodi imperfectus: post hæc autem quid sit hoc in hoc toto esse, aut non esse, quidque uelimus esse de omni, aut de nullo prædicari.

## SCHOLIUM.

*Secunda pars præmij in qua ponuntur principia præcognoscenda ante doctrinam tradendam per definitionem, sicut fecit in superioribus libris. quod cum faciendum sit, & faciat in omni methodo, quis non iure miretur hoc non esse animaduersum ab his, qui tam acriter unus aduersus alium disputant de methodo Aristotelica. hoc enim uno tollitur omnis dissensio, cum sit necesse concedi ex Aristotelis sententia, unam tantum rationem esse recte docendi de omni re. sed de hoc in commentarijs, & in disputatione de unica methodo Aristotelica. Verum aliquis iure querat cur indicato genere subiecto, nec numerat in principijs præcognoscendis demonstrationem, nec eam definit, cum hoc præcipue requiratur in omni methodo, ut genus subiectum de quo doctrina tradenda est, in primis definiatur. diximus ante naturam, & vim Demonstrationis perspicui in duplici nexu: quorum alter est exterior ad ordinem pertinens, quo astringitur omnis oratio syllogistica communis Demonstrationi cum omni oratione syllogistica: & hic*  
*ordo*

ordo communis nomine syllogismi continetur. itaque syllogismus est subiectum genus huius prioris disputationis. qui syllogismus proponitur definiendus. alter nexus interior, quo distinguitur Demonstratio a ceteris orationibus syllogisticis, tractatur in posterioribus duobus libris Analyticis sequentibus: ubi desinitur Demonstratio cum alijs principijs præcognoscendis ante illam doctrinam, qua proprie tangit Demonstrationem.

Deinde statuendum.

Satis fuit verbo indicare genus subiectum, quod postea suo loco definietur, & cum Methodum exorsus sit, hoc modo primo dicendum quæ de re, cur non discimus omnes docentes debere indicare, quid sint docturi, cur non credimus id semper ab Aristotele fieri, cur stulte in omnibus libris Aristotelis semper contenditur de subiecto libri? verum indicato subiecto, & nomine scientiæ dicit definienda esse principia præcognoscenda, quæ constituuntur, ut fundamenta quædam edificanda doctrinæ.

Quid sit propositio.

Utor nomine adeo visitato in scholis ab omnibus, quam minime respondet græco nemini, nam protasis est protensio, ac veluti linea producta. cum enim doctrinam conformandæ orationis syllogisticæ resolutam in sua principia, sicut faciunt disciplina Mathematica subijcere vellet oculis, tanquam figuras, quæ spectarentur, excogitavit, quarum partes quasi lineas, & ea quibus lineæ concluduntur, terminos vocavit, & recte: sic enim & orationem ipsam tractat, ut rem abstractam a materia, uti magnitudines tractantur in Geometria.

Et quid terminus.

In superiore libro partes enuntiationis, idest Affirmationis, & negationis vocabantur nomina, & verba: nunc enuntiationes vocantur protensiones, quoniam

re-

respiciunt figuram conformandam, & prædicata, & subiecta vocantur termini seu puncta quibus concluditur linea, & tota figuræ conformatio resoluitur in tres terminos, ut videbimus. varijs igitur nominibus, ut res & tempus postulat, rem eandem nominat. quod non videntur intellexisse, qui confecerunt libros de terminis.

Et quid syllogismus.

Hoc est genus subiectum huius prioris tractationis, qui est nexus omnis orationis syllogistice, quæ diligenter & copiose his duobus prioribus libris exponitur.

Et cuiusmodi sit perfectus syllogismus, & cuiusmodi imperfectus.

Syllogismus non secatur in species, sed hæc nomina significant quid accadat syllogismo. & sicut doctrina est nova, ita hæc nomina sunt Aristotelis, ut videbimus.

Post hæc autem.

Superiora pendent alterum ab altero, hoc est principium præcognoscendum separatum ab illis. sunt autem idem hoc esse in hoc toto, & prædicari de omni, hoc non esse in hoc toto, & prædicari de nullo.

Propositio igitur est oratio, quæ vel ait, vel negat aliquod prædicatum dici de aliquo subiecto: quæ propositio, vel vniuersalis est, vel particularis, vel indeterminata. dico vniuersalem, quæ subiecto, vel omni vel nulli inesse dicit prædicatum; particularem, quæ subiecto alicui, vel non alicui, aut non omni inesse; indeterminatam quæ inesse, aut non inesse absque illis, Omni, Nulli, Alicui, Non omni: ut si dicatur Contrariorum esse eandem scientiam, aut Voluptatem esse rem bonam.

SCHO-

## S C H O L I V M.

*Incipit definire, quæ proposuit præagnoscenda, & ea dicere de singulis, quæ præcognita habere oporteat ante doctrinam tradendam. non posuit primo loco definitionem termini, tametsi partes propositionis videantur esse termini, sicut in superiore libro nomen & verbum primo definita sunt. nam cum terminus sit res, quæ aliquid terminatur, videtur primo poni debuisse id, quod terminatur quam id, quod terminat. & terminus definitur id in quod dissolvitur, non ex quo componitur propositio. & primo loco poni debuit propositio, cum syllogismus, sit immediate compositus ex propositionibus.*

**Propositio igitur est oratio.**

*Ex definitione enuntiationis posita in superiore libro quisque facile intelligere potest re ipsa idem esse Enuntiationem, & propositionem; hoc differunt quoniam Enuntiation est res per se ipsa considerabilis, Propositio seu protensio habet relationem ad syllogismum, qui ex ipsa componitur. quod igitur nunc ponitur præagnoscendum de Propositione est notum ex superiore doctrina de affirmatione, & negatione, quæ sunt partes propositionis, sicut erant enuntiationis.*

**Quæ propositio vel vniuersalis est.**

*Hac quoque nota sunt ex superiore doctrina ubi exposita sunt quinque species Antiphasis. Hac uero tria, quæ accidunt propositionibus, ut sint vel vniuersales, vel particulares, vel indeterminate, fere adhibentur ad usum omnis generis syllogismorum. nec alia varietas quærenda est in conformandis syllogismis. quam varietatem more suo declarat exemplis. atque ex hac triplici varietate propositionum, ut videbimus componet syllogismos.*

**Differt**

Differt autem Demonstratiua propositio a Dialectica, quoniam Demonstratiua est pars altera contradictionis assumpta: non enim interrogat, sed accipit qui demonstrat. at Dialectica est interrogatio totius contradictionis. Sed nihil intererit ad syllogismum utriusque conficiendum. nam tam qui demonstrat, quam qui interrogat, syllogismū conficit ex eo, quod sumpsit aliquod prædicatum alicui subiecto inesse vel non inesse. Quare uniuersæ Propositiones syllogisticae est Affirmatio, aut Negatio, id est oratio, quæ uel ait, uel negat aliquod prædicatum dici de aliquo subiecto eo quo dictum est modo: Demonstratiua est, si uera sit & sumpta de hypothesebus, quæ sunt propositi generis principia: Dialectica est interroganti quidē petitio partis alterius contradictionis, quam interrogat, syllogistica uero conficienti est assumptio eius, quod verum videtur & probabile, sicut in Topicis dictum est. quid igitur propositio, & quid differat syllogistica tum quæ est demonstratiua tum quæ dialectica, accurate quidem, & subtiliter in sequentibus libris posterioribus dicetur. quod autem desiderat præsens tractatio, satis sic nunc hæc distincta sint.

Terminum uoco id, in quod dissoluitur propositio, id est tum id, quod prædicatur, tum id de quo prædicatur siue *Esse coniun-*

gat

gat prædicatum cum subiecto, siue Non esse alterum ab altero disiungat.

## SCHOLIUM.

Differt autem.

Dicitur est in superiore libro de interrogatione dialectica, quod hic repetitur esse interrogationem totius cōtradictionis. nihil dictum est de propositione demonstratiua, quia nec de Demonstratione, quam hic indicauit esse genus subiectum librorum Analyticorum: itaq; hoc loco cum agitur de propositione recte ponitur discrimen propositionis Demonstratiuæ, & Dialecticæ: & propositionem ipsam sumptam pro genere vocat propositionem syllogisticam, id est, quæ adhibetur ad conficiendos syllogismos, cuius duæ sunt species Demonstratiua & Dialectica, sicut & syllogismi alij sunt Demonstratiui alij Dialectici: quorum discrimen proprie cognoscetur in posterioribus Analyticis, sed tractatione natura, & vsus syllogismi Demonstratiui in illis libris proprie traditur, tractatio vero natura, & vsus syllogismi Dialectici exponitur in Topicis. nam in his libris prioribus, quorum subiectum est syllogismus, necessitas tantum vinculi exterioris omnium syllogismorum demonstratur.

Non enim interrogat.

Qui docent & scribunt, vt diximus etiam in superiore libro, arbitrato suo docent & scribunt. Interrogans pendet ab arbitrio respondentis. nec sumit arbitrato suo ex quo syllogismum conficiat, sed id sumit, quod conceditur a respondente.

Ex eo quod sumptis aliquod prædicatum.

His verbis significatur propositio, vel affirmatiua, vel negatiua.

Quare

nexu nullus externus terminus desideretur ad eam efficiendam necessitatem.

Perfectum voco syllogismum, qui nullo alio eget adminiculo extra ea, quæ sumpta sunt, quo appareat nexus syllogistici necessitas.

Imperfectum voco, qui eget, vel vno, vel pluribus adminiculis, quæ necessaria quidem sunt ex virtute subiectorum terminorum, sed per expressas propositiones, assumpta non sunt.

Alterum esse in altero toto, & alterum prædicari de altero omni, idem est. Porro de omni prædicari dico, cum non licet partem vllam subiecti capere, de qua alterum, idest prædicatum non dicatur. atque ex hoc manifestum est, quid sit de nullo prædicari, cum scilicet non licet partem vllam subiecti capere de qua alterum dicatur.

## SCHOLIUM.

*Apud Au. Gellium est versio huius definitionis syllogismi hoc modo, syllogismus est oratio in qua consensu quibusdam, & concessis aliud quid quam, quæ concessa sunt, per ea quæ concessa sunt, necessario consequitur. quæ versio si quis attente consideret mentem Aristotelis, qui suscipit definiendum syllogismum acceptum vniuerse, & in cuius definitione appareat necessitas ordinis, & vinculi exterioris, intelliget illa verba τὸ ἐν τῷ τινὶ, & καὶ ἐν τῷ τινὶ, quæ significant ordinem collo-*



perfectam, & nullius opis indigam vinculi syllogistici necessitatem.

Imperfectu in voco.

Secunda, & tertię figura syllogismos vocat imperfectos, in quibus est quidem necessitas nexus syllogistici, sed obscurior. ut igitur appareat, & sit evidens, sicut in prima figura, indigent illi syllogismi uno, vel pluribus adminiculis, ut videbimus.

Quę necessaria quidem sunt.

Hęc adminicula sunt quędam propositiones, quę potestate & virtute insunt, ut videbimus, in assumptis syllogismi propositionibus. quę de re suo loco.

Alterum esse in altero toto.

Ad multa adhibebitur hoc principium, ut videbimus, quo principio declaratur, quam vim habeant eiusmodi propositiones Omnis homo est mortalis, & nullus lapis est homo: significant enim nihil contineri sub hoc subiecto, homo, de quo mortale non dicatur, & nihil sub lapide de quo pradicetur homo. atque hactenus de propositis principijs præcognoscendis.

Quoniam autem omnis propositio, vel est prædicati, quod inest, vel prædicati, quod inest necessario, vel prædicati, quod contingit & potest inesse; quarum propositionum in singulis tribus effandi generibus alię sunt affirmatiuę alię negatiuę, atque harum rursus alię sunt vniuersales, alię particulares, alię indeterminatę, Negatiuam quidem vniuersalẽ de prædicato, quod inest, necesse est locali terminorum commutatione conuerti, veluti, si Nulla voluptas sit res bona, necesse est Nullam rem bonam esse voluptatem: Affirmatiuam autem

N

vni-

uniuersalem necesse est omnino conuerti, sed non ut enuntiata est uniuerse, sed particulariter, ueluti si omnis uoluptas est res bona, etiam aliqua res bona est uoluptas. ex particularibus Affirmatiua conuertitur particulariter. si enim aliqua uoluptas est res bona etiam necessario aliqua res bona erit uoluptas. In negatiua nulla necessitas est talis conuersionis. non enim si aliquod animal non est homo, necesse est & aliquem hominem non esse animal.

## SCHOLIUM.

**Quoniam autem.**

*Monuimus antea constitutis principijs præcognoscendis, sic ferè Aristotelem solere trāsire ad doctrinam tradendam. quod uero primo loco assumitur notum est ex superiore libro, ubi obiter docuit alias res necessario inesse, alias contingenter, & mutabiliter, quia non semper sunt, alias non inesse, sed posse inesse, quia non semper non sunt: reliqua pars assumptionis exposita est supra propositionem syllogisticam solere tribus modis adhiberi ad usum syllogismi, Vniuerse, particulariter, & indeterminate.*

**Negatiuam quidem uniuersalem.**

*Hac est doctrina, quam primo loco tradit de conuersione propositionis syllogisticę in triplici rerum genere, in qua commutant loca prædicatum, & subiectum atque alterum in alterius locum migrat, & quod erat prædicatum fit subiectum, quod erat subiectum fit prædicatum. ac primo conuersionem hanc demonstrat in genere contingenti in prædicatis, quę insunt non necessario, & mutabiliter, deinde in prædicatis, quę insunt semper*

ne-

neceſſario & immutabiliter, ultimo loco qua poſſant in eſſe, & pertinent ad euentum incerti euentus: de quo genere poteſtatis, & prædicatorum, & rerum dictum eſt in ſuperiore libro. primum genus ſignificatur verbo, in eſſe, ſchola vocant propoſitiones de in eſſe. ſecundum genus ſignificatur verbo, Neceſſe, Tertium genus verbo, Contingere, cum reſpicit tempus futurum. exemplo indicat id, quod vult docere in primo genere de propoſitione vniuerſali Negatiua, tum de Vniuerſali affirmatiua, deinde de particulari affirmatiua. in negatiua particulari non eſt neceſſitas huius conuerſionis.

**Demonſtratio Vniuerſalis negatiuæ in genere prædicatorum, quæ inſunt ſubiecto mutabiliter.**

Ac primo Negatiua vniuerſalis enuntietur per terminos A B. ſic igitur dico, ſi nulli B in eſt A, etiam Nulli A inerit B. Fac enim alicui A uerbi gratia alicui, C, quod inſit B, falſum erit, quod ut uerum ſumptum eſt Nulli B in eſſe A: eſt enim C pars B.

**SCHOLIUM.**

Eſt demonſtratio deducens ad id, quod eſſe & fieri nequit, qua eſt familiaris omnibus docentibus, & maxime aperta, & nota. quis. n. nō ſentiat illud falſum eſſe quo cōceſſo ſequitur, quod nefas eſt dictū, quod per has litteras A B C tradat doctrinā hāc ſignificat, ut dixi, doctrinā hāc de oratione ſyllogiſtica tractari in abſtracto,

N 2 & id

Et id quod docetur verum esse vniuerse, non in hac aut illa re tantum, sicut supra attulit exemplum de voluptate. hac vero demonstratio ita se habet.

Si nullum B est A. hypothesis vera. ergo vera etiam conuersa Nullam A est B. quod sic demonstratur si non das hanc, conuersam des oportet eius contradictoriam Aliquod A est B. verbi causa, C est B. ergo aliqua pars B est sub A. quod aduersatur hypothesis verę qua dicitur Nullum B esse A. ergo conuersa vera Nullum A est B.

Nititur hæc demonstratio illo Axiomate, Oportet aut affirmare, aut negare: Et principio, quod positum est, dici de nullo, Et expositio illa, verbi causa, C, est modus rem adducens sub sensum, quem graeci appellant ἐκθεσις; Tradita est hæc prima doctrina de Vniuersali Negatiua: quoniam hac commode adhibetur ad demonstranda, quę consequuntur: hac vero his solis vititur, quę posita sunt in principijs præcognoscendis, sicuti postulat methodus, Et ratio docendi: vt præcedant, quę adhibentur in demonstrandis, quę sequuntur.

Si vero Omni B inest A etiam alicui, A, inerit B. fac enim non inesse. Nam si nulli inerit, etiam B non inerit, A. at Omni inesse positum est. similis demonstratio est propositionis particularis Affirmatiuę. si enim Alicui B inest A etiam Alicui A necesse est inesse B. nam si Nul li, etiam Nulli B. inerit A. Quod si Alicui B nõ inest A, non est necesse etiam Alicui A non inesse B. ut si pro B hoc est pro subiecto ponatur Animal, pro A prædicato ponatur Homo: nam verum est Aliquod Animal non esse Ho-  
minem

minem, fallum est aliquem hominem non esse animal: Omnis enim Homo est Animal.

# SCHOLIUM.

*Demonstratio Affirmatiue vniuersalis, & particularis, quarum est eadem conuersio in particularem affirmatiuam, simili modo per deductionem ad impossibile, ad quam adhibetur demonstrata conuersio Negatiue Vniuersalis.*

*Si omne b est a*

*Etiā Aliquod, a, est, b, necessario*

*Si aliquod, b, est a*

*Etiā aliquod a est b necessario*

*Nam si Nulli,*

~~Nullum a est b~~

~~Nullum b est a~~

~~Nullum a est b~~

~~Nullum b est a~~

*Breuis est in re aperta ex superiori demonstratione. si enim non detur etiam aliquod A esse B, dabitur contradictoria Nullum A esse, b, cuius conuersio iam demonstrata est: sequetur ergo Nullum b esse, a, quod contradicit hypothese concessa, & uera. eadem autem est vtriusque affirmatiue demonstratio.*

*Particularis negatiua nullam habet necessitatem conuersionis, quod satis fuit exemplo indicare, sicut supra.*

## Conuersio propositionum Necessariarum.

*Eodem modo se res habebit etiam in propositionibus necessarijs. nam Vniuersalis negatiua uniuerse conuertitur. Affirmatiua vtraque conuertitur particulariter. Nam si Necessse est nullum B esse A, Necessse est etiam Nullum A.*

N 3 esse

esse B. Fac enim alicui inesse, etiam A inerit alicui B. Et si Necessse est Omne, aut aliquod B esse A Necessse erit etiam Aliquod A esse B. Nam si non sequatur id necessario, nec illa hypothesis erit vera, Necessse est Aliquod B esse A. Particularis negatiua, non conuertitur ob eandem, quam supra diximus causam.

## SCHOLIUM.

*In superiori genere per, inesse, significantur predicata, quæ actu insunt: quod vero inest actu, necessario inest igitur hæc coniunctio necessitatis inter superiores propositiones, & has necessarias: licet illæ sint necessaria cum adiuncta mutabilitate, hæc vero sint simpliciter necessariæ. & propterea eodem modo se habet conuersio in utroque genere, & harum propositionum demonstratio fit per eandem doctrinam demonstratam Negatiuæ Vniuersalis: per quam ostenditur, quod sequitur impossibile, si non concedatur illa conuersio.*

**Fac enim alicui inesse.**

*Nisi accipias verbum contingere pro inesse, quo fere modo semper accipitur, ut dicetur infra, demonstratio non fiet per nota, sicut oportet; id non viderunt interpretes, qui propterea incidunt in quæstiones inexplicabiles. sic igitur dicit, ut supra si non das sequi conuersam Necessse nullum a esse b, dabis oppositam contradictoriam Aliquod a esse b, quæ conuertitur, ut vidimus Aliquod b est a. hæc vero contradicit hypothesis data Nullum b est a. hæc Aristoteles innuit tantum, quia sunt nota ex superiori doctrina.*

**Nam**

Nam si non sequatur id necessario.

Hec enim est sententia verborum grecorum. si enim non sit necesse dari scilicet hanc conuersam Necesse aliquod a esse, b. sequetur datam hypothesim esse falsam Necesse aliquod, b, esse, a, atque ita more suo proposita demonstratione Vniuersalis, & particularis affirmatiue breuitatis causa, quod sequitur impossibile, innuit tantum in particulari. sic vero subiiciuntur etiam oculis.

Hypothesis data

Si necesse est Nullum b esse a

Necesse etiam est Nullum a esse b



Aliquod a est b

Aliquod b est a

hypothesis data

Si Necesse omne b esse a

Necesse etiam est aliquod a esse b



Nullum a est b

Nullum b est a

hypothesis data

Si necesse est aliquod b esse a

Etiam necesse est aliquod a esse, b,



Nullum a est b

Nullum b est a

Particularis negatiua non conuertitur. cape supra positum exemplum Necesse est aliquod animal non esse hominem, hac vera est: at conuersa est falsa Necesse aliquem hominem non esse animal.

Vfus triplex verbi *ἐπὶ ἀναγκαῖον*, id est contingere.

In propositionibus contingentibus, ut tertii generis predicatorum, quę contingunt, & possunt inesse, quoniam multis modis dicitur contingere: nam dicimus contingere tum id, quod necessarium est, tum id quod non necessarium, tum illud quod possibile est esse: in affirmatiuis qui dō

N

+

pro-

propositionibus eo quo dictum est modo conuersio se habebit in omnibus. nam si contingit omne aut aliquod, b, esse, a, sequitur necessario, vt etiam cōtingat aliquod, a, esse, b, si enim nullum, etiam continget nullum, b, esse, a, id enim prius demonstratum est.

## SCHOLIUM.

*Tertium genus rerum, quod pertinet ad potestatem futuri euentus incerti, distinctum fuit ab alijs duobus per verbum contingit. demonstraturus igitur conuersiones reliquarum propositionum tertij propositi generis per verbum contingit, sicut facere oportet in verbis equiuocis, prius monet, & declarat triplicem usum verbi ἀναγκαῖον, id est contingere. accipitur enim & pro necesse esse, & pro inesse, & significat predicata inesse immutabiliter & mutabiliter, esse necessaria, & non necessaria. tertia significatio pertinet ad potestatem futuri euentus. significat esse posse in rebus, scilicet mutabilibus.*

*In affirmatiuis quidem propositionibus.*

*Vtraque affirmatiua, & vniuersalis, & particularis conuertitur, sicut supra deuit, particulariter in omnibus significationibus. quando significat Necesse esse, hoc iam demonstratum est, & quando accipitur pro inesse non necessario & mutabiliter. in tertia vero significatione similiter res procedit, vt in hoc exemplo contingit omnem, vel aliquem hominem canescere in senectute. conuertitur enim sic necessario contingit, aliquod canescens in senectute esse hominem. itaque vnicuius demonstratione huic rei tanquam notæ ex superioribus satisfacit.*

Si



**Si enim nullum.**

*Si enim non datur conuersa particulariter, oportet dari huic oppositam contradictoriam. Contingit nullum a esse, b, quæ conuertitur, ut demonstratum est: ita sequitur impossibile, ut duæ contraria, & duæ contradictoria sint vera.*

*Si contingit omne aut aliquod B esse A*

*Etiā contingit aliquod, A, esse, B,*



*Necesse nullum, a, esse b*

*Necesse nullum b esse, a,*

*Notandum in tertia significacione non contingit esse, idem valere quod Necesse non esse, ut didicimus in superiore libro. ita etiam ipsi seruit posita demonstratio.*

In propositionibus negatiuis, non ita se habet conuersio in omnibus sicut antea dictum est. sed in quibuscūque contingit, accipitur pro necessario, non inesse, aut pro non necessario non inesse, in his eodem modo sicut antea fit conuersio: ut si quis dicat contingit nullum hominem esse equum, aut contingit nullā vestem esse albam: alterum enim ex his prædictis necessario non inest subiecto: alterum non necessario non inest, & similiter vtraque conuertitur. si enim contingit nullum hominem esse equum, etiam cōtingit nullum equum esse hominem, & si contingit nullam vestem esse albam, etiam contingit nullum album esse vestem. si enim detur contingere aliquod album esse vestem, dabitur, & cōuersa necessario aliquam

quam vestem esse albam. id enim iam antea demonstratum est. pariter in his duabus significationibus negatiua particularis non conuertitur necessario.

## SCHOLIUM.

*De affirmatiuis propositionibus primo loco dictum est, quia in his in omnibus significationibus verbi contingere fit, & demonstratur conuersio, vt supra: non sic est de negatiuis: sed quando negatiua vniuersalis significat necesse non esse, vt contingit, id est Necesse nullum equum esse hominem, aut non necesse non esse, vt Contingit nullam vestem esse albam, quod idem est, ac si dicas Nulla vestis est alba, in his fit conuersio, & demonstratio vt supra, & particularis negatiua non conuertitur necessario. Contingit enim significat idem quod necesse in Affirmatiuis, & negatiuis, de quibus docuit supra, aut significat idem quod verbum inest, cuius doctrina primo loco tradita est. in qua significatione predicatum in affirmatiuis inest, sed non necessario, & mutabiliter, & in negatiuis similiter non inest, sed non necessario, & mutabiliter. sequitur quando contingit accipitur pro possibile esse de euentu incerto.*

Quaecunque autem contingere dicuntur, quoniam ferè sic fiant, & naturaliter eueniāt, quo nos modo contingens distinguimus ab alijs rerum generibus: non similiter se habebit doctrina conuersionis in propositionibus negatiuis: sed propositio vniuersalis negatiua

non

non conuertitur, particularis autem conuertitur. quod erit perspicuum, cum de contingente tractabimus. nunc ad ea, quæ dicta sunt id declarandum accedat, contingere nulli, aut alicui non inesse habere figuram non negandi, sed aiendi: nam Contingere eundem quem, est, ordinem tenet in conficienda affirmatione & negatione. Est, vero in quibus propositionibus tertiū adiacet prædicato, semper, & omnino efficit affirmationem, ut Est non bonum, aut est non album, aut simpliciter Est non hoc. declarabitur autem hoc quoque in sequentibus: sed quod pertinet ad conuersiones perinde se habebunt, ac si numerentur cum aliis negationibus. His constitutis dicamus iam per quæ, & quando, & qua ratione conficiatur Omnis syllogismus, posterius dicendum erit de Demonstratione. prius enim dicendum est de syllogismo, quam de Demonstratione, propterea quod syllogismus sit res magis vniuersalis. est enim Demonstratio syllogismus quidam: Nom omnis autem syllogismus est Demonstratio.

## SCHOLIUM.

Quæcunque autem.

*Res omnes, aut sunt necessarie, quarum natura est immutabilis, aut sunt contingentes, quarum natura mutationi subiecta*

subiecta est. sed contingens duplex est, vnum, quod tam potest esse quam non esse: de hoc nulla est quaestio, nulla doctrina: alterum quod ut plurimum fit, & naturaliter, & raro fallit exitum talem. de hoc sunt multa doctrina, & artes. in hoc contingente negatio vniuersalis non conuertitur: quod docebit suo loco, cum tradet doctrinam conformandi syllogismi in hoc genere contingentis. de quo contingente tunc accurate tractabit, & melius intelligentur, quae nunc dicuntur, & antea dicta sunt de hoc rerum genere, quod vocatur contingens.

Particularis autem conuertitur.

In primo rerum genere, quod significatur per verbum inest, cum praedicatum actu inest in subiecto, & quamquam inest mutabiliter, est tamen constans ex sua natura & firmum & fere necessarium, ut suo loco docebit, dixit particularem negatiuam non conuerti, sicut non conuertitur in genere necessario, & idem exemplum attulit in utroque genere, quod erat ex materia necessaria: quoniam primum genus, quod actu esse intelligitur, proxime accedit ad necessarium, & propterea demonstratio conuersionis negatiuae vniuersalis recte adhibita est ad reliqua demonstranda etiam in genere necessario. nunc in hoc contingente, quod actu non est, sed tantum potest esse dicit particularem negatiuam conuerti. accidit enim hoc in contingentibus, & mutabilibus, ut contingit aliquem hominem non canescere in senectute contingit aliquod canescens in senectute, non esse hominem: Contingit aliquam vestem esse albam Contingit aliquod album non esse vestem. quod igitur, vel non conuertatur, vel conuertatur, accidit ex vi materis, vel necessaris, vel contingentis.

Contingere nulli.

Hoc didicimus in superiore libro negationem in his, quas vocant modales, effici per modum, sicut in alijs

enun-

enuntiationibus efficitur per non est. Sed negatio, quæ habeat adiunctam necessitatem, non potest alio modo fieri quam sic ut contingit nullum equum esse hominē, propterea sic conuertitur, ut negatiua.

Aut simpliciter Est non hoc.

Significat propositionem ex subiecto tantum, & verbo ut Est non homo.

His constitutis.

Hoc uerbo usus est supra cum loqueretur de constitutendis principijs. itaque videtur significare hanc doctrinam de conuertendis propositionibus collocandam esse cum principijs præcognoscendis, ante doctrinam syllogismi: quam nunc incipiet tradere. qui syllogismus est genus subiectum Priorum librorum Analyticorum.

Per quæ & quando, & qua ratione.

Per quæ, per duas propositiones, & quando ex his certa lege connexis signatur syllogismus, & qua ratione, indicat collocationem medij termini, quæ est triplex.

Posterius dicendum de Demonstratione.

Hinc libri priores continentes doctrinam de syllogismo, qui complectitur orationem omnem syllogisticam, & libri posteriores continentes doctrinam, de Demonstratione: quæ tamen duplex doctrina, ut dicit in fine posteriorum, est ipsa una scientia demonstratiua initio proposita, cuius subiectum est Demonstratio: quæ propter duplicem nexum, quo constringitur, duplicem hanc contemperationem necessario postulabat.

Prima doctrina, quæ in triplici rerum genere continet rationem vniuersam conformandi, & perficiendi syllogismi, quam vocat generationem syllogismorum.

## PRIMA

## PRIMA FIGURA, QUÆ EST

nexus syllogisticus omnium princeps, in  
quo plane, & dilucide perspicitur  
colligendę comprehensionis  
necessitas.

**Q**Vando termini tres hoc ordine inter  
se constricti sunt, ut ultimus sit in  
toto medio, & medius sit vel non sit  
in toto primo, necesse est extremorum termi-  
norum esse syllogismum perfectum. voco me-  
dium terminum, qui & ipse in alio, & alius in  
hoc est: qui ordine & situ medius existit: ex-  
tremos terminos vocatum qui ipse in alio est,  
tum in quo alius est. Nam si A de omni B, &  
B, de omni C, Necesse est A de omni C præ-  
dicari. prius enim dictum est quomodo acci-  
piamus Prædicari de omni. Similiter si A de  
nullo, B, & B de omni C prædicatur sequitur  
necessario, ut A nulli C insit. Si vero primum  
de omni medio prædicatur, & Medium nulli  
ultimo inest, non erit syllogismus extremo-  
rum terminorum. nihil enim necessario conse-  
quitur propter ea, quæ antecedunt: ex quibus  
consequi potest, ut primum, & omni, & nulli  
ultimo insit. nec ergo progignitur ex his con-  
sequentia particularis necessaria, nec vniuer-  
salis. & cum ab hoc nexu nulla sequatur neces-  
sitas non erit syllogismus. Termini ex quibus  
sc.

sequitur omni inesse Animal, Homo, Equus: ex quibus sequitur nulli inesse Animal, homo, lapis. Neque quando Primum nulli medio, & medium nulli ultimo inest, neque ex tali nexu erit syllogismus. termini ex quibus sequatur omni inesse sciētia, Linea, Medicina: ex quibus sequatur nulli inesse, sciētia, Linea, Vnitas. At terminis quidem sumptis vniuerse patet quando erit, & quando non erit syllogismus: & si sit syllogismus oportere hoc ordine, & modo connexos esse terminos, & termini si hoc ordine, & modo sint connexi, oportere syllogismum esse.

## SCHOLIUM.

*Princeps doctrina syllogismi, qua hoc libro traditur, triplici consideratione continetur, prima docet rationem componendi syllogismi, quam vocat generationem syllogismorum, secunda docet rationem parandae copiae syllogismorum, tertia docet rationem dissoluedi syllogismos factos, qui reperiuntur in libris philosophorum, & docentium. hanc triplicem contemplationem regit terminus, quem vocat medium. cuius naturam, & vim nunc videbimus in componendo syllogismo.*

Quando termini tres.

*Hic est ordo quo prima figura conformatur. vidimus terminos appellari subiectum, & predicatum, in quae dissoluitur propositio, quae est veluti linea terminata duobus punctis.*

Omne

esse B. Fac enim alicui inesse, etiam A inerit alicui B. Et si Necessesse est Omne, aut aliquod B esse A Necessesse erit etiam Aliquod A esse B. Nam si non sequatur id necessario, nec illa hypothesis erit vera, Necessesse est Aliquod B esse A. Particularis negatiua, non conuertitur ob eandem, quam supra diximus causam.

## SCHOLIUM.

*In superiori genere per, inesse, significantur predicata, quæ actu insunt: quod vero inest actu, necessario inest igitur hæc coniunctio necessitatis inter superiores propositiones, & has necessarias: licet illæ sint necessaria cum adiuncta mutabilitate, hæc vero sint simpliciter necessariæ. & propterea eodem modo se habet conuersio in utroque genere, & harum propositionum demonstratio sit per eandem doctrinam demonstratam Negatiuæ Vniuersalis: per quam ostenditur, quod sequitur impossibile, si non concedatur illa conuersio.*

**Fac enim alicui inesse.**

*Nisi accipias verbum contingere pro inesse, quo fere modo semper accipitur, ut dicetur infra, demonstratio non fiet per nota, sicut oportet; id non viderunt interpretes, qui propterea incidunt in quæstiones inexplicabiles. sic igitur dicit, ut supra si non das sequi conuersam Necessesse nullum a esse b, dabis oppositam contradictoriam Aliquod a esse b, quæ conuertitur, ut vidimus Aliquod b est a. hæc vero contradicit hypothesis data Nullum b est a. hæc Aristoteles innuit tantum, quia sunt nota ex superiori doctrina.*

**Nam**



Nam si non sequatur id necessario.

Hęc enim est sententia verborum grecorum. si enim non sit necesse dari scilicet hanc conuersam Necesse ali- quod a esse, b. sequetur datam hypothesim esse falsam Necesse aliquod, b, esse, a, atque ita more suo proposita demonstratione Vniuersalis, & particularis affirma- tiue breuitatis caussa, quod sequitur impossibile, innuit tantum in particulari. sic vero subiiciuntur etiam oculis.

Hypothesis data

Si necesse est Nullum b esse a

Necesse etiam est Nullū a esse b



Aliquod a est b

Aliquod b est a

hypothesis data

Si Necesse omne b esse a

Necesse etiam est aliquod a esse b



Nullum a est b

Nullum b est a

hypothesis data

Si necesse est aliquod b esse a

Etiam necesse est aliquod a esse, b,



Nullum a est b

Nullum b est a

Particularis negatiua non conuertitur. cape supra po- situm exemplum Necesse est aliquod animal non esse hominem, hac vera est: at conuersa est falsa Necesse ali- quem hominem non esse animal.

Vsus triplex verbi *ἐνδεχόμενον*, idest contingere.

In propositionibus contingentibus, vt tertii generis prædicatorū. quę contingūt, & possunt inesse, quoniā multis modis dicitur cōtingere: nam dicimus contingere tum id, quod neces- sarium est, tum id quod non necessarium, tum illud qđ possibile est esse: in affirmatiuis quidē

N

+

pro-

propositionibus eo quo dictum est modo conuersio se habebit in omnibus. nam si contingit omne aut aliquod, b, esse, a, sequitur necessario, ut etiam cōtingat aliquod, a, esse, b, si enim nullum, etiam continget nullum, b, esse, a, id enim prius demonstratum est.

## SCHOLIUM.

*Tertium genus rerum, quod pertinet ad potestatem futuri euentus incerti, distinctum fuit ab alijs duobus per verbum contingit. demonstraturus igitur conuersiones reliquarum propositionum tertij propositi generis per verbum contingit, sicut facere oportet in verbis equiuocis, prius monet, & declarat triplicem usum verbi κενεσθαι, id est contingere. accipitur enim & pro necesse esse, & pro inesse, & significat predicata inesse immutabiliter & mutabiliter, esse necessaria, & non necessaria. tertia significatio pertinet ad potestatem futuri euentus. significat esse posse in rebus, scilicet mutabilibus.*

*In affirmatiuis quidem propositionibus.*

*Vtraque affirmatiua, & vniuersalis, & particularis conuertitur, sicut supra deuit, particulariter in omnibus significationibus. quando significat Necesse esse, hoc iam demonstratum est, & quando accipitur pro inesse non necessario & mutabiliter. in tertia vero significatione similiter res procedit, ut in hoc exemplo contingit omnem, vel aliquem hominem canescere in senectute. conuertitur enim sic necessario contingit aliquod canescens in senectute esse hominem. itaque vnicuique demonstratione huic rei tanquam notę ex superioribus satisfacit.*

Si

**Si enim nullum.**

*Si enim non datur conuersa particulariter, oportet dari huic oppositam contradictoriam. Contingit nullum a esse, b, quæ conuertitur, vt demonstratum est: ita sequitur impossibile, vt duæ contraria, & duæ contradictoria sint vera.*

*Si contingit omne aut aliquod B esse A*



*Necesse nullum, a, esse b*

*Etiā contingit aliquod, A, esse, B,*

*Necesse nullum b esse, a,*

*Notandum in tertia significatiōe non contingit esse, idem valere quod Necesse non esse, vt didicimus in superiore libro. ita etiam ipsi seruit posita demonstratio.*

In propositionibus negatiuis, non ita se habet conuersio in omnibus sicut antea dictum est. sed in quibuscūque contingit, accipitur pro necessario, non inesse, aut pro non necessario non inesse, in his eodem modo sicut antea fit conuersio: vt si quis dicat contingit nullum hominem esse equum, aut contingit nullā vestem esse albam: alterum enim ex his prædicationis necessario non inest subiecto: alterum non necessario non inest, & similiter vtraque conuertitur. si enim contingit nullum hominem esse equum, etiam cōtingit nullum equum esse hominem, & si contingit nullam vestem esse albam, etiam contingit nullum album esse vestem. si enim detur contingere aliquod album esse vestem, dabitur, & cōuersa necessario aliquam

quam vestem esse albam. id enim iam antea demonstratum est. pariter in his duabus significationibus negatiua particularis non conuertitur necessario.

## SCHOLIUM.

De affirmatiuis propositionibus primo loco dictum est, quia in his in omnibus significationibus verbi contingere fit, & demonstratur conuersio, vt supra: non sic est de negatiuis: sed quando negatiua vniuersalis significat necesse non esse, vt contingit, id est Necesse nullum equum esse hominem, aut non necesse non esse, vt Contingit nullam vestem esse albam, quod idem est, ac si dicas Nulla vestis est alba, in his fit conuersio, & demonstratio vt supra, & particularis negatiua non conuertitur necessario. Contingit enim significat idem quod necesse in Affirmatiuis, & negatiuis, de quibus docuit supra, aut significat idem quod verbum inest, cuius doctrina primo loco tradita est. in qua significatione predicatum in affirmatiuis inest, sed non necessario, & mutabiliter, & in negatiuis similiter non inest, sed non necessario, & mutabiliter. sequitur quando contingit accipitur pro possibile esse de euentu incerto.

Quaecunque autem contingere dicuntur, quoniam ferè sic fiant, & naturaliter eueniãt, quo nos modo contingens distinguimus ab alijs rerum generibus: non similiter se habebit doctrina conuersionis in propositionibus negatiuis: sed propositio vniuersalis negatiua  
non

non conuertitur, particularis autem conuertitur. quod erit perspicuum, cum de contingente tractabimus. nunc ad ea, quæ dicta sunt id declarandum accedat, contingere nulli, aut alicui non inesse habere figuram non negandi, sed aiendi: nam Contingere eundem quem, est, ordinem tenet in conficienda affirmatione & negatione. Est, vero in quibus propositionibus tertiū adiacet prædicato, semper, & omnino efficit affirmationem, ut Est non bonum, aut est non album, aut simpliciter Est non hoc. declarabitur autem hoc quoque in sequentibus: sed quod pertinet ad conuersiones perinde se habebunt, ac si numerentur cum aliis negationibus. His constitutis dicamus iam per quæ, & quando, & qua ratione conficiatur Omnis syllogismus, posterius dicendum erit de Demonstratione. prius enim dicendum est de syllogismo, quam de Demonstratione, propterea quod syllogismus sit res magis vniuersalis. est enim Demonstratio syllogismus quidam: Nom omnis autem syllogismus est Demonstratio.

## SCHOLIUM.

**Quæcunque autem.**

*Res omnes, aut sunt necessarie, quarum natura est immutabilis, aut sunt contingentes, quarum natura mutationi subiecta*

subiecta est. sed contingens duplex est, vnum, quod tam potest esse quam non esse: de hoc nulla est quaestio, nulla doctrina: alterum quod ut plurimum fit, & naturaliter, & raro fallit exitum talem. de hoc sunt multa doctrina, & artes. in hoc contingente negatio vniuersalis non conuertitur: quod docebit suo loco, cum tradet doctrinam conformandi syllogismi in hoc genere contingentis. de quo contingente tunc accurate tractabit, & melius intelligentur, quae nunc dicuntur, & antea dicta sunt de hoc rerum genere, quod vocatur contingens.

Particularis autem conuertitur.

In primo rerum genere, quod significatur per verbum inest, cum predicatum actu inest in subiecto, & quamquam inest mutabiliter, est tamen constans ex sua natura & firmum & fere necessarium, ut suo loco docebit, dixit particularem negatiuam non conuerti, sicut non conuertitur in genere necessario, & idem exemplum attulit in utroque genere, quod erat ex materia necessaria: quoniam primum genus, quod actu esse intelligitur, proxime accedit ad necessarium, & propterea demonstratio conuersionis negatiuae vniuersalis recte adhibita est ad reliqua demonstranda etiam in genere necessario. nunc in hoc contingente, quod actu non est, sed tantum potest esse dicit particularem negatiuam conuerti. accedit enim hoc in contingentibus, & mutabilibus, ut contingit aliquem hominem non canescere in senectute contingit aliquod canescens in senectute, non esse hominem: Contingit aliquam vestem esse albam Contingit aliquod album non esse vestem. quod igitur, vel non conuertatur, vel conuertatur, accedit ex vi materis, vel necessaris, vel contingentis.

Contingere nulli.

Hoc didicimus in superiore libro negationem in his, quas vocant modales, effici per modum, sicut in alijs

enun-

enuntiationibus efficitur per non est. Sed negatio, quæ habeat adiunctam necessitatem, non potest alio modo fieri quam sic ut contingit nullum equum esse hominē, propterea sic conuertitur, ut negatiua.

Aut simpliciter Est non hoc.

Significat propositionem ex subiecto tantum, & verbo ut Est non homo.

His constitutis.

Hoc uerbo usus est supra cum loqueretur de constitutendis principijs. itaque videtur significare hanc doctrinam de conuertendis propositionibus collocandam esse cum principijs præcognoscendis, ante doctrinam syllogismi: quam nunc incipiet tradere. qui syllogismus est genus subiectum Priorum librorum Analyticorum.

Per quæ & quando, & qua ratione.

Per quæ, per duas propositiones, & quando ex his certa lege connexis gignatur syllogismus, & qua ratione, indicat collocationem medijs termini, quæ est triplex.

Posterior dicendum de Demonstratione.

Hinc libri priores continent doctrinam de syllogismo, qui complectitur orationem omnem syllogisticam, & libri posteriores continent doctrinam, de Demonstratione: quæ tamen duplex doctrina, ut dicit in fine posteriorum, est ipsa una scientia demonstratiua initio proposita, cuius subiectum est Demonstratio: quæ propter duplicem nexum, quo constringitur, duplicem hanc contemplationem necessario postulabat.

Prima doctrina, quæ in triplici rerum genere continet rationem vniuersam conformandi, & perficiendi syllogismi, quam vocat generationem syllogismorum.

## PRIMA

sequitur omni inesse Animal, Homo, Equus: ex quibus sequitur nulli inesse Animal, homo, lapis. Neque quando Primum nulli medio, & medium nulli ultimo inest, neque ex tali nexu erit syllogismus. termini ex quibus sequatur omni inesse sciētia, Linea, Medicina: ex quibus sequatur nulli inesse, sciētia, Linea, Vnitas. Ac terminis quidem sumptis vniuerse patet quando erit, & quando non erit syllogismus: & si sit syllogismus oportere hoc ordine, & modo connexos esse terminos, & termini si hoc ordine, & modo sint connexi, oportere syllogismum esse.

## SCHOLIUM.

*Princeps doctrina syllogismi, quæ hoc libro traditur, triplici consideratione continetur, prima docet rationem componendi syllogismi, quam vocat generationem syllogismorum, secunda docet rationem parandæ copię syllogismorum, tertia docet rationem dissoluedi syllogismos factos, qui reperiuntur in libris philosophorum, & doctentium. hanc triplicem contemplationem regit terminus, quem vocat medium. cuius naturam, & vim nunc videbimus in componendo syllogismo.*

*Quando termini tres.*

*Hic est ordo quo prima figura conformatur. vidimus terminos appellari subiectum, & prædicatum, in quæ dissoluitur propositio, quæ est veluti linea terminata duobus punctis.*



Omne b est a

Omne c est b

A est primus terminus, & iure primus, qui nulli s. bñciatur, sed tantum prædicetur.

C est tertius, & ultimus terminus, qui tantum subijcitur.

B est medius terminus, qui & subijcitur, & prædicatur. bis enim dicitur. in prima propositione subijcitur in secunda prædicatur, & hac ratione constringit arctissimo vinculo primum, & tertium terminum, ut si in propositionibus seruetur id, quod præcipit, ut prima sit Vniuersalis affirmatiua, vel negatiua, secunda Affirmatiua, sit necesse fieri syllogismum & comprehensio- nem extremorum, id est primi, & tertij termini, vel affirmatiuam, vel negatiuam.

Ut Vltimus sit in toto medio.

Id est, ut medius prædicetur de omni ultimo. sic enim declaratum est antea, quid sit hoc esse in hoc toto. & hac est secunda propositio, quam oportet in prima figura semper esse affirmatiuam.

Et medius sit, vel non sit in toto primo.

Hac prima est propositio in qua medius terminus subijcitur, quam oportet esse Vniuersalem, vel Affirmatiuam, vel negatiuam.

Necesse est extremorum terminorum esse syllogismum perfectum.

Comprehensio, & conclusioeducta ex hoc vinculo duarum propositionum fit ex terminis extremis, id est primo & ultimo. & syllogismus est perfectus. syllogismus enim primæ figure nullo eget adminiculo, ut appareat necessitas nexus syllogistici.

B est



*Quis oculis ipsis non dilucide cernit oportere etiam  
C esse in toto A?*

*Nulla doctrina potest apertius demonstrari. atque  
hoc est Analytice docere, & demonstrare, sicut antea  
dictum est.*

*Prius enim dictum est.*

*Pradicari de omni est principium, & causa quamobrem  
ex propositionibus duabus hoc ordine, & modo  
connexis sequatur necessitas huius nexus syllogistici.*

### Syllogismi vniuersales primæ figuræ.

*Omne B est A*  
*Omne C est B*  
*ergo Omne C est A*  
*Nullum B est A*  
*Omne C est B*  
*ergo Nullum C est A*

*Hi sunt duo syllogismi omnium principes, quibus  
utuntur scientiæ ad Doctrinam demonstrandam, quam  
tradunt.*

*Si vero primum de omni medio.*

*Sunt item due connexiones, quæ nullius sunt causæ  
necessitatis, & propterea nullus ex his gignitur syllo-  
gismus.*

O

Omne

Omne B est A

Nullum C est B

Nullum B est A

Nullum C est B

Nec plures connexiones inutiles esse possunt his, sicut nec viles. plures superioribus duabus in universalibus ita doctrina hæc certissima est: per quam cognoscimus tum quod vsum prabet, tum id quod nulli vsui est, nec præter hæc aliud tradi potest.

Patet quando erit & quando non erit syllogismus.

Erit quando secunda propositio fuerit Affirmativa, non erit quando fuerit negativa.

Et si sit syllogismus.

Intima & propria rei causa conuertitur cum ipsa re. talis ordo & nexus est causa, huius effectus causæ est syllogismus. si sit syllogismus oportet ordinem, & nexum talem esse, si is ordo sit & nexus necesse est syllogismum esse. quæ scientia potest esse magis demonstratiua?

Si uero terminorum alter uniuersæ alter adiungatur particulariter ad alium, quando uniuersalis prædicatio fuerit ubi maius extremum uel affirmando, uel negando, particularis autem prædicatio cum minore extremo affirmatiuo, necesse est syllogismum esse perfectum. quando uero uniuersalis prædicatio fuerit cum minore extremo, uel alium aliquo modo ordinem termini teneant nullo modo erit syllogismus. maius extremum dico cui medius terminus subiicitur, minus autem extremum, quod subiicitur medio termino. prædicetur enim A  
de

de omni B & B de aliquo C, si prædicari de omni eam uim habet quam diximus antea in constitutis principiis, Necesse est A de aliquo C prædicari. item si A de nullo B prædicatur, & B de aliquo C prædicatur pariter necessario sequitur, ut A de aliquo C non prædicetur. definitum est enim quid esse uelimus de nullo prædicari. erit igitur syllogismus perfectus. similiter fit si C affirmatiuum indeterminate enuntietur, & pro aliquod C est B dicatur C est B. idem enim syllogismus est ex indeterminata, & particulari.

## SCHOLIUM.

*Persequitur reliquam doctrinam nexus syllogistici in hac figura, ubi altera propositio sumatur vniuersalis altera particularis. sunt igitur hic quoque duæ connexiones utiles, cum videlicet quod vniuerse enuntiatur primum locum obtinet, & secunda particularis propositio est affirmatiua.*

*Vbi maius extremum.*

*Quem ante appellauit primum terminum ab ordine, nunc uocat extremum maius a vi quam obtinet maiorem reliquis. ut hinc discamus, nisi cum hoc termino fuerit vniuersalis enuntiatio, siue affirmatiua, siue negatiua, omnes connexiones futuras inutiles. a maiore enim pendet uis omnis illius principij dici de omni, & dici de nullo, ubi altera propositio. sumpta est particularis, quam ob eandem causam oportet esse affirmatiuam. declarat, ut solet, nomina hæc noua maius extremum, & minus extremum.*

O 2 Syl-

## Syllogismi particulares primæ figuræ.

Omne B est A

Aliquod C est B

ergo Aliquod C est A

Nullum B est A

Aliquod C est B

ergo Aliquod C non est A

*Ceteræ omnes connexiones, ut uidebimus, erunt inu-  
tiles. ne uero quis expectet syllogismos ex altera inde-  
terminata, declarat eandem vim esse particularis, &  
indeterminata.*

Si vero ad minus extremum applicetur præ-  
dicatio uniuersalis, uel affirmatiua, uel nega-  
tiua, non erit syllogismus, quocunque modo  
enuntietur particularis, uel indeterminata si-  
ue affirmatiue, siue negatiue. ut si dicatur Ali-  
quod B est, uel non est A & Omne C est B.  
termini ex quibus sequitur omni inesse Bona,  
res, Habitus, Prudētia, ex quibus sequitur Nul-  
li inesse, Bona res, Habitus, Ignorantia. rursus  
si Nullum C est B & Aliquod B non est A uel  
Non omne B est A. nec sic erit syllogismus. ter-  
mini ex quibus sequitur omni inesse Album  
Equus, Cygnus: ex quibus sequitur nulli inesse  
Album, equus, coruus. qui termini seruiunt  
etiam si maior sumpta sit indeterminata.

Neque quando ad maius extremum appli-  
cetur prædicatio uniuersalis, uel affirmatiua,  
uel negatiua, & cum minore extremo fuerit  
præ-

prædicatio particularis negatiua neque sic erit syllogismus siue particularis enuntietur indeterminate. ut si dicatur Omne B est A & Aliquod C non est B siue Non omne C est B, sic enim sequitur cui alicui medium non inest eidem omni, & nulli primum terminū inesse. supponantur enim hi termini Animal, homo; Res alba: deinde sumantur de quibus albis homo non prædicatur, Cygnus & Nix sequetur, ut Animal de altero dicatur omni de altero nullo prædicetur, itaque non erit ex tali connexionione syllogismus. item si nullum B sit A Aliquod C non sit B. & termini sint inanime, Homo, Album: deinde sumantur de quibus albis homo non prædicatur Cygnus, & Nix: inanime enim de altero omni dicitur de altero nullo prædicatur.

## S C H O L I V M.

*Quatuor connexioniones inutiles ostēdit, nec plures his esse possunt quando altera propositio est vniuersalis altera particularis. ac primo si minor propositio enuntietur vniuersaliter.*

*Aliquod B est vel non est A*

*Omne C est B*

*Aliquod B est vel non est A*

*Nullum C est B*

*Alteræ duæ si maior enuntietur vniuersaliter, minor sit negatiua.*

O

3

Omne

Omne B est A

Aliquod C non est B

Nullum B est A

Aliquod C non est B

Vidimus antea nihil interesse si particularis enuntietur indeterminate.

Homo

Supponantur enim

A

B

C

Animal

Album

Ex his facies hanc connexionem.

Omnis homo est Animal

Aliquod Album non est homo

Ex qua connexionem si pro albo exponas Cygnum, &

Nixem dicendo Cygnus, non est Homo &

Nix non est homo.

Sequetur conclusio de omni & Nullo.

Simili modo, & exemplo idem ostenditur si Maior sit uniuersalis coniuncta cum minore particulari negatiua, & infra discemus ex duabus negatiuis nunquam fieri syllogismum.

Insuper quoniā particularis negatiua uim habet indeterminatam, & ueritatem tum particularem tum uniuersalem complecti potest, ut quod dicitur alicui non inesse, uel non omni inesse, sit etiam uerum si dicatur nulli inesse, captis eiusmodi terminis, ut nulli inesse uerum sit non erit syllogismus. id enim supra dictum est. ergo perspicuum est ex hac connexionem terminorum non fore syllogismum. si enim in illis, esset etiam in his. eiusmodi demonstratio potest adhiberi in conexione quoque

que quæ incipit ab uniuerſali negatiua Neque ſi utraque interualla enunſientur particulariter, vel affirmatiue, vel negatiue, aut alterum affirmatiue alterum negatiue, aut alterum determinate alterum indeterminate, vel vtraque indeterminata nullo proſus modo ex eiufmodi connexionibus, ſine uniuerſali erit ſyllogiſmus. Termini communes omnium Animal Album. Equus. Animal. Album Lapis. Perſpicuum igitur eſt, ſi debeat eſſe in hac figura particularis ſyllogiſmus oportere terminos hoc ordine, & modo connecti ſicut diximus, & ſi termini ſint hoc ordine. & modo connecti oportere ſyllogiſmum eſſe. ſi aliter ſe habeant termini nullum exiſtere ſyllogiſmum & omnes ſyllogiſmos in hac figura perfectos eſſe: omnes enim ex ſolis primo ſumptis propoſitionibus perficiuntur, & problemata omnia in hac figura demonſtrari: quippe cum in hac demonſtretur, & omni in eſſe, & nulli in eſſe, & alicui in eſſe, & alicui non in eſſe. & uoco eiufmodi figuram primam.

## SCHOLIUM.

Inſuper quoniam.

*Vocatur hæc ratio Demonſtratio ab indeterminata vi propoſitionis particularis: qua utitur etiam in ſua. & hanc demonſtrationem hic ſubiicit quaſi admonitus exemplis ſuperioribus Cygnus non eſt hemo, qua vera eſt etiam ſi dicatur Nullus Cygnus eſt homo. ſic ſunt*

O

4

reliqua



relitqua exempla proximarum demonstrationum. si  
ergo erit notum, quod docetur etiam ex antea demon-  
stratis.

Neque si utraque interualla.

Vocat ipsas propositiones, seu protensiones interualla.  
est enim protensio quasi interuallum interiacens inter  
subiectum, & praedicatum. ex hac autem doctrina di-  
scimus sine propositione vniuersali non posse confici  
syllogismum.

Perspicuum igitur.

Sic supra, cum res, & causa vicissim conuertuntur ea  
doctrina est maxime demonstratiua. oportet talem causam  
esse propriam talis effectus.

Antea definiuit, quos vocaret syllogismos perfectos,  
tales sunt in hac figura. non sic erit in duabus sequen-  
tibus.

Et problemata omnia.

Questiones omnes solent efferi quatuor his modis, quo-  
rum singulorum syllogismi conformantur, ut vidimus,  
in hac figura.

Voco eiusmodi figuram primam.

Et nomina doctrina fere omnia, & ipsa vniuersa do-  
ctrina est Aristotelis inuentum.

Vniuersa

Aff.

Maius extremū A — B — C Minus extremū  
{ Medius terminus }

Extremorum  
comprehensio.

SE.

## SECUNDA FIGURA, ET ORDO

terminorum secundus, a primo naturali discedens.

**S**ed cum idem de altero omni de altero nullo prædicatur, aut de utroque omni aut de utroque nullo, figuram eiusmodi uoco secundam. Medium in ea dico, quod de utrisque prædicatur, extrema de quibus ipsum prædicatur: maius extremum, quod loco propinquum est medio, minus extremum, quod remotius est. collocatur autem medium foris, & extra, non intra extrema, & locum primum tenet. perfectus porro syllogismus in hac figura nequaquam erit, sed qui possit fieri perfectus, siue uniuerse extrema, siue non enuntientur uniuerse. ac si termini accipiantur uniuersesyllogismus erit, ad utrumlibet siue ad maius siue ad minus extremum adiungatur negatiua, alio modo nequaquam.

## S C H O L I U M.

*Discedit hic ordo ab ordine naturali, quoniam medius terminus (est autem medius, ut uidimus, quibus dicitur) non tenet locum medium, ut in superiori figura, sed primum, itaque dicitur esse foris, & extra extrema.*

*Cum idem de altero omni.*


*Erunt hæc duæ connexiones facientes syllogismum.*

*Aut de utroque.*

*Hæc vero duæ connexiones erunt inutiles, ut uidebimus*  
*hoc*

*boc autem modo voluit indicare amplitudinem quam med us terminus obtinet in hac figura. est enim primus cum solum prædicetur nulli subiiciatur propinquus ipse est maius extremum minus extremum remotius. itaque hoc modo conformanda figura est, ut id quod docetur intelligatur.*

*Primus*



*Ut vero duæ propositiones a medio ad extrema subi-  
ciantur oculis cum extremorum comprehensione, sic  
fiet figura.*



*Comprahensio extremorum negatiua semper*

*Prædicetur enim L de nullo M, & de om-  
ni N, quoniam igitur negatiua conuertitur, fit  
ut, nullum L sit M: ac modo positum est om-  
ne N esse L, ergo Nullum N est M. hoc enim  
prius est demonstratum. item si Omne M est  
L & Nullum N est L, sequitur ut nullum N sit  
M. Nam si Nullum N est L etiam nullum L  
erit N. positum est autem Omne M esse L er-*

*go*

ergo Nullum M est N. ac sic rursus effecta est prima figura. hac vero conuersa sequitur, ut Nullum N sit M. itaque erit idem syllogismus. licet autem hæc demonstrare etiam abducendo ad id, quod esse non potest. hoc igitur ordine, & modo collocatis terminis syllogismus fieri perspicuum est, sed non sit perfectus. non enim solum ex assumptis primis propositionibus, sed etiam ex aliis perficitur nexus syllogistici necessitas.

## S C H O L I V M.

Prædicetur enim.

Ordine terminorum exposito, & tradita doctrina connectendarum propositionum, ut si una sit negativa altera sit affirmatiua subiicit oculis primum syllogismum vniuersalem, qui incipit a Negatiua, & iure primum obtinet locum, quod vno tantum egeat adminiculo conuersione scilicet negatiua, ut fiat perfectus.

Imperfectus

Perfectus

Nullum M est L Conuertitur Nullum L est M

Omne N est L

Omne N est L

ergo Nullum N est M

conclusio demon-

strata in prima figura adminiculo illius conuersionis Nullum L est M per quam, L, medius terminus in locum medium restituitur, sicut postulat prima figura, quæ habet syllogismos perfectos.

Item si Omne M est L.

Alter syllogismus vniuersalis huius figure secundæ, qui incipit ab Affirmatiua, & pluribus eget adminiculis cum in eo conuerti oporteat etiam conclusionem syllogismi traducti ad primam figuram.

Imper-

Imperfectus

Perfectus

Omne M est L ——— titur Nullum L est N

Nullum N est L conuer. ——— Omne M est L

ergo Nullum N est M  $\triangleleft$  ergo Nullum M est N  
 quæ conuertitur  
 Nullum N est M

Ita hac conclusio Nullum N est M adminiculo duarum conuersionum demonstratur in hoc syllogismo, qui habet primam affirmatiuam. nec præter has duas in syllogismis vniuersalibus possunt fieri alię connexiones ex quibus sequatur syllogismus.

Licet autem hæc demonstrare etiam abducendo.

Sic supra tradens doctrinam conuersionum vsus est hoc demonstrandi modo, quo, dato falso sequitur aliquod absurdum. erat autem res nota discipulis exercitatis in disciplinis mathematicis.

Sumatur proximus syllogismus.

Datus syllogismus.

Omne M est L

Omne M est L

Nullum N est L ——— das dabis Aliquod N est M

ergo Nullum N est M si hæc nō ——— ergo Aliqd. N, est, L,  
 Impossibile: essent enim vera duę contradictoria. hoc impossibile sequitur ex data falsa. nam altera vniuersalis est vera ex dato syllogismo. ita remanet, vt conclusio illa dati syllogismi sit vera Nullum N est M, & hac demonstrandi ratio appellatur obliqua.

Hoc igitur ordine, & modo.

Demonstratum est hoc quoque modo, cum mediustertius tenet primum locum, & habet sibi subiecta duo extrema fieri syllogismus, licet imperfectum, qui per doctrinam, quam antea docuit commutandi loca prædicati & subiecti per conuersionem propositionum perficiuntur hac ratione traducti ad primam figuram, in qua nexus syllogisticus est apertus, per illa principia

dici

*dici de omni, & dici de nullo. fiunt igitur sic duo syllogismi Vniuersales, nec plures fieri possunt, nec aliter.*

Quòd si L de omni M, & de omni N prædicetur, non erit syllogismus: termini ex quibus sequitur Omni inesse substantia, animal, Homo: ex quibus sequitur nulli inesse substantia Animal Numerus. medium in vtrifq; substantia. Neque quando L de nullo M, & de nullo N prædicabitur. Termini ex quibus sequitur Omni inesse, Linea, Animal, Homo: ex quibus nulli inesse, Linea, Animal, Numerus. Perspicuum igitur est si syllogismus sit ex terminis vniuerse accepti, oportere terminos ordine, & modo quo diximus, esse connexos: aliter enim nulla sequitur certa, & necessaria conclusio.

## SCHOLIUM.

*Sunt item duæ connexiones inutiles cum vtraq. propositio est Vniuersalis, nec plures esse possunt, quas & initio indicauit cum vtraque affirmatiua, aut vtraque negatiua. in hac enim figura oportet duas propositiones esse dissimiles, & alteram alteri opponi.*

Connexiones duæ inutiles.

Omne M est L

Omne N est L

Nullum M est L

Nullum N est L

*Numeri apud Pythagoreos erant rerum principia, & substantia.*

Si vero

Si vero Medium ad alterum tantum extre-  
 morum adiungatur vniuerſe, quando fuerit  
 cum maiori extremo affirmatiue ſeu negati-  
 ue, & minor propositio fuerit particularis ex  
 aduerſo, & contradicторic pugnans, vt ſi vni-  
 uerſalis fuerit negatiua, particularis ſit affirma-  
 tiua, ſi illa fuerit affirmatiua, particularis ſit  
 negatiua, neceſſe eſt fieri ſyllogiſmum nega-  
 tiuum particulariter. Nam ſi Nullum M eſt L  
 & aliquod N eſt L Neceſſario ſequitur, vt ali-  
 quod N nō ſit M. cum enim conuertatur Ne-  
 gatiua Nullum L erit M & cum poſitum ſit  
 Aliquod N eſſe L ſequitur Aliquod N non  
 eſſe M. ſit enim ſyllogiſmus per primam figu-  
 ram Item ſi Omne M eſt L & Aliquod N non  
 eſt L neceſſe eſt, vt aliquod N nō ſit M. quod  
 ſi non concedas, dabis omne N eſſe M. at iam  
 dictum eſt Omne M eſſe L ergo omne N erit  
 L quod contradicit ei quod poſitum eſt Ali-  
 quod N non eſt L. Quod ſi loco illius, quæ di-  
 cit Aliquod N non eſt L, dicatur Non omne  
 N eſt L, erit idem ſyllogiſmus, & eadē demon-  
 ſtratio. Si vero L de M non omni prædice-  
 tur, & de N omni non erit ſyllogiſmus. Ter-  
 mini ex quibus ſequitur omni ineſſe Animal  
 ſubſtantia Coruus: ex quibus nulli ineſſe, Ani-  
 mal Album Coruus. Nec quando L de nullo  
 N & de aliquo M prædicabitur termini ex  
 quibus ſequitur omni ineſſe Animal ſubſtan-  
 tia

tia

tia Vnitas: ex quibus nulli inesse Animal Substantia Scientia. Quando igitur ex aduerso pugnat Vniuersalis cum particulari dictum est, quando erit & quando non erit syllogismus.

## S C H O L I V M.

Sequuntur duo syllogismi particulares ex altera propositione Vniuersali altera particulari, in quibus oportet maiorem propositionem esse Vniuersalem, vel negatiuam, vel affirmatiuam alteram ipsi opponi contradictorie. Primus incipit a negatiua, qua conuersa reducitur ad primam figuram, & fit perfectus.

Imperfectus

Perfectus

Nullum M est L conuertitur Nullum L est M

Aliquod N est L

Aliquod N est L

ergo Aliquod N non est M

Aliquod N est M

Alter qui incipit ab vniuersali Affirmatiua non sic potest perfici, sed demonstratur necessitas conclusionis per deductionem ad Impossibile, de qua re dictum est antea.

Omne M est L

Omne M est L

vel Nō oē Aliquod N  
non est L

Omne N est M

ergo Aliquod N

non est M



Si nō das

ergo Omne N est L

Impossibile

Si ordinem commutes, & incipias a particulari sunt duae connexiones inutiles, nec plures his duabus in hac dissimilitudine propositionum, quarum altera sit vniuersalis, fieri possunt.

Aliquod M Non est L

Omne N est L

Aliquod



*Aliquod M est L**Nullum N est L*

Si vero ab hac connexionē hęc absit dissimilitudo, fuerintq; ambę propositiones Negatiuę, vel affirmatiuę nullo modo erit syllogismus. sint enim primo negatiuę, & maior propositio sit Vniuersalis, atque L prædicetur de nullo M & non omni N insit, potest sequi ex hoc nexu vt M & omni, & nulli N insit: termini ex quibus sequitur nulli inesse Nigrum Nix Animal: vt vero sequatur omni inesse, non licet capere terminos, si æque verum sit alicui inesse, atque alicui non inesse: fac enim sequi Omne N est M cum illa iam posita sit Nullū M est L, ergo Nullum N erit L, quę contradicit illi, quę data est cum particulari negatiua Aliquod N est L. sic igitur non licet capere terminos. sed faciendā est demonstratio ex vi nō contracta ad particularem, sed cum particularis negatiua idem etiam valet, quod Vniuersalis negatiua. sic erunt duę Negatiuę Vniuersales ex quibus non fiebat syllogismus. ergo neque nunc fiet. Sint item ambę affirmatiuę & Maior Vniuersalis. Omne M est L Aliquod N est L. sequitur, & omni, & nulli inesse, termini ex quibus sequitur nulli inesse Album Cygnus lapis, ex quibus sequatur omni inesse, non licet capere terminos. ob iam dictam causam, sed faciendā demonstratio ex vi non contracta ad par-

particularem. si vero propositio fiat Vniuersalis, & L de aliquo M non prædicetur, & de nullo N prædicetur, inerit M & omni & Nulli N. termini ex quibus omni inerit Albū, Animal, Coruus: ex quibus nulli Album, lapis, Coruus. si vero sint ambæ Affirmatiuæ, ex quibus nulli inerit Album Animal Nix: ex quibus omni Album Animal Cygnus. perspicuum igitur ex similibus propositionibus cum altera fuerit vniuersalis nullum fieri syllogismum.

## S C H O L I V M.

*Persequitur reliquas connexiones inutiles ex altera Vniuersali. aut enim ambæ propositiones erunt negatiuæ, aut erunt Affirmatiuæ, & connexio fiet vel incipiendo ab vniuersali, vel incipiendo a particulari. quatuor igitur erunt, nec plures esse possunt.*

- |   |                                       |
|---|---------------------------------------|
| 1 | Nullum M est L<br>Non omne N est L    |
| 2 | Omne M est L<br>Aliquod N est L       |
| 3 | Aliquod M non est L<br>Nullum N est L |
| 4 | Aliquod M est L<br>Omne N est L       |


Non licet capere terminos.

*De hoc modo demonstrandi dictum est antea. nam propositio particularis ex vi captorum terminorum potest esse vera etiam vniuersaliter, ut si dicas aliquis Cygnus est animal, & aliquis Cygnus non est homo. non*

P

ita

ita est si dicas aliquis homo est pulcher, cum qua simul vera est etiam eius negatio, aliquis homo non est pulcher, si ergo sic ponas.

	Nullum M est L		Nullum M est L
simul	{ Aliquod N non est L Aliquod N est L		Omne N est M
vera			
	fac sequi		
	Omne N est M	ergo	Nullum N est L
			quod contradicit parti- culari affirmatiue.

Verum neque sic erit syllogismus si vtraque propositio fuerit particularis, seu affirmatiue, seu negatiue, siue hoc modo vna, illo modo altera, siue indefinite. Termini communes omnium Album Animal Homo: Album Animal Inanimatum. Est igitur perspicuum ex his, quæ dicta sunt: si hoc ordine & nexu, sicut dictum est termini constringantur fore syllogismus, ac si syllogismus sit, oportere terminos hoc ordine, & nexu constrictos esse: & omnes in hac figura syllogismos esse imperfectos: omnes enim perficiuntur, vel assumptis aliquibus, quæ vel inexistunt necessario in ipsis terminis, vel ponuntur, ut hypothæses, veluti quando fit demonstratio per impossibile: nec fieri syllogismus affirmatiuum in hac figura, sed omnes esse negatiuos, & Vniuersales, & particulares.

SCHO-

## S C H O L I V M.

Connexiones ex duabus particularibus quocunque modo ponuntur, sunt inutiles in omni figura. non fit enim syllogismus, sine Vniuersali.

Si hoc ordine.

Conuertitur res effecta cum sua causa, vt supra.

Quæ vel inexistunt.

Qui enim dicit Nullum M est L necessario dicit etiam Nullum L est M vt antea demonstratum est. & his conuersionibus syllogismi imperfecti fiunt perfecti.

Vel ponuntur, vt hypotheses.

Syllogismi per impossibile fiunt ex data hypothesis falsa, & ipsi vocantur hypothetici, vt docet in his libris.

Secunda figura non solum habet syllogismos imperfectos, sed est inferior prima etiam quoniam satisfacit tantum quæstionibus negatiuis. breuia vero præcepta regunt ordinem vtriusque figura. in prima Nexus syllogisticus requirit, ut Maior sit Vniuersalis Minor sit Affirmatiua: in secunda, vt Maior sit Vniuersalis, & minor opponatur maiori, vel contrarie, vel contradictorie.

FIGURA

P 2

FIGURA


# FIGURA TERTIA, ET ORDO tertius a primo Naturali longissime discedens.

**Q** Vando vero eidem alterum omni al-  
terum nulli inest, aut ambo eidem  
omni vel nulli, figuram eiusmodi vo-  
co tertiam. Medium in ea dico, de  
quo ambo extrema prædicamus: Extrema, quæ  
de Medio prædicantur. Maius extremum, quod  
Longius abest a medio, Minus extremum, quod  
medio propinquius est. collocatur autem me-  
dium foris, & extra extrema, & locum vlti-  
mum tenet. Nec in hac figura syllogismus per-  
fectus fit, sed qui fieri possit perfectus, siue uni-  
uerse prædicentur extrema de medio, siue non  
uniuerse.

## SCHOLIUM.

*Infima figura in qua medium subijcitur utrique ex-  
tremo, ordine contrario superiori figura.*

Remotius	Propinquius	Medium vlti-
P	R	S in loco.
Maius extremum	Minus extremum	



**S**  
*Medium subiectum utrique extremo.*

**Si**

Si vniuerſe capiantur termini, cum P & R prædicantur de omni. S. Syllogiſmus erit Aliquod R eſſe P neceſſario. quoniam enim conuertitur minor Aliquod R erit S. at ſumptum eſt omne S eſſe P. ex qua & altera Aliquod R eſt S ſequitur neceſſario Aliquod R eſſe P. per ſyllogiſmum primæ figuræ. poteſt id demonſtrari etiam per impoſſibile, & per expoſitionem terminorum ſi enim vtrumque extremū ineſt Omni S, capto aliquo eorum, quæ ſubiſciuntur Medio S, veluti ſi capiatur, N, de illo prædicabitur, & P. & R. quare aliquod R erit P. Item ſi Omne S, & R, & Nullum S eſt P. erit ſyllogiſmus Neceſſario Aliquod R non eſſe P. quod demonſtratur eodem modo per conuerſionem Propositionis Affirmatiuæ, poterit demonſtrari, & per impoſſibile, ut ſupra. Quod ſi dicatur Nullum S eſſe R, & Omne S eſſe P, non erit ſyllogiſmus. termini ex quibus ſequitur Omni ineſſe Animal Equus Homo, ex quibus ſequitur Nulli ineſſe Animal Inanimatum Homo. Nec quando vtraq; propositio eſt negatiua, eſſe poteſt ſyllogiſmus. termini ex quibus ſequitur Omni ineſſe Animal Equus Inanimatum, ex quibus Nulli Homo Equus Inanimatum. Perſpicuum igitur eſt etiam in hac figura quādo erit, & quando non erit ſyllogiſmus. ſi enim propositiones fuerint vniuerſales, quando utraque affirmatiua erit

P 3 ſyllo-

sylogismus conclusionis particularis affirmatiua, quando vtraque negatiua non erit syllogismus: quando altera negatiua altera affirmatiua, si maior erit Negatiua minor affirmatiua, erit syllogismus conclusionis particularis negatiua, si contrario modo non erit.

## SCHOLIUM.

In hac figura nihil vniuersale colligitur. si ambe propositiones sint Vniuersales Affirmatiua colligitur conclusio particularis Affirmatiua, si Maior sit Vniuersalis negatiua minor Vniuersalis affirmatiua colligitur particularis negatiua. quod sit manifestum per conuersiones.

### Imperfectus

Omne S est P  
Omne S est R conuertitur  
ergo Aliquod R est P


Nullum S est P  
Omne S est R conuertitur  
ergo Aliquod R non est P

### Perfectus

Omne S est P  
Aliquod R est S  
Aliquod R est P

Nullum S est P  
Aliquod R est S  
Aliquod R non est P

### Per impossibile.

Omne S est P	impos.	Nullum R est P
Omne S est R		Omne S est R
ergo Aliquod R est P	fibile	Nullum S est P

### Per expositionem.

Omne S est P  
Omne S est R  
ergo Aliquod R est P

Omne N est P  
Omne N est R  
ergo Aliquod R est P

Dux

Duz connexiones inutiles.

*Omne S est P**Nullum S est R**Nullum S est P**Nullum S est R*

Si vero altera propositio sit Vniuersalis altera particularis, si ambæ affirmatiuæ, ab vtrauis fuerit initium, necesse est fieri syllogismum. si enim omne S sit R, & Aliquod, S, sit, P, necesse est Aliquod, R, esse, P, nam conuersa maiore particulari fiet syllogismus Omne S est R, & aliquod P est S ergo Aliquod P est R, & aliquod R est P. item si Aliquod S est R, & Omne S est P necesse Aliquod R esse P, quod demonstratur eodem modo per conuersionem. licet idem demonstrare per impossibile, & per expositionem, vt supra. Si vero altera sit affirmatiua altera negatiua, & affirmatiua sit vniuersalis, cum minor fuerit affirmatiua, erit syllogismus. si enim omne S est R, & aliquod, S, non est, P, Aliquod R non erit, P. necessario. aliter dabis Omne r est p. & cum positum sit omne, S, esse R, sequetur Omne S esse P quod est impossibile, quia positum est Aliquod S non esse P. & absque hac abductione ad impossibile potest demonstrari per expositionem capiendo pro, S, aliquid eorum,

P      4      quæ



quæ ipsi, S, subijciuntur, cui P non insit. Quando autem maior fuerit affirmatiua, & minor particularis negatiua nō erit syllogismus. Omne S est P Aliquod S non est R: termini ex quibus sequitur omni inesse, Animatum Homo Animal. non licet capere terminos ex quibus sequatur nulli inesse, si uim suam retineat particularis negatiua, ut tam sit uera aliquod S non est R, quam Aliquod S est R. Sed sicut supra capere terminos oportet, per quos propositio particularis etiam uniuersæ enuntiata sit uera. si uero quod alicui dicitur non inesse etiā nulli insit ex tali connexionē maioris uniuersalis affirmatiuæ, & minoris uniuersalis negatiuæ supra ostensum est non esse syllogismus.

## S C H O L I V M.

Duo syllogismi cum altera propositio, est uniuersalis affirmatiua altera particularis affirmatiua.

Imperfectus		Perfectus
Aliquod S est P	Conuertitur	Omne S est R
Omne S est R		Aliquod P est S
ergo Aliquod R est P		ergo Aliquod P est R
		quæ conuertitur
		Aliquod R est P
Omne S est P		Omne S est P
Aliquod S est R	Conuertitur	Aliquod R est S
ergo Aliquod R est P		Aliquod R est P
Demonstrari possunt, ut supra per Impossible, & per expositionem.		

Syllo-

Syllogismus ex altera negativa.

Aliquod S non est P

Omne R est P

Omne S est R

ergo Aliquod R non est P

Si nō das

Omne S est R

Omne S est P

impossibile ex  
data falsa.

Post hunc tertium syllogismum antequam demonstraret  
etiam quartum ex altera negativa interponit conne-  
xionem inutilem ordine contrario huic tertio.

Omne S est P

Aliquod S non est R

Sed sicut supra.

Hic prætermisit duas demonstrationes ex quibus osten-  
ditur, an non possint capi termini, ex quibus sequatur  
nulli inesse si negativa particularis vim suam retineat,  
ut cum ea sit vera etiam affirmatiua particularis. su-  
spicor enim eas fuisse descriptas in margine descripti  
codicis pro gemina interpretatione, quam meam su-  
spicionem confirmat, quod inepte sine ullo vinculo al-  
tera subiicitur alteri Ioannes Grammaticus: videtur  
eam agnoscere, qua secundo loco posita est, quæ sic se  
habet.

Connexio inutilis.

Omne S est P

Omne S est P

simul { Aliquod S non est R

vera { Aliquod S est R

data cōcl. Nullum R est P

Aliquod S est R

ergo Aliquod R est P

qua destruitur  
conclusio data.

Alteram tamen videtur magis similis illi, qua exposita  
est in secunda figura, & illi quam paullo infra ponit  
Aristoteles.

Con-

Conaexio inutilis.

$\text{Omne } S \text{ est } P$        $\text{Nullū } R \text{ est } P$   
*simul* {  $\text{Aliquod } S \text{ non est } R$        $\text{— Aliqd } S \text{ est } R$   
*vera* {  $\text{Aliquod } S \text{ est } R$        $\text{Aliq. } S \text{ nō est } P$   
*data cōcl.*  $\text{Nullum } R \text{ est } P$       *impossibile.*

Si vero Negatiua propositio sit vniuersalis,  
 & affirmatiua sit particularis, cum maior est  
 Vniuersalis, & minor est Affirmatiua erit syl-  
 logismus. si enim Nullum S est P, & Aliquod  
 S est R, aliquod R non erit P. erit enim prima  
 figura conuersa minore affirmatiua. sed quan-  
 do minor erit Negatiua non erit syllogismus.  
 termini ex quibus sequitur omni inesse Ani-  
 mal, Homo, Agreste, ex quibus sequitur nulli  
 inesse Animal scientia Agreste, Medium in  
 utroque Agreste. nec quando ambæ proposi-  
 tiones sunt negatiuæ. atque altera vniuersalis  
 altera particularis, termini ex quibus sequitur  
 omni inesse cum minor est uniuersalis, Ani-  
 mal Homo Agreste; ex quibus nulli inesse Ani-  
 mal scientia Agreste: cum vero maior est vni-  
 uersalis, & minor particularis, termini ex qui-  
 bus sequitur nulli inesse Coruus Nix Album:  
 ex quibus autem omni inesse, non licet capere  
 terminos: si æque vera sit Aliquod S est R, &  
 Aliquod, S, non est R. Nam si Omne R est P,  
 & Aliquod S est R sequitur Aliquod S esse P  
 at positum est Nullum S esse P. sed faciendū  
 est

est demonstratio ex vniuersali negatiua, quæ æque vera sit, vt particularis negatiua, sicut supra dictum est. Verum neque sic vlllo modo erit syllogismus si utraque propositio sit particularis, siue affirmatiuæ, siue negatiuæ, siue hoc modo vna, illo modo altera, siue indeterminate: termini communes omnium animal, Homo, Album, Animal inanimatum Album. Est igitur perspicuum in hac quoque figura, quando erit, & quando non erit syllogismus: ac si hoc ordine, & nexu sicut dictum est termini sint constricti fore necessario syllogismū, si syllogismus sit, oportere terminos hoc ordine & nexu constrictos esse. perspicuum etiam est in hac figura syllogismos omnes esse imperfectos, cum omnes perficiantur quibusdam assumptis adminiculis, & nihil vniuersale concludi per hanc figuram, neque affirmando, neque negando.

## S C H O L I V M.

*Hic est reliquus quartus syllogismus ex maiori vniuersali negatiua, & minori particulari affirmatiua, nec esse possunt plures.*

Perficitur per primam figuram.

Nullum S est P		Nullum S est P
Aliquod S est R	conuertitur	Aliquod R est S
ergo Aliquod R est P		Aliquod R est P
		Seco

Sequuntur reliquæ tres. Connexiones inutiles, nec esse possunt plures.

Aliquod S est P

Nullum S est R

Aliquod; S, non est P

Nullum, S, est R

Nullum, S, est P

Aliquod, S, non est R

	Nullum S est P		Omne R est P
simul { vera { data cōcl.	Aliquod S non est R		-- Aliqd S est R
	Aliquod S est R		
	Omne R est P		erg. Aliq. S est P impossibile.

Est igitur perspicuum in hac quoque figura.

Sicut in superioribus figuris ostendit in hac quoque esse necessitatem nexus syllogistici. sed in prima est evidens, in secunda & tertia est obscurior, quæ obscuritas detegitur per adminicula, quæ dicta sunt. de tertia, & scientia est maxime necessaria, cum in singulis figuris eandem repetat conuersionem effectus cum sua causa. postulat hic nexus, & ordo tertius, ut minor propositio sit affirmatiua. in nulla figura potest fieri syllogismus, siue vniuersali. hæc est infima omnium figura in qua nihil vniuersale concluditur.

Perspicuum est id quoque in omnibus figuris, quando non fiat syllogismus, si ambæ quidem propositiones sint Affirmatiuæ, uel negatiuæ, uel particulares nullam prorsus ex tali

nexu

nexu fieri necessitatem syllogisticam : at uero ex affirmatiua , & negatiua si negatiua capta sit uniuersalis semper fit syllogismus minoris extremi, quod non prædicetur de maiori extremo : ueluti si dicatur Omne B, uel aliquod B est A, & nullum C est B. conuersis enim propositionibus necesse est aliquod A non esse C. & in alijs similiter figuris . semper enim per conuersionem is fit syllogismus. est etiam perspicuum si pro particulari affirmatiua ponatur indeterminata eundem fore syllogismum in omnibus figuris.

## SCHOLIUM.

Perspicuum est id quoque.

*Quid potest esse diligentius hac diligentia ? non solum in singulis figuris ostendit ex quibus connexionibus non fieret syllogismus, sed nunc ex quibus inutilibus in singulis figuris aliquis usus esse possit, docet. vocant syllogismos concludentes indirecte : quoniam in his colligitur conclusio particularis negatiua minoris de maiori extremo.*



Si ambæ quidem.

*Hoc potuit quisque animaduvertere ex duabus affirmatiuis in secunda figura, ex duabus negatiuis in omnibus figuris, ex duabus particularibus in omnibus similiter figuris nihil posse colligi. non enim fieri potest syllogismus, sine uniuersali, nec sine affirmatiua.*

At uero ex affirmatiua, & negatiua.

*Duo tales syllogismi fiunt in prima figura, quos indicat.*

*Omne*

<sup>conuer-</sup>  
 Omne B est A  <sup>titur</sup> Nullum B est E  
<sup>conuer-</sup>  
 Nullum C est B  <sup>titur</sup> Aliquod A est B  
 ergo Aliquod A non est C Aliquod A non est C  
 Aliquod B est A { eodem modo am Nullum B est C  
 Nullum C est B { ha conueriuntur. Aliquod A est B  
 ergo Aliquod A non est C Aliquod A non est C.  
 Et in alijs similiter figuris.

Vnus in secunda, & duo syllogismi in tertia.

Semper enim per conuersionem.

Sicut in prima figura dixit numero plurali. conuersis enim propositionibus, quia conuertenda est utraque propositio, sic nunc numero singulari per conuersionem dicere videtur quoniam per unicam conuersionem demonstratur conclusio.

In secunda

Aliquod M est L titur—Nullum L est N  
 Nullum N est L—conuer Aliquod M est L  
 ergo Aliquod M non est N Aliquod M non est N

In tertia figura.

Omne S est P—conuer Nullum S est R  
 Nullum S est R titur—Aliquod P est S  
 ergo Aliquod P non est R Aliquod P non est R  
 Aliquod S est P—conuer Nullum S est R  
 Nullum, S, est R titur—Aliquod P est S  
 ergo Aliquod P non est R Aliquod P non est R

Si pro particulari affirmatiua.

Hoc quidem, & antea monuit: hic autem recte facit mentionem tantum Affirmatiuae particularis, cum dicat in omnibus figuris: nam particularis negatiue in connectione syllogistica nullus est usus in prima figura.

Et hoc perspicuum est syllogismos omnes imperfectos perfici per primam figuram. aut  
enim

enim demonstratiue, aut per impossibile perficiuntur omnes, atque utroque modo fit prima figura. quoniam qui perficiuntur demonstratiue, omnes per conuersionem perficiuntur: quæ conuersio primam efficit figuram. qui uero per impossibile demonstrantur posito falso demonstrantur per syllogismum in prima: ueluti in ultima figura si omne C est A & omne C est B sequitur aliquod B esse A. nam si Nullum B sit A, cum positum sit omne C esse B sequitur Nullum C esse A. at positum est Omne C esse A. sic fit in alijs.

## S C H O L I V M.

*Omnis demonstratio fit uel recta uia uel obliqua. recta uia demonstrari dicitur, quod ex proprijs propositionibus concluditur, obliqua uia cum posito falso ex quo sequitur impossibile, demonstramus illud uerum esse quod oppositum est illi falso. per uiam rectam syllogismus dicitur perfici demonstratiue, quoniam quasi digi. n. intē dēdo proprias rei, de qua queritur, rationes inspiciendas obijcimus. obliq. demonstramus per syllogismū deductē ad impossibile. adhibuit supra utramq. uiam ad perficiēdos syllogismos secundæ, & tertiæ figuræ. exēpli tamen causa ostēdit quomodo per impossibile in tertia.*

Omne C est A—impos. dabis—Nullū B est A

Omne C est B—

—Omne C est B

ergo Aliquod B est A—aliter sibile—Nullū C est A  
Ex his licet intelligere quantum dignitatis sit in prima figura, in qua ceterarum perfectio continetur.


Possunt autē etiā traduci Omnes syllogismi ad uniuersales syllogismos, qui fiunt in prima figura.



figura qui enim fiunt in secunda figura perspicuum est eos perfici per syllogismos, qui fiunt in prima excepto, quod non similiter omnes, sed uniuersales quidem per conuersionem negatiuæ, particularium autem uterque per abductionem ad impossibile, qui uero fiunt in prima particulares per se quidem sunt ipsi perfecti: sed possunt etiam demonstrari per impossibile syllogismo confecto in secunda figura hoc modo.

Omne B est A p impossibile in O<sup>c</sup> B est A  
 Aliquod C est B----- Nullū C est A  
 ergo Aliq<sup>d</sup> C est A scda figura- Nullū C est B  
 impossibile.

Similis erit demonstratio etiam in syllogismo negatiuo.

Nullum B est A Nullum B est A  
 Aliquod C est B <sup>impos-</sup> Omne C est A  
 ergo Aliq. C non est A  <sup>fibile</sup> ergo Nullū C B

Ita fiunt syllogismi per impossibile in secunda figura: qui quoniam per conuersionem reducuntur ad uniuersales primæ, hac ratione etiā ipsi particulares primæ reducuntur ad Vniuersales primæ. in tertia uero figura qui fiunt ex duabus vniuersalibus statim perficiuntur per illos syllogismos abducentes ad impossibile: qui uero constant ex altera particulari primo reducuntur ad particulares primæ, quos ostendimus

dimus qua ratione, & ipsi traducantur ad uniuersales primæ. itaque & particulares in tertia sic traducuntur ad uniuersales primæ.

## SCHOLIUM.

*Ex hac doctrina intelligimus syllogismos duos uniuersales primæ omnibus vi & dignitate antecellere, quippe quibus vis caterorum contineatur. hi proprie pariunt scientiam, quæ est de uniuersalibus, & ex uniuersalibus. sed enim hec exercitatio, ut experiamur traducere reliquos omnes syllogismos ad uniuersales primæ id etiam utilitates habet, ut fiamus paratiores ad conficiendos syllogismos: paratur autem habitus omnis doctrina usu ipsius, & tractatione. docet autem ipse in singulis eius exercitationis facienda rationem.*

*In secunda figura duo syllogismi Vniuersales traducuntur per conuersionem negatiuæ ad uniuersales primæ. duo particulares per impossibile.*

*Duo particulares primæ demonstrantur primo per impossibile in secunda figura: deinde syllogismi per impossibile per conuersionem traducuntur ad primam.*


*In tertia figura duo syllogismi ex duabus uniuersalibus statim per deductionem ad Impossibile traducuntur. Qui constant ex uniuersali, & particulari sunt quatuor syllogismi: in quibus, qui incipit a particulari negatiua, non potest traduci per conuersionem ad primam figuram. id nunc non monet. vult enim discipulum esse memorem doctrinæ iam tradita. is igitur syllogismus statim traducitur per abductionem ad impossibile. tres reliqui, ut docet primo per conuersionem reducuntur ad primam figuram, deinde sicut docuit faciendum esse in particularibus primæ figure, sic faciendum est in his*

*Q* *tribus.*

tribus. est igitur in his maius negotium, & utilis exercitatio. si tamen experiare, etiam ille affirmatiuus, qui incipit a particulari affirmatiua, statim traducitur per impossibile.

### Summa Doctrinæ hactenus traditæ.

Post doctrinam de conuertendis propositionibus in triplici rerum genere cum professus esset se velle tradere doctrinam conficiendi omnis syllogismi antequam aggredieretur propriam Doctrinam de Demonstratione, quæ est subiectum genus, quo dirigitur vniuersa hæc methodus quatuor librorum Analyticorum: ex tribus terminus, quorum vnum medium vocat, reliquos duos maius extremum, & minus extremum, triplicem rationem exposuit conficiendorum syllogismorum ex triplici collocatione medij termini. In prima collocatione terminus medius tenet medium locum Maius extremum primum locum Minus extremum locum vltimum tenet, hic ordo naturalis est apertam præferens nexus syllogistici necessitatem.



extremorum comprehensio.

In secunda collocatione Medius terminus tenet primum locum, cui vtrumque extremum subijcitur.

1 A medius



In

In tertia collocatione Medius terminus ultimum locum tenet qui subijcitur utrique extremo.



medius C terminus.

Vocat hos tres ordines tres figuras nomine sumpto a disciplinis mathematicis, quæ figura conformantur lineis tribus, quarum duæ ducuntur a medio vel ad medium terminum, tertia linea claudens figuram est ab uno ad alterum extremum.

In prima figura oportet primam propositionem esse Vniuersalem secundam affirmatiuam. In ea sunt quatuor syllogismi Vniuersalis affirmatiuus Vniuersalis negatiuus Particularis affirmatiuus Particularis negatiuus.

In secunda figura oportet primam propositionem esse Vniuersalem, secundam dissimilem esse prima, ut si illa sit affirmatiua hæc sit negatiua, & contra si illa negatiua hæc affirmatiua. In ea sunt quatuor syllogismi duo Vniuersales negatiui, & duo particulares negatiui.

In tertia oportet secundam esse affirmatiuam: & in ea sunt sex syllogismi particulares, ex duabus vniuersalibus unus affirmatiuus alter negatiuus: ex altera vniuersali altera particulari duo affirmatiui, duo negatiui.

In secunda & tertia figura syllogismi sunt imperfecti, qui perficiuntur, vel per conuersionem trad. Si

Q 2 ad

ad primam figuram, qua sola habet syllogismos perfectos, vel per syllogismum deducentem ad id quod esse non potest, qui syllogismus fit in prima figura ex posita propositione falsa, & altera vera dati syllogismi. Et ut perfecte teneamus doctrinam nexus syllogistici ostendit etiam nexus omnes non syllogisticos, & inutiles, & ex ipsis inutilibus demonstravit ex quibus aliqua necessitas erui posset: fuerunt autem quinque syllogismi concludentes, ut aiunt indirecte minorem, scilicet terminum non dici de maiori. atque hæc doctrina in illis propositionibus demonstrata est quas vocant, de inesse, Nam initio ut vidimus indicavit esse tria genera enuntiationum, Vnum hoc modo Omne B est A: alterum hoc modo Necesse est omne B esse A: tertium hoc modo Contingit vel possibile est Omne B esse A. per primum genus significantur prædicata, quæ insunt subiecto non semper sed mutabiliter: per secundum, quæ insunt semper & immutabiliter: per tertium, quæ non insunt, sed possunt inesse, & possunt etiam non inesse. Primi & tertij generis prædicata sunt proprie accipienda eius generis rerum quas contingentes, ut plurimum vocant ex quibus plurimæ facultates, & artes constant. de hoc contingente suo loco docebit Aristoteles, quæ pro usu huius methodi ignorare non oportebit. His breviter explicatis pauca ex his, quæ supersunt breviter adnotabimus, quæ satis esse possint pro simplici institutione Doctrinæ Analyticæ ad quam perfecte cognoscendam instructiores postea novitij possint accedere.

Summa Doctrinæ consequentis hæc  
propemodum est.

Persequitur doctrinam syllogismorum in alteris duobus generibus enuntiationum, quæ pertinent ad, Necesse,

cesse, & ad potestatem incerti euentus, quod nomine contingentis consignatur. & sicut in doctrina conuersionum nullum erat discrimen inter propositiones de inesse, & de Neceffe esse, sic nunc docet euenire in conformandis syllogismis, quæ habent Neceffe, totidem syllogismi fiant in singulis figuris, & demonstrantur eodem modo duobus exceptis vno in secunda figura altero in tertia, qui habent particularem negatiuam. ita & connexiones non syllogisticae, & inutiles sunt eadem in vtroque genere. nec doctrina de commiscendo vtroque genere propositionum in omnibus figuris, est difficilis. discrimen satis magnum est in conformandis syllogismis ex continuentibus propositionibus, & ex mixtis cum hoc vtroque genere separatim, & illa doctrina non paruas habet difficultates, quas nos soluere conati sumus in nostris Commentarijs.

Post traditam rationem conficiendi syllogismos omnes in singulis tribus generibus, & in commiscendis ipsis sumendo alteram ex vno alteram ex alio genere propositionem, quod in omni scientia demonstratiua precipuum est, docet causas quamobrem, sint tantum tres hæ figure conformandorum omnium syllogismorum cur omnis demonstratio per terminos tres tantum cur non sine affirmatiua. sic omnem doctrinam iam traditam demonstratiua contemplatur: quam primam doctrinam huius libri appellat speculationem gignendorum syllogismorum.

Hanc sequitur altera doctrina, qua ratione possimus abundare syllogismis ad omnem propositam quaestionem: sine qua doctrina nullus esset vsus superioris doctrinae. sicut autem Terminus medius regit superiorem doctrinam, cuius triplex collocatio tres figuras gignit, sic idem medius regit hanc alteram doctrinam, nec diuitia syllogismorum aliunde parantur, quam ex com-

Q 3 parata

parata copia terminorum mediorum in omni rerum genere, sine qua copia nec recte disputari de ulla re nec scribi potest.

Est tertia doctrina qua claudit hūc primum librum de retexendis syllogismis factis: qua ipsa quoque in medio inueniendo consistit. ita quisque facile intelligere potest naturam intimam syllogismi esse contemplationem hanc triplicem Medij termini, qua ratione collocari, qua inueniri possit siue ad copiam conformandę orationes syllogistica, siue ad eam orationem compositam dissoluendam, qua tria insunt primo & per se syllogismo, qui est genus subiectum priuatum priorum Analyticorum.

Quae docentur in secundo libro non attingunt tam arcto vinculo propinquitatis syllogismum, quippe cui non primo & per se insunt, sed propter aliud. nam plura in conclusione colligere, quod primo loco traditur, inest syllogismo propter illud, quod per se accidit propositioni, ut terminis conuertatur. eiusdem generis sunt, & reliqua. sunt autem eiusmodi, qua traduntur in his prioribus libris, ut sine ipsorum praecognitione, non plene percipi possit doctrina posteriorum Analyticorum de Demonstratione.

Verum ex multis, qua traduntur in secundo libro videor mihi facturum operepretium, si hic exponam eam doctrinam, quam ultimo loco tradit de Inductione de Exemplo, & Enthymemate. Nam sicut syllogismi Dialectici, & Demonstratiui qui sic sunt, ut in his libris traditur, adhibentur in omni doctrina, & disputatione sic tum disputantes tum docentes vtuntur sepe inductione, quę est ipsa quoque syllogismus quidam, sicut Enthymema, & Exemplum, qua sunt Arma Rhetorum ad fidem faciendam sumit autem Rhetorica

*rica, sicut Dialectica a libris Analyticis sua principia.*

## Ordo syllogisticus in Inductione.

*Ordo Inductionis est ordo tertia figura in qua quod mediij vice fungitur subijcitur utrique extremo: quo tamen ordine non colligitur, sicut in tertia figura conclusio particularis, sed vniuersalis. adhibetur enim inductione ad demonstrandum si opus sit vniuersalem propositionem immediatam. sint enim tres termini A B C per C tertium terminum colligimus Omne B esse A.*

*Omne C est A*

*Omne C est B*

*ergo Omne B est A*

*Hec conclusio hac ratione nititur quoniam C & B sunt paria, & omne C est B conuertitur vniuersaliter Omne B est C quo facto reducitur syllogismus ad primam figuram.*

*Sit, A, viuens longam etatem, B, carens bile, C, singula quaque viuentia longam etatem. in hac collectione singularium omnium consistit vis inductionis, qua vel fit per species certas, & genera certa rerum, vel allatis aliquot singularibus relinquitur, sic esse concedendum in singulis omnibus eiusdem generis, aut afferendum, quod ita non sit. collectis igitur singulis animalium speciebus, quae longam etatem viuunt, & carent bile concluditur omnia, quae carent bile longam etatem viuere, quoniam in hoc syllogismo B & C sunt paria, & conuertuntur. Inductio in principio posteriorum ad probandum omnem cognitionem Mentis fieri ex praecognitis.*

Q 4      A Fieri



*A Fieri ex præcognitis.*

*B Cognitio Mentis.*

*C Disciplina mathematicæ scientiæ, & Artes de rebus syllogismus Inductio Enthymema exemplum.*

*C Disciplina Mathematica, scientia & Artes omnes. syllogismus Inductio Enthymema Exemplum fiunt ex A præcognitis. Omne C. est A.*

*Disciplinæ Mathematicæ, sunt omnis cognitio mentis. Omne C. est B. & hæc conuertitur.*

*ergo Omnis cognitio fit ex præcognitis.*

*Est frequens apud Aristotelem usus inductionis, quæ hoc modo reducitur ad ordinem syllogisticum tertiæ figuræ.*

**Quo ordine constet ratiocinatio, quæ appellatur Exemplum, quo utuntur Oratores.**

*Sit propositum Oratori demonstrare Atheniensibus non esse bellum suscipiendum aduersus Thebanos, ut perniciosum futurum.*

*Eius rei persuasio fit si ostendatur bellum contra finitimos esse perniciosum.*

*Id demonstratur per alia similia bella, quæ inferentibus fuerint perniciofa. quæ quidem similia exempla quanto plura possunt, adhibent oratores, sed nunc satis sit hoc simile, Bellum susceptum a Thebanis contra Phocenses finitimos fuisse Thebanis perniciosum.*

*His sic expositis, sic describendi sunt quatuor termini, ex quibus syllogismus vnus fit in tertia figura, sicut dictum est de Inductione: deinde assumpta conclusione huius syllogismi fit alter syllogismus in prima figura concludens id, quod propositum est demonstrare.*

**I A maius**

- 1 A Maius extremum Esse rem perniciosam.  
 2 B Suscipere bellum contra finitimos.  
 Quæst. 3 C An Athenienses suscipere debeant bellum  
 contra Thebanos finitimos.  
 4 D Allatum simile illi, quod quaritur Bellum  
 susceptum a Thebanis contra Phocen-  
 ses fuisse contra finitimos, & pernicio-  
 sum. hoc medio utitur primus syllogis-  
 mus in tertia figura.  
 D Fuit A Bellum Thebanorum contra ~~hoc~~ Phocenses  
 fuit perniciosum Thebanis.  
 D Fuit B fuit bellum contra finitimos.  
 ergo B Erit A ergo Bellum contra finitimos res erit  
 perniciosa.  
 Ex hac conclusione fit alter syllogismus in pri-  
 ma figura.  
 B Est A Bellum contra finitimos res erit per-  
 niciosa.  
 C Est B Nobis suscipitur bellum contra fini-  
 timos.  
 ergo C Erit A Si ergo suscipiatur erit pernicio-  
 sum.

Hinc licet perspicere, & ordinem, & infirmitatem  
 huius ratiocinationis. In syllogismo si comparentur  
 propositiones cum conclusione fit progressio a toto ad  
 partem: in Inductione a parte ad totum: in Exemplo  
 a parte ad partem. Quæstio enim est res singularis, &  
 quod assertur simile quæstioni est similiter res singula-  
 ris, restat ut videamus vim Enthymematis.

Enthymematis materia sunt Verisimilia, & signa.  
 Verisimile dicitur, quod plerumque ita fit, aut non fit,  
 & ita est, aut non est, sicut dicitur; veluti Adolescen-  
 tes proclives sunt ad Libidinem Invidios, & maleuolos  
 esse omnibus odio.

Qui

Qui amantur amare mutuo.

Signa triplicia sunt. aut enim rē ipsam comitantur, aut rem antecesserunt, aut rem consecuta sunt. est autem propositio apta ad demonstrandum, qua non solum ut probabili utantur oratores, sed etiam ut necessaria utantur, qui demonstrant, quamuis argumentum a signo sit a posteriori, adhibet tamen hoc etiam demonstrator, ita facit hanc distinctionem Aristoteles: ut quae probabilitate tantum nitantur vocentur signa, quae necessaria sunt aut fere necessaria, & in ordine primae figurae vocentur τεκμήρια quoniam significatur id quod scientiam gignit, & ut inquit Cicero est propria rei nota, ex his igitur conficitur Enthymema.

Est autem Enthymema syllogismus imperfectus, quia constat una tantum propositione, qua utitur orator sensum auditoris feriente, quae vero deest propositio est Maior uniuersalis probabilis, & verisimilis. Clodius erat odio Dijs Immortalibus haec est conclusio: quos semper contempserat, haec est propositio singularis, deest Vniuersalis, religionis contemptores sunt odio Dijs. sic sunt illa, Virtus est bona, qua nemo uti male potest, Pecunia mala est, qua quisque uti male potest. Omnis autem Usus rei bonus bonus est, & rei mala malus. Verum syllogismus ex verisimili, quod verisimile animo conceptum tacetur, unde videtur vocari Enthymema, ferè cadit in primam figuram: syllogismus vero ex signo cadit in omnes figuras.

### Exemplum Enthymematis ex signo in prima figura.

Hac mulier peperit quoniam habet ubera disfluenta lacte.

Qua-

Quęcunque habet vbera distenta la-

A

*A* Peperisse      Ete peperit. hac animo concepta.  
*Mediū B* vbera distenta lacte      Hac mulier habet vbera  
*C* Mulier hac      hanc solam dicunt.  
    ergo hac mulier peperit.

Exemplum ordinis secundę  
 figurę.

Hęc mulier peperit quoniam pallida est  
    Animo concepta.  
*Mediū A* pallidam esse      Quę peperere pallidę sunt  
*B* peperisse      Hęc mulier pallida est  
*C* Hac mulier      ergo peperit. syllogismus  
    nullius roboris.

Exemplum ordinis tertrię  
 figurę.

*Viros sapiētes esse viros bonos, quia Pittacus Bonus*  
*A* vir bonus      Pittacus est vir bonus  
*B* sapiens      Pittacus est sapiens  
*Mediū C* Pittacus      ergo Omnis sapiens Vir bonus,  
    & hic syllogismus est Maxi-  
    me infirmus.

Sunt & syllogismi hypothetici: inter quos nume-  
 rantur syllogismi deducētes ad impossibile, quorum  
 ope supra vsus est Aristoteles in demonstranda verita-  
 te conclusionis syllogismorum Categoricorum: sic  
 enim vocant syllogismos, qui tribus illis figuris conti-  
 nentur eo nexu astricti quem docuit. Hoc syllogis-  
 mo deducēte ad impossibile vtuntur disciplina ma-  
 thematica, & scientia. qui modus demonstnan-  
 di ex falsa hypothēsi rei, de qua quaritur confecto  
 syllo-

syllogismo deducente ad id, quod fieri & esse non potest, ostendit verum esse quod proponitur: ut Diameter non esse cum latere commensurabilem. fac enim esse commensurabilem cum latere: ex hac hypothese falsa deducunt ad rem impossibilem nempe impares numeros fieri aequales paribus: de qua demonstratione in nostris Commentarijs.


Aliae orationes hypotheticae fere constant ex duabus partibus, alteram vocant assumptum. græce ab Aristotele vocatur μεταλαμβάνεμενον, & μετάληψις: cum qua coniungunt id quod queritur, & proponitur demonstrandum: ut si una non est vis contrariorum (hoc est Assumptum) non est una scientia contrariorum: hæc est proposita questio. hæc oratio hypothetica nullo nexu syllogistico astricta est: sed ex pacto, si demonstretur assumptum, etiam questio proposita censetur demonstrata. Omnes autem orationes hypotheticae, & demonstrationes nituntur pacto & conventioni.



# DE METHODO.

QVÆ VNICA EST

APVD ARISTOTELEM.



*Methodus certam significat rationem ac viam, qua doctrinā cuiusque generis tradi oporteat. sic Cicero videtur vim eius vocabuli interpretari cum dicit, in omnibus, quæ ratione docentur & via: &, quicquid est de quo ratione & via disputatur. & apud Aristotelem non ferè aliter methodus accipi videtur, quàm pro doctrina & scientia, & lègitima tractatione vnus propositi generis. sic doctrinam Analyticam a se inuentam de conformandis syllogismis, & nexu syllogistico methodum vocat, cum dicit in primo Priorum Analyticorum rationem diuidendorum generum ad definitiones demonstrandas esse exiguam quādam particulam τὴν ἐν ἑκαστῷ μεθόδῳ, id est traditā a se methodi & doctrinæ. præceptionem vero illam diuidendorum generum appellat etiam ὁδόν, id est rationem & viam. sic propè finem Priorum Analyticorum dicit καὶ ἐπὶ ταύτῃ μεθόδῳ, id est in quacunque doctrina. sic in principio Topicorum methodum vocat præceptionem illam Topicam a se inuentam. vbi & μεθόδῳ ἔχειν ὑσφρατ sicut ἔχειν ἐπιστήμην, id est scientiam tenere & cōprehensam habere. sic & in principio Physicorum περὶ πάντας τὰς μεθόδους, id est in omnibus methodis, & doctrinis.*

*ad v*

Erinis. & in principio Ethicorum  $\pi\acute{\alpha}\sigma\alpha\ \tau\acute{\epsilon}\chi\eta\upsilon\ \kappa\alpha\iota\ \pi\acute{\alpha}\sigma\alpha\ \mu\acute{\epsilon}\theta\omicron\delta\omicron\varsigma$ , idest Omnis Ars, & omnis methodus, & doctrina. & in eodem proamio  $\mu\acute{\epsilon}\nu\ \delta\epsilon\ \mu\acute{\epsilon}\theta\omicron\delta\omicron\varsigma\ \tau\omicron\upsilon\tau\omega\upsilon\ \epsilon\pi\iota\sigma\tau\alpha\iota\ \pi\omicron\lambda\iota\tau\iota\kappa\acute{\alpha}\tau\iota\varsigma\ \delta\omicron\upsilon\lambda\alpha$ , idest *presens* igitur methodus, & doctrina hac suscipit & spectat, quæ est talis quadam Facultas, qualis est Politica. nec ferè aliter inuenias usurpatum hoc nomen apud Aristotelem, quàm protota una legitima tractatione certi unius alicuius generis, de quo sit ratione & via disputatum. Auctorem igitur Aristotelem secuti, & virorum doctorum auctoritatem, qui vim nominis interpretati sunt de methodo in commentarijs ad libros, qui pertinent ad Doctrinam Analyticam præfati sumus apud Aristotelem in docendo unam & perpetuam esse docendi rationem: cuius etiam methodi formam breuiter tunc exposuimus, eamq; in illis omnibus libris quos sumus interpretati, de Categorijs, de interpretatione, de Analytica doctrina quatuor libris prioribus, & posterioribus comprehensa ita seruari semper ostendimus, ut illam oculis ipsis liceat intueri, nisi ante acceptæ opiniones ad ea cernenda, quæ sensibus exposita sunt, aditum obstruant. Et Topica eandem statim docendi rationem in ipso vestibulo præfescunt. eam enim statim tractationem orditur a præcognoscendis.

Sed quoniam distinctio de via Doctrina, & ordine Doctrina maximam in scholis auctoritatem iamdiu obtinuit de cuius distinctionis uimagni philosophi doctrina & ingenio præstantes subtiliter disputantes nostris temporibus dissenserunt, res ipsa videtur postulare, ut quod in illis commentarijs breuiter attigi, fusius & explicatius declaretur. ac primum duos locos ex Aristotele proponemus, & considerabimus, qui pertinent ad hanc disputationem: deinde ostendemus Aristotelē hanc unā viam duntaxat tenuisse nō solum scribenda doctrina

na Analytica & Topica, scē etiam in philosophia de natura & in altera philosophia de rebus humanis, quę libris Ethicis, & Politicis continetur. alter locus est proœmium primi posteriorum Analyticorum. alter ex Ethicorum primo libro desumptus est. Proœmium posteriorum Analyticorum ita se habet.

Omnis cognitio, quę ad mentem pertinet, siue docendo, siue discendo existat, ex notitia fit antegressa. quod perspicuum est collusitantibus doctrinas omnes. nam & sciētię mathematicę doctrinam suscepti generis hoc modo peragunt, & ad exitum perducunt: & vnaquęq; cęterarum artium. sic se item res habet in orationibus, tum quę per syllogismos, tum quę per inductionē docēt. nam utraq; docent per præcognita, dum altera quasi ab intelligentibus principia sumunt, altera demorsitant vniuersale per id quod in singulis sensu ipso uerum esse percipitur, eodem etiam modo argumenta Rhetorica ad persuadendum fidem faciūt. aut. n. per exēpla, quod est instar inductionis, aut per Enthymemata, quę syllogismi vicē obtinent. Duplex autem est omnino præcognitio: alia. n. uera esse ante accipiendū est: in alijs quid sit nomen, quod loquimur, cognoscere oportet: in alijs, & hoc & illud præcognitū habere. exēpli causa ad ueritatem illud pertinet, De omni uerū esse aut affirmare, aut negare: de Triangulo si quæstio sit, ante accipere oportet, quid significet: si uero de unitate, & quid significet, & eā esse. nō. n. aque manifestum de ueritate Trianguli, & Unitatis an sint. Possumus præterea quædam recognoscere, quę ante cognouerimus, & quorundā itē cognitionē simul & statim percipere. sic ea recognoscimus quęcunq; sub uniuersali cōtinētur, quorū habem⁹ in ipso uniuersali cognitionē. Oēm. n. Triangulū pares habere duob. rectis præcognitū habueram⁹: qđ uero hic, qđ est in semicirculo descriptas, sit triāgulus, simulatq; adductus est in aspectū,

cogno-

qu.

A



cognouimus: (quædam enim hoc modo percipimus, atque id, quod infimum est, nullo medio intercedente percipitur: & ea videlicet infima sunt quæ singularia sunt & vnum numero, nec de subiecto aliquo dicuntur) at antequam adductus esset sub oculos, aut antequam effecta esset conclusio, modo quidem aliquo fortasse dicendum est, quod eum cognitum habebam, sed alio modo ignorabam. quod enim prorsus ignorabam an esset, id quæso qua ratione cognoscerem pares habere duobus rectis? sed perspicuum est hoc me modo scire, quoniam uniuersale scio, absolute vero & perfecte non scio. quod nisi ita dicatur, incidemus in nodum illum, de quo scriptum est in Menone: vel enim nihil addiscemus vel ea, quæ nouimus. neque enim ut quidam soluere conantur, dicendum est. scis nec ne scis omnem dyada parem? cū scire alter asseruisset, protulit ille dyada, quam qui responderat cum ne existere quidem eam putasset, nec parem esse scire posuit. sic enim solunt atque aiunt, se nō scisse omnem plauē dyada parē esse, sed quam esse dyada norunt. atqui sciunt certe id cuius tenent demonstrationem, & quod sumpserunt ad demonstrandum: sumpserunt autem, non, omnem quem noui esse triangulum aut numerum, sed absolute, & vniuersē numerum omnem, & omnem triangulum. nulla enim propositio talis sumitur, quem ~~tu nō~~ numerum esse, quod tu nosti rectilineum esse, sed de omni sumitur. verum nihil, opinor, prohibet, quominus quod quis addiscit, id partim sciat, partim nesciat. absurdum enim est, non, si quod nouit, certo quodam modo addiscat, sed si sic addiscat, nempe si quomodo addiscit. id eo modo prorsus ante sciat.

Scire vero nos credimus vnamquamque rem simpliciter non autem sophistico modo, qui est secundum accidens, quando & eam causam, propter quam id est, de quo queritur, credimus cognoscere, eius ipsius causam

nōsti

sam esse, nec fieri posse ut id aliter se habeat. & perspicuum est, scire, aliquid eiusmodi esse: siquidem tam qui nō sciunt, quam qui sciunt alteri credunt hoc ita se habere: qui vero sciunt etiam hoc modo rem tenent. quare cuius rei simpliciter scientia est, ea res fieri nequit, ut aliter se habeat. An porro sit alius etiam sciendi modus, postea dicetur. arbitramur autem & hunc existere, qui est per demonstrationem. voco Demonstrationem syllogismum qui efficit, ut sciamus. sciendi effectorem voco, quo scilicet ipso tenendo scimus. itaque si scire ita est, sicuti definiendo posuimus, oportet scientiam quoque Demonstratiuam ex verisque esse & primis, & immediatis, & notioribus, & prioribus, & quę sint causa conclusionis. sic enim erunt & principia propria rei, quę demonstratur. nam syllogismus erit quidem & sine his, Demonstratio vero non erit: quippe quę si hac absint, non efficient scientiam. vera igitur esse oportet ex quibus fit scientia demonstratiua. quod enim falsum est, nullo pacto sciri potest, verbi causa, Diametrum cum latere commensurabilem esse. ex primis autem indemonstrabilibus, quoniam si ex demonstrabilibus, non sciet, cum non teneat ipsorum, quę sumpsit, demonstrationem. siquidem scire non per accidens est, quorum demonstratio est, eorum tenere demonstrationem: causasque præterea, & notiora oportet esse & priora, causas quidem, quoniam tunc scimus, cum causam nominamus: & priora esse oportet, siquidem causę sunt: atque illa præcognita habere oportet non solum altero præcognoscendi modo, nempe quid vocabulum significet verum etiam præcognoscendo an res sit. Porro priora sunt & notiora duobus modis. non enim est idem prius natura & prius ad nos relatum, neque notius simpliciter & nobis notius. ac priora & notiora, quod ad nos attinet, ea dico quę magis attingunt sensum: simpliciter autem

R

priora

priora & notiora, quæ sunt a sensu magis remota, a quo longissime absint quæ sunt maxime vniuersalia, sicut ipsum proxime attingunt, quæ sunt vnum numero & singularia: suntque hæc inter se ex aduerso opposita. Ex primis autem esse idem est, quod ex principijs proprijs. nam idem dico primum & principii. itaq; propositio immediata est principium demonstrationis, immediata inquam, quæ non est alia prior.

Propositio est enūtiationis altera pars, in quæ vnum de vno. quæ si vtramuis partem aque sumit, Dialectica est, si alteram tantum definite, quippe quod ipsa vera sit, Demonstratiua est.

Enūtiatio est Antiphraseos vtralibet pars.

Antiphrasis est oppositio inter quam medium nihil intercedit.

Partes Antiphraseos, quæ est aliquid de aliquo, est Affirmatio: quæ vero aliquid ab aliquo Negatio.

Immediati principij syllogistici Thesim voco, quæ non potest demonstrari, nec tamē necesse est eam teneat qui ad discendum accedit.

Quam vero necesse est ipse teneat, quo de cunctis rerum genere doceri velit, Axioma voco. sunt enim nonnulli eiusmodi, in quibus id nominis solemus usurpare.

Ex pertinentibus ad Thesim, quæ vtramuis partem sumit aliquid videlicet aiendo, vel negando est hypothesis.

Quæ neque ait neque negat est definitio, nam definitio est Thesis quadam. siquidem Arithmeticus definiendo ponit Monadem esse quantitatem indiuiduam. quæ oratio non est hypothesis: non enim idem est dicere quid Moras sit, & Monadem esse, vel huic aut illi prædicato subijci.

In hoc præmio tam aperte ostenditur ratio decendi & discendi, ut mirum sit id non esse animaduersum. cum enim homo per se ipsum alia cognoscat, alia mente & intelli-

telligentia, diuersam esse & diuerso modo fieri docet  
 utriusque facultatis apprehensionem. nam quod perti-  
 net ad cognitionem Vniuersalis, quod mente percipi-  
 tur, sicut proposita est omnibus scientiis, & artibus, sic  
 gigni nequit sine ope aliena & ex aliquibus præcogni-  
 tis. est enim ut dicitur in Ethicis *Ἀλλὰ καὶ τὰ πρῶτα ἐπιστή-  
 μων, καὶ τὸ ἐκ τούτων Ἀλλὰ κτλ.*, idest omnis scientia requi-  
 rit doctorem a quo tradatur, & quicquid comprahendi  
 scientia potest alio docente disci potest. Quam late ve-  
 ro pateat hoc Axioma omnis cognitio, quæ ad mentem  
 pertinet siue docendo siue discendo fiat ex notitia sit  
 antegressa, aperte loquitur subsequens Inductio per  
 verbum collustrantibus omnes scientias: ut sit sensus  
 Axiomatis, Quicquid discendo & docendo mente per-  
 cipi oportet siue pertineat ad mentem contemplatri-  
 cem siue ad mentem opinatricem, & adtricem, nam  
*διάνοια*, idest Mens de utroque rerum genere dicitur,  
 ut patet in Ethicis, ad id omne cognoscendum ducitur  
 Mens per præcognita.

Omnia vero quæ docendo, & discendo intelliguntur  
 aut sunt qualia docent scientiæ Mathematicæ sic abstra-  
 ctæ a materia, ut nulla in illis habeatur ratio materiæ,  
 aut sic intelliguntur, ut natura constant: ut est vniuer-  
 se scientia rerum naturalium, quam scripsit Aristoteles,  
 a qua multiplex verum genus humanum ingenium *verum*  
 hausit & adinuenit. ergo scientiarum, & artium om-  
 nium tradendarum non multiplex est, sed vna via & ra-  
 tio: cum omnes in re vna aliqua vniuersali versentur  
 necessario, & via ad cognoscendum vniuersale progre-  
 diatur a præcognitis, ut hic aperte dicitur & ostendi-  
 tur. cuiusmodi vero sit & quotuplex & quarum rerum  
 ea præcognitio, quæ rei susceptæ doctrinam antecedere  
 debet, ipse subiicit, postquam ostendit orationes etiam ip-  
 sas, quas tractat libri Analytici, & Topici & Rhetorici

m
similiter progredi a præcognitis . sic enim inquit , Duplex autem est omnino præcognitio . Hic quidem breuiter dicit de præcognitionibus , & principijs antecedentibus doctrinam alicuius propositi generis , & scientia , sed in fine huius præmij distinctius hæc res ponitur , & explicatur . nam positis duobus principijs , quorum alterum vocat Axioma , sicuti est hæc oratio , De omni verum est , aut affirmare , aut negare , alterum vocat The-  
m
sim , postea diuidit The-  
m
sim in hypothesim , & definitionem , quæ etiam vocari potest Thesis , quorum principiorum naturam & verbis , & exemplis indicat . sed hoc lo-  
m
lo sic indicato , proposita disputatio de Methodo & ratione vnica tradenda doctrina de quocunque rerum genere postulare videtur , vt fusius totam hanc rem de præcognoscendis ante doctrinam tradendam explicemus : qua de re etiam in commentarijs nostris in doctrinam Analyticam disputauimus . Axioma , Thesis siue definitio & hypothesis sunt tria principia indemonstrabilia , ex quibus cuiusque rei scientia demonstratur , nec aliter doctrina de aliquo proposito genere tradi rite potest . Axiomata sunt quedam sententiæ communes , quarum quasi insitam in animo cognitionem habere videmur , adeo in promptu est eorum cognitio : & propterea dicuntur afferri domo nobiscum ad Doctorem , vt Totum est maius sua parte , & si ab aequalibus aequalia demas , quæ remanent sunt equalia . sed hæc simulatq. audiuntur , sensus ipse illorum veritatem agnoscit & confirmat . sunt & Axiomata ex doctrinis animaduersione doctorum hominum , vt in hoc præmio , Omnis cognitio , quæ ad mentem pertinet , ex notitia fit antegressa . hac si videntur egere alicuius expositionis , comprobantur per inductionem , quæ est ratiocinatio pertinens ad sensum : vt fit in hoc Axiomate . The-  
m
sim Aristoteles accipit quidem primo pro principio inde-  
mon-

monstrabili, quod minime secum affert qui ad discendum accedit, sed in præcognoscendis ponitur priuatim a docente, cui fidem habere oportet. Hoc principium postea diuidit in definitionem, quam vocat etiam Thesis, & in hypotesim, quæ sunt duo principia propria eius rei, cuius doctrina tradenda est, & demonstranda. Hæc igitur tria sunt ex quibus docent, qui demonstrant, in quo uero uersatur demonstratio, est genus subiectum, quæ uero demonstrantur sunt propriæ affectiones ipsius subiecti, & quæ per se de ipso prædicantur subiecto. nec solum unaquæque demonstratio constiat ex his tribus, wgi δ, quibus uerbis significatur genus subiectum, καὶ α, quæ propria demonstrantur de genere subiecto, καὶ ἐξ αὐ, & ex quibus ipsa propria demonstrantur, sed methodus omnis, & scientia ex his necessario constat & conficitur. itaque Aristoteles semper indicat subiectum genus institutum methodi, & pace dixerim tot doctissimorum uirorum, qui publice docent, frustra querunt & extra methodum, quam susceperunt interpretandam, genus subiectum. An non & ratio ipsi docendi postulat, ut indicetur qua de re sit disputatio instituta? id uero non solum indicat Aristoteles, sed etiam ipsius subiecti præcognitionem præponit per definitionem. hunc enim etiam usum præbet Demonstrationi Definitio, sicut Aristoteles docet, ut uidelicet sit principium Demonstrationis. sic tradita sunt Disciplina mathematica: sic tradita est Doctrina Analytica ab Aristotele. quæ Doctrina, quoniam oratio ad quantum pertinet sicut numerus & magnitudo, quæ sunt subiecta disciplinarum mathematicarum, similiter mathematicis disciplinis tractatur ab Aristotele nempe, ut res abstracta a materia. itaque in libris, quæ pertinent ad Doctrinam Analyticam, cum nulla ratio materia habeatur, sicut etiam in mathematicis, ponuntur statim sine ulla di-

*sputatione principia præcognoscenda ante doctrinam tradendam. Liber Categoriarum etiam sine ullo præm:o, sicut fit apud Euclidem, accipit discipulos exercitatos in Demonstrationibus geometricis, & Arithmeti-  
cis, præpositis definitionibus, & hypothesibus, quas præcognoscere oportebat ante doctrinam Categoriarum. quæ Categorię sunt genus subiectum eius libri, quatenus eo vocabulo comprehenduntur omnia, quę loquimur in-  
complexa nec efficiunt orationem. nam cum oratio enuntiatiua composita, cuius doctrina traditur in libris Analyticis, constet ex orationibus simplicibus, quarum doctrina traditur in libro de interpretatione, quæ orationes simplices resolvuntur in hæc, quæ loquimur non complicando: de hoc magis remoto principio illius orationis Analytica tractatur in libro Categoriarum quatenus postulat usus, & ratio illius conficiendę orationis, quę tractatur in sequenti libro de interpretatione: quæ oratio est alterum principium proximum orationis Analytica. sunt enim hi duo libri principia præcognoscenda ante Doctrinam Analyticam.*

unde

*Cum ergo Doctrina de vocibus incomplexis orationem spectet ex ipsis conficiendam, in qua alię voces significant substantiam, alię accidens, alię predicantur, alię subiiciuntur, alię sunt homonymę, alię synonymę, alię denominatiuę, habent alię contraria & quibus opponuntur, alię non habent, alię suscipiunt magis, & minus, alię non suscipiunt, hæc & eiusmodi, quę accidunt vocibus incomplexis, considerat Categoriarum doctrina. erant ergo in præcognoscendis necessario præponenda, inde necessario comprehensa contineretur omnis significatio vocum incomplexarum, & unde manaret, ut alię de alijs prædicarentur, alię subiicerentur, & quoniam prædicata in oratione dominantur, erat præscribendum aliquid unde cognoscerentur verę prædi-*

prædicata, Hæc vniuersa præratio quinque hypothese-  
bus præscribitur. cum vero in subiectis, & prædicatis,  
ex quibus componitur oratio, de qua in libro sequenti  
de Interpretatione, in primis attendenda sit, ut in eo  
libro docet, homonymia & synonymia, vis harum af-  
fectionum, explicanda erat, ut intelligeretur, quid si-  
gnificarent hæc vocabula: & præterea quid essent de-  
nominatiua ab aliquo, quod pertinet ad rsum acci-  
dentis in oratione. non enim dicimus homo est fortitu-  
do, sed homo est fortis. Deserviunt igitur, & Theses  
seu definitiones, & hypotheses principijs præcognoscen-  
dis ante doctrinam tradendam in omni methodo, ut di-  
ximus, & ipse docet Aristotèles ac semper facit. nonne  
sic faciendum esse dicit, & facit in libro de Interpreta-  
tione definiens quid nomen quid verbum, quid oratio,  
quid Enuntiatio, quam & indicat esse genus subiectum  
illius libri, quid Affirmatio, quid negatio? nonne incipit  
Analytica priora statim ab indicando genere subie-  
cto illius vniuersæ tractationis, quæ quatuor libris expli-  
catur, & a definiendis, & supponendis, quæ definire, &  
supponere oportebat? nonne idem facit in hoc proæmio  
posterorum Analyticorum definiens, quia sit scire  
simpliciter, tum quid sit Axioma, quid Thesis seu defi-  
nitio, quid hypothesis? quæ sunt tria principia imme-  
diata antecedentia omnem demonstrationem, & scien-  
tiam? sic exoritur etiam Topicam methodum,  
quæ pertinet ad Dialecticam facultatem. atque hæc  
docendi ratio ex constitutis primo principijs hoc  
modo cuiusque generis, quod Methodus tractandum  
suscepit, in singulis his libris, quos diximus, adeo  
est aperta, ut oculis ipsis cernatur, & mirum  
videri debeat id non esse animaduersum. nam  
non tam mirandum est eandem docendi rationem  
non esse animaduersam in Physica philosophia,



Et altera philosophia de rebus humanis, ubi principia constituenda longa egebant disputatione: quæ longa disputatio quasi nebulam obduxit oculis, ut ne tam aperte hæc docendi ratio in omnibus eadem cerni posset, sicut in Doctrina Analytica, & methodo Topica, ubi eandem rationem docendi pro palam ipsis oculis expositam intueri licet, quemadmodum etiam in disciplinis mathematicis. atque hæc sint satis, quod pertinet ad præmium primi libri posteriorum Analyticorum.

Alter locus ex primo Ethicorum paullo post præmium quem maxime in suam sententiam pertrahere conantur, qui altercantur de via doctrinæ, & ordinē doctrinæ. hoc modo se habet Aristotelis disputatio.

Nolim tamen illud nos lateat differre inter se institutæ methodi disputationes, quæ sunt ex positis principiis, & disputationes, quæ sunt ad principia cognoscenda. scire enim Plato quoque dubitabat, & querebat utrum disputandi viam insisteret a principiis, an ducentem ad principia cognoscenda, ceu qui in stadio sit cursus a præfectis ludorum ad metam, aut contra. nam omnino a notis instituenda est disputatio. nota uero duorum generum sunt, altera quæ nobis, altera quæ suapte natura & vi sunt manifesta. Ac fortasse, quod ad nos quidem pertinet hoc loco, incipiendum est ab ijs, quæ sunt nota nobis. quapropter oportet esse bona & recta eductum atque exercitatum disciplina, qui velit aptus, & idoneus audire de honestis, & iustis, & vniuersæ de omnibus, in quibus Politica versatur. rem enim existere, de qua queritur, & ita se habere est principium eius rei doctrinam antecedens. hac antecedente institutione ex recta disciplina satis si auditor sit præmunitus, nihil erit opus præterea laborare in afferendis causis cur ita se res habeat, sed vel ipse eas tenebit, vel facile alio docente

docente percipiet. cui vero neutrum adest audiat hac  
Hesiodi carmina.

Optimus ille, potest qui in cunctis noscere per se  
Quid magis in vita expediat. bonus ille deinde est,  
Qui bene precipienti obtemperat. at malus ille  
Et nequam: qui nec sapit ipse, nec alterius, qui  
Consultit vtiliter, monitis accommodat aurem.

Aristoteles instituta disputatione ad inveniendam  
Beatitudinis definitionem, de qua re etiam inter philo-  
sophos erat magna dis~~sen~~sio, breuiter & opportune di-  
greditur docens duplicem esse viam, & rationem di-  
sp~~u~~tandi. nam subiectum genus, & alia principia ante-  
cedentia doctrinam tradendam in omni methodo, &  
scientia non sunt eiusdem nature. in Mathe~~si~~sibus enim  
& Analytica Topicaque methodo principia, vt dixi-  
mus, considerantur pura & abstracta a materia: quam  
ob causam nullam habent dubitationem, & ponuntur  
in principio methodi absque vlla inquisitione & dubi-  
tatione. non sic fieri potest in methodis de rebus, vt in  
philosophia de natura, & in philosophia de rebus hu-  
manis: quam vtranque methodo pulcherrima, & accu-  
ratissima tractauit Aristoteles: in eiusmodi igitur scien-  
tijs non sine inquisitione, & multa disputatione princi-  
pia constitui, & definiri possunt. eam hic inquisitionem  
& disputationem docet plurimum differre a disputa-  
tione, quæ postea fit a positis, et constitutis principijs:  
per quam traditur doctrina propositi generis. atque hæc  
prima pars huius digressionis non potest in alium sen-  
sum detorqueri, qui conueniat cum illis, quæ antecesser-  
unt, et quæ consequuntur. nunc ergo per similitudinem  
indicato discrimine vtriusque viæ, et rationis disputan-  
di, quæ contrario modo progreditur, docet omnem prorsus  
disputationem si rite fiat a notis progressionem fa-  
cere: et cum nota sint duorum generum, sicut est scri-  
ptum

*Aug. 150*

ptum in posterioribus Analyticis, præsentem institutam  
 disputationem concludit faciendam esse a notioribus no-  
 bis. in oratione autem Aristotelica aduertendum ver-  
 bum ἡμῶν, quod spectat presentis temporis institutam  
 de Beatitudinis definitione disputationem. & nullo mo-  
 do potest hac digressio pertrahi ad distinctionem illam  
 de via & ordine doctrinæ, quæ multis concitauit turbas  
 inutiles. progreditur igitur a notioribus nobis præsens  
 disputatio ducens ad cognoscendam naturam propositi  
 principij quod est Beatitudo, id confirmat duplici gene-  
 re notionis τοῦ ὄντος, & τοῦ ἀδύνατον: quorum alterum nempe,  
 τὸ ὄντι, & sua natura nobis notius est, & antecedit cogni-  
 tionem, τοῦ ἀδύνατον, in omni methodo ubi principia ponun-  
 tur esse, & quid sunt, & auditori huius philosophi re-  
 ipsa & viæ consuetudine recta notum esse oportet hoc  
 genus cognitionis, sicut præmonuit in præmio cū dispu-  
 tauit de idoneo auditore. hoc modo intellectus sententia  
 huius digressionis, & inter se consentiunt, & cum supe-  
 rioribus, & nihil habent ambigui. nam quæ hic disputan-  
 tur diuersis virorum doctorum sententijs, ut nō magno-  
 pere videntur attingere, quæ seruat ubique Aristoteles  
 in docendo rationē, sic discipulorum mentes huc illuc di-  
 stractas vehementer perturbant. Hæc igitur locus aper-  
 te ostendit in eadem methodo si sciipi interdum oportere  
 duplicem rationem disputandi, cum ambigitur de prin-  
 cipijs constituendis quid sint, quæ sint, quot sint, & hæc  
 disputatio necessario progreditur a notioribus nobis,  
 alteram quæ positis ipsis principijs progreditur ad ea  
 demonstranda, quæ sunt propria accidentia subiecti ge-  
 neris propositi: a quo principio manat vniuersa traden-  
 da doctrina tanquam a fonte breuissimæ definitionis descri-  
 ptione conclusio. & hæc disputatio progrediens a prin-  
 cipijs, quæ suapte natura & vi sunt notiora, scientiam  
 gignit. & cuiusque scientia, & methodi principia præ-  
 cognos-

cognoscenda sunt, sicut ostensum est in Methodo Analytica & Topica, definitiones, & hypotheses propria cuiusque suscepti generis.

Non est autem parui momenti in construenda metho-  
do generis constituendi iudicium, in quo deligendo ubi-  
que admirabilis est Aristoteles id nisi fiat optimo iudi-  
cio, quod tamen vix vnus aliquis videtur animaduer-  
tisse, necesse est tractationem sumptam hiantem, pertur-  
batam, nec vnā esse & simplicem. id quod in primis  
cūnis recte instituta praeceptio postulat. hoc vñ & sim-  
plex uocat unum *συνδίσμω*, id est vinculo & nexu, quo  
quæ docentur omnia sic inter se & cū subiecto cohaerēt  
oportet, ut quasi membris suo quibusq; loco distributis  
corpus unum efficiant. Hunc sic constrictum & aptum  
vnius tractationis nexum docuit Aristoteles ex Homero  
requiri etiā in Epica fabula. itaq; in secundo posteriorū  
Analyticorū, cum eiusmodi tractationis simplicitatē indi-  
care vult, & docere cuiusmodi sit *εἰς συνδίσμω λόγος*,  
id est una vinculo & ratio, non dubitat exempli causa di-  
cere talem esse Homeri Iliada, in qua quæ narrantur om-  
nia ad iratum Achillem, quæ persona sic effecta est uelu-  
ti subiectum genus eius fabulæ, referuntur. quod si Poe-  
ta in Epica fabula scribenda, in qua miscētur falsa cum  
ueris, peccat, nec scribit, ut oportet, nisi ita mentitur, sic  
veris falsa remiscet, primo ne medicum, medicus ne di-  
screpet imum, atque omnia tanquam membra recte &  
apte collata corpus vnum efficiant: quid faciat solida  
veritatis contemplator, & scriptor? qua uero id alia  
assequatur uia, nisi acri iudicio uno delecto genere  
animo omnia comprehensa teneat, & uim singulo-  
rum, quæ ad ipsum genus pertinent, atque singula suo  
quæque loco coniuncta distribuat a primo usque ad ul-  
timum, ut siquid amoueatur aut mutet locum, muti-  
lato, & perturbatio cū corporis integri consequatur.

regit

regit autem huius continentis ordinis rationem illud  
 precipue, quo dictum est gigni apud mentem nostram  
 rei scientiam ex aliqua videlicet antegressa notitia.  
 Conuenienter ergo ante vniuersam doctrinam colloca-  
 tur principium  $\pi\epsilon\pi\iota\delta$ , idest genus subiectum, quod &  
 esse, & quid sit præcognoscere oportet, & cum eo siue  
 partes aliqua siue affectiones, & propria si qua postu-  
 lant explicari, quid sint aut quid significant, tum si qua  
 est hypothesis, quæ vniuerse pertineat ad doctrinam  
 propositam, ut indicauimus in doctrina Analytica, &  
 Topica. atque horum etiam principiorum collocando-  
 rum ante doctrinam ostendimus in nostris commentarijs  
 esse rationem aliquam ordinis, & prudentiam. Horum  
 vero præcognitio sicuti præluce primæ constituendæ do-  
 ctrinae, ut in illis commentarijs monuimus, sic quicquid  
 deinceps continenter docetur, ita connectendum est, ut  
 quod antecedit, ei, quod sequitur, quasi lumen præferre  
 videatur. Hic ordo, hac prudens rerum series docen-  
 darum vno quasi propinquitatis vinculo coniuncta ab  
 vno delecto genere dimanans Methodus vocatur. quod  
 genus delectum vniuersam docentis contemplationem  
 regit, ut ne terminos instituta disputationis egredia-  
 tur, aut inepte digrediat a re proposita. sunt enim &  
 hæ leges methodice scribentis & docentis. Hac primus  
 ratione accuratissime docuit, quæ methodice scripsit  
 Aristoteles, qui præter Analyticam doctrinam, & To-  
 picam scripsit etiam Politicam facultatem, quæ est phi-  
 losophia de rebus humanis, quam diuisit in Ethicos li-  
 bros, & Politicos. scripsit eodem modo philosophiam  
 de natura. in quibus duabus methodis quoniam hæc do-  
 cendi ratio latuisse alios videtur propter longas dispu-  
 tationes habitas necessario de principijs constituendis  
 ante doctrinam, conemur illam e tenebris eruere: si mo-  
 do tenebræ dicenda sunt istæ, in quibus quid lateat, pro-  
 belippi

belli discernere, & liquide non queant. ac primum conemur dicere de methodo Politica: quam ante Aristotelem nemo sic tractauit, ut quod vniuerse Facultas susciperet Politica, id ordine distributum, sicut ipse fecit admirabiliter, via & ratione doceret. qua de re in fine libri Decimi Aristoteles, & nos in commentarijs nostris copiosius. nunc id tantum quod de methodo proposuimus & quam breuissime fieri potest ostendatur.

Genus subiectum in quo tractando versatur Politica prudentia, quam facultatem appellat architectonicam & principem, cuius causam vide in nostris commentarijs, est τὰ γὰρ ἀνθρώπων πίων, id est summum hominis bonum, cuius adeptione homo beatus efficitur. in eo bono adipiscendo cum videret opus esse per diligenti disciplina puerili, eam tractationem bimembrem statuit, alteram inscripsit τὰ νῦν ἠθικά, id est Ethica. in libris autem Ethicis precipuus scopus est vniuerse vi virtutis explicata, & omnium virtutum sigillatim officijs demonstratis, quibus honesti mores recta institutione ab ineunte aetate conformari possint, ea omnia docere, quæ hominem beatum efficiunt: alteram inscripsit τὰ πολιτικά complectentem, scilicet vniuerse omne genus ciuitatum administrandarum, ut ostendat quibus legibus ac moribus constituenda sit optima ciuitas, cui uni propositum est ciues publica cura ad omnem virtutem eruditos beatos efficere. ita cum ostendat in Ethicis rationem adipiscendæ beatitudinis per virtutum exercitationem ab ineunte aetate, & cum eius disciplina cura necessario sit vel priuata, id est paterna, vel publica id est ciuitatis, propter auctoritatem, quæ possit cogere ad obediendum etiam improba, & inuerecunda puerorum ingenia; in libris Politicis ciuitatem constitutam suscipit, in qua iidem sint ciues boni, & viri boni: qui in communi conuictu mutuis inter se am. oris, & uir-

tutibus

tutum officiis bene beatæque vivere possit. hac igitur optime animo comprehensa propositi generis tractatione, in præmio, ut solet, breuiter indicat quid susceperit tractandum & simul, quanta sit eius rei dignitas, & utilitas. quam rem etiam obiter dari oportere significat. docuit autem in posterioribus Analyticis genus tractandum dupliciter præcognosci oportere, nempe & esse & quid sit. addit ad quam id genus facultatem pertineat: cuius etiam facultatis amplitudinem & dignitatem ostendit. tum qualis sit propositi generis materia, & quo sit tractanda modo, & quis eius doctrina sit idoneus auditor: atque ita auditore preparato statim sicut ratio docendi & methodus omnis postulat, ante omnia statuendum esse dicit, quid sit id quod indicauit & propositum esse Politicę Facultati & se tractandum suscepisse. Hæc vero disputatio in querenda & confirmanda summi hominis boni, idest Beatitudinis humane definitione implet fere librum primum totum. in cuius libri fine definitioni Beatitudinis adiuncta sunt duæ hypotheses, altera de diuisione Animę, ad quam animam Beatitudo hominis ex posita definitione pertinet: altera de diuisione virtutis, in cuius videlicet virtutis usu & exercitatione docuit sitam esse hominis beatitudinē. si quæ ad modum in disciplinis mathematicis, & in doctrina Analytica, quæ tractant genus subiectum abstractum a materia, ita hic. sine ulla disceptatione poni potuisset hæc definitio cum gemina illa hypothesi (in his enim est summa totius primi libri) nonne hæc sicut in illis doctrinis videremus aperte hæc esse principia præcognoscenda ante doctrinam tradendam? sed cum hæc tam multa huius principij constituenđi causâ disputata sint, quid causâ est quamobrem hæc disputatio non sit aliud, & differat a doctrina tradenda? Doctrina enim tradenda est, quæ progreditur a principijs positis, in quibus ge-  
nus



ius subiectum obtinet primum locum: quod subiectum esse, & quid sit, præcognosci oportet. & sic fit in omni methodo. differunt autem sicut supra ostensum est, differunt, inquam, disputationes inter se, quæ sunt ex principijs positis eorum, quæ tractantur, & disputationes, quæ ducunt ad principia cognoscenda, quæ disputationes progrediuntur per ea, quæ sunt notiora nobis, uti dictum est. Eodem modo fit in secundo libro longa disputatio, ut inueniatur definitio Virtutis moralis, sub qua tandem inuenta collocantur etiam singularum virtutum moralium definitiones, excepta definitione iustitiæ, de qua separatim ultimo loco prudenti iudicio docet in Quinto libro. quæ de re in commentarijs nostris in libros Ethicos. adiungit in fine secundi libri sicut fecit in primo quasi tam veluti hypotheses de natura virtutis moralis, & extremorum. est enim virtus medium vitiorum utrinque reductum. Continet igitur liber secundus alteram longam disputationem de altero principio quod est virtus, & quadam alia itidem statuentem ante doctrinam de Beatitudine. Continet & pars tertij libri propter definitionem virtutis alia principia sine quorum præcognitione doctrina de Beatitudine tradi recte non poterat. nam disputatur quid sit involuntarium quid voluntarium, ut inueniatur quid sit ἀπορίστος, quæ necessario requiritur in omni actione honesta, nulla enim actio dici potest honesta, nisi iudicio, & consilio suscepta. disputatur, & de voluntate. & cum his quoniam non alibi commodius, & rectius est præclara disputatio, quod tam virtus, quam vitium posita sint in nostra potestate. atque hætenus de principijs. his enim quasi iactis fundamentis incipiens ab actionibus, in quibus cernitur fortitudo aggreditur doctrinam de Beatitudine, quæ est actio præstantissima, usum quidem perfectissimum & constatissimum vir-



virtutum omnium complexa, sed earum precipue virtutum, quæ ceteris antecellunt. itaque persequitur translationem singillatim virtutum omnium moralium, & ultimo loco earum, quæ sunt actionis, & intelligentiæ, ex quibus cum Prudentia præsit virtutibus moralibus, & rebus agendis omnibus: sapiëntia vero sit suprema mentis humanæ perfectio, hinc exoritur duplex Beatitudo Actiua, & Contemplatiua, de quibus in ultimo libro. in eo posita est magna scribentis prudentia, ut postquam animo comprehenderit omnia, quæ genus susceptum proprie attingunt, uideat quid coniunctim quid melius separatim cum suis principijs tractetur, quamuis ut membra vnius generis vnum omnia corpus efficiant, post virtutes actionis, & cognitionis Aristoteles eadē via positis primo, quæ præcognoscere oportet separatim septimo libro docet de temperantia, & Tolerantia quid differant ab habitu constanti & imperturbato virtutis, & cum his de uirtute Heroica, & illi contraria feritate: pulcherrimeq; describit continentis, & incontinentis naturam. Octauo & nono libro eadem via tradit, quæ pertinent ad Amicitiam: quæ & magnam habet cum uirtute propinquitatem, & maximum est bonorum omnium externorum, quibus eget bonis omnibus hominis cumulata felicitas. Disputat postremo separatim de Voluptate, quam docet ita coniunctam esse cū Beatitudine, ut ab ea diuelli nequeat, siue sit Actiua siue contemplatiua. Prudentis enim & uiri sapientis actiones iucundissimas esse oportet. hæc est Methodus Ethicorum librorum breuiter exposita. in qua licet intueri definitiones, & hypotheses antecedentes doctrinam tradendam, & duplex illud genus differens disputationū a notioribus nobis, & a principijs, quæ sunt notiora suapte ui & natura. Ut verò Ethica; qua inscriptione significatur morum, & uis institutio ad uitam beatam adipi-

*adipiscendam: sic etiam Politica tractantur, id est instituendarum ciuitatum rationes, in quibus una est optima ciuitas in qua ciues bene beateq; viuunt eruditi ad iustum Politicum naturale quod vnum & idem ubiq; terrarum est, sicut docetur in Ethicis. Cum enim societas hominum, quę ciuitas vocatur, sit genus subiectum librorum Politicorum multa disputat de gradibus societatum ex quibus constat ciuitas, de genere multiplici constituentium ciuitatem, de iure multiplici & communicatione, vt tandem inueniat definitionem ciuitatis, quę omnia sunt principia doctrinę tradenda. sed nos methodum huius alterius membri nunc demonstrandam non suscepimus cum praesertim eam methodum iniuria temporum imperfectam habeamus, vt ostendimus in nostris commentarijs. itaque reliquum est ne fidem promissi fallam vt eandem docendi rationem in Phisicis, & scientia naturali demonstrarem, & quoniam id ex Phisicorum prooemio intelligi praecipue potuit, si quam haberet sententiam attente animaduersum esset; ipsum prooemium hic positum considerandum suscipiam.*

*Quoniam cognitio & scientia in omnibus Methodis, & scientijs, quarum videlicet rerum principia existunt, aut causa aut elementa, ex ijs principijs, vel causis, vel elementis percipiendis comparatur: tunc enim vnamquamque rem scire nos credimus, quando & principia ipsa prima & causas nouerimus primas, ac illud demum cognouerimus, ex quibus res quaque constat elementis: perspicuum est, nobis, quibus proposita est scientia de natura, primo conandum esse, ut definiamus ipsa principia. sic autem comparatum est, ut ad ea, quę suapte vi clariora sunt & notiora, ea pergamus uia, quę nobis est nota magis, & aperta. non enim eadem nobis, & per se ac simpliciter nota sunt. quomobrem necesse est hoc modo progrediamur, ab ijs nimirum, quę natu-*

S

ram

ram quidem intus suam tectiorem, & obscuriorem gerunt, ob id vero quod foris monstrāt, nobis notiora sunt, ad ea quae per sese clariora sunt & notiora. sunt autem manifesta nobis primo & aperta, quae minus defini te & distincte dicuntur: ex quibus deinde per ipsorum distributionem & distinctionem, causae & elementa nota sunt. Quapropter ab uniuersae comprahensis ad ea, quae sigillatim & distincte sint expressa procedere oportet. nam quod totum est sensu magis percipitur. uniuersae vero dictum totum quoddam est: multas enim seu partes confuse comprahendit id, quod dicitur uniuersae. accidit hoc idem quodammodo etiam in nominibus, & eorum definitionibus. siquidem totum quoddam & indistincte nomina significant, veluti circulus: cuius definitio confusam illam multorum comprehensionem distribute & singillatim explicat. & pueri infantes omnes primo viros patres appellant & feminas matres, deinde & hoc & illud distincte internoscunt.

Sicut vidimus in proœmio posteriorum quicquid docetur & discitur, quod ad mentem pertineat, doceri & disci vno & eodem modo nempe a præcognitis, sic hoc exorditur proœmiū, omnium methodorū vnam esse viā docendi a causis præcognitis propositi generis. itaque frustra conamur ostendere varia genera methodorum. In hoc autē proœmio quod præponit uniuersae tractationi rerū omnium naturalium, ostendit, quid sibi propositum sit, & quid ante omnia sibi facere sit necesse, tum quæ sit eius faciendi ratio. ostēdit. n. se suscepisse tractandam scientiam de natura, quod facere nullo modo possit nisi ante certa distributa & definita rerum naturalium principia explicentur. verbum *πρῶτον*. i. primo, significat cognitionem necessario antecedentē rerum tradendarum doctrinam, & *διορίσασθαι*, id est definire, ut ostendimus in libris *Analyticis*, & in his libris de principijs  
phy-

physicis sæpius licet animaduvertere, pertinet ad explanationem principiorum præcognoscendorum. scientia ergo siue, ut dicit in principio libri tertij Methodus de natura postulat hanc primo loco statuendam principiorum præcognitionem definitione explicandam. ita disputando ponit quid sit materia, quid forma, quid priuatio, quid Natura, quid Motus & reliqua, quæ primis quatuor libris exponuntur. de quibus, & alijs quatuor libris dicemus quomodo ab Aristotele distinguantur, & pertineant omnes ad principiorum cognitionem: sine qua præcognitione scientia de Natura tradi non potuerit. rationem autem cur sit necesse hac via docere ex præcognitis principijs, affert hic ex Analyticis: tunc enim inquit, tenere nos scientiam putamus, cum primas rerum causas nouerimus. primæ vero sunt quarum alia nulla prior est. cuiusmodi sunt, quæ in his libris longa disputatione explicantur. eandem adducit rationem in secundo libro ubi sic scriptum est. His definitis considerandum est de causis, tum quales tum quoto numero sint. nam cum hæc tractatio suscepta sit, ut rerum naturalium scientia comparatur, nec prius cuiusq; rei scientiam tenere nos arbitremur, quam de re quaq; causam perceperimus, quamobrem sit, id quod sit percepta prima causa, sine dubio sic nobis quoque faciendum est etiam in his, quæ oriuntur & intereunt, planeq; in omni immutatione naturali, ut cognitis ipsorum primis causis in ipsas singula de quibus queritur, referre conemur.

An non idem colligitur ex his, quod ex præmio in scientia qualibet tradenda principiorum notitiam antecedere oportere, & esse res & disputationes inter se distinctas, rerum naturalium scientiam tradendam, & principiorum notitiā necessario antecedentem? res. n. illa sunt subiectum, de quo scientia instituenda proponitur: quod subiectum sub nomine naturæ significatur, cum dicit scientiā

& Methodum de Natura: Principia uero sunt ex quibus scientia tradenda est. quod postremis uerbis significat dicens, ut cognitis ipsorum primis causis, in ipsas singula de quibus quarimus referre conemur. utitur & hic uerbo *ἀπορίσκειν*, quod ad notitiam faciendā principiorum pertinet, quia notitia fit alia & diuersa ratione, ut dictum est, atque doctrina traditur de proposito genere subiecto. indicat hoc Aristoteles illis proœmij uerbis *ὡς ποῦ καὶ τί*, id est sic autem comparatum est, & quę sequuntur usque ad proœmij finem, ostendens rationem huius tractatę disputationis de principijs, & uiam ad ea principia inuenienda constituenda, & definienda. nihil enim erat magis controuersum inter philosophos, quam quot essent, quę essent principia rerum naturalium, & cuiusmodi esset eorum natura & essentia. utitur uocabulo *via* sicut in Ethicis loco de quo supra, ad significandam rationem multiplicem & differētem disputandi accommodatę, scilicet ad rem de qua queritur. est enim rei disputatio uel per quam scientia paritur causa prima demonstranda, uel per quam non hoc modo, sed alio modo, id est a notioribus nobis paritur cognitio. immo nec alio modo principiorum cognitio fieri potest. cum enim sint causę prima, per alia priora demonstrari non possunt. itaque ad habendam eorum notitiam, quot sint, quę sint, & quid sint, alia incedendum est *via*, quam fit in scientia, & doctrina rerum tradenda: ubi *via* pręcipua est ex demonstrandis rerum causis. in disputatione de principijs *via* multiplex est, quę traditur in methodo Topica. in qua tractatione dicit Aristoteles Dialecticam ad quam Methodus illa pertinet magnum usum Philosophię, & scientijs prębere pręsertim ad disputandum de primis ex quibus fiunt Demonstrationes, & de principijs scientiarum. Cum ergo ad cognitionem Vniuersalis duplex sit *via*, & altera

scien-

scientiarum sit propria a magis vniuersalibus ad minus vniuersalia, altera qua nos, quorum cognitio a sensibus ortū habet, ab his, quæ sensu percipiuntur, ad vniuersalia ducit, vt didicimus in posterioribus Analyticis, ad eorum vero notitiā, quæ summe vniuersalia sunt, & prima, qualia sunt hæc, quæ proponuntur querenda, nulla sit alia via, quam hæc ipsa nobis familiaris, nempe ab ijs, quæ sensum aliquo modo pellant, nos hic opportune monet eius doctrina, quæ posita est in Analyticis posterioribus, non eadem esse quæ nobis sunt nota, & quæ suapte vi & simpliciter clara sunt & manifesta. illa sunt res ista singulares compositæ, id quod vere sunt intuitus tectum gerentes, quod vocant, quod quid est rei, foris illud offerētes, quod aptum est percipi sensibus. Hæc vniuersalia sunt res simplices ipsa videlicet per se quidditas rei, & natura suapte vi clara relictæ, & abiectæ materia, qua obscurabatur. talia vero sunt præcipue in summo gradu collocata vniuersalia lucidissima, & clarissima his ex aduerso opposita singularibus, quæ sunt infima rerum. vna ergo est hæc, inquit, nobis familiaris via qua prouehamur ab obscurioribus suapte natura, & sensum aptis pulsare ad primas rerum naturalium causas, quæ vi sua & natura sunt clarissimæ, sed nobis obscurissimæ utpote quæ sint a sensibus longe semotæ. pergit deinde sub hac progressum hunc ostendere a nobis notioribus, quem ipse putat institutuendum in hac disputatione proposita de principijs, siue quorum præcognitione non potest tradi sciētia de natura. Et quoniam uerba quædam magnas creant turbas aliunde petētibz eorum interpretationem non ex his, vt oportebat, quæ hic dicuntur, nō erit ab re singula separatim expendere.

Sunt autem manifesta nobis primo & aperta, quæ minus definite & distincte dicuntur. sic interpretamur τὰ συνηχημένα μάλιστα, nam quid sibi velint, quæ hic vo-

sine

cat Aristoteles confusa magis, non aliunde quam a contrario verbo διαίρειν, idest distinguere petendum est, & ab his, quæ cum eo verbo coniuncta sunt. cum dicit διαγοῦσι τὰ ταῦτα, idest diuidentibus & distinguentibus hæc scilicet principia & elementa. quid est ergo distinguere principia & elementa videlicet confusa, hoc enim supplendum est, non profecto aliud est, quam distinguere orationem confuse & minime definite, & partite prolata de causis, & elementis rerum naturalium, de quibus est instituenda disputatio? significat autem orationē illam, de qua dicitur infra, a qua incipit Aristoteles hanc disputationem. hæc verba & hæc sententia non bene intellecta pugnas conciuuit inexplicabiles super verbis καθόλου, & καθέναστα. sequitur enim ἀπὸ ἐν τῷ καθόλου, quod nos interpretamur, quapropter ab vniuerse comprehensis. non est enim hic καθόλου species, & genus abstractum per cogitationem a materia, ut homo, & animal, sed est λόγος καθόλου, idest oratio & sententia vniuerse dicta, pendet enim a superiori sententia. & sicut τὰ συγκεχυμένα, erant τὰ συγκεχυμένως λεγόμενα, idest verba & sententiæ confuse, nec distincte, & definite prolata, ita hic τὰ καθόλου accipiuntur pro dicta vniuerse & non definite: & quod ibi est διαίρειν, idest distincte & distribute dicere, quod confuse dictum erat, hic idem significat verbum τὰ καθέναστα, scilicet λεγόμενα, idest definite prolata & dicta. quæ enim singula sunt, distincta sunt. sic fiet de principijs: suis singula nominibus, & propria singulorum distincta natura nota fient. sic igitur hæc verba accipienda sunt hoc loco, cum sit sermo de modo disputandi ad inueniendam, & cognoscendam principia rerum naturalium. confirmat hanc interpretationem id, quod sequitur.

Nam quod totum est ratio cur sententia vniuerse  
multa

multa comprehendens sit notior nobis, quam illa singula, ad quæ posita distinguendo sit progressus. est enim totum sensui notius, quam partes, quibus constat. hoc autem καθόλου, de quo nunc est sermo, est totum quid, cum multa, tanquam partes id quod vniuersæ & indistincte dicitur, comprehendat. duobus postremo exemplis cur nobis talis cognitio confusa, & vniuersæ comprehensa sit notior, declarat. nam nomen definiendum comparatum cum ipsius definitione continet in se confusæ, & indistincte ea, quæ euoluta & distincta explicat definitio. nomen autem definiendum puta, Circuli, quoadtenus etiam imperitis notum est nempe cognitione quadam confusa, cuius distincta cognitio per definitionem viri tantum docti est, & scientis. alterum exemplum est puerorum infantium; quod ipsum etiam mirifice exprimit, & confirmat superiorem interpretationem. & verba illa, quod nomen definiendum sit quoddam totum, quod significet indistincte & confusæ, διαίρειν εἰς τὰ καθέκαστα, idest singillatim per partes distribute enuntiare, quod facit definitio, & τὸ διαίρειν, idest distinguere in exemplo infantium postquam ætatis progressionem sunt adiuti, omnia superioribus pulchre respondent, & ostendunt vim verbi καθόλου quo diximus significari orationem vniuersæ dictam & confusæ, & τὰ συνηχούμενα quo verbo idem significatur, & his opposita, τὸ διαίρειν, & τὰ καθέκαστα, quasi dicas certa, & distincta. nec est necesse longius petere significationes in Vniuersali, & Singulari. nam seipsum Aristoteles satis, & verbis, & exemplis interpretatur: & sequens ingressus disputationis perspicuam facit hanc progressionem a cognitione confusa, quæ disputando perducetur ad distinctam. sic enim orditur.



Necesse porro est, aut unum esse principium aut plura: si unum, vel immobile, ut asserunt Parmenides, & Melissus: vel quod mouetur, quemadmodum Physici, Aerem alij, Aquam alij primum statuentes principium: si plura, vel finita, vel infinita: quod si finita, sed plura uno, vel duo, vel tria, vel quatuor, vel alio quopiam numero: si vero infinita, vel quomodo Democritus uno genere comprehensa, sed figura differentia uel specie, aut etiam contraria.

Hæc est oratio primam de principijs notitiam uniuersæ, confusæ & minime distinctæ & definite obijciens: quod uniuersæ dictum & confuse disputando excutietur: ut ab hoc sic uniuersæ proposito ad certam definitam, & distinctam cognitionem eius, quod propositum est, perducamur. Sed redeamus ad id, quod suscepimus demonstrandum in hoc proœmio. Ostendimus res esse separatas docere de natura, & disputare de principijs naturæ, sine quorum notitia antecedente tradi scientia de natura non potest. dictum est diuersa uia utrumq; tractari. in altero quaritur causa quamobrem res sit, quod in disputatione de principijs ne quari quidem potest. itaque in hac disputatione monuit progrediendum esse a notioribus nobis: cui disputationi quæ docentur in Topicis, argumentorum genus omne suppeditant. itaq; in primo libro, & ultimo de cælo vocat hos libros primos quatuor de principijs πρώτους λόγους, id est primas disputationes similes illis disputationibus, de quibus dictum est antea in loco, quem adduximus ex primo Ethicorum.

His ita se habentibus consideremus admirabilem Aristotelis prudentiam in re tanta suscepta secundum leges Methodi distribuenda. Nomen Natura, quàm late pateat multiplex rerum genus, quas hæc uniuersitas complexa est, uirum sapientem monere potest. has res tam diuersas cum animo scienter comprehendisset Aristoteles,

seles, & eorum primas causas, & principia cōmunia, quæ omnia Natura nomine continentur. (non enim solū hæc omnia corpora sensibilia, sed illa quoque ex quibus sunt & per quæ sunt & ad quæ referuntur ad Naturam pertinent) traditurus scientiam de Natura, quod pertinet ad principia communia & primas causas, cū esset res intricatissima propter tot dissentientes philosophorum opiniones, uidit necessarium esse eam disputationē separatim tractari: quod uero pertinet ad compositam naturam, quæ est subiectum scientiæ tradendæ, quam intelligit, cum dicit Methodum & scientiam de Natura, cuius causa suscepit disputationem de principiis, cū ea natura composita complectatur corpora celestia, elementa, animalia, plantas, mixta perfecta & imperfecta, & tam multa & uaria, quæ ipsis accidunt: hoc genus uniuersum naturæ nomine nuncupatum in tam multas partes distribuendum iudicauit, quam multas requireret lex Methodi: quæ sic unum spectat, ut arta propinquitate esse inter se constricta uelit, quæ de uno genere docet. Constitutis igitur & definitis longa disputatione librorum octo, quæ communiter & uniuerse ante scientiam tradendam de Natura præcognoscenda erant, sicut præfatus erat eorum primo notitiam haberi oportere, quot essent, quæ essent, & quid essent. (primus enim hic labor, ut testatus est in secundo libro, fuit τοῦ εἰδέναι τὸ γένος τὰ φύσιν, idest propter scientiam tradendam de Natura (nam uerbum εἰδέναι est ferè de scientia parta per demonstrationem) sic exorditur scientiam ipsam de Natura in præmio de cælo.

Scientia de Natura ferè plurimum uidetur esse de corporibus, & magnitudinibus ac eorum affectionibus & motionibus, & præterea de omnibus illis, quæ sunt eiusmodi corporata substantiæ principia. nam ex his, quæ natura constant, alia sunt corpora, & magnitudi-  
nes,

nes, alia corpore prædita sunt & magnitudine, alia corpus habentium sunt principia.

Hoc principio, sicut solet, statim scientia proposita subiectum indicat. his enim verbis comprehendit omnia, quæ habet sibi subiecta scientia de Natura. quæ verba quasi interpretas in principio libri tertij expressius enumerat, Cælum primum, Astra, Elementa & quæ ex elementis, Animalia, Plantas, & eorum partes, & affectiones, motiones & opera, & mutationes singulorum, & alia omnia, quæ sunt & fiunt in hac Vniuersitate. Hac igitur propositione subiecti totius scientiæ naturalis, de quo quærenda sunt & demonstranda propria accidentia & τὰ πάθη, significare uoluit hinc sumere initium scientiæ de natura post factam notitiam illam communium principiorum præcognoscendorum. Verum ut secundum leges Methodi tradantur omnia, seligit postea ex hoc amplissimo subiecto partem primam huius scientiæ tradendam corporum quinque simplicium huius Vniuersitatis: quorum Cælum est omnium nobilissimum; quatuor reliqua sunt principia multarum substantiarum physicarum. huius priuati subiecti doctrina quatuor libris traditur. a qua ceu quodam Coryphæo deinceps mirabili ordine consequuntur alia similiter delecta iudicio subiecta: quorum separatim scientiam exponit. sic ab altera nobili tractatione de Anima, quæ est principium omnium uiuentium ueluti altero coryphæo consequitur ordine aliorum subiectorum priuata doctrina. quibus omnibus partibus vniuersam doctrinam scientiæ proposita de Natura perfici atque absoluï existimauit. Hanc legem docendi methodicam non solum constanter in omnibus, sed mira in singulis, & ubique seruat diligentia. itaque præter notitiam communium principiorum vniuersa Doctrina de natura præpositam, in singulis priuatis subiectis sua cuique subiecto

*subiecto priuata principia praeognoscenda tradenda*  
*Doctrina generis propositi praeponit, ceu facit in primo*  
*de caelo, cum definit primo quid continuum, quid cor-*  
*pus, quoduplex sit magnitudo, & continuum: cum qui-*  
*bus ponuntur etiam quaedam hypotheses pertinentes ad*  
*demonstrandam perfectionem Vniuersi, & ad disputan-*  
*dum contra veterum philosophorum opiniones. ponit*  
*enim corpus solum ex magnitudinibus esse perfectum:*  
*quod est trifariam diuisibile, in omnem partem esse di-*  
*uisibile: magnitudines diuisibiles easdem esse etiam con-*  
*tinuas: ei quod perfectum est nihil deesse posse. id facit*  
*quoniam alia est, quae aliquorum vniuerse fit considera-*  
*tio ad multa pertinentium, alia eorundem ad vnum ali-*  
*quod genus subiectum pertinentium: vt cum de tempo-*  
*re, de finito, de infinito vniuerse tractat in primis dispu-*  
*tationibus, & cum ad priuata subiecta eadem conside-*  
*randa traducuntur: veluti ad corpus caeli uel aliud cor-*  
*pus mobile. itaque ex communibus sunt postea priuata*  
*principia huius aut illius subiecti. vtriusque considera-*  
*tionis meminit in illis primis disputationibus in princi-*  
*pio libri tertij, cum dicit illam communem considerationē*  
*anteponendam esse priuata tractationi, quae postea fiet.*  
*his. n. verbis utitur, ὁτιςα γὰρ ἡ περὶ τῶν ἰδιῶν θεωρία*  
*τῆς περὶ τῶν κοινῶν ἐστὶ, id est nā quae de priuatis & consi- 45*  
*deratio posterior est illa, quae de communibus. quibus ver-*  
*bis significare voluit illam communium considerationē*  
*in libris illis expositam future doctrinae causa fuisse, quae*  
*in priuatis subiectis demonstranda erat ad absoluen-*  
*dā scientiam de Natura. sed & illam tractationem*  
*principiorum prepositam vniuersa Doctrina de Natu-*  
*ra pulcherrimo distribuit ordine. nam quatuor pri-*  
*mi libri, quos in octauo libro bis nominat semel hoc*  
*modo Ἀγῶμισθα δὲ πρῶτον ἐκ τῶν διαπιστῆντων ἡμῖν ἐν*  
*ταῖς προηγουμέναις ὑπόθεσιν, id est ordiemur autem ab his,*  
*quae*

quæ definita nobis sunt in *Physicis* prius : iterum his verbis ταῦτα γὰρ ἀεὶ λέγεται πρότερον ἢ τοῖς ἀποδείξεσσι, idest hoc enim ostensum est prius in his, quæ vniuerse de natura : quatuor inquam primi libri continent ipsa principia communia rerum naturalium : inter quæ principia cum primum locum teneat natura propterea nominat, quæ tractantur in illis quatuor libris ταῦτα φυσικά, idest naturalia, vel quæ vniuerse de natura quasi dicas principia communia rerum naturalium. hæc ergo conuenienti ordine sic collocat. primo loco statuit materiam, formam, priuationem. nam compositum naturale est tum ex forma, quæ sit, tum ex materia idest subiecto, quod conformatur, & informitate ipsius subiecti, quæ abscedit & vocatur priuatio. ita essentialia principia componentia sunt duo, materia & forma; priuatio accidens est vnum numero cum subiecto. his inuentis, & definitis, Naturam definit, quæ cum proprie significet compositum, recte collocatur post illa, ex quibus compositum corpus constat. Sed cum ad rerum generationem naturalium non solum materia, & forma cōcurrant, uerum etiam causa efficiens, & causa propter quam res fiunt, commodè cum natura tractantur quatuor genera causarum, & cum ipsis fortuna, & casus, quæ sunt in genere causæ efficientis. Cum vero Natura sit principium entibus insitum motionis, & quietis, propter hanc definitionem postea sequitur, vt declarat quid sit motus, propter quem simul exponitur natura continui & infiniti, & præterea tractat de loco & mani & tempore. motus enim sit in loco & tempore. ex his quisque facile intelligere potest, primum, tractaturò scientiā de Natura, quam fuerit ei necesse ex lege Methodi ante omnia definire, quid sit Natura subiectum ipsius scientiæ, & cum natura hæc omnia quæ numerata sunt : deinde quam congruenti ordine in his quatuor libris hæc omnia

nia

nia disputentur. incipit enim a simplicibus ex quibus constat subiectum scientia, definit in illa, quae subiectum necessario consequuntur. enumeratis, & expositis ordine principijs, sine quibus Metho<sup>us</sup> de Natura explicari non poterat, libris quatuor reliquis persequitur, quae de Motu vniuerse erant cognitu necessaria, ante scientiam eandem tractandam. nam dissutatio de motu, & latissime patet, & est omnium maxime physica. Cum igitur omnis mutatio fiat ex oppositis, vel contrariis, vel contrarietibus, & generatio substantiae fiat ex non ente, in quo nullus potest esse motus, docet generationem & corruptionem ad motum non proprie pertinere. itaque species motus esse, in quibus mutatio fit in contrarium nempe in loco, in Quantitate, & Qualitate: & de his omnibus mutationum generibus disputat. tum multa de natura motus, quod sit diuisibilis: indivisibile enim non moueri: itaque & fieri in tempore, cum tempus sit diuisibile, & cum omnis mutatio respiciat finem & terminum ad quem sintque certi mutationum omnium termini nullam mutationem esse infinitam. Et quoniam quae mouentur, habent a quo moueantur, vel intus vel foris, quod mouet ut causa efficiens esse coniunctum cum re mota: quod vero mouet, ut finis, non esse coniunctum cum re mota: Et cum motus non sit sine mobili precedente, mouensque & mobile sint ad aliquid, & enim in alia moueantur semper, alia modo moueantur modo quiescant, alia sint immobilia perducit dissertationem ad primum mobile, ex cuius motu perpetuo & nunquam intermisso vnicum esse oporteat mouens supra omnia, immobile, incorporeū, immutabile, æternum. nec fuit inconueniens cum disputetur de primis causis rerum naturalium, dissertationem perducere usque ad causam causarum omnium, quae est supra naturam. attingit enim etiam Diuina philosophus naturalis quatenus habeat coniunctionem

nem

nem cum natura. sic quæ in his quatuor libris ultimis tractantur vniuerse de metu, sunt veluti hypotheses quædam, ex quibus multa, quæ tractantur priuatim in scientia de Natura, demonstrari possint. Quam breuissime fieri potuit ostendimus Aristotelem eundem seruasse modum etiam in Methodo de Natura. Hæc est igitur, vt nos putamus, ratio recte docendi vbiq; una apud Aristotelem, quã nõ videntur animaduertisse, qui alias methodos commenti sunt siue plures, siue pauciores, & qui de via & ordine doctrinæ tam acriter inter se litigant, vt adhuc contentionum sub iudice lis sit. quæ distinctiones tantum abest, vt quippiam lucis afferant ad intelligendam philosophi sententiam, vt magnæ etiam dubitationum tenebris mentem discipulorum inuoluant. Itaque & nemo fortasse tam accurate quam Aristoteles scribendo docuit: cum nemo illud vnum & simplex, quod oratio recte docentis postulat, vt tractatio sit vna vinculo & nexu, cognouisse videatur: quod Aristoteles etiam in Epico poemate esse oportere ex Homero viro sapientissimo demonstrauit. Verum nostram illud quoque sententiam de vnicâ methodo, & ratione recte docendi uehementer cõfirmat, quod est in Ethicis, in actionibus humanis peccari quidem multipliciter, recte vero agendi rationem vnâ esse: ergo & de quacunque re docendi recte atque scribendi: cum ea præsertim methodo, quam descripsimus ex libris Aristotelis methodice scriptis, nihil accuratius, nihil perfectius fieri, aut etiam fingi possit.

























